

Bigganey Musolmander Dan

1st Volume

[Mathematics – till Tenth Century]

M Akbar Ali

M.S-C

2nd Edition, 1952

প্রিয় পাঠকগণকে জানানো হচ্ছে যে, এই বইটির প্রাপ্তির সময় এটি অত্যন্ত জরাজীর্ণ ও ছেড়া অবস্থায় ছিল, বইয়ের পৃষ্ঠাগুলো অনেক পুরাতন হওয়ায় লালবর্ণ হয়েছে এবং ভঙ্গুর হয়ে গেছে। অত্যন্ত সাবধানতার সাথে স্ক্যান করতে হয়েছে, যার দরুন আউটপুট হয়তবা আশানুরূপ হয়নি, এবং কিছু স্থানে লেখা বাদ গিয়েছে পৃষ্ঠা ছিড়ে যাবার কারনে। ১৯৫২ সালের প্রকাশিত এই দুর্লভ বইটির অন্যান্য খন্ডগুলি পাওয়া যায়নি, এবং সেই সম্ভাবনাও খুবই কম।

পাঠকদের কাছে বিনীত অনুরোধ, বইটির নানা স্থানে সমস্যার দরুন আমাদের ক্ষমাসুন্দর দৃষ্টিতে দেখবেন।

বিনীত:

বাংলাইন্টারনেট.কম টিম



১ খলিফা খালেদ	৩	৪৪ আল্ফারাবী	১২৫
২ খালেদ ইবনে আহমদ	৫	৪৫ আল্নাইরেজী	১২৮
৩ আবু ইসহাক আল ফাজারী	২১	৪৬ আবুল ওয়ালিদ	১৩০
৪ ২য় ফাজারী	২৩	৪৭ আলখাজিন	১৩৯
৫ ইয়াকুব ইবনে তারিক	২৩	৪৮ ইউসুফ আলখুরী	১৪১
৬ আবু ইয়্যাহইয়্যা আল বাতরিক	২৪	৪৯ হামিদ ইবনে আলী	১৪১
৭ খলিফা আল মনসুর	২৫	৫০ আলখাসিব	১৪১
৮ আল নওবখত	২৫	৫১ ইব্নোল আদামি	১৪২
৯ মাশাআল্লাহ	২৫	৫২ ইবনে আমাছুর	১৪২
১০ হারুন- অর-রশিদ	৩০	৫৩ আবু ওছমান	১৪৩
১১ ইউক্লিড	৩২	৫৪ আবু জাইদ	১৪৩
১২ জাবির ইবনে হাইয়ান	৩৩	৫৫ আল্ ইমরানী	১৪৪
১৩ খলিফা আল মামুন	৩৩	৫৬ নাজিফ ইবনে ইয়ামন	১৪৪
১৪ আবু আলি ইয়্যাহিয়া	৩৮	৫৭ আবুল ফতেহ	১৪৪
১৫ হারুন ইবনে আলী	৩৮	৫৮ আবদুর রহমান সুফী	১৪৪
১৬ আল তাবারী	৩৯	৫৯ আবুল কাসেম	১৪৫
১৭ আবুবকর	৩৯	৬০ আস্ সাগানি	১৪৫
১৮ আল নাহ্ ওয়ানদী	৩৯	৬১ আল্ কোয়্যাবিসি	১৪৬
১৯ আল মারওয়ানরোজী	৪০	৬২ আল কুহি	১৪৭
২০ আল আসতারলবী	৪০	৬৩ আস্ সিজ্জি	১৪৮
২১ আবুল খাইয়্যাত	৪০	৬৪ খলিফা আজদুদৌলা	১৪৮
২২ আসফ্ গানাস	৪১	৬৫ আবুল ফজর জাফর	১৫১
২৩ আলখারেজমি	৪৩	৬৬ শরফ উদৌলা	১৫১
২৪ আল্কিন্দি	৭০	৬৭ আলহামদানি	১৫১
২৫ আলমাহানী	৭৩	৬৮ এখওয়ানুস সাফা	১৫৩
২৬ বনী মুসা ভ্রাতৃদ্বয়	৭৬	৬৯ আলখারেজমি	১৫৮
২৭ ছাবেত ইবনে কোরা	৮৬	৭০ আবুল ফারাজ আন্নাজিম	১৬১
২৮ আবুল মাশার	৯৫	৭১ মোতাহ্হর ইবনে তাহির	১৬৮
২৯ আলমারওয়াজী	৯৮	৭২ ওয় আব্দুর রহমান	১৬৯
৩০ আল দীনওয়াজী	১০১	৭৩ ২য় হাকাম	১৭০
৩১ সনদ ইবনে আলী	১০২	৭৪ সাহিবুল্ কুবল	১৭২
৩২ আলহাজ্জাজ	১০৩	৭৫ সালহাব ইবনে আবদুস্ সালাম	১৭৩
৩৩ আল্ আববাছ	১০৩	৭৬ আলমাজরিতি	১৭৩
৩৪ আল্ জুরজানি	১০৩	৭৭ আবু কামিল	১৭৫
৩৫ হোনাফেন ইবনে ইসহাক	১০৪	<div style="border: 1px solid black; padding: 10px; display: inline-block;"> <p>Click to go Directly</p> </div>	
৩৬ ইসহাক ইবনে হোনাফেন	১০৬		
৩৭ আল আরজানি	১০৭		
৩৮ আল্ হিমসি	১০৭		
৩৯ আল্ ফজল	১০৮		
৪০ আহমদ ইবনে ইউসুফ	১০৯		
৪১ আল্ বাত্তানী	১১২		
৪২ আবুরাজী	১২০		
৪৩ ইব্রাহিম ইবনে সিনান	১২৩		

আমাদের জীবন-পথের পথ-প্রদর্শক,
অপার পাণ্ডিত্যের আধার
আদর্শ জ্যেষ্ঠ ভ্রাতা
জনাব মৌলবী মোহাম্মদ আবিদ আলী, এম.এ., বি.টি.
সাহেবের করকমলে অর্পণ করে
ধন্য হলাম।

স্নেহপূর্ণ
এম. আকবর আলী

ভূমিকা

ইসলামের অভ্যুদয়ের অতি অল্পকাল মধ্যেই মুসলিমগণ জ্যোতির্বিজ্ঞান প্রয়োজন উপলব্ধি করেন। মুসলিম সাম্রাজ্য বহুদূর পর্য্যন্ত বিস্তৃতি লাভ করায় বিভিন্ন প্রদেশে নামায সম্পাদনের উদ্দেশ্যে দিগ্‌নির্নয় দ্বারা তথা হইতে কাবার অবস্থান সঠিকভাবে নির্নয় করার প্রয়োজন হয়। দিবাভাগের বিভিন্ন অংশে নামায পড়িতে হয় ও বৎসরের বিশিষ্ট দিনে রোযা রাখিতে হয় বলিয়া চন্দ্র সূর্য্যের গতিবিধি লক্ষ্য করার প্রয়োজন ছিল। এই জন্মই তখন জ্যোতির্বিজ্ঞান উৎকর্ষ সাধিত হয় ও আনুষ্ণিক বিভিন্ন বৈজ্ঞানিক চর্চাও আরম্ভ হইয়া যায়। ফলে ৭৫৪ খৃষ্টাব্দ হইতে খৃষ্টীয় ষোড়শ শতাব্দী পর্য্যন্ত এই দীর্ঘ নয় শতাব্দী ধরিয়া বৈজ্ঞানিক জ্ঞানধারা মুসলিম মনীষীদের মধ্যে প্রবাহিত হয়। তদানীন্তন পরিচিত জগতে, বাগদাদ হইতে আরম্ভ করিয়া, মিসরের মধ্য দিয়া মরোক্কো, তলেডো, সেন্সিল ও কর্ডোভা পর্য্যন্ত এই বিস্তীর্ণ ভূভাগে মুসলিম সুধীবৃন্দ কর্তৃক বিশ্ববিদ্যালয় স্থাপিত হয় ও তথায় তাঁহারা নানা বিষয়ের চর্চা করিতে থাকেন।

ঐ যুগের মুসলিম বৈজ্ঞানিকদিগের অপূর্ব কীর্তির কথা জগৎ সমাজে তেমন ব্যাপক ভাবে পরিচিত হয় নাই। ইহা সত্য যে বর্তমান সভ্যজগৎ তাহার বৈজ্ঞানিক পরিভাষা দ্বারা আরবের সহিত বিজ্ঞানের যোগসূত্রের কথা নানাভাবে স্বীকার করিতে বাধ্য হইয়াছে। ইউরোপীয় সুধীবর্গের গবেষণার ফলে বহু বৈজ্ঞানিক গ্রন্থের মূল আরবী সংস্করণ হইতে নূতন মুদ্রন প্রকাশিত হওয়ায় আরব সভ্যতার নিকট বর্তমান সভ্যতার ঋণের কথা স্বীকৃত হইয়াছে। এই সকল প্রচেষ্টার পরিচয় কথা সুদূর ইউরোপ হইতে আজিও সম্যকরূপে ভারতে আসিয়া পড়ে নাই। ভারতের বিভিন্ন ভাষায় এই সকল ঐতিহাসিক তথ্যের আলোচনার প্রয়োজন অধিক হইলেও এখনও তাহা হয় নাই। বাংলা দেশের মুসলিম সমাজের মধ্যে তাঁহাদিগের পূর্বপুরুষদিগের কীর্তির কথা জানিবার আগ্রহ বর্তমানে অত্যন্ত অধিক। কিন্তু গ্রন্থের বিষয় বাংলা ভাষায় এই পুরাতন কাহিনী তেমন বিশদভাবে আলোচিত হয় নাই। যা' ছ' একখানা ছোটখাট পুস্তক পাওয়া যাইত তাহাও

বর্তমানে ছুপ্রাপ্য। অধিকন্তু মুসলিম বৈজ্ঞানিকদিগের বিরাট কীর্তির কথা ঐ সকল পুস্তকে অত্যন্ত সংক্ষেপে আলোচিত হইয়াছে। যাহারা এই কার্যে পূর্বে হস্তক্ষেপ করিয়াছিলেন তাহারা বৈজ্ঞানিক মতামতের সমালোচনা করিতে পারেন নাই কারণ হয়তো তাঁহাদিগের নিজেদেরই বৈজ্ঞানিক চিন্তাধারার অভাব ছিল। এই জ্ঞান প্রকৃত বিজ্ঞানের ছাত্র দ্বারা এই বিষয়ের আলোচনার প্রয়োজন ছিল। বহুবার বহুস্থানে এই বিষয়ে আলোচনা করিবার অনুরোধ আমাকে করা হইয়াছে; কিন্তু দুঃখের বিষয় যে আজ পর্য্যন্ত এ সম্বন্ধে বিশদ আলোচনা করিবার অবসর আমি পাই নাই। বিজ্ঞান ক্ষেত্রে মুসলিমের অবদান অতি মহান; সংক্ষেপে ইহার আলোচনা করিতে গেলে সেই সকল মনীষীর কীর্তির প্রতি অবহেলা প্রদর্শন করা হইবে। এই জন্মই ঐরূপ সংক্ষিপ্ত আলোচনা করিবার অভিপ্রায় কোনও দিনই আমার মধ্যে উদ্ভিত হয় নাই। আমার স্নেহাস্পদ পূর্বতন ছাত্র শ্রীমান আকবর আলী এই কার্য সম্পাদন করিবার ভার লইয়া আমাকে যেমন একটি গুরু দায়িত্ব হইতে রক্ষা করিয়াছেন, তেমনি সমাজের একটি অতি গুরুতর অভাব পূর্ণ করিয়াছেন। তাঁহার সহিত আলোচনা করিয়া বুদ্ধিতে পারিয়াছি যে তিনি মুসলিম যুগকে কয়েকটি ভাগে বিভক্ত করিয়া তদানীন্তন গাণিতিক ও জ্যোতিবিদ এবং রাসায়নিক ও পদার্থবিৎদিগের কীর্তির কথা ধারাবাহিক ভাবে আলোচনা করিতে চান। কার্যটি অত্যন্ত পরিশ্রম সাপেক্ষ; তাঁহার পরিশ্রম সফল হউক ইহাই কামনা করি।

অতীতের গৌরবগাথার আলোচনা দ্বারা বর্তমান মৃতপ্রায় মুসলিম সমাজের মধ্যে নূতন জীবনের অনুভূতি জাগুক ইহা সাতিশয় বাঞ্ছনীয়। এই জ্ঞানালোচনার প্রেরণা তাঁহাদিগের শিক্ষা গুরু, ইসলামের প্রথম প্রচারকের এই সুপ্রসিদ্ধ বাণী হইতে লাভ করেন “জ্ঞান আহরণ কর, জ্ঞানের আহরণ ক্রিয়া পুণ্য কীর্তির অনুর্তান স্বরূপ। যে জ্ঞানের আলোচনা করে সে আল্লাহের প্রশংসা করে; জ্ঞানের সন্ধানকারী, আল্লাহের পূজারী। জ্ঞানের শিক্ষক, দানের পুণ্য অর্জন করেন এবং যিনি উহা উপযুক্ত পাত্র গ্রহণ করেন তিনি এবাদতের পুণ্যের অধিকারী। জ্ঞানের অধিকারী পাপ ও পুণ্যের বিচারে সমর্থ, ফলে জ্ঞানই স্বর্গের পথ প্রদর্শন করে। মরুমারে ইহাই আমাদের সমাজ, বন্ধুহীন জগতে ইহাই আমাদের সঙ্গী, বিপদে ইহাই আমাদের রক্ষক, বন্ধু সমাজে ইহাই আভরণ স্বরূপ।

জ্ঞান সহযোগে আল্লার সেবক হাযের উচ্চ আসনে সমাসীন হইয়, ইহজগতে ইহাই তাঁহাকে রাজার সহযোগী করে এবং পরকালে পরমানন্দের অধিকার দেয়। (স্পিরিট অফ ইসলাম, সৈয়দ আমীর আলী) বিজ্ঞান এই জ্ঞানের বিশেষরূপ, অতএব বৈজ্ঞানিক আল্লার শ্রেষ্ঠ পূজার অধিকারী।

এই বিজ্ঞানের চর্চা করিতে গিয়া গণিত, জ্যোতিষ, পদার্থ বিদ্যা ও রসায়ন বিষয়ে মুসলিমগণ গভীর জ্ঞান লাভ করেন। তাঁহাদের কেহ কেহ হয়তো এমন শিল্প কুশলতা অর্জন করিয়াছিলেন যে বর্তমানের পরমাণু বিচূর্ণন ক্রিয়ার সমতুল্য কোনও শক্তি প্রয়োগে হয়তো সংশ্লেষাত্মক সুবর্ণও প্রস্তুত করিয়া থাকিবেন কিন্তু তাহার বিশদ বিবরণ আমরা পাই না, যাহা পাওয়া যায় তাহাতে মনে হয় তাঁহারা সঙ্কর ধাতুই প্রস্তুত করিয়াছিলেন। কিন্তু তাহা হইলেও এই প্রচেষ্টায় আনুশঙ্গিক বহু রাসায়নিক কীর্তির কথা জানিতে পারিয়াছি এবং তাহা হইতে মনে হয় সে যুগে সীমাবদ্ধ জ্ঞান ও ততোধিক সীমাবদ্ধ শিল্প কুশলতার সহযোগিতায় তাঁহারা ব্যবহারিক রসায়ন ক্ষেত্রে যে কীর্তি সম্পাদন করিয়াছিলেন, যদি পর পর যুদ্ধ বিপর্যয়ে রাজনৈতিক শক্তির ক্ষয় না হইত এবং তাঁহারা সেই কীর্তির অহুমসরণ করিবার সুযোগ পাইতেন, তাহা হইলে বিশ্ব সভ্যতার ইতিহাস অচ্যুতরূপে লিপিবদ্ধ হইত। বর্তমান যুগের মুসলিমদিগের সত্যই ইহা দুর্ভাগ্য যে, যেদিন তাঁহারা পূর্বপুরুষদিগের অপূর্ব যশোগৌরবের সন্ধান পাইলেন সেদিনও কেহ এই পথে চলিবার আশ্রয় দেখাইলেন না। ততদিনে একদল মুসলিম জ্ঞানী, ধর্মসাধকের নিরীক্ববাদ পথে তহু মন প্রাণ সংযোগ করিয়া পার্থিব কীমিয়ার পরিবর্তে কীমিয়া-এ-সায়াদাত বা পারলৌকিক কীমিয়ার সন্ধানে ব্যাপৃত হওয়ায়, ক্রমে দৈম্য ও জারিজ্যা আসিয়া মুসলিমের গৌরবন্নত পদকে ক্ষুণ্ণ করিয়া দিয়াছে। আমার মনে হয় আল্লাহ মুসলিমকে কেবল পারলৌকিক সম্পদেরই অধিকার দেন নাই, পরন্তু তিনি তাহাকে পার্থিব সম্পদেরও পূর্ণমাত্রায় অধিকার দিয়াছেন। কিন্তু ভুল করিয়া তাহারা প্রাচ্যের কৃষ্টির সহিত সমতা রাখিয়াই এই সংসারের নিত্য নৈমিত্তিক ব্যাপারকে অনিত্য বলিয়া সুদূর ভবিষ্যতের পারলৌকিক সম্পদের জন্ম উন্মূখ হইয়া বর্তমানকে তাগ করিয়াছিলেন। পার্থিব সম্পদ পারলৌকিক সম্পদের সোপান স্বরূপ। হয়তো গভীর ধর্মভাবাপন্ন গোড়া সম্প্রদায় আমার এই কথা স্বীকার করিতে চাহিবেন না, তথাপি ইহা সত্য।

কিন্তু ইউরোপীয় ক্রুসেডের ফলে নিদারুণভাবে শক্তি ক্ষয় হওয়ায় ক্রমে পার্শ্বিক ব্যাপারের উপেক্ষা দ্বারা সুফীবাদের প্রাধান্য প্রবল হইয়া উঠিল, এবং অদৃষ্টবাদই মুসলিমের শক্তিময় বাহুকে শিথিল করিয়া আনিল। পুরুষকার বলিতে যাহা বুঝায়, আরবের বীর সন্তানেরা তাহা ক্রমে ক্রমে ভুলিতে লাগিলেন। এই বিশ্বস্তির ফলে মুসলিমের কর্মময় জীবন ধারা নিষ্ক্রিয় হইয়া হইয়া পড়ে ও বৈজ্ঞানিক শিক্ষার অভাবে তাঁহাদিগের আদর্শ, পবিত্র কোরাণের শিক্ষাও সঠিক পথে অগ্রসর হইতে পারে নাই। বহু স্থানে কোরাণের সহিত বিজ্ঞানের বাহ্যিক বিরোধ দেখাইয়া অবশেষে তাঁহারা সমগ্র বিজ্ঞানকেই ধর্মবিরোধী বলিতে কুণ্ঠিত হন নাই, অধিকন্তু কেহ কেহ বা বিজ্ঞানীদের বিধর্মী আখ্যাও দিয়াছেন। অথচ আমার বার বার এই কথা মনে হইয়াছে যে বিজ্ঞানের সাহায্যে পবিত্র কোরাণের ব্যাখ্যা করা সম্ভবপর হইলে, নানা বিষয় যাহা আপাত দৃষ্টিতে বিজ্ঞান বিরোধী বলিয়া মনে হয় তাহাও প্রকৃত বিজ্ঞান সম্মত বলিয়াই প্রতিপন্ন হইবে। সে যাহাই হউক এবস্থিধ কতকগুলি ভ্রান্ত ধারণার বশবর্তী হইয়া মুসলিম ধর্মপ্রচারকদের অনেকেই ক্রমাগত বিজ্ঞান শিক্ষার প্রতি বিরুদ্ধ মনোভাব জাগাইয়া মুসলিম সমাজের উন্নতির পথে পর্বত প্রমাণ বাধার সৃষ্টি করিয়াছেন। ইহারই ফল স্বরূপ ক্রমে ক্রমে আমরা বিজ্ঞান আলোচনা ভুলিয়া গিয়াছি। আমাদের পরম শ্রদ্ধেয় শিক্ষা গুরু যে জ্ঞান আহরণের প্রেরণা প্রদান করিয়া গিয়াছেন তাহা হইতে বিচ্যুত হইয়া আমরা মঙ্গলের অধিকারী হইতে পারিব না।

আজ সেই লুপ্ত গরিমার আলোচনার ফলে এই মুর্খু সমাজের মধ্যে যদি চেতনার সঞ্চার হয় এবং তাহারা নিজ ভ্রান্তি উপলব্ধি করিয়া, বর্তমানের কর্মক্ষেত্রে যদি নিজেকে পুনঃ প্রতিষ্ঠিত করিবার সংকল্প গ্রহণ করিয়া বিজ্ঞানের শিক্ষাত্রুত গ্রহণ করিতে অগ্রসর হয় তবেই এই প্রচেষ্টার সার্থকতা হইবে। আমার পূর্বপুরুষেরা বিরাট কীর্তি সম্পাদন করিয়া গিয়াছেন বলিলেই আমরা সম্মানের অধিকারী হইব না, পরন্তু সেই গৌরব হইতে বিচ্ছিন্ন হইয়া, ক্রমে যে অজ্ঞান তমসার মধ্যে নিমজ্জিত হইয়াছি তাহাতে নিজেকে অধিকতর হীন বলিয়াই প্রচার করিব। অতএব আমি বলিতে চাই “হে মৃতপ্রায় মুসলিম সমাজ, তোমার পূর্ব গৌরবের কথা স্মরণ করিয়া পুনরায় জাগিয়া উঠ। দশ, বিশ করিয়া নহে, শত সহস্র সংখ্যায় বিজ্ঞানের সাধনায় লিপ্ত হও। তোমার পূর্ব গৌরব পুনরায়

ফিরিয়া আসিবে, আবার তুমি উন্নতির শীর্ষতম শিখরে আরুঢ় হইতে পারিবে। ভিক্ষা তোমার উপজীবিকা নহে, অনুগ্রহের দান তোমায় হীন করিয়াছে আরও হীনতর করিবে। যাহারা ভিক্ষাবৃত্তি তোমাকে শিখাইয়াছে তাহারা তোমার নিদারুণ শক্রতা করিয়াছে, আল্লার দরবারে তাহারা নিশ্চয় লাঞ্চিত হইবে। তোমরাই একদিন অন্ধকার ইউরোপে জ্ঞানের আলোক শিখা প্রজ্জ্বলিত করিয়াছিলে; আজ তোমার নিজ বাসভূমিই অজ্ঞান তিমিরে আচ্ছন্ন। জাগ্রত হও, নূতন জ্ঞান শিখা পুনঃ প্রজ্জ্বলিত কর। বিশ্ব মাঝে তোমার প্রকৃত প্রাপ্য স্থানে অধিষ্ঠিত হও।”

আজ সমাজকে অতীতের গৌরব গাথা শোনাইয়া পুণ্য কীর্তির জগু উদ্ভূত করিতে হইবে। এই গ্রন্থের সহায়তায় সেই আশা যদি সফল হয়, তবেই এই গ্রন্থ প্রণয়নের সার্থকতা থাকিবে।

প্রেসিডেন্সী কলেজ,

কলিকাতা

১২-৩-৪৩

}

মুহম্মদ কুদরত-এ-খুদা

কয়েকটি কথা

ইতিহাস শুধু অতীতের বিশ্বৃত কাহিনীকেই স্বরণ করিয়ে দেয় না, ভবিষ্যতের পথকেও সূনিয়ন্ত্রিত করে। অতীতের গৌরবময় কাহিনী নূতন পথে এগিয়ে যাবার জন্তু অনুপ্রাণিত করে তোলে, অতীতের ছুঃখ, ক্রটি, বিচ্যুতি যাত্রা পথকে দেয় সতর্ক করে। শুধু শৌর্য বীর্যের বেলায়ই নয় কৃষ্টির বেলায়ও এই একই কথা খাটে। শৌর্যবীর্য মানুষের আত্মরিক দম্বকে বড় করে তুলতে পারে, সাময়িক প্রাধান্য দিতে পারে কিন্তু মানুষকে মানুষ হিসাবে টিকিয়ে রাখতে পারে না—সেজ্ঞে চাই মনঃশক্তি, স্বাস্থ্যবান কৃষ্টি। কৃষ্টি বলতে যাদের কিছুই নাই তারা আপনা আপনি বিলীন হয়ে যায়—ইতিহাস এ কথার সাক্ষ্য দেবে। কৃষ্টিহীন অমিত বলশালী অসভ্য বিজেতা এসে দেশ জয় করেছে, কিন্তু ধীরে ধীরে সে মিশে গিয়েছে সভ্য বিজিতের সঙ্গে, তার পূর্বকার কোন নাম, চিহ্ন বা গন্ধ পর্যন্ত নাই—ইতিহাসে এমন উদাহরণের অভাব নাই। জাতির যাত্রাপথকে সহজ করে তোলবার জন্তু তাই সব সময়ে সব বিষয়েরই ইতিহাস দরকার। যে জাতির ইতিহাস নাই তারা হতভাগ্য, যাদের আছে অথচ তা জানে না তারা ততোধিক হতভাগ্য। বর্তমানে মুসলিম জাতি এই অতি হতভাগ্যদের দলের অন্তর্ভুক্ত।

আমাদের এই ছুর্ভাগ্যের কথা আমার প্রথম মনে জাগে কলেজে পড়বার সময়। বিজ্ঞানের ছাত্র ছিলাম। দেশবিদেশের নানা বৈজ্ঞানিকদের অমানুষিক সাধনা দেখে বিস্মিত হতুম, তাঁদের প্রতি ভক্তি শ্রদ্ধায় মাথা ঝুইয়ে আসত—অতি শ্রদ্ধার পাত্রদের মধ্যে মুসলমান কেউ আছে কিনা খোঁজ করতুম কিন্তু সর্বদাই নিরাশ হতুম। কোন দিন কোন মুসলিম বৈজ্ঞানিকের নাম পাই নাই কলেজে Text Book-এ, কি প্রফেসরের লেকচারে, কি সেই সময়কার অণু কোন পাঠ্যযোগ্য পুস্তকে। মাননীয় অধ্যাপক, বক্তা ও নেতাদের গগনভেদী চীৎকারে পূর্ব পুরুষদের শৌর্য, বীর্য, সৌন্দর্যবোধের কাহিনী শুনতে পেতুম কিন্তু জ্ঞান বিজ্ঞানে তাঁদের এতটুকু অবদান আছে কিনা, কোন দিনও কার মুখে শুনতে পাই নাই। একটা অব্যক্ত বেদনায় মনটা বিষিয়ে উঠত। মনে প্রশ্ন জাগত সত্যিই

কি কোন দিন কোন মুসলিম মনীষী এদিকে দৃষ্টি দেন নাই; শুধু কাব্য, সঙ্গীত বিলাস ব্যসনেই কি গোটা মুসলিম জাতি কাল হরণ করেছে? এর কোন সত্ত্বের পাই নি কোথাও। যাঁদের কাছে এর সত্ত্বের পাব আশা করেছিলুম সেই মাননীয় অধ্যাপকবৃন্দ আরও নিরাশ করেছেন। তাঁদের অনেকেকে পেয়েছি নিরুত্তর, অনেকের জ্ঞান দেখেছি প্রথম বার্ষিক বিজ্ঞান শ্রেণীর ছাত্রের চেয়ে বেশী নয়; অনেকে আবার একে নিছক অনর্থক বলে উড়িয়ে দিয়েছেন। বোধ হয় সমস্ত মুসলিম ছাত্র ও যুবকের মনেই এমনি প্রশ্ন জাগে এবং এমনি ভাবেই তাঁদের নিরাশ হতে হয়। প্রশ্নের সত্ত্বের দেওয়া যায় কিনা সেই উদ্দেশ্যেই এই প্রচেষ্টা। কতদূর সফল হতে পেরেছি পাঠক পাঠিকারা বিচার করবেন।

কলেজ ছেড়ে রিসার্চ করবার সময় হয়ত পূর্বকার মানসিক অবস্থার জন্মে অতি স্বাভাবিক ভাবেই এদিকে আকৃষ্ট হই এবং তখন থেকেই তথ্যাদি সংগ্রহ করতে আরম্ভ করি। সুদীর্ঘ পাঁচ বৎসর পরিশ্রমের ফলে যে সমস্ত তথ্যাদি সংগ্রহ করতে পেরেছি সেইগুলো অবলম্বন করেই বিজ্ঞানে মুসলিম মনীষীদের অবদানের কথা সমাজ সম্মুখে পেশ করবার আশা পোষণ করছি। সংগৃহীত তথ্যাদি আপাতত কয়েকখণ্ডে প্রকাশ করবার ইচ্ছা আছে। প্রথম খণ্ডে বা বর্তমান গ্রন্থে দশম শতাব্দী পর্যন্ত যে সমস্ত মুসলিম মনীষী অঙ্কশাস্ত্র নিয়ে আলোচনা করেছেন তাঁদের জীবনী ও কার্যাবলীর পরিচয় দেওয়া গেল। দ্বিতীয় খণ্ডে একাদশ শতাব্দী থেকে বর্তমান সময় পর্যন্ত মুসলিম অঙ্কশাস্ত্রবিদদের কথা আলোচিত হবে। তৃতীয় খণ্ডে রসায়নবিদ, চতুর্থ খণ্ডে চিকিৎসাশাস্ত্রবিদ, পঞ্চম খণ্ডে পদার্থবিদ ও অণুজ্ঞান বৈজ্ঞানিকদের কথা আলোচনা করবার ইচ্ছা রইল।

ইতিহাসের মধ্যযুগই মুসলিম প্রাধান্যের যুগ। পূর্বে যে সমস্ত ঐতিহাসিক এই মধ্যযুগ নিয়ে আলোচনা করেছেন তাঁরা প্রায় সবাই একে অন্ধকার যুগ বলে ধরে নিয়েই আলোচনা করেছেন এবং তাঁদের কার্যকলাপেও একে অন্ধকার যুগ বলে প্রতিপন্ন করে তুলেছেন। তাঁদের অনেকের মতে কৃষ্টি জ্ঞান বিজ্ঞানের দিক দিয়ে পৃথিবীর ইতিহাসে এ সব চেয়ে অন্ধকার যুগ। হয়ত তাঁদের এই ভ্রান্ত ধারণার পরিপোষকতার জন্মেই কোন ইতিহাসেই মুসলিম মনীষার কথা সম্যক আলোচিত হয় নাই। কেউ একে একেবারে উপেক্ষা করে গেছেন, কেউ একে নগণ্য বলে সামান্য ছু এক কথাতেই আলোচনা শেষ করেছেন। অনেক

ঐতিহাসিকই মুসলমানদের রাজনৈতিক প্রাধাত্য ও শৌর্ঘবীর্যের কথা আলোচনা করে কৃষ্টির দিক দিয়ে তাদিগকে হীন করে তোলবার চেষ্টা করেছেন। এই মানসিকতার মূলে রয়েছে কতকগুলি স্বাভাবিক কারণ। তার মধ্যে একটি হোল রাজনৈতিক এবং বোধ হয় এইটিই প্রধান। ইসলাম প্রবর্তনের পর থেকে ক্রুসেড পর্যন্ত যে ইসলাম বিদ্বৈষ ইউরোপীয় খৃষ্টানদের মনে শিকড় গেড়ে বসেছিল মুসলিম সাম্রাজ্যের পতনের পরও তার প্রভাব লোপ পায় নাই। তাই ইউরোপীয় ঐতিহাসিকদের ইতিহাসে মুসলমানদের বাস্তব অবাস্তব বর্বরতার কাহিনীই বেশী করে স্থান পেয়েছে, কৃষ্টিতে অবদানের কথাই কোন স্থানই সেখানে হয় নাই। দ্বিতীয় কারণ হোল অজ্ঞতা ও একদেশদর্শিতা। ঐতিহাসিকদের প্রায় সবাই এই সময়ে পাশ্চাত্যদেশের কি অবস্থা ছিল, ল্যাটিন ভাষায় কি আলোচনা হয়েছিল সেই নিয়েই আলোচনা করেছেন। এই সময়কার প্রাণবন্ত মধ্য ও পশ্চিম এশিয়া এবং কৃষ্টির ভাষা আরবী সত্বে কোন খোজ খবর নেবারও দরকার বোধ করেন নাই। ফলে তাঁরা আসল জিনিসকেই হারিয়ে ফেলেছেন এবং জ্ঞান বিজ্ঞানে সে সময়ে কি উন্নতি হয়েছিল তার ধারণাও করতে পারেন নাই। এই বিংশ শতাব্দীতে বিজ্ঞানের কি উন্নতি হয়েছে সে কথা জানতে হোলে যেমন পাশ্চাত্যের ইংরেজী, জার্মান বা ফরাসী ভাষায় যা প্রকাশিত হচ্ছে তার খোজ রাখা দরকার, মধ্যযুগের কথা ভালভাবে জানতে হোলে তেমনি সেই সময়কার একমাত্র কৃষ্টির ভাষা আরবীতে কি প্রকাশিত হয়েছিল তারই খোজ নেওয়া দরকার। যদি দু'চার শতাব্দী পরে কোন ব্যক্তি, এই বিংশ শতাব্দীতে জ্ঞান বিজ্ঞানের কি উন্নতি হয়েছিল জানবার জ্ঞে প্রাচ্যের আরবী, সংস্কৃত, বাংলা, হিন্দী বা এমনি কোন ভাষাতে কি আলোচনা হয়েছে, সে কথা জেনেই নিরস্ত হন তা হোলে তিনি যে একেও প্রায় অন্ধকার যুগ বলেই ধরে নেবেন সে নিঃসন্দেহ সত্য। তেমনি মধ্যযুগের জীবন্ত ভাষা আরবীতে কি হয়েছে তার খোজ খবর না নিয়েই যারা তখনকার কৃষ্টির সত্বে আলোচনা করেছেন তাঁরা যে একে অন্ধকার যুগ বলে ধারণা করে নিয়েছেন, তাতে বিস্মিত হবার কিছুই নেই? সুখের বিষয় বর্তমানে নিরপেক্ষমনা ঐতিহাসিকদের চেষ্টায় এই অজ্ঞতা আন্তে আন্তে দূর হচ্ছে, হয়ত কিছুদিন পরে এর “অন্ধকার যুগ” আখ্যা এমনিতেই তিরোহিত হবে।

মুসলিম প্রাধান্যের যুগে যে সমস্ত মনীষী মৌলিক অবদানে জ্ঞান বিজ্ঞানকে

উন্নতির পথে এগিয়ে নিয়ে গিয়েছেন, তাঁদের সংখ্যা আজকালকার মনীষী ও বৈজ্ঞানিকদের সংখ্যার চেয়ে বিশেষ কম নয়—Statistics নিলেই একথা ভালভাবে বোঝা যাবে।* জাবির ইবনে হাইয়ান, আলকিন্দি, আলখারেজমি, আলফারগানী, আলবাত্তানী, ছাবেত ইবনে কোরা, আলফারাবী, আলমান্দুদী, আবুল ওয়াফা, আলগাজ্জালী, আলবেরুনী, ইবনে সিনা, আলকারখি, ইবনোল হাইছাম, ইবনে ইউনুস, আজ্জারকালী, ওমর খৈয়াম, নাসির উদ্দিন তুসী প্রভৃতি বৈজ্ঞানিক ও মনীষীদের যে কোন একজনই যে কোন শতাব্দীর পক্ষে যথেষ্ট। এ সমস্ত কথা ভেবে দেখলে G. Sarton এর মধ্যযুগীয় ঐতিহাসিকদের সম্বন্ধে মন্তব্যকে শুধু সমীচীন নয় বরং অতি মৃদুই বলতে হবে। তাঁর মতের সামান্য অংশ এখানে উদ্ধৃত করা গেল। “To sum up, mediaevalists have given us an entirely false idea of the scientific thought of the Middle Ages, because of their insistence upon the least progressive elements and their almost exclusive devotion to western thought ; when the greatest achievements were accomplished by Easterners. Thus did they succeed not in destroying the popular conception of the Middle Ages as “Dark Ages” but on the contrary in re-enforcing it. The Middle Ages were dark indeed when most historians showed us only (with the exception of Art) the darkest side ; these ages were never so dark as our ignorance of them.”

—বর্তমানের জ্ঞান বিজ্ঞানের উন্নত পরিস্থিতিতে মধ্যযুগের এই সমস্ত বৈজ্ঞানিকদের বিজ্ঞান আলোচনা অকিঞ্চিৎকর বলেই বোধ হবে। এ থেকে যদি কেউ ধারণা করে নেন যে তাঁদের প্রতিভাও ছিল নগণ্য তা হোলে তিনি যে বিশেষ ভুল করবেন সে নিঃসন্দেহ সত্য। কারুর প্রতিভার বিচার করতে হোলে তাঁর সময়কার

* There were perhaps as many men of genius in the Middle Ages as now ; at least my survey gives that impression, which would be confirmed, I am sure, by statistical enquiry. (Introduction to the History of Science. Sarton. Vol. I, Preface p. 20.)

পরিস্থিতি নিয়েই বিচার করতে হবে এবং তিনি তাঁর পূর্বেকার জ্ঞান বিজ্ঞানকে কতটুকু উন্নত করেছেন সেই থেকেই তাঁর প্রতিভা নির্ধারিত হবে। সংখ্যা গণনা বা লিখন প্রণালী আবিষ্কার হওয়ার পূর্বে নিউটন বা আইনস্টাইন জন্মগ্রহণ করলে কি করতে পারতেন সেই বিবেচনা করে সংখ্যা গণনা আবিষ্কারকের প্রতিভার বিচার করা দরকার। সে হিসাবে সেই সর্বপ্রথম আবিষ্কারকে পৃথিবীর সর্বশ্রেষ্ঠ বৈজ্ঞানিক বললেও তাঁর যথোপযুক্ত সম্মান করা হয় কিনা সন্দেহ; কিন্তু বর্তমান পরিস্থিতিতে এই সংখ্যা গণনা কিই না অকিঞ্চিৎকর ব্যাপার! এইভাবে বিবেচনা করলেই মধ্যযুগের মনীষীদের প্রতিভা সন্দেহে সত্যিকার ধারণা করা যেতে পারে। যারা অঙ্কশাস্ত্রের কোন শাখাকে কোন ভাবে কিছু না কিছু উন্নত করেছেন এ গ্রন্থে শুধু তাঁদের নামই উল্লেখ করা হয়েছে।

নানা কারণে সংগ্রহ মনোমত ও সর্বাঙ্গসুন্দর করে উঠতে পারি নাই। গ্রন্থখানি প্রেসে যাওয়ার পরও অনেক তথ্যাদি সংগৃহীত হয়েছে। সুযোগ সুবিধা হোলে দ্বিতীয় সংস্করণে সেগুলো যথাস্থানে সন্নিবেশিত করবার আশা রইল। এই সুদীর্ঘ সময়ের পরও এই অসম্পূর্ণতার কৈফিয়তে আমার বিনীত বক্তব্য—কোন ভাষাতেই ধারাবাহিক ভাবে মুসলিম বৈজ্ঞানিকগণের বা তাঁদের অবদানের কথা আলোচিত হয় নাই; এমন কি সুসমৃদ্ধ ইংরেজী ভাষাও এ বিষয়ে শোচনীয় দৈম্য প্রকাশ করেছে। দ্বিতীয়ত বিভিন্ন বিদেশী ভাষায় যেটুকু আলোচনা হয়েছে সেটুকুও রয়েছে ইতঃসত্ত্ব বিক্ষিপ্ত। আরব পারস্য তথা প্রধানত প্রাচ্যের জিনিস হোলেও এরা এখন সুদূর পাশ্চাত্যে আজ নিয়চ্ছে বলা চলে। এদেশে মূল আরবী পারসী গ্রন্থের সাক্ষাৎ পাওয়া সুদূর পরাহত অবশ্য যেগুলো এখনও লোকচক্ষের বাইরে রয়ে গিয়েছে সেগুলোর কথা আলাদা। এখানে যে সমস্ত আরবী পারসী গ্রন্থের সন্ধান পাওয়া গিয়েছে তাদের উপর নির্ভর করে এগোনো সম্ভবপর নয়; ফলে নানা বিদেশী ভাষার উপর বেশী নির্ভর করতে হয়েছে। আমার মত যারা ভাগ্যচক্রে শিক্ষা বিভাগে স্থান না পেয়ে অল্পত্র ছিটকে পড়েছে এবং চাকরীর খাতিরে যাদের মফঃস্বলে মফঃস্বলে ঘুরে বেড়াতে হয়, তাদের পক্ষে অপাঠ্য বিদেশী ভাষা করায়ত্ত করবার প্রচেষ্টা যে কি কষ্টসাধ্য ব্যাপার সে ভুক্তভোগী ছাড়া অল্প কারুর পক্ষে বোধগম্য হবার উপায় নাই। নানা বিদেশী ভাষার দুরূহতায় আচ্ছন্ন এই বিষয়গুলির উদ্ধার ব্যাপার আমার পক্ষে যে সুখসাধ্য

হয়ে দেখা দেয় নাই সে কথা বলাই বাহুল্য। অনেক সময়েই একটি জীবনের সামান্য একটি কথা সংগ্রহ করতেই হয় ত মাসের পর মাস, বইয়ের পর বই ঘাঁটতে হয়েছে। কলিকাতা এবং মফঃস্বলে থেকে যে সমস্ত আরবী পারসী ইংরেজী জার্মান এবং ফরাসী ভাষার গ্রন্থ সংগ্রহ করতে সক্ষম হয়েছি সেগুলোরই সাহায্য নিয়েছি এর মাল মশলা আহরণে। আশা করি পাঠক পাঠিকারা গ্রন্থখানিকে সেই ভাবেই বিচার করবেন।

প্রসঙ্গত বলে রাখতে চাই যে গ্রন্থখানি পণ্ডিতদের জগৎ রচিত হয় নাই বরং এটিকে সর্বসাধারণের পাঠোপযোগী করার চেষ্টা করা হয়েছে, তাই Quotation এর পর Quotation এবং Foot note এর পর Foot note দিয়ে একে উদ্বাস্ত করে তুলি নাই এবং বাদামুবাদের জিনিসগুলোতেও নানা যুক্তি ও তর্কজালের সমাবেশ না করে যা সমীচীন মনে করেছি তাকেই প্রাধান্য দিয়েছি। অল্পত্ন যুক্তি তর্কের সমাবেশ করবার আশা রইল। বিষয়বস্তুর অনেকগুলি নিয়ে পণ্ডিতেরা এখনও বেশ বাদামুবাদ করছেন; উদাহরণ স্বরূপ Origin of numerals এর কথা উল্লেখ করা যেতে পারে। ভারতেই এর প্রথম উদ্ভব হয়েছিল বলে এতদিন ধরে নেওয়া হোত কিন্তু এখন নানা সন্দেহের উদ্ভেক হয়েছে। ভারতীয় বৈজ্ঞানিকদের প্রতি বিশেষ সহানুভূতিসম্পন্ন Florian Cajori পর্যন্ত এই বিরুদ্ধ মতবাদকে উপেক্ষা করতে পারেন নাই।

গ্রন্থখানিতে সাধারণত আরবী “ع” এর উচ্চারণে “ছ”, “س” এর উচ্চারণে “স” এবং “ش” এর উচ্চারণে “শ” ব্যবহৃত হয়েছে। বাংলা বানানে কলিকাতা বিশ্ববিদ্যালয় কর্তৃক প্রবর্তিত বানান অনুসরণ করা হয়েছে।

গ্রন্থখানি প্রণয়নে সব চেয়ে বেশী উৎসাহ দেখিয়েছেন তিনি যাকে এখানি উৎসর্গ করা হোল। Reference Book সংগ্রহ করা, প্রফ দেখা, প্রেসে দৌড়াদৌড়ি করা প্রভৃতি নিরানন্দ কাজগুলি করেছেন কল্যাণীয় অধ্যাপক মোহাম্মদ আবদুল জব্বার এম, এস-সি, জোয়াছুর রহিম বি-এ, মোহাম্মদ ইসহাক ও মৌলবী মোহাম্মদ আবদুল গণি। অধ্যাপক মুহম্মদ মনসুর উদ্দিন এম, এ, অধ্যাপক ফজলুর রহমান এম, এস-সি, ডাঃ মনসুর আলী প্রভৃতি বিশেষ কষ্ট ও শ্রম স্বীকার করে কলেজ ও অন্যান্য লাইব্রেরী থেকে পুস্তকাদি সংগ্রহ ব্যাপারে বিশেষ ভাবে সাহায্য করেছেন। নালন্দা প্রেসের সত্বাধিকারী বাবু রবীন্দ্রনাথ মিত্রের

বিশেষ আগ্রহ এবং যত্নের জন্মেই পুস্তকখানি সহজে মুদ্রাযন্ত্রের গর্ভ থেকে নিষ্কৃত
পেয়েছে। এঁদের সবাইকে আমার আনুষ্ঠানিক ধন্যবাদ।

আমার ধারণা হিন্দু মুসলমান উভয় জাতি যদি পরস্পরের কৃষ্টি ও সংস্কৃতির
সঙ্গে পরিচিত হোতে পারে তাহলে তাদের কলহস্পৃহায় এমনি ভাটা পড়বে।
সে দিক দিয়ে গ্রন্থখানি কিছুমাত্র কাজে আসলেও নিজের পরিশ্রম সার্থক
মনে করব।

গোপালপুর, পাবনা
২৬শে মার্চ, ১৯৪৩

এম. আকবর আলী

দ্বিতীয় সংস্করণ

অপ্রত্যাশিত অল্প সময়ের মধ্যেই প্রথম সংস্করণ নিঃশেষিত হওয়ার পরও
সুদীর্ঘ নয় বৎসর পর দ্বিতীয় সংস্করণ বের হওয়ার একমাত্র কৈফিয়ৎ হোল
রাজনৈতিক জগতে নূতন পরিস্থিতির উদ্ভব। নব প্রতিষ্ঠিত পাকিস্তানের
রাজনীতিজ্ঞদেরই শুধু শাসন ব্যবস্থা গোড়া থেকে শুরু করতে হয় নাই, প্রত্যেক
শিক্ষানুরাগী অমুসলিম ব্যক্তিকেই অতি দুস্থ পরিস্থিতির মধ্যে কাজ শুরু করতে
হয়েছে। বিশ্বত ও প্রায়-শূণ্য বিষয়ের সত্যিকার ইতিহাস বের করবার প্রধানতম
সম্মল হোল অতি সমৃদ্ধ লাইব্রেরী। পাকিস্তানে বিশেষ করে পূর্ব পাকিস্তানে
এমনি লাইব্রেরীর নিতান্তই অভাব; তা ছাড়া বর্তমান পরিস্থিতিতে অন্য দেশের
সমৃদ্ধ লাইব্রেরীর সাহায্য নেওয়াও অতি দুর্লভ ব্যাপার। এমনি পরিস্থিতির মধ্যেই
দ্বিতীয় সংস্করণের কাজ করতে হয়েছে।

বর্তমান সংস্করণে অনেক নূতন তথ্য সংযোজিত হয়েছে, পূর্ব সংস্করণে
উল্লিখিত অনেক মতবাদকে বর্তমান গবেষণালব্ধ ফল অনুযায়ী পরিবর্তন করা
হয়েছে। প্রথম সংস্করণের মত এ সংস্করণটিও সুধীজনের সমাদর লাভ করলে শ্রম
সার্থক হবে।

ঢাকা

৩রা মে, ১৯৫২

এম. আকবর আলী

BIBLIOGRAPHY

- History of Mathematics—Smith, D. E.
A History of Mathematics—Cajori, F.
A short account of the History of Mathematics.—Ball,
W. W. Rouse.
A brief History of Mathematics—Fink, Karl.
A History of Mathematical Notations—Cajori, F.
A bit of Mathematical History—Bocher Maxime.
Introduction to the History of Science.—Sarton, G.
A History of Science.—Dampier-Whetham, W. C. D.
The Hindu Arab Numerals. — Smith & Karpinski.
Historical introduction to Mathematical literature—
Miller, G. A.
A History of Elementary Mathematics—Cajori, F.
The Development of Mathematics—Bell, E. T.
A General History of Mathematics—Bossut, J.
The Legacy of Islam—Edited by Arnold, Sir T.
A literary History of the Arabs—Nicholson, R. A.
A Literary History of Persia—Browne, E. G.
History of the Arabs—Phillip, K. Hitti.
Spirit of Islam—Ali, Syed Ameer.
A short History of the Saracens—Ali, Syed Ameer.
The Arab Civilization—Hall, J.
Encyclopædia of Islam.
Encyclopædia Britannica.
The Encyclopædia of pure Mathematics.
Education in Muslim India—Jafar, S. M.
Ancient accounts of India and China—Two Muhammadens.
Outlines of Islamic culture—Shushtery. A. M. A.
Biographical Dictionary—Ibn Khallikan—De slane.
The History of philosophy in Islam—De Boer, T. J.
Oriental Biographical Dictionary—Beale.

- Mussalman Culture—Bartold.
 Arabic thought and its place in History—O' Leary.
 The intellectual developement of Europe—Draper, J. W.
 A History of Egypt—Lanepole.
 Tarikh-al-Hukama—Ibn-al-Kift.
 Mukadamat—Ibn Khaldun.
 Al-Fihrist—Ibn al Nadim.
 Al-Ilm ul Jabar wal Mukabala—Al Khwarizimi.
 Encyklopadie der Mathematischen—Wissenschaften
 Geschichte der Mathematik.—Gunther & Wieleitner.
 Zur Geschichte der Mathematik in Altertum und
 Mittelalter—Hankel, H.
 Histoire des sciences Mathematiques et Physiques.—
 Marie, M.
 Histoire des Mathematiques—Montoucla, J. E.
 Histoire des Sciences Mathematiques en Italie.—Libri, G.
 Recherches Sur L'histoire des Sciences Mathematiques chez
 les orientaux—Woepke, F.
 Geschichte der Elementar Mathematik in systemetischer
 Darstellung—Tropfke, J.
 Histoire des Mathematiques dans L'Antiquite et la Moyen
 Age—Zonen, H. G.
 La Grande Encyclopedie.
 La Science Arabe—Aldo Mieli.
 Vorlesungen uber Geschichte der Mathematik—Cantor.
 Geschichte des reinen Mathematik—Arneth, A.
 Grundzuge der Antiken und Modernen Algebra der
 litteralen Gleichungen.—Matthiessen Ludig.
 Geschichte der Mathematischen Wissenschaften—Suter
 Hinrich.
 Geschichte der Astronomie—Wolf Rudolf.

সূচনা

আলোর পর আঁধার, উত্তেজনার পর অবসাদ প্রাকৃতিক নিয়ম। প্রকৃতি তার সমস্ত কাজের মধ্যেই এই নিয়মের অনুসরণ করে চলেছে। মানব সমাজের সভ্যতার তথা জ্ঞান বিজ্ঞানের ইতিহাসেও এর ব্যতিক্রম ঘটে নাই। এখানেও সেই একই নিয়মের অনুবর্তন দেখা যায়। হয়ত ক্রমাগত দু' এক শতাব্দী জ্ঞান বিজ্ঞানের দ্রুত উন্নতি হয়েছে কিন্তু তার পরেই কিছুদিন ধরে চলেছে অবসাদ। সমস্ত গতি যেন রুদ্ধ হয়ে থমকে দাঁড়িয়েছে। উন্নতি দূরের কথা পূর্ব স্মৃতিরও যেন বিভ্রম ঘটেছে—অবনতির দিকেই চলেছে অভিযান। হজরত মোহাম্মদ (দঃ) কর্তৃক ইসলাম পুন প্রবর্তনের পূর্ব শতাব্দী এই অবসাদের যুগ! পৃথিবীর সর্বত্র তখন অজ্ঞান বিভীষিকা বিরাজ করছিল বলা চলে। স্থানে স্থানে অল্প অল্প প্রতিভার পরিচয় পাওয়া গেলেও সমষ্টিগতভাবে তাতে সভ্যতার কোন উন্নতিই হয় নাই। অমানিশার অন্ধকারের মধ্যে সামান্য অগ্নিস্থলিঙ্গের মতই তারা আপনমা আপনি দপ্ করে জ্বলে উঠে আবার নিবে গিয়েছে—অন্ধকারের সামান্যতম অংশেরও তাতে ভাঙ্গন ধরে নি বরং গাড় হয়েই দেখা দিয়েছে। এর পূর্বে যে জ্ঞান-বিজ্ঞানের প্রভূত উন্নতি হয়েছিল সে বিষয়ে সন্দেহের অবকাশ নাই। ভারতবর্ষ, চীন, মিশর, মেসোপটেমিয়া, পারস্য, গ্রীসের ইতিহাস তার সাক্ষ্য যোগাচ্ছে; কিন্তু হজরত মোহাম্মদ (দঃ) এর জন্মের পূর্ব শতাব্দীতে পূর্বকার এই সমস্ত উন্নত দেশেও প্রকৃত জ্ঞান বিজ্ঞান নিয়ে বিশেষ কিছু কাজ হয়েছিল বলে বলা চলে না। সভ্যতার ইতিহাসে এই অবসাদের কথা বিবেচনা করলে এ যুগটাকে জ্ঞান বিজ্ঞানের অন্ধকার যুগ বলে অভিহিত করা ছাড়া উপায় থাকে না। পৃথিবীকে এই অন্ধকার রাত্রির গ্রাস থেকে মুক্তি দিবার জন্ম দরকার ছিল একজন যুগ প্রবর্তকের এবং হজরত মোহাম্মদ (দঃ) এর জন্ম সেই শুভ সংবাদই বহন করে এনেছিল।

ইসলামের প্রথম যুগে বিজ্ঞানের কোন আলোচনাই হয় নাই। এ খুবই স্বাভাবিক। শত শত বৎসরের পুঞ্জীভূত কুসংস্কার ও কুশিক্ষাকে ভেঙ্গেচুরে

জাতিকে নুতন করে গড়ে তুলতে ভিতর ও বাইর থেকে যত বাধা আসে, সেগুলি অতিক্রম করা বড় সহজ নয়। ইসলামের প্রথম যুগেও এই অবস্থাই দেখা দেয়; তাই সমাজ সংস্কারই মনীষীদের দৃষ্টি বেশী ক'রে আকর্ষণ করে। তাঁরা অতীতকে চেয়ে দেখবার সুবিধা বড় পান নাই। কিন্তু সেদিকে যে একেবারে অন্ধ ছিলেন না, তা বোঝা যায় হজরত মোহাম্মদ (দঃ) এর উক্তিতে, 'বিজ্ঞানশিক্ষার জগৎ দরকার হলে সুদূর চীনদেশেও গমন করবে'। বিজ্ঞানী ধর্মপ্রবর্তক যাদের এমন উপদেশ দেন তাদের মধ্যে যদি বিজ্ঞান জগৎ আকুল আগ্রহের পরিচয় না পাওয়া যায় তবে আর কার মধ্যে পাওয়া যাবে? ফুটি-ফুটি করেও এ আগ্রহ প্রথম শতাব্দীতে ফুটে উঠতে পারে নাই অস্বত বিজ্ঞান-চর্চার দিক দিয়ে। ধর্মশাস্ত্র এবং দর্শনের আলোচনাই প্রথম যুগের মুসলমান সমাজকে অনেকটা আচ্ছন্ন করে রাখে। সামান্য পরিবর্তন ও সুযোগ উপস্থিত হওয়ার সঙ্গে সঙ্গে বিজ্ঞান আলোচনার আগ্রহ ছুকুল ভাসান বস্তার ছুঁবার গা ত নিয়ে মুসলিম সুধী সমাজকে পেয়ে বসে। কুসংস্কার, গোঁড়ামি, রাজনৈতিক কণ্ঠবাত কোন কিছুই এ আগ্রহকে দমিয়ে রাখতে পারে নাই। সমস্ত বাধা বিপত্তি আপনা থেকেই মাথা নত করে দূরে সরে দাঁড়ায়। মুসলিম মনীষীগণ সব কিছু ভুলে গিয়ে বিজ্ঞান সাধনায় রত হন—পৃথিবীকে অজ্ঞান অন্ধকারের হাত থেকে বাঁচাবার মহান ব্রত স্বেচ্ছায় মর্ষায় তুলে নিয়ে।

ইসলামের ইতিহাসে প্রথম কে বিজ্ঞান আলোচনা শুরু করেন সে কথা সঠিকভাবে জানা যায় না। হজরত মোহাম্মদ (দঃ) যে বিজ্ঞান আলোচনার বিশেষ উৎসাহী ও পক্ষপাতী ছিলেন তার পরিচয় পাওয়া যায় তাঁর বিভিন্ন বাণীতেই, কিন্তু ধর্ম ও সমাজ সংস্কার ছাড়া অতীতকে মন দিবার অবসর তাঁর হয় নাই। হজরত-আলীর (কাঃ) বাণী,

“গু্য আল ফারার ওয়াত্ তালাক্

ওয়াশ্ শায়য়ান্ যাশ্ বাছল্ বারাক্

এয়া মাখ্ খালাৎ ওয়া আসহাকাৎ

মালাক্ তাল ঘারাব্ ওয়াশ্ শারাক্

পারদ ও অভ্র একত্র করে যদি বিজ্ঞাৎ বা বজ্জ সদৃশ কোন বস্তুর সঙ্গে সম্মিলিত করতে পার তাহলে প্রাচী ও পাশ্চাত্যের অধীশ্বর হতে পারবে”—

মোনা তৈরীর পরিকল্পনার আভাষ দিলেও যতদূর জানা যায় তিনি বিজ্ঞান নিয়ে বিশেষ কোন আলোচনাই করেন নাই। খুব সম্ভব ওম্মীয় বংশের প্রথম খালেদই (মৃত্যু ৭০৪ খৃঃ অঃ) সর্বাপ্তে বিজ্ঞান-চর্চার পথ প্রদর্শন করেন। তিনি নিজে বেশ বিদ্বান ছিলেন। বিদ্যাবত্তার জগৎ তিনি 'আলহাকিম' নামে অভিহিত হতেন। বিদ্যাবত্তার সঙ্গে যোগ দিয়েছিল বিজ্ঞোৎসাহিতা। গ্রীক সভ্যতার নিদর্শন গ্রীক পণ্ডিতদের অমূল্য গ্রন্থাবলীর দিকে তাঁর নিজের এবং পণ্ডিত সমাজের নজর পড়ে এবং তাঁরা এগুলি আরবীতে অনুবাদ করতে শুরু করেন। তিনি নিজেই জ্যোতিষবিদ্যা (Astrology), চিকিৎসাশাস্ত্র (Medicine) এবং রসায়নশাস্ত্রের (Chemistry) কতকগুলি গ্রন্থ গ্রীক থেকে আরবীতে অনুবাদ করেন।

গ্রীক দর্শন এবং বিজ্ঞান প্রথম প্রথম আরবদের উপর অপ্রতিহত প্রভাব বিস্তার করে, তাই প্রথম মুসলমান বিজ্ঞোৎসাহী নৃপতি এবং বিদ্বানদের দৃষ্টি পড়ে গ্রীক সভ্যতার দিকে। বিজ্ঞোৎসাহের এবং বিজ্ঞান আলোচনার প্রথম যুগ হলেও, শুধু ভাষান্তর করাই যে তাঁদের জ্ঞান-চর্চার একমাত্র নিদর্শন এমন মনে করবার কোন কারণই নেই। বিজ্ঞানে তাঁদের নিজেদের দান খুব কম হলেও বিশেষ উপেক্ষণীয় নয়। খলিফা খালেদ শুধু বিজ্ঞোৎসাহীই ছিলেন না, তিনি নিজেও রীতিমত বিজ্ঞানের চর্চা করতেন। জ্যোতিষ, রসায়ন ও চিকিৎসাশাস্ত্র ছিল তাঁর অতিশয় প্রিয়। রসায়নশাস্ত্রে তাঁর প্রতিভার পরিচয় রাসায়নিকদের সাধনার ধন স্পর্শমনির আবিষ্কারের সঙ্গে তাঁর নাম জড়িত হওয়াতেই পাওয়া যায়। তিনি নাকি স্পর্শমনি আবিষ্কার করতে সক্ষম হয়েছিলেন, এবং এই স্পর্শমনি দিয়ে স্বর্ণ প্রস্তুতেও সফলকাম হন। এ সম্বন্ধে বিস্তৃত আলোচনা রসায়ন বিভাগে করা যাবে।

স্পর্শমনি আবিষ্কারে খালেদ কতটা সফলকাম হয়েছিলেন, সে বিশেষ প্রয়োজনীয় নয়, আসল কথা মুসলিম বৈজ্ঞানিকদের মধ্যেও প্রতিভার অভাব ছিল না। বিস্তারিত আলোচনা করলে দেখা যাবে যে, তাঁদের প্রতিভার দান পূর্বেকার গ্রীক, ভারত এবং চীনের দানকে অনেকটা নিস্প্রভ করে দিয়েছিল। এগুলি বিশেষভাবে প্রশিধান করলে স্পষ্টই মনে হয় যে, কারা ডুভো (Carra de Vaux) মুসলিম বৈজ্ঞানিকদের সম্বন্ধে যে মত প্রকাশ করেছেন, তা মোটেই

প্রামাণ্য নয়।* তাঁর মতে গ্রীক বৈজ্ঞানিকদের বিজ্ঞান প্রতিভা, কল্পনার মহত্ব, এবং কার্যকুশলতা মুসলিম বৈজ্ঞানিকদের মধ্যে আশা করা উচিত নয়; কিন্তু বিজ্ঞানের ইতিহাস আলোচনা করলে বেশ বৃকতে পারা যায় যে, এ উক্তি প্রমাণ সাপেক্ষ নয়।

প্রায়ই দেখা যায়, যে-সমস্ত জাতি এক সময় খুব উন্নত ছিল, একবার অধঃপতন হওয়ার পর আর কোন দিনই তারা তেমন উন্নতি করতে পারে নাই। অনেক স্থানেই, একবার অধঃপতনের সঙ্গে সঙ্গেই অজ্ঞানের অতল অন্ধকারে তারা নিমজ্জিত হয়ে গেছে, হয়ত বা চিরকালের জন্যই; রয়েছে শুধু পূর্বকার স্মৃতিটুকু। উদাহরণ স্বরূপ চীন ও ভারতের কথা উল্লেখ করা যায়। পূর্বকার গৌরবের দোহাই দিয়ে যে বেশী দিন চলে না সে জ্ঞানটুকুও তাঁরা হারিয়ে ফেলেছেন। সকল নিয়মেরই ব্যতিক্রম আছে। এই প্রাকৃতিক নিয়মেরও তেমনি ব্যতিক্রম দেখা গিয়েছে মেসোপটেমিয়ার বেলায়। আরবের ধূসর মরুভূমি এবং পারস্যের গোলাব কাননের মধ্যে তাইগ্রীস ইউফ্রেটিস নদী বেষ্টিত এই উর্বর ভূখণ্ড খৃষ্টজন্মের বহু পূর্বে বিজ্ঞানের লীলাভূমি ছিল। আবার প্রায় পাঁচ হাজার বৎসর পরে ইসলামের অমুপ্রেরণায় অমুপ্রেরিত বৈজ্ঞানিকগণের সাধনার পীঠস্থানও হয় এই তাইগ্রীস ইউফ্রেটিস বেষ্টিত মনোহর ভূখণ্ডের মধ্যেই। ব্যাবিলনিয়ানদের দিন-পঞ্জী রাখার পদ্ধতি দেখে মনে হয় তাঁদের মধ্যে অন্ধশাস্ত্রের আলোচনা খৃষ্টজন্মের প্রায় ছয় হাজার বৎসর পূর্বেই (5700 B. C.) আরম্ভ হয়েছিল। কতদিন পরে এ জ্ঞানপিপাসা নিৰ্বাপিত হয়ে পড়ে সে সখুদে সঠিক কিছু জানা যায় না। তবে ইসলামের আবির্ভাবের নিকটবর্তী পূর্বকালে যে জ্ঞান-বিজ্ঞানের কোন নিদর্শনই এখানে ছিল না সে ঐতিহাসিক সত্য। পুনর্বার অমুপ্রেরণা জাগে আব্বাসীয় বংশের খলিফা আলমুনশুরের (754-774-5 — A. D.) রাজত্বকালে অষ্টম শতাব্দীতে।

মুসলিম বৈজ্ঞানিকদের বিজ্ঞান-আলোচনা করবার প্রথম অমুপ্রেরণা আসে গ্রীক সভ্যতা থেকে সে কথা আগেই বলা হয়েছে। গ্রীক সভ্যতার উৎস ছিল

*We must not expect to find among the Arabs, the same powerful genius, the same gift of scientific imagination, the same originality of thoughts, that we hear among the Greeks. "The Legacy of Islam." Edited by Sir T. Arnold P. 374.

বিজ্ঞানে মুসলমানের দান

আলেকজেন্দ্রিয়া ও কতিপয় সিরিয়ান নগরীতে; তাঁদের জ্ঞান-শিক্ষার জ্ঞান-বিজ্ঞানের আলোচনার স্থান হয় তাইগ্রীস ইউফ্রেটিস নদীর তীরে অবস্থিত কুফা ও বসরাতে। অষ্টম শতাব্দীর প্রথম ভাগ থেকেই কুফা ও বসরা দর্শন ও সাহিত্য-চর্চার জন্ম বিখ্যাত হয়ে উঠে। মুসলিম রাজ্যের অল্প কোথাও তখন এ বিষয়ে এত উন্নতি হয় নাট। ইসলামে দীক্ষিত জ্ঞানানুরাগী পণ্ডিতগণ তাঁদের শিক্ষাবর্গ নিয়ে জ্ঞানবিজ্ঞানের আলোচনায় রত হন। অবশ্য প্রথমে তাঁরা অন্যান্য দেশের মত সাহিত্যের উপরই বেশী নজর দেন, পরে দর্শন আলোচনা আরম্ভ করেন। কুফা ও বসরাতে দর্শন ও সাহিত্য নিয়ে বেশ প্রতিযোগিতা চলত, এ সবগুলিরই উপর গ্রীকসভ্যতার অপ্রতিহত প্রভাব দৃষ্ট হয়। দশম শতাব্দীর শেষ ভাগে খালেদ ইবনে আহমদ নামক বসরার একজন পণ্ডিত একখানি গ্রীক-আরবী অভিধান প্রণয়ন করেন। এই অভিধান থেকে আরবী দর্শন ও বিজ্ঞানের উপর গ্রীসের প্রভাব সম্যকভাবে উপলব্ধি করা যায়। গ্রীকদের বৈজ্ঞানিক নামগুলি এই অভিধানে সুন্দর ভাবে আরবীতে অনুবাদ হয়েছে। তখনকার দিনে ঔপপত্তিক দর্শনকে তিন ভাগে ভাগ করা হোত; প্রাকৃতিক বিজ্ঞান, খোদাতত্ত্ব জ্ঞান এবং এই দুইয়ের মধ্যে স্থান ছিল অন্ধশাস্ত্রের। আরব পণ্ডিতগণ অন্ধশাস্ত্রের প্রচলিত সংজ্ঞাগুলিকে গ্রীক নামের সঙ্গে অর্থের সাদৃশ্য রেখে আরবীতে অনুবাদ করেন। এর অনেকগুলি আজ পর্যন্ত অন্ধ-শাস্ত্রে বিরাজমান আছে। অন্ধশাস্ত্রকে চার ভাগে ভাগ করা হোত (১) অঙ্ক (এলমুল আদাদ arithmetic) (২) জ্যামিতি (হান্দাসা Geometry), জ্যোতির্বিজ্ঞা (এলমুল হায়া astronomy), (৪) গান (মুসিকি Music)। ইউরোপীয় মধ্যযুগের quadrivium-এ যে সপ্তসুকুমার বিজ্ঞার উল্লেখ করা হোত, এগুলি তাদের মধ্যে অচ্ছতম।

তাইগ্রীস ইউফ্রেটিস নদীদ্বয়ের তীরবর্তী স্থানেই ইসলাম প্রবর্তনের পর প্রথম জ্ঞানবিজ্ঞানের আলোচনা শুরু হয়। নদীর অবস্থিতি, প্রাকৃতিক নিয়ম অনুসারে বোধ হয় মানুষের মনের মধ্যে সব সময়ে উদ্দীপনা জাগিয়ে রাখে। মুসলিম সভ্যতার জ্ঞান বিজ্ঞানের উৎসের সঙ্গে ভারতের পূর্বেকার উন্নত যুগের সমালোচনা করলে, এ ধারণাকে নিতান্ত অবাস্তব বলে উড়িয়ে দেওয়া চলে না। ভারতেও পূর্বে জ্ঞানবিজ্ঞানের আলোচনার স্থান ছিল নদী মাড়ুক প্রদেশ সমূহে, এবং নদীর তীরে অবস্থিত তদানীস্থ নগরী সমূহে। এখনকার সঙ্গে তুলনা করা হয়ত

চলবে না, এখনকার মত দ্রুত যাতায়াতের অবাধ সুযোগ সুবিধা এবং তার জন্ম অপরাপর স্থান সমূহের সঙ্গে সহজ সংযোগ যে সেকালে ছিল না সে স্বতঃসিদ্ধ। নানা সুবিধার জন্মেই জ্ঞানবিজ্ঞানের লীলাভূমি হয়ে উঠেছিল নদীতীরবর্তী নগরীসমূহ। কুফা ও বসরা সপ্তম অষ্টম শতাব্দীতে জ্ঞানের আলোচনাকেন্দ্র হিসাবে মুসলিম জগতে প্রাধান্য লাভ করলেও, খাঁটি বিজ্ঞানের আলোচনা এখানে তেমন কিছুই হয় নাই। সাহিত্য ও দর্শনই এখানকার সুদী সমাজকে মাতিয়ে তুলেছিল। ইসলামীয় দর্শন, ধর্মশাস্ত্রের ব্যাখ্যা, আরবী সাহিত্যের উন্নতি, কুফা ও বসরা নগরীর সহিত নানা ভাবে সংশ্লিষ্ট; কিন্তু বিজ্ঞানের বিশেষভাবে আলোচনা প্রথম শুরু হয় বাগদাদ নগরীতে। হারুন-অর-রশিদের বাগদাদ, আরব্য উপদ্বীপের সহস্র রজনীর বাগদাদ, জগৎকে শুধু সাহিত্য ও কল্পনার খোরাকই দেয় নাই, বিজ্ঞানেও এর দান আজকালকার সভ্য জগৎ নত মস্তকে স্বীকার করে নেয়।

বিজ্ঞানে মুসলমান মনীষীদের দানের কথা আলোচনা করতে গেলে প্রথমেই মনে পড়ে আরবী ভাষার কথা। শুধু মরুভূমির ততোধিক শুষ্ক বাতাস এ ভাষাকে পারস্যের গোলাপ কাননে লালিত পালিত পারস্যী ভাষার মত মোলোয়েম মনোমুগ্ধকর হতে দেয় নাই। আরবী ভাষায় কবিতার অভাব নাই। ইসলাম ঐত্বর্ভনের পূর্বে এবং পরেও এখানে শুধু কবিতারই স্থান ছিল বলা চলে, তবুও এর ভাষা যে কবির মত নমনীয় রমনী সুলভ হতে পারে নাই, এ হয়ত কেউ অস্বীকার করবেন না। আরবের অধিবাসী যেমন প্রাণ খোলা আনন্দে অশ্রু ছুটিয়ে পায়ের তলায় দিগন্তে বিলীন মরুভূমির উপর কল্পনায় বিভোর হয়ে না থেকে বাস্তবেরও সন্ধান করে, এর ভাষাও তেমনি। সে ভাষা কবির কাব্যকে যেমন আদরনীয় করে তুলেছে, বৈজ্ঞানিক আলোচনায় বিজ্ঞানের নীরসতার সঙ্গে তার নীরসতাকেও তেমনি বেশ খাপ খাইয়ে দিয়েছে। আরবী ভাষার বৈজ্ঞানিক সংজ্ঞাগুলি অধুনা প্রচলিত বৈজ্ঞানিক সংজ্ঞার চেয়ে কোন অংশে কম ত নয়ই, বরং অনেক স্থানেই উন্নত বলেই মনে হয়।

প্রাচীন ভাষাগুলির মধ্যে আরবী ভাষাই বোধ হয় সব চেয়ে বেশী সংযম ও প্রকাশশীলতা দাবী করতে পারে। বিজ্ঞানের তথ্যগুলিকে যে ভাষায় খুব সংক্ষেপে অথচ ভাবপূর্ণ ভাবে প্রকাশ করা যায় সেই ভাষাই বিজ্ঞানের পক্ষে

তত বেশী উপযোগী। এদিক দিয়ে আরবী ভাষাকে আধুনিক বৈজ্ঞানিক ভাষাগুলির মধ্যে অগ্ৰতম শ্রেষ্ঠ ভাষা বলে মনে নিতে অস্বীকার করবার উপায় নাই। ছোট ছোট আরবী শব্দগুলি যে অনেক ভাবব্যঞ্জক সেকথা ভাষাবিদ মাজেই স্বীকার করবেন কিন্তু এর মাধুর্য হোল যে সেগুলোর অর্থ প্রচ্ছন্ন নয়। আরবী ভাষাশিক্ষার্থীর পক্ষে শব্দের সঙ্গে সঙ্গে তাদের ধাতুগত বিভিন্ন অর্থ জানাও নিতান্ত প্রয়োজনীয়। এ জগ্গে ভাষা জ্ঞানের সঙ্গে সঙ্গে বিজ্ঞানে ব্যবহৃত শব্দগুলির অর্থও শিক্ষার্থীর মনে সুস্পষ্টরূপে ধারণাবদ্ধ হয়ে পড়ে, সে শব্দগুলির বৈজ্ঞানিক ব্যাখ্যা আর নূতন করে শিখবার প্রয়োজন হয় না। একই মূল থেকে বিভিন্ন অর্থ নিয়ে বহু শব্দ গঠন করবার উপযোগী হিসাবে এর সমকক্ষ ভাষা খুব কমই আছে বলা চলে। একটা উদাহরণ থেকেই কথটা ভালভাবে বুঝা যেতে পারে। পূর্বেকার চিকিৎসকদের মতে শোথ (Dropsy) হয়ে থাকে অত্যধিক পানের জগ্গেই। সেই হিসেবে আরবীয় চিকিৎসকেরা এর নামকরণ করেন “ইসতিস্কা” বা পানের আকাঙ্ক্ষা, আর এই ব্যাধিতে আক্রান্ত রোগীদের নাম দেন “মুস্তাসকি” বা যে এই পানের আকাঙ্ক্ষা থেকে ভুগছে, দুইটি শব্দই মূল ধাতু “সাক” — সে পান করতে দিয়েছিল — থেকে উৎপন্ন। আরবীয়েরা নিজেরাও এই ভাষা নিয়ে খুবই গর্ব করেন। আরবী ভাষাভাষী পূর্ব বিশ্বাসের সঙ্গেই বলবেন “আলহামদো লিল্লাহেল্লাজি খালাকাল লিসানাং আরাবীয়া আহসানিগ্গান কুল্লো লিসান” — সেই খোদাতালার সর্ব প্রশংসা যিনি আরবী ভাষাকে সমস্ত ভাষার শ্রেষ্ঠ করে সৃষ্টি করেছেন।*

যেখানে পৃথিবীর সঙ্গে রীতিমত যুদ্ধ করে জীবিকা অর্জন করতে হয়, সেখানে মানুষ কল্পনাবিলাসী কম হয়। তাদের কল্পনার খোরাক থাকে বাস্তবের সঙ্গে ওতপ্রোত ভাবে জড়িত হয়ে, তারা হয় কাজের লোক। অদরকারী অতিশয়োক্তি তাদের থাকে কম। একথা আরবদের সম্বন্ধে খাটে। আরবী

*For a Scientific language, indeed, Arabic is eminently fitted by its wealth of roots and by the number of derivative forms, each expressing some particular modifications of the root idea, of which each is susceptible (Literary History of Persia—Browne—Vol 11-P. 7)

কাব্যে তাই রামায়ণ মহাভারতের দশানন, হনুমান, ঘণ্টাৎকচের সন্ধান কম পাওয়া যায়, তাদের কাব্যেও বাস্তবের ছোঁয়াচ লাগান। এই বাস্তবতা বেশী করে দেখা দিয়েছে বিজ্ঞান আলোচনায়। ভারতের প্রাচীন জ্ঞানবিজ্ঞানের, অন্ততঃ অক্ষশাস্ত্রের আলোচনা সমস্ত কিছুই কাব্যে হয়েছে। বেদের শ্লোকের বেদাঙ্গ, অর্ঘ্যভট্টের দশগীতিকা, সুলভ সূত্র প্রভৃতি সমস্তই শ্লোক আকারে গাথা। এতে মনে হয় বিজ্ঞানকে একদিকে খাট করা হয়েছে। কাব্যে অতিশয়োক্তি থাকবেই, এই অতিশয়োক্তি ভারতের প্রাচীন বিজ্ঞানেও ঢুকে গেছে। কল্পযুগ, ব্রহ্মার মুহূর্ত ইত্যাদিতে বড় বড় সংখ্যার কল্পনায় কাব্যের ছোঁয়াচ বিজ্ঞানের বাস্তবতাকে অনেক স্থানেই খর্ব করে দিয়েছে। তাঁরা যে কথাটা বলতে চেয়েছেন, সংক্ষেপে সারটুকু না বলে, কাব্যের সাহায্যে তাকে ফাঁপিয়ে বড় করে তুলেছেন। কবির দেশ, যুগে যুগে কাব্যের যা আদর, সেটা বৈজ্ঞানিকদের উপরও কটাঙ্কপাত না করে পারে নাই। বৈজ্ঞানিকগণও সে কটাঙ্ক উপেক্ষা করতে পারেন নাই। কাব্যের মোহ যে তাঁদেরও বিচলিত করেছিল, বিজ্ঞানের আলোচনায়ও কাব্যের স্পর্শ দেখে সেই কথাই মনে হয়। তবে সংস্কৃত সাহিত্য যে খুবই উন্নত ছিল, বৈজ্ঞানিক শ্লোকগাথা থেকে সে বিষয় ভালভাবেই প্রতীয়মান হয়। নীরস বিজ্ঞানকে সরস করে তুলবার প্রচেষ্টা, সাহিত্যের এবং বৈজ্ঞানিকের উভয়েরই বিশেষ কৃতিত্বেরই নিদর্শন, তা ছাড়া এতে মুখে মুখে বৈজ্ঞানিক শ্লোকগুলি শিখে নেবার পক্ষেও খুবই সুবিধাজনক। তবুও পরবর্তী যুগে এর প্রসার এবং প্রচার হয় নাই বা হতে পারে নাই, বোধ হয় অনেকটা কাব্যের অতিশয়োক্তির জন্মেই। গ্রীক বিজ্ঞানের সখন্ধেও এই অতিশয়োক্তির কথা প্রযোজ্য। যদিও গ্রীক বিজ্ঞান-সাহিত্যে কাব্যের প্রাদুর্ভাব কম, তবুও তাঁরা কল্পনায় কম ঘান নাই। গ্রীক দেবদেবী, ঐতিহাসিক সমস্তাসমূহ বিজ্ঞান ও সাহিত্যে এমন ভাবে ভর করে আছেন যে, এঁদের তাড়িয়ে আসল বিজ্ঞানের গৌজখবর নেওয়া বড়ই কঠিন হয়ে পড়ে। গ্রীক পণ্ডিতদেরও বৃহৎ গণিতিক সংখ্যার প্রতি একটা অসম্ভব রকমের আসক্তি দেখা যায়; আর্কিমিডিস (Archimedes) এর পশুর সমস্যা (Cattle Problem), বালুকা-গণক (Sand reckoner—arenarius), সামো অধিবাসী আরিষ্টারকাস (Aristarchus) এর বৃহৎবর্ষ (Great year) প্রভৃতি গ্রীক বৈজ্ঞানিকদের বৃহৎ গণিতিক সংখ্যাশ্রীতির পরিচয় দেয়।

ভারত এবং গ্রীসের জ্ঞানশিক্ষা আরবেরা কিন্তু গুরুত্ব

বৃহৎ সংখ্যা-পীড়িত প্রভাব একেবারে কাটিয়ে গেছেন। এ নবজ্ঞান প্রবর্তক অপূর্ব প্রতিভারই পরিচায়ক। আরবীয় বৈজ্ঞানিক বিজ্ঞানের মতই কাঠখোঁটা। বৃহৎ বৃহৎ কল্পযুগের কল্পনা তাঁদের বিশেষ স্থান পায় নাই। শুষ্ক, নীরস, তদানীন্তন জ্ঞানলব্ধ নাতিবৃহৎ ও বীজগণিতিক সংখ্যা নিয়েই তাঁদের কারবার হয়েছে। সেই অক্ষশাস্ত্রে তাঁদের দানও হয়েছে অতুলনীয়। অক্ষশাস্ত্র ছাড়া বিজ্ঞানের অগ্নি-বিভাগে, এ দৃঢ় মানসিক শক্তির অভাব দেখা যায়। সে নিকে তাঁরা গুরুদের প্রভাব এড়িয়ে যেতে পেরেছেন বলে মনে হয় না। অগ্নি-বিভাগে সাহিত্যিক রূপ এবং অলঙ্কারের এত অধিক আশ্রয় নেওয়া হয়েছে যে আসল বক্তব্য তার মধ্যে খুঁজে পাওয়া মুশ্বিল। বেশীর ভাগই হয়েছে রসায়ন বা কিমিয়া বিভাগে। মনে হয় স্পর্শ-মনির লোভকে তাঁরা কেউ তেমন সংবরণ করতে পারেন নাই। পাছে অগ্নি কেউ তাঁদের আয়াসলব্ধ জ্ঞানটুকুকে আয়ত্ত করে নিয়ে ফাঁকি দিয়ে স্পর্শমনি আবিষ্কার করেন, হয়ত এমনি একটা ছর্বল ধারণা অহেতুক একটা দ্রবীকৃত তাঁদের মনের মধ্যে জাগিয়ে তুলেছিল এবং সে সম্ভাবনাকে যতদূর সম্ভব অসম্ভব করে তোলাবার জন্ত তাঁরা সাহিত্যিক রূপ এবং অলঙ্কারের আশ্রয় নিয়েছিলেন এই বৈজ্ঞানিক আলোচনার মধ্যে। এ ধারণা সত্য নাও হতে পারে। হয়ত অগ্নি-দেশের মত সাহিত্যিকের আদরের জৌলুস তাঁদের মনেও একটা দাঁড়া লাগিয়ে দিয়েছিল এবং সেইজন্মেই বৈজ্ঞানিক হয়েও তাঁরা সাহিত্যের প্রভাব কাটিয়ে উঠতে পারেন নাই। যদি অক্ষশাস্ত্রের মতই বিজ্ঞানের অগ্নি-বিভাগেও সাহিত্যের অহেতুক প্রভাব চুকতে না দেওয়া হোত, তা হোলে তাঁদের আয়াসলব্ধ জ্ঞান যে আরও প্রসারিত লাভ করতে পারত, সে কথা অস্বীকার করা চলে না কোন প্রকারেই। রূপ ও অলঙ্কারের খোলস ছাড়িয়ে আসল নগ্ন মূর্তি বের করতে পারলে দেখা যাবে বিজ্ঞানের রত্নগুলোকে কেমন করে সাহিত্যের সরস জঞ্জালে আবৃত করে রাখা হয়েছে।

প্রাক-ইসলাম আরব পারস্য ভূখণ্ডে যে বিজ্ঞানের চর্চা ছিল সে কথা পূর্বেই বলা হয়েছে। সেই বিজ্ঞান চর্চা অনেক পূর্বেই মিটয়ে গেলেও তার ক্ষীণাতিতমক্ষীণ কল্পধারা হয়ত এখানকার অধিবাসীদের অজ্ঞাত মনের কোণে একটু একটু

বিজ্ঞানে মুসলমানের দান

১। উত্তরকালে মুসলিম নরপতিদের সাহায্যে অনুপ্রাণিত
ধ্য এখানকার অধিবাসী বহু পারসী ও ইহুদী বৈজ্ঞানিকের
এই রেশেরই প্রতীক।

সাহিত্য দেখে মনে হয় ইসলাম আবির্ভাবের পূর্ববর্তীকালের
দের বিজ্ঞান-চর্চার সঙ্গে উত্তরকালের মুসলমানদের বিজ্ঞান-চর্চার এক
সম্বন্ধ বর্তমান। শুধু যে সিরিয়ান ভাষা থেকেই বৈজ্ঞানিক গ্রন্থের
ুবাদ হয়েছিল তা নয়, সাসানিয়ানদের আমলের ভাষা পেহলবী থেকেও অনেক
গ্রন্থ আরবীতে অনুদিত হয়। তন্মধ্যে সাসানিয়দের রাজত্বের শেষভাগে সম্পাদিত
'জিকই সাতরো আয়ার' (আরবী—জিজ আশ শাহী বা জিজ আশশাহরীয়ার
Royal astronomical table) অগ্ৰতম। আলমনসুর, আলমামুনের বিদ্বান
সভায়ও অনেক পারসী ও ইহুদী বৈজ্ঞানিক ছিলেন। তাঁরা অনুবাদ ও মুসলমানদের
বিজ্ঞান শিক্ষা বিষয়ে যথেষ্ট সাহায্য করেছিলেন। তদানীন্তন জ্যোতির্বিজ্ঞান
তালিকাকে (Astronomical table) পারসী ভাষায় জিক বা 'জিজ' বলা হোত,
উত্তরকালে এই শব্দই ব্যবহৃত হয়েছে। এ সমস্ত অনুধাবন করলে মনে হয়
ইসলামের আবির্ভাবের কিছু পূর্বেও পারস্যে বিজ্ঞানের চর্চা ছিল। গ্রীস ব্যতীত
অন্য যে দেশের প্রভাব মুসলমানদের উপর কার্যকরী হয়, সে হোল ভারতবর্ষ।
মুসলিম বৈজ্ঞানিকদের অঙ্কশাস্ত্রের মধ্যে জ্যোতির্বিজ্ঞান (astronomy) ও
জ্যামিতিতে গ্রীক প্রভাব বিশেষ ভাবে পরিলক্ষিত হয়; কিন্তু ভারতবর্ষের
দান ছিল বীজগণিত ও অঙ্ক। গ্রীক অঙ্কশাস্ত্রবিদদের মধ্যে আলেকজেন্দ্রিয়ার
অধিবাসী ডাওফেণ্টেরই (Diophantus) যা নাম পাওয়া যায় বীজগণিতের
সঙ্গে। ডাওফেণ্ট ছাড়া অন্য কোন পণ্ডিত এবিষয় নিয়ে তেমন বিশেষ কোন চর্চা
করেন নাই। গ্রীক পণ্ডিতগণ বিজ্ঞান ও সাহিত্যকে কেমন নানারূপ সমস্কার
সঙ্গে বিজড়িত করতেন সে ডাওফেণ্টের জীবনী থেকেই কিছু বোঝা যায়।
জীবনীকার আয়ুফাল সম্বন্ধে লিখিতে গিয়ে বলেছেন, ডাওফেণ্টের বাল্যকাল
তাঁর জীবনের এক-যষ্ঠাংশ, তারপর দ্বাদশাংশের এক-অংশের পর তাঁর দাড়ি
গজায়, তারপর একসপ্তাংশে তিনি বিবাহ করেন, বিবাহের পাঁচ বৎসর পরে
তাঁর এক পুত্র জন্মে। পুত্র পিতার বয়সের অর্ধেককাল জীবিত ছিল, এবং
পিতা পুত্রের চার বৎসর পরে মৃত্যুমুখে পতিত হন। এ থেকে বোঝা যায়

যে তিনি ৩৩ বৎসর বয়সে বিবাহ করেন এবং ৮৪ বৎসর বয়সে মৃত্যুমুখে পতিত হন।

মুসলিম বৈজ্ঞানিকগণ গ্রীক-বিজ্ঞানকেই ভিত্তি করে বিজ্ঞানের আলোচনা শুরু করেন। তাঁরা যদি বিজ্ঞানের আর বিশেষ কোন উন্নতি না করে, শুধু তাঁদের সংরক্ষন এবং অনুসন্ধিৎসা প্রসূত, আবিষ্কৃত বিস্মৃত প্রায় গ্রীক-বিজ্ঞান গ্রন্থ শুধু অনুবাদ করেই রেখে যেতেন, বিজ্ঞানে তাঁদের নিজেদের মৌলিক দান কিছু নাও থাকত, তাহলেও তাঁদের আয়াস, অনুসন্ধিৎসা, শিক্ষা ও সভ্যতার আদর্শ গ্রহণে ধর্মনির্বিশেষে অপক্ষপাত কার্যের জ্ঞাত, জগৎকে তাঁদের নিকট চিরস্থায়ী হয়ে থাকতে হোত। গ্রীক-বিজ্ঞানের নামগন্ধও যখন বিলুপ্তপ্রায় তখনই মুসলিম বৈজ্ঞানিকদের আবির্ভাব ও পূর্বেকার জ্ঞানবিজ্ঞানের অনুসন্ধান, বিজ্ঞান জগতে বিধাতার এক আশীর্বাদই বলতে হবে। মুসলমানদের পূর্বে বিজ্ঞান ছিল অজ্ঞান-অন্ধকারে নিমজ্জমান প্রায়। গ্রীকদের বৈজ্ঞানিক গ্রন্থের অনেকগুলিই অধুনা লুপ্ত। আরবী অনুবাদই শুধু পূর্বেকার বৈজ্ঞানিকদের গবেষণার ফল জগৎকে শিক্ষা দিচ্ছে। বস্তুত মুসলিম মনোবী এবং নৃপত্তিগণ, এদিকে মনোনিবেশ না করলে জগতের বৈজ্ঞানিকদের বিজ্ঞান-গবেষণা আবার গোড়া থেকে আরম্ভ করতে হোত। এপোলোনিয়াসের (Appollonius) কণিক (conics), মেনিলসের (Menelaus) গোলক (spherics), ষাইজেন-টাইনের ফিলোর (Philo) বায়ুবিজ্ঞান (pneumatics), প্রভৃতি গ্রন্থ অধুনা বিলুপ্ত ; আরবী অনুবাদগুলিই তাদের অস্তিত্বের একমাত্র সাক্ষ্য। মোট কথা গ্রীকবিজ্ঞানের এত উন্নতির সাক্ষ্য হিসাবে রয়েছে শুধু মুসলিম বৈজ্ঞানিকদের অনুবাদ কার্য এবং তারই উপর নির্ভর করে ইউরোপের বর্তমান বৈজ্ঞানিক অভিযান। মুসলমানগণ যখন পুরাতন বৈজ্ঞানিক গ্রন্থ অনুবাদ এবং নব নব জ্ঞান আহরণে নিযুক্ত, খৃষ্টীয় ইউরোপ তখন অজ্ঞান-অন্ধকারে সমাচ্ছন্ন। ইউরোপে তখন চলছিল অসভ্যতার অভিযান, বর্বরতার চরম নিদর্শন—ধর্মের নৃশ্লাতিসূক্ষ্ম বিশ্লেষণ।

মুসলিম মনোবীগণ যে সময় বিজ্ঞান সাধনা আরম্ভ করেন তখন যে বিজ্ঞানের চর্চা করা আজকালকার মত এত সংজ্ঞামাধ্য ছিল না সে অবিস্মৃতা দী সত্য। প্রথমত আজকালকার মত অণু দেশের জ্ঞান ভাণ্ডারের সন্ধান পাওয়ার কোন

সুবিধাই ছিল না, তা ছাড়া মুজনের অভাবে কোন গ্রন্থই প্রচার লাভ করতে পারত না। বিজ্ঞানের ছাত্রদের হাতে লিখে নিয়ে পূর্বকার বিজ্ঞান গ্রন্থগুলিকে নিজেদের সম্মুখে ধরে রাখতে হোত। অথ এক অসুবিধা ছিল এই সমস্ত গ্রন্থ সংগ্রহের। এ ছাড়া নানা রকম ভাষা শিক্ষা করার কঠোর পরিশ্রমও সহ্য করতে হোত। এই সমস্ত বিবেচনা করেই আল্বেকুনী (আবু রাইহান আল্বেকুনী ৯৭৩-১০৪৮) বলেছেন “প্রথম জীবনে উপযুক্ত শিক্ষা, নানা ভাষা-জ্ঞান, সুদীর্ঘ জীবন, দীর্ঘ ভ্রমণের, গ্রন্থ ও যন্ত্রপাতি সংগ্রহের নিমিত্ত অর্থ ও সামর্থ এই সমস্ত বিজ্ঞান শিক্ষার নিমিত্ত অবশ্য প্রয়োজনীয়। আমাদের দিনে কোন এক জীবনে এ সমস্তের একত্র সমাবেশ খুব কমই দেখা যায়। আমাদের কাজ হবে পূর্বকার বৈজ্ঞানিকদের কার্যগুলিকে সংরক্ষণ করা এবং যতদূর পারা যায় তাঁদের অসম্পূর্ণ গবেষণাকে সম্পূর্ণ করা। যে এর বেশী কিছু করতে যাবে সে শুধু নিজেই ধ্বংস করবে না, তার সঙ্গে সঙ্গে অথ অনেক কিছুই ধ্বংস হবে।” আল্বেকুনীর এ সমস্ত কথা তাঁর অতি বিনয়ের পরিচয় মাত্র। মুসলিম বৈজ্ঞানিকগণের বিজ্ঞানজগতে দান, তাঁর কথা মত যতটুকু হওয়া উচিত ছিল, আসলে হয়েছে তার চেয়ে অনেক বেশী। নানা রকম অসুবিধা এবং সঙ্গে সঙ্গে খুব কম সুযোগ পেয়েও তাঁরা বিজ্ঞান-জগতে যে পরিবর্তন এনেছেন সে শুধু আশ্চর্যজনকই নয়, অতীব বিস্ময়কর।

মুসলিম বৈজ্ঞানিকদের অসুবিধা অস্তুত অর্থের দিক দিয়ে যে কত ছিল সে বোঝা যায় তদানীন্তন গভর্নমেন্টের বাজেটে শিক্ষাবিভাগের ব্যয়-বরাদ্দ থেকে। আজকালকার অধ্যাপকগণের একজনের বেতনের সমান অর্থ তখনকার সমস্ত শিক্ষা বিভাগের জ্ঞান বরাদ্দ হোত কিনা সে বিষয়ে যথেষ্ট সন্দেহ আছে। প্রত্যেক মুসলিম রাজ্যেই বিজ্ঞান এবং বৈজ্ঞানিকদের জ্ঞান ব্যয়-বরাদ্দ ছিল বটে, কিন্তু তাঁদের রাজ্যের অথ কর্মচারীদের মত তেমন দরকারী মনে করা হোত না বলেই ধারণা হয়। বাগদীর যেমন কদর ছিল বিদ্বানের কদর তেমন ছিল না, বক্তৃতা শক্তিকে অসম্ভব রকমে সমাদর করা হোত। হয়ত এখনকার মতই মুখে যাঁরা যত চীৎকার করতে পারতেন, গভর্নমেন্টের দৃষ্টিও তাঁরাই তত বেশী আকর্ষণ করতেন। যাঁরা নীরবে নিজেদের সাধনায় লিপ্ত থাকতেন তাঁদের দিকে খুব কম লোকেরই নজর পড়ত, অস্তুত

যে সব নীরব কর্মী ধর্মশাস্ত্র বা রাজনীতি চর্চা না করে অগ্রদিকে মন দিতেন। ইবনে আস্তাবের বর্ণনা থেকে জানা যায় যে একজন বিদ্বানকে ব্যাকরণ, ছন্দপ্রকরণ, অঙ্ক, কোরাণ ও সাহিত্য শিক্ষাদানের নিমিত্ত মাসিক ষাট দেহরহামে (দেড় পাউণ্ড বা প্রায় কুড়ি টাকা) পাওয়া যেত কিন্তু সেই শিক্ষক যদি বাগ্মী হোতেন তা হোলে এক হাজার দেহরহামেরও তিনি সম্মুখে হোতেন না। খলিফা আলহাকিম (৯৯৬-১০২১) কায়রোতে বৈজ্ঞানিক গবেষণার জন্ত যে গবেষণাগার নির্মাণ করেন তার বার্ষিক ব্যয়-বরাদ্দ ছিল দু'শ সাতাল্ল দিনার (একশ সাড়ে আটাশ পাউণ্ড বা সত্তর শ টাকা)। এর মধ্যে নব্বই দিনার ব্যয় হোত পাণ্ডুলিপি নকল করবার জন্ত এবং তেইটি দিনার লাইব্রেরীয়ান, অগ্ৰাণ্য কর্মচারী ও আসবাবাদির জন্ত ব্যয় হোত। দেখা যাচ্ছে বৈজ্ঞানিকদের জন্ত বরাদ্দ ছিল মাত্র একশ চার দিনার। কিন্তু মিশরের প্রধান কাজী পেতেন, কারুর কারুর মতে, মাসিক চার হাজার দেহরহাম (প্রায় আশী পাউণ্ড)। কেউ কেউ বলেন তাঁর বেতন এর চেয়েও বেশী ছিল; তিনি দৈনিক সাত দিনার বা প্রায় পঞ্চাশ টাকা পেতেন। অর্থের এমন অপ্ৰাচুর্যের মধ্যেও যারা বিজ্ঞানের সাধনায় জীবনপাত করেছেন, শুধু অনর্থক জীবনপাতই করেন নাই বরং বিজ্ঞানকে রত্নসম্ভারে পূর্ব করে মুসলিম জগৎকে সমস্ত পৃথিবীর চক্ষে গৌরবময় করে গিয়েছেন, তাঁদের'সে সাধনার মূল্য আজ কে দেবে ?

মুসলিম আমলে রীতিমত ভাবে বিজ্ঞান-চর্চা প্রথম শুরু হয় বাগদাদ নগরীতে আব্বাসীয় খলিফা আলমেনশুরের রাজত্ব কাল থেকে। ওম্মীয় বংশের রাজত্বকালে বিজ্ঞান-চর্চা কতদূর হয়েছিল, তার বিস্তৃত ইতিহাস এখনও পাওয়া যায় নাই। দেশে দেশে, মসজিদে মসজিদে, লাইব্রেরীতে লাইব্রেরীতে যে সমস্ত পাণ্ডুলিপি রয়েছে এখনও তার রীতিমত খোঁজ করা হয় নাই। সেগুলোর মধ্যে যে কোন্ রত্নরাজি লুকায়িত আছে তা কে বলবে ? এক কনস্টান্টিনোপলে প্রায় শ'খানেক লাইব্রেরীতে হাজার হাজার পাণ্ডুলিপি বর্তমান; তা ছাড়া কায়রো, দামস্কাস, মসুল, বাগদাদ, পারস্যের নানাস্থানে, ভারতবর্ষে, স্পেনে, এখনও অনেক পাণ্ডুলিপি বর্তমান রয়েছে। সেগুলির খোঁজও হয় নাই, পৃথিবীও তাঁদের পরিচয় পায় নাই। মধ্যে মধ্যে হু একখানি করে বের হয় আর সমস্ত পৃথিবী অবাক বিশ্বাসে চেয়ে

থাকে মুসলিম মনোবীদদের জ্ঞান সাধনা দেখে। প্রাপ্তব্য সমস্ত পাণ্ডুলিপির অমুসলমান হবার পরই এ সম্বন্ধে নিখুঁত ইতিহাস পাওয়া যেতে পারে।

বিজ্ঞান সম্বন্ধে আলোচনা করতে গেলে প্রথমেই আসে অঙ্কশাস্ত্রের কথা। বিজ্ঞানের মূল অঙ্কশাস্ত্র এবং বিজ্ঞানের প্রথম সূত্রপাতও অঙ্কশাস্ত্র থেকেই। পৃথিবীতে মানুষের আবির্ভাবের সঙ্গে সঙ্গে যে তাদের 'অঙ্কের' দরকার পড়েছিল সে কথা বিশ্বাস করবার জন্য প্রত্নতাত্ত্বিকের গবেষণার দরকার নাই। অবশ্য আজকালকার মত ধারাবাহিক প্রণালীবদ্ধ সৃষ্ট কোন নিয়ম কিম্বা আধুনিক অঙ্কশাস্ত্রের প্রাথমিক আইনকানুনও যে প্রথমেই প্রচলিত হয়েছিল এমন মনে করবার কোন কারণই নাই। তবে গণনা করবার একটা প্রণালী প্রথম থেকেই আবিকৃত বা স্থিরীকৃত হয়েছিল মানুষের চিরন্তন কল্পনা শক্তির প্রভাবে ও অভাব বোধের তাড়নায়। অঙ্কশাস্ত্রের ধারাবাহিক নিয়ম প্রণালী প্রথম যে কোথায় স্থিরীকৃত হয় সে সম্বন্ধে সঠিক কিছুই জানা যায় না। মেসোপটেমিয়া অগ্রগণ্য হবার দাবীর পক্ষে যেমন কতকগুলি যুক্তির অবতারণা করে, তেমনি আবার মিশর অল্প কতকগুলি যুক্তি দেখিয়ে তারই প্রথম হওয়ার দাবীকে জগৎ সম্মুখে তুলে ধরেছে। চীন এবং ভারতবর্ষও এ সম্বন্ধে পশ্চাৎপদ হয় নাই। তবে মিশর ও মেসোপটেমিয়ার দাবীর পক্ষে সাক্ষ্য দিচ্ছে তাদের পূর্বাপর সংরক্ষণ অভ্যাসের জন্ম পূর্বকার কার্যাবলীর অস্তিত্ব। এগুলি থেকে একটা ঐতিহাসিক তারিখ ঠিক করে নেওয়া সম্ভবপর। চীন এবং ভারতের বেলায় তেমন কোন প্রামাণিক ঐতিহাসিক তারিখ পাওয়া মুশ্কিল। এদের ঐতিহ্যের দাবীর মধ্যে যৌক্তিকতা, অযৌক্তিকতা যতই থাক না কেন, বিভিন্ন দেশের প্রাচীন অঙ্কশাস্ত্রের আলোচনা করলে দেখা যায় যে বিভিন্ন দেশ, অঙ্কশাস্ত্রের বিভিন্ন বিভিন্ন বিভাগে উন্নতি করেছিল। সকলের মত এবং পথ ঠিক এক নয়। দেশের জলবায়ুর উপর মানুষের মানসিক অবস্থা যে অনেকখানি নির্ভর করে এ সমস্ত বিবেচনা করলে সে কথা বেশ ভাল ভাবেই প্রতীয়মান হয়। ভারত, আরব, পারস্য প্রভৃতি প্রাচ্য দেশের সভ্যতা ও আদর্শের সঙ্গে গ্রীস, রোম, ইতালী প্রভৃতি পশ্চাত্য দেশের সভ্যতা ও আদর্শের অনেক পার্থক্য পরিদৃষ্ট হওয়ার কারণ, এই জলবায়ুর পার্থক্যই সর্বিবেশিত

বলে মনে হয়। মানুষের আদি বাসস্থান এবং তাদের দেশ হিসাবে জাতিভেদ নিয়ে পণ্ডিতেরা এখনও গোলমাল করছেন, কেউ কেউ অঙ্কশাস্ত্রের চর্চাকে ভিত্তি করে এর মীমাংসার একটা উপায় নিরূপণের চেষ্টা করতেও কসুর করেন নাই।

ইসলামের প্রথম যুগে মুসলিম মনীষীদের মধ্যে নানাকারণে অঙ্কশাস্ত্র আলোচনা করবার মত মানসিকতার অভাব দেখা দিলেও নানা দিক থেকেই অঙ্কশাস্ত্র তাঁদের দৈনন্দিন জীবনে এসে হানা দেয় নানা সমস্কার রূপ নিয়ে। এমনিতে অঙ্কশাস্ত্র আলোচনা না করলেও আশু প্রয়োজনীয় সমস্যাগুলির সমাধান করতে তাঁদের একটুও দেৱী হয় নি। প্রথমেই এসে পড়ে সন, তারিখ এবং পঞ্জিকার কথা। হজরতের মক্কা শরীফ থেকে হিজরতকে প্রথম প্রথম মুসলিমগণ কোন্ চোখে দেখেছিলেন বলা যায় না কিন্তু হজরতের মৃত্যুর পর একে কাজে লাগানোর কথা তাঁদের মনে পড়ে। ফলে মৃত্যুর কয়েক বৎসর পরেই এই ঘটনা মুসলিম জগতের সন তারিখ নির্ণয় করবার জন্ম ব্যবহৃত করা হয়। হিজরতের সতের বৎসর পরে হিজরী, সন হিসাবে গণনা করবার নিয়মপদ্ধতি প্রচলিত হয়। মুসলিম মনীষীগণ এ বিষয়ে কি তৎপরতা দেখিয়েছিলেন এই সঙ্গে খৃষ্টীয় অন্ধের প্রচলনের কথা বিবেচনা করলেই সে কথা উপলব্ধি করা যাবে। যীশুখৃষ্টের মৃত্যুর পাঁচশত বৎসর পরে ষষ্ঠ শতাব্দীর প্রথম ভাগে Dionysius Exiguus কতৃক এই অক্ষরটি প্রবর্তিত হয় কিন্তু দশম শতাব্দী পর্যন্ত এ সর্ব সাধারণের সমর্থন পায় নি বা সন হিসাবেও প্রচলিত হতে পারে নি।

কারুর কারুর মতে হিজরী সন ব্যবহার করবার প্রথা হজরতের জীবনকালেই স্থিরীকৃত হয়। এর স্বপক্ষে তাঁরা কতকগুলি হাদীসের উল্লেখ করেন কিন্তু এই হাদীসগুলির সত্যতা সম্বন্ধে সন্দেহ করবার যথেষ্ট অবকাশ আছে। অল্প একদলের মতে হজরত আবুবকরের (রাঃ) খেলাফতের সময় ইমেনের গভর্নর ইয়ালা বিন ওমাইয়া কতৃক প্রথম এটি সন হিসাবে ব্যবহৃত হয়। কিন্তু এরও বিশ্বস্ত কোন প্রমাণ পাওয়া যায় না। যতদূর জানা যায় দ্বিতীয় খলিফা হজরত ওমরই (রাঃ) এটিকে প্রথম ৩৩-৩৯ হুঃ অর্কে সন হিসাবে প্রচলন করেন; এর প্রচলনের কারণও হোল তাঁর শাসন সংস্কার ও রাজস্বের সুব্যবস্থা করার আগ্রহ।

হজরত ওমর (রাঃ) রাজস্ব আয় ব্যয়ের সূচকভাবে হিসাব নিকাশ রাখার ব্যবস্থা করবার মনস্থ করতেই তারিখের কথা উঠে পড়ে। রাজকীয় কাগজ পত্রাদিতেও তারিখের সমস্যা দেখা দেয়। রাজধানী থেকে প্রেরিত চিঠি পত্রাদিতে তারিখ না থাকার জগ্গেও চারিদিক থেকে অভিযোগ আসতে শুরু করে। আল্বেকরী মতে এই তারিখ না থাকার জগ্গেই আবু মুসা আল্ আশারী তিরস্কারের ভঙ্গীতে হজরত ওমরকে এক চিঠি লেখেন—‘আপনি যে সমস্ত চিঠি পত্র পাঠাচ্ছেন তাতে তারিখের নাম গন্ধ নাই’। এই ভাবে নানা দিক থেকে তারিখ ও সনের অত্যাৱশ্যকতা দেখা দেওয়ায় খলিফা সবাইকে ডেকে পরামর্শ জিজ্ঞাসা করেন। কেউ কেউ হজরতের জন্ম-তারিখ থেকে একটি সন প্রচলন করবার ব্যবস্থা প্রস্তাব করেন কিন্তু প্রস্তাবটি সবার মনঃপুত হোল না। হজরত আলী (কঃ) তখন হিজরতের ঘটনা থেকে সন প্রচলন করবার প্রস্তাব করেন। হিজরতের পর থেকেই হজরতের রাজনৈতিক প্রাধাণ্য লাভ হতে থাকে। প্রস্তাবটিতে সবাই সানন্দে সম্মতি দিলেন। ফলে হিজরী রাজকীয় সন হিসাবে গৃহীত হওয়ার সিদ্ধান্ত হোল। এই সিদ্ধান্তের তারিখ নিয়েও কিছু কিছু মতভেদ দেখা যায়। কারুর কারুর মতে হিজরতের বোল বৎসর পরে, কারুর মতে আঠার বৎসর পরে খলিফা এই সিদ্ধান্ত করেন—তবে অধিকাংশের মত হোল সতের বৎসর।

হিজরতের বৎসরকে সনের প্রথম বৎসর বলে ধরা হোলেও তারিখকে কিন্তু বৎসরের প্রথম তারিখ বলে ধরা গেল না। অক্ষ প্রচলন হবার পূর্বেই কোরাণ শরীফে দিনপঞ্জী রাখবার নির্দেশ দেওয়া হয়েছে—মোহাররম মাসই বৎসরের প্রথম মাস। তাই ৬২২ খৃঃ আকের ২০শে সেপ্টেম্বর হিজরতের তারিখ হোলেও হিজরী সনের প্রথম মাসের প্রথম তারিখ আরম্ভ হোল ৬২২ খৃঃ আকের ১৫ই জুলাই শুক্রবার থেকে।

দৈনন্দিন প্রয়োজনীয়তা ছাড়াও ধর্মবিশ্বাসের সূক্ষ্ম পথ দিয়েও অন্ধশাস্ত্র মুসলিম মনীষীদের জীবনে প্রভাব বিস্তার করবার প্রয়াস পায়। কোরাণ শরীফের নানা নির্দেশ—“আকাশের চন্দ্র সূর্য হিসাব অনুসারেই চলে” (১) “সূর্য চন্দ্র তাদের নিদিষ্ট আইন অনুসারেই চলে” (২), নভোমণ্ডলের সব কিছু আকাশে সাঁতার কাটছে (৩), বৃলজ্জানী অন্ধবিশ্বাসীদের মনে

(১) হুবা আবুৱহমান (২) হুবা ইয়াসিন (৩) হুবা ইয়াসিন

ভাবান্তরের সূচনা না করলেও জিজ্ঞাসু ও জ্ঞানপিপাসুদের মনে দোলা না দিয়ে পারে না। হজরতের বাণী হল্-চিহ্নিত সংখ্যা (irrational number) $\sqrt{2}$, $\sqrt{3}$ এর যথার্থ মূল্য এখন পর্যন্ত শুধু আরবাই জানেন জিজ্ঞাসু মনকে উদ্বাস্ত করে তুলতে বাধ্য।

যা হোক এমনিভাবে ধর্মীয় এবং রাজকীয় উভয় কারণে অক্ষশাস্ত্র মুসলিম রাজনীতির মধ্যে প্রবেশ করলেও প্রথম যুগে বিজ্ঞান হিসাবে এর আলোচনা করবার মত মানসিক অবস্থার সৃষ্টি সম্ভবপর হয় নাই। অতি আবশ্যিকীয় সমস্যাগুলির সমাধানের জগৎ যতটুকু প্রয়োজন সেটুকু ছাড়া আর বেশীদূর অগ্রসর হবার মত অবসরও আর তাঁদের হয় নাই। পঞ্জিকা ও তারিখের ব্যবস্থা হবার পর হিসাব নিকাশ রাখবার জগৎ তাঁরা তৎকালীন প্রচলিত আরবী অক্ষরমালাকেই সংখ্যা হিসাবে ব্যবহার করা শুরু করেন। আরবী অক্ষরমালা দ্বারা কি ভাবে সংখ্যা নিরূপিত হোত নিম্নে প্রদত্ত তালিকা থেকেই তা বোঝা যাবে।

১	১০	১০০	১০০০	১০০০০	১০০০০০
২	২০	২০০	২০০০	২০০০০	২০০০০০
৩	৩০	৩০০	৩০০০	৩০০০০	৩০০০০০
৪	৪০	৪০০	৪০০০	৪০০০০	৪০০০০০
৫	৫০	৫০০	৫০০০	৫০০০০	৫০০০০০
৬	৬০	৬০০	৬০০০	৬০০০০	৬০০০০০
৭	৭০	৭০০	৭০০০	৭০০০০	৭০০০০০
৮	৮০	৮০০	৮০০০	৮০০০০	৮০০০০০
৯	৯০	৯০০	৯০০০	৯০০০০	৯০০০০০

নির্ধৃত বিজ্ঞান হিসাবে এর মূল্য যাই হোক না কেন এই অপরিষ্কৃতভার মধ্যেও অক্ষশাস্ত্রের সন্নিবদ্ধ নিয়মের পরিচয় পাওয়া যায়। যেখানেই ছুইটি সংখ্যা যুক্ত হয়ে দেখা দিয়েছে সেখানেই তাদের মূল্য হয়েছে গুণন পদ্ধতি অনুসারে।

যেমন

$$\begin{array}{lll} b=৯ & \text{ع}=১০০০ & \text{ط}=৯০০০ \\ \text{,}=২০০ & \text{ع}=১০০০ & \text{ع}=২০০,০০০ \end{array}$$

আরবদের মধ্যে সংখ্যা গণনার এই প্রণালী ষষ্ঠ শতাব্দীতেই প্রচলিত হয়। মুসলিম জাতির দিগ্বিজয়ের সঙ্গে সঙ্গে সংখ্যা গণনার মধ্যেও ধীরে ধীরে পরিবর্তন এসে পড়ে। বিজয়ী মুসলিম সেনানীগণ সভ্যতার সংস্পর্শে এসে গ্রীক জ্ঞান বিজ্ঞানের প্রভাবে প্রভাবান্বিত হয়ে পড়েন এবং হিসাব নিকাশে গ্রীক সংখ্যা ব্যবহার শুরু করেন। শাসকগণও এর প্রভাব থেকে মুক্তি পান নি। তাঁরাও এর ব্যবহারে সায় দেন। অষ্টম শতাব্দীর একটি রাজস্ব হিসাব পত্রের দলিলে আরবী ও গ্রীক সংখ্যা পাশাপাশি লিখিত রয়েছে দেখতে পাওয়া যায়। অষ্টম শতাব্দীর শেষভাগে মুসলিম মনীষীগণ এর নাগপাশ থেকে মুক্তি লাভ করেন বলা যেতে পারে।

অষ্টম শতাব্দী

বিজ্ঞানের ইতিহাসে ষষ্ঠ শতাব্দী থেকে যে ভাঁটা বইতে শুরু করে অষ্টম শতাব্দীর মধ্যভাগ পর্যন্ত তাতে আর বিশেষ কোন পরিবর্তনই দেখা দেয় নাই। দর্শনের কচ্‌চানি, অতি সূক্ষ্মাতিসূক্ষ্ম বিশ্লেষণ এর উন্নতির পথ আগলিয়ে থাকে। নব প্রতিষ্ঠিত ইসলামের শিগ্গবর্গ তাঁদের ধর্ম, আচার, ব্যবহার তথা সমাজ সংস্কার নিয়েই মেতে থাকেন—বিজ্ঞানও তাই রুদ্ধ দ্বার থেকে মুক্তি পায় নি।

খোলাফায়ে রাশেদীনের সময় অত্যন্ত স্বাভাবিক ভাবেই বিজ্ঞান চর্চা কিছুই হয় নি। তাঁদের পতনের পর ওম্মীয় বংশের রাজত্ব কালেও এ বিষয়ে বিশেষ কিছু উন্নতি হয় নি বলা চলে। এই বংশের খালেদ ইবনে ইয়াজিদ ইবনে মোরাবিয়া ছাড়া অল্প কেউ এদিকে মন দিয়েছেন বলে জানা যায় না। কিন্তু খালেদের অনুপ্রেরণাও সুধী সমাজকে বিশেষ অনুপ্রেরিত করতে পারে নাই বলে মনে হয়। এমনিতে এই নিরুৎসাহের কারণ বোঝা চুকুর। তবে মাত্র যারা উন্নতির পথে পা বাড়িয়েছে, জ্ঞান বিজ্ঞানের নেশায় মেতে উঠেছে, তাদের পক্ষে খালেদের অমূল্য বৈজ্ঞানিক কার্যাবলী ও অনুপ্রেরণা সবেও বিজ্ঞানের প্রতি এই ঐদাসীঘ এক অস্বাভাবিকতারই আভাস দেয়। খুব সম্ভব রাজনৈতিক ঝগড়াবাতই এই ঐদাসীঘের মূল কারণ। হজরত আলীর (কঃ) বংশের প্রতি ওম্মীয়দের অত্যাচার, কারবালার নৃশংস স্মৃতি, সবার উপরে কতিপয় নৃপতির নির্ভর ব্যবহার, অমানুষিক প্রজাপীড়ন ও উপযুপরি হৃদয়হীন শাসন—এই সবগুলো মিলে ওম্মীয় বংশকে মুসলিম সর্বসাধারণের বিরাগ ভাজন করে তোলে। জনমত ওম্মীয় বংশের প্রতি একটি বিরাত বিরাগ ও আন্তরিক ঘৃণার স্তূপ হয়ে দাঁড়ায়। সুধীসমাজও জনগণের ছোঁয়াচ এড়াতে পারেন নি। হয়ত সেই জন্মেই খালেদের অনুপ্রেরণা তাঁদের বিশেষ উদ্বুদ্ধ করতে পারে নি।

ওম্মীয় বংশের পতনের পর আব্বাসীয় বংশের রাজত্বের সময় এই অবসাদ ভাব কেটে যায়। কুয়াসা কেটে গিয়ে নবীন সূর্যের নব আলোকে সমস্ত জগৎ

উদ্ভাসিত হয়ে উঠে। নূপতিদের জনপ্রিয়তা ও বিজ্ঞোৎসাহিতা সভ্যতা ও জ্ঞান-বিজ্ঞানের উন্নতির পথকেও উন্মুক্ত করে দেয়। এ ছাড়া এই সময়ে পারসী মাওয়ালাদের আরব বিদ্বেষী কার্যকলাপও জ্ঞানবিজ্ঞান চর্চার প্রতি মুসলিম জনগণ ও সুধী সমাজকে আগ্রহান্বিত করে তোলে। আব্বাসীয় বংশের উদার শাসন ব্যবস্থার সুযোগ নিয়ে মাওয়ালাগণ শুউব্বী নামে একটি আরব বিদ্বেষী বিদ্বৎসমাজ প্রতিষ্ঠা করে। এরা সাম্যবাদী নামেও পরিচিত ছিল। আরব বা নবদীক্ষিত মুসলিমদের সর্ব বিষয়ে হেয় করবার প্রচেষ্টা এদের একমাত্র কার্যে পরিণত হয়। আরব ভক্ত বা নব দীক্ষিত মুসলিমগণ খলিফাদের কার্য-কলাপ দেখিয়ে গর্ব করলে সাম্যবাদীরা ফেরাউন, নমরুদ, খসরু প্রভৃতি সম্রাটগণের কীতি বর্ণনা করে প্রতিপক্ষকে নির্বাক করতে চেষ্টা করত। নবী রশুলের কথা উঠলে একলাখ চল্লিশ হাজার পয়গম্বরের মধ্যে মাত্র চারজন [হজরত হুদ, হজরত সালেহ, হজরত ইসমাইল ও হজরত মোহাম্মদ (দঃ)] আরব বংশে জন্মগ্রহণ করেছেন বলে তাদের বিক্রম করতে ছাড়ত না। জ্ঞানে শ্রেষ্ঠতার কথা উঠলে আরববিদ্বেষীরা গ্রীক, ভারতীয়, মিশরীয় ও পারসী দর্শন বিজ্ঞান জ্যোতিষের নজির উপস্থিত করত—মুসলিমদের এক খোদাদও কোরাণশরিফ ছাড়া নিজেদের জ্ঞানবুদ্ধি প্রসূত কোন কিছুই বলবার ছিল না। শুউব্বীদের এমনিভাবে আরবদের বিরুদ্ধে পৃথিবীর যে কোন জাতির পক্ষে ওকালতি আরবজাতিকে অথ সব জাতির চেয়ে হেয় প্রতিপন্ন করবার চেষ্টা, নব-দীক্ষিত ও নব ভাবে অনুপ্রেরিত মুসলিমদের মধ্যে এক অপূর্ব আত্মবোধ জাগিয়ে তোলে। জ্ঞানে বিজ্ঞানে নিজেদের শ্রেষ্ঠ স্বাপনের জন্তু সুধীসমাজের মনে এক অদম্য মানসিকতার উদ্ভব হয়। নূপতিদের বিজ্ঞোৎসাহিতা এতে ইন্ধন যোগায়। ফলে জ্ঞান বিজ্ঞান চর্চা শনৈঃ শনৈঃ উন্নতির পথে অগ্রসর হয়। আব্বাসীয় বংশের দ্বিতীয় খলিফা আলমনশুর বিজ্ঞান চর্চার ভিত্তি স্থাপন করেন। তাঁর সময় থেকেই সর্বপ্রথম মুসলিম মনীষীগণ কর্তৃক স্মৃষ্কল ও স্মৃষ্কলবদ্ধভাবে বিজ্ঞান আলোচনা শুরু হয়।

খলিফা আলমনসুর (৭৫৪—৭৭৫)

অষ্টম শতাব্দীর মধ্যভাগে তাইগ্রীস নদীর পশ্চিম তীরে বাগদাদ নামীয় এক বড় গ্রামে খলিফা আলমনসুর তাঁর রাজধানী স্থাপন করেন। এর রাজকীয় নাম রাখা হয় মদিনা-তুস-সালাম। খলিফাদের মুদ্রাতে এবং রাজকীয় কাগজ-পত্রাদিতেই এই নূতন নাম ব্যবহৃত হোত, কিন্তু এখানকার অধিবাসীগণ সে নাম গ্রহণ করেন নাই। রাজকীয় নাম শুধু রাজকীয় কাগজ-পত্রাদিতেই সীমাবদ্ধ হয়ে পড়ে, বাইরে এ যথাপূর্ব বাগদাদ নামে পরিচিত হোতে থাকে। খলিফার প্রদত্ত নাম গ্রহণ না করলেও, তাঁর অণু গুণাবলীর সম্মান করতে এর এতটুকুও শৈথিল্য আসে নাই। ফলে তাঁর বিদ্যোৎসাহিতা অতি সহজেই সর্বসাধারণের দৃষ্টি আকর্ষণ করে। রাজসভা দেশ-বিদেশের বিখ্যাত বিদ্বানগণের দ্বারা পরিপূর্ণ হয়। তাঁদের মধ্যে ধর্মশাস্ত্রের ব্যাখ্যাকারক, কবি, জ্যোতির্বিদ, ইঞ্জিনিয়ার, বৈজ্ঞানিক—এক কথায় তখনকার দিনের সর্ববিদ্যাবিশারদগণেরই উপস্থিতি দেখতে পাওয়া যায়। নগরীর নকশা হয় নও বখ্ত নামক একজন পারসী এবং মাশাআল্লাহ নামক একজন ইহুদী জ্যোতির্বিদের পরামর্শ অনুসারে। বোসোর (Bossault) মতে প্রাচীন ব্যাবিলন যে স্থানে অবস্থিত ছিল বাগদাদ নগরীও সেই স্থানেই স্থাপিত হয়।

আলমনসুরের রাজসভার বৈজ্ঞানিকগণের অল্পতম আবু ইসহাক আলফাজারী নানা কারণে তৎকালীন বৈজ্ঞানিকদের মধ্যে বিশিষ্ট স্থান অধিকার করেছিলেন। উল্লেখ্য ভারতের জ্ঞান-বিজ্ঞানের প্রতি মুসলিম বৈজ্ঞানিকদের দৃষ্টি আকর্ষণ করা অল্পতম এবং এইটিকে তাঁর জীবনের সর্বশ্রেষ্ঠ কার্য বললেও অত্যাক্তি হয় না। তিনি নিজেও তৎকালে জ্যোতির্বিদ ও বৈজ্ঞানিক হিসাবে বিখ্যাত ছিলেন। ফলিত জ্যোতিষশাস্ত্র (astrology) এবং দিনপঞ্জী নিরূপণ করবার পদ্ধতি সম্বন্ধে তাঁর প্রণীত গ্রন্থগুলি খুবই উচ্চাঙ্গের, অবশ্য তৎকালীন আবু ইসহাক আলফাজারী বিজ্ঞানের আদর্শ হিসাবে। যতদূর জানা যায় মুসলিম বৈজ্ঞানিকদের মধ্যে তিনিই সর্ব প্রথম সমুদ্রে সূর্য ও নক্ষত্র সমূহের উচ্চতা নির্ণয় করবার যন্ত্র আস্তারলব (astrolabe) নির্মাণ করেন এবং অঙ্ক-শাস্ত্রের প্রয়োজনীয় অঙ্কীয় যন্ত্রপাতি সম্বন্ধেও পুস্তক প্রণয়ন করেন। এ সমস্ত ছাড়াও অঙ্ক-শাস্ত্রের

অগ্র্য ঋ বিভাগেও তাঁর বুদ্ধিমত্তার পরিচয় পাওয়া যায়। Armillary Sphere সম্বন্ধে তাঁর প্রণীত গ্রন্থ, গণিতে তাঁর উচ্চজ্ঞানের পরিচয় হিসাবেই বর্তমান। এখনও এর অনেক বিষয়ই প্রামাণ্য হিসাবে গৃহীত হয়ে থাকে। আরবদের বর্ষ গণনার নিয়ম-পদ্ধতি এর পূর্বে বিজ্ঞানসম্মত প্রক্রিয়াবদ্ধ ছিল বলে মনে হয় না, আলফাজারীই সর্ব প্রথম আরব বর্ষগণনা সুনিয়ন্ত্রিত করে দিনপঞ্জী প্রণয়ন করেন। ভারতের জ্ঞান-বিজ্ঞানের গৌরব কাহিনী এর পূর্বেই জনশ্রুতি হিসাবে মুসলিম বৈজ্ঞানিকদের মধ্যে প্রচলিত হয়ে পড়েছিল। তবে সত্যিই এর মধ্যে কি আছে সে সম্বন্ধে তাঁদের স্পষ্ট কোন ধারণা তখন পর্যন্ত গড়ে উঠে নাই। এই সময় আলমনসুরের বিদ্রোহসাহিত্যের সুযোগ নিয়ে, নিজেদের জ্ঞান-পিপাসা নিবৃত্ত করবার উপায় ঠাওরাতে তাঁদের বিলম্ব হয় নাই। প্রধানত আলফাজারীর উৎসাহে ভারতের তদানীন্তন বিখ্যাত জ্যোতির্বিদ কঙ্ক বা কঙ্কায়ন (কারুর কারুর মতে এই জ্যোতির্বিদের নাম হল মঙ্ক) ভারতের জ্ঞান সাধনার পরিচায়ক 'সিন্দহিন্দ' নামক গ্রন্থ আলমনসুরের সভায় আনয়ন করেন। 'সিন্দহিন্দ' খুব সম্ভব সূর্যসিদ্ধান্ত কিংবা জ্যোতির্বিজ্ঞানের সিদ্ধান্ত নামীয় কোন গ্রন্থ। অনেকের মতে ব্রহ্মগুপ্তের (৫৯৮-৬৬০ খৃঃ অঃ) ব্রহ্মসুটসিদ্ধান্তই 'সিন্দহিন্দ' নামে পরিচিত এবং এরই সংক্ষিপ্ত সংস্করণ ১৫৪ হিজরীতে (৭৭১ খৃঃ অঃ) বাগদাদে আনীত হয়। তবে এ সম্বন্ধে প্রামাণ্য কিছুই পাওয়া যায় না। সিন্দহিন্দ ছাড়া আরকণ্ড বা খন্দখাওয়াক এবং আর্ষভট্ট (আল্‌আরজাওয়াদ বা আল্‌ আরজাওয়ার) নামীয় বৈজ্ঞানিক গ্রন্থও এই সময়েই বাগদাদে আনীত হয় এবং আরবীতে অমুদিত হয়। যা'হোক, ফল কথা এই সময় থেকে ভারতের জ্ঞান-বিজ্ঞানের দিকে মুসলিম বৈজ্ঞানিকদের নজর পড়ে। যতদূর সম্ভব বাদশাহদিগকে প্ররোচিত করে ভারতের বিখ্যাত বিখ্যাত পণ্ডিতগণকে তথাকার বৈজ্ঞানিকগ্রন্থসহ বাগদাদে আনয়ন করবার এবং সেই সমস্ত বিজ্ঞানকে করায়ত্ত করবার প্রচেষ্টা চলতে থাকে। আলফাজারীর উৎসাহ এতে ইন্ধন যোগায়। আলফাজারীর পূর্ণ নাম হোল আবু ইসহাক ইব্রাহিম ইবনে হাবিব ইবনে সোলায়মান ইবনে সামোরা ইবনে জোন্দাব আলফাজারী। ৭৭৭ খৃঃ অঃ এই উৎসাহী বৈজ্ঞানিক পরলোক গমন করেন।

পিতার বিদ্রোহসাহ, বৈজ্ঞানিক জ্ঞান পুত্রের উপর কদাচিৎ বর্ষে। আলফাজারীর বেলায় তাঁর ব্যতিক্রম ঘটে। তাঁর সুযোগ্য পুত্র আবু আবদুল্লাহ

মোহাম্মদ ইবনে ইব্রাহিম ইবনে হাবিব আল ফাজারী, পিতার জ্ঞানের পূর্ণ অধিকারী হয়েছিলেন। পিতার উৎসাহে আনীত 'সিন্দহিন্দ' গ্রন্থখানি খলিফা আলমন্নশুরের আদেশ অনুযায়ী ৭৭২-৭৭৩ খৃঃ অব্দে তিনিই আরবীতে অনুবাদ করেন। আলবেরুনীর মতে এর পূর্বেই ৭৭০-৭১ খৃঃ অব্দে সিন্দহিন্দের অনুবাদ হয়। তিনিও দ্বিতীয় ফাজারীর অনুবাদের কথাই উল্লেখ করেছেন কিনা ঠিক বলা যায় না। যা হোক এই অনুবাদখানির কোন সন্ধানই এ পর্যন্ত পাওয়া যায় নাই।

দ্বিতীয় ফাজারী

খুব সম্ভব এখানি বিলুপ্ত হয়ে গেছে। ভারতীয় অঙ্ক লিখন প্রণালী ঠিক কখন কিভাবে মুসলিম জগতে প্রবেশ লাভ করে সে সঠিকভাবে নির্ণয় করা সুকঠিন। তবে এই অনুবাদখানি সে বিষয়ে বিশেষ সাহায্য করে এবং যতদূর মনে হয় এরই প্রভাবে ভারতীয় প্রণালী ধীরে ধীরে মুসলিম মনীষীদের মনোযোগ আকর্ষণ করে। তাঁর পিতা আবু ইসহাক আল ফাজারী জ্যোতিষ সত্বকে একটি কবিতা রচনা করেন কিন্তু অনেকে এটিকে পুত্রের রচিত বলেই মনে করেন। দ্বিতীয় ফাজারীও পিতার স্থায় অসাধারণ পণ্ডিত ছিলেন। জ্যোতির্বিজ্ঞানে তাঁরও বিশেষ দক্ষতার পরিচয় পাওয়া যায়। তাঁরই সিন্দহিন্দের অনুবাদের উপর ভিত্তি করে আলখারেজমি বা মোহাম্মদ ইবনে মুসা আলখারেজমি তাঁর বিখ্যাত জ্যোতির্বিজ্ঞান তালিকা (astronomical table) 'ফি-জিজ' প্রণয়ন করেন। আবু আবছলাহ ৭২৬-৮০৬ খৃঃ অব্দের মধ্যে যুহ্যামুখে পণ্ডিত হন। সঠিক তারিখ জানা যায় না।

ইয়াকুব ইবনে তারিক নামক একজন পারস্য বৈজ্ঞানিকও এই সময় খলিফার বিদ্বৎ সভা অলঙ্কৃত করেছিলেন। তিনিও তাঁর সমসাময়িক বৈজ্ঞানিকদের মতই জ্যোতির্বিজ্ঞান ও জ্যোতিষের দিকেই বিশেষভাবে মনোনিবেশ করেন। বিজ্ঞানের প্রথম উন্মেষে অস্তিত্ব অর্কশাস্ত্রের প্রথম সূচনায় জ্যোতির্বিজ্ঞানের প্রতি

ইয়াকুব ইবনে তারিক

বৈজ্ঞানিকদের এক অসাধারণ আসক্তি দেখা যায়। অসীম আকাশের অগণ্য নক্ষত্ররাজি চিরকালই মানুষের মনকে আকৃষ্ট ও প্রলুব্ধ করেছে, বৈজ্ঞানিকগণও সে আকর্ষণ থেকে বাদ পড়েন নাই। তাঁরাও গ্রহ নক্ষত্রের গতিবিধির সঙ্গে মানুষের জীবনের কোন সত্বক আছে কিনা এই সবার অনুসন্ধানে রত হন। আলমন্নশুরের বিদ্বৎ সভায় ৭৬৭ খৃঃ অব্দে ভারতীয় বৈজ্ঞানিক কঙ্কের সঙ্গে ইয়াকুব ইবনে তারিকের সাক্ষাৎকার ঘটে।

খুব সম্ভব তাঁরই অনুপ্রেরণায় তারিক জ্যোতির্বিজ্ঞানের দিকে মন দেন। ফলে ৭৭৫ খৃঃ অব্দে বা তৎসময়ে জ্যোতির্বিজ্ঞান এবং দিনপঞ্জী সম্বন্ধে কয়েকখানি গ্রন্থ প্রণয়ন করেন। সিন্দহিন্দ অনুবাদে দ্বিতীয় ফাজারীর সাহায্যকারী হিসাবেও তিনি পরিচিত। শুধু অনুবাদে সাহায্য করাই নয় এই অনুদিত গ্রন্থখানির সম্পাদনাও করেন তিনিই। এছাড়া গোলক (sphere), কারদাজারক বিভাগ এবং সিদ্ধান্তের মর্মানুযায়ী জ্যোতির্বিজ্ঞান তালিকা নির্মাণ সম্বন্ধেও তিনি কয়েকখানি গ্রন্থ প্রণয়ন করেন। গোলক সম্বন্ধীয় গ্রন্থখানি সম্ভবত ৭৭৩ খৃঃ অব্দে রচিত হয়। ৭৯৬ খৃঃ অব্দে এই পারস্য বৈজ্ঞানিক এম্বেকাল করেন।

খলিফা আলমনশুরের বিদ্বৎ-সভার আর কয়েকজন সভ্যের নাম না করলে তাঁর বিজ্ঞানসাহিত্যের সঠিক পরিচয় পাওয়া যাবে না। বিক্রমাদিত্যের নবরত্ন বা সম্রাট আকবরের নওরতনের গ্রায় তিনি তাঁর বিদ্বৎ-সভাকে, সভ্যবৃন্দের সংখ্যা নিয়ে কোন নাম দিয়েছিলেন কিনা জানা যায় না; তবে নাম না দিলেও তাঁর সভায় নবরত্ন কেন নবরত্নের চেয়ে অনেক বেশী রত্নেরই সমাবেশ হয়েছিল। ধর্ম-শাস্ত্র, দর্শন, সাহিত্য ইত্যাদি বিষয় যারা আলোচনা করতেন তাঁদের বাদ দিলেও শুধু বিজ্ঞানের যারা চর্চা করতেন তাঁদের সংখ্যাও কম নয়। ইসহাক আলফাজারী, ইয়াকুব ইবনে তারিক ছাড়া আবু ইয়াহিয়া আলবাতরিক, মাশাআল্লাহ প্রভৃতি আরও কয়েকজন বৈজ্ঞানিক খলিফার সভায় অধিষ্ঠিত ছিলেন। আবু ইয়াহিয়া ছিলেন একজন চিকিৎসক। তিনি চিকিৎসা বিজ্ঞান সম্বন্ধে অনেকগুলি পুস্তক প্রণয়ন করেন। বিশুদ্ধ অঙ্কশাস্ত্রের চর্চাতেও তাঁর দান বিশেষ উপেক্ষণীয় নয়। তিনি গ্রীক বৈজ্ঞানিক টলেমির (Ptolemy) টেট্রাবিব্লস (Tetrabiblos) গ্রন্থখানি অনুবাদ করে তদানীন্তন বৈজ্ঞানিকদের প্রশংসা দৃষ্টি আকর্ষণ করতে সমর্থ হন এবং অঙ্কশাস্ত্রবিদ হিসাবে খ্যাতি অর্জন করেন। শুধু অনুবাদেই তাঁর খ্যাতি ও পাণ্ডিত্য নিবন্ধ নয় নাই। জ্যোতির্বিদ হিসাবেও তিনি পণ্ডিত সমাজে বিখ্যাত ছিলেন। দ্বিতীয় ফাজারীর সিন্দহিন্দ এবং আবু ইয়াহিয়ার ট্রেটাবিব্লসের অনুবাদ

আবু ইয়াহিয়া

আল বাতরিক

* ভারতীয়-বৈজ্ঞানিকদের দেখাদেখি মুসলিম বৈজ্ঞানিকগণও প্রথম প্রথম প্রত্যেক বৃত্তকে ২৬ ভাগে ভাগ করতেন। এর প্রত্যেক ভাগের সাইনকে (sine of each of these parts) কারদাজা নামে অভিহিত করা হতো।

বিদেশীয় বিজ্ঞানের প্রতি মুসলিম মনীষীদের দৃষ্টি বিশেষ ভাবে আকর্ষণ করে। সিন্দহিন্দের চেয়ে টেট্রাবিবলসই বিশেষ কার্যকরী হয়েছিল বলে মনে হয়। এই অনুবাদের পর মুসলিম বৈজ্ঞানিকদের বিজ্ঞান আলোচনার মধ্যে গ্রীক বিজ্ঞানের প্রভাবই বেশী দেখা যায়।

সর্বসাধারণের মত নূপতির মনের উপরও জ্যোতিষের প্রভাব তখন খুব কম ছিল না। খলিফা আলমুনসুরও এর প্রভাব থেকে মুক্তি পান নি। এমনিতেই এই চিন্তাশীল ও অধ্যয়ন অনুরাগী নূপতি সমস্ত বিজ্ঞানের প্রতি অমুরক্ত ছিলেন তবে জ্যোতির্বিজ্ঞানের দিকেই তাঁর আগ্রহ ছিল বেশী। রাজকার্যের মধ্যকার অবসর মুহূর্ত তিনি জ্যোতির্বিজ্ঞান অনুশীলনে নিয়োগ করতেন। বোসোর (Bossault) মতে আরব জ্যোতির্বিদের মধ্যে খলিফা আলমুনসুরই সর্বপ্রথম জ্যোতির্বিজ্ঞানের সঙ্গে সঙ্গে জ্যোতিষও তাঁর আলোচনার বিষয় হয়ে পড়ে। এমনিতে নির্ভাবান মুসলমান হোলেও ইসলামে নিষিদ্ধ জ্যোতিষ আলোচনায় তিনি অত্যন্ত আগ্রহশীল হয়ে উঠেন। কোন কোন ঐতিহাসিকের মতে তিনি লগ্ন ও শুভমুহূর্ত বিচার না করে কোন কাজে হস্তক্ষেপ করতেন না।

আলুনওবখত ছিলেন খলিফার দরবারী জ্যোতিষী। জ্যোতিষবিজ্ঞানে যে নওবখত বিশেষ ভাবে অমুরক্ত ছিলেন এবং এ সম্বন্ধে বিস্তারিত আলোচনাও করেছিলেন তার প্রমাণ পাওয়া যায় তাঁর প্রণীত “কিতাবুল আহকাম” গ্রন্থে। এই জ্যোতিষ বিজ্ঞা ছাড়া ইঞ্জিনিয়ারিং এবং জ্যোতির্বিজ্ঞানেও তিনি সুদক্ষ পণ্ডিত বলে খ্যাত ছিলেন। তাঁর ইঞ্জিনিয়ারিং বিজ্ঞান পরিচয় পাওয়া বাগদাদের ভিত্তি স্থাপনের মধ্যে। অবশ্য বাগদাদের নির্মাণ কার্য সম্পন্ন হয় খালেদ ইবনে বারমাকের নির্দেশ অনুযায়ী। আলুনওবখত ৭৭৫-৭৭ খৃঃ অর্কে পরোলোক গমন করেন। সঠিক তারিখ জানা যায় না।

আলুনওবখতের মত মাশাআল্লাহও তখনকার দিনে বিজ্ঞান আলোচনায় বিখ্যাত ছিলেন। বাগদাদে ভিত্তি স্থাপনের জগ্ন নওবখতের সঙ্গে তাঁরও ডাক পড়ে। এতে তিনি বিশেষ দক্ষতার পরিচয় দিয়ে নূপতির প্রিয় পাত্রের পরিণত হন। এ ছাড়া তিনি ফলিত জ্যোতিষ (astrology), সূর্য ও নক্ষত্র সমূহের উচ্চতা নির্ণয় করবার যন্ত্র (astrolabe) এবং বায়ুবিজ্ঞান বিষয়ক কতকগুলি

গ্রন্থ প্রণয়ন করেন। তাঁর আস্তারলবের (astrolabe) উপর নির্ভর করেই
 দ্বাদশ শতাব্দীর বিখ্যাত বৈজ্ঞানিক—রবিব-বেন-এজরা
 এ সম্বন্ধে গ্রন্থ প্রণয়ন করে যশস্বী হন। নবম শতাব্দীর
 বিখ্যাত বৈজ্ঞানিক আলফারগানীর (আলফাগানেস) কার্যাবলীতেও এর প্রভাব
 বিশেষ ভাবে পরিদৃষ্ট হয়। এই সমস্ত ব্যতীত তাঁর মূল্য নিরূপায়ক গ্রন্থাবলী
 (Demercibus) এ সম্বন্ধে আরব বৈজ্ঞানিকদের সর্ব প্রথম গ্রন্থ। দ্বাদশ
 শতাব্দীর বিখ্যাত বৈজ্ঞানিক অনুবাদক জোহানেস-লুনা হিস্পালেনসিস্
 (Johannes De Luna Hispalensis) মাশাআল্লাহর কতকগুলি গ্রন্থ লাটিনে
 অনুবাদন করেন। তাঁর বহু গ্রন্থাবলীর মধ্যে আরবীতে শুধু একখানারই এ
 পর্যন্ত সন্ধান পাওয়া গিয়েছে। অণুগুলোর পরিচয় পাওয়া যায় লাটিন এবং হিব্রু
 অনুবাদের মধ্য দিয়েই। মধ্য যুগে তাঁর সব চেয়ে জনপ্রিয় গ্রন্থ ছিল De Scientia
 Motus Orbis. জির্হার্ড কতৃক এখানি অনূদিত হয়। ১৫০৪ এবং ১৫৪৯ খৃঃ অব্দে
 নিউরেমবার্গে মুদ্রিত “সপ্তবিংশতি” নামক আরবী গ্রন্থের অনুবাদই খুব সম্ভব
 De Scientia Motus Orbis নামে পরিচিত। এর দ্বিতীয় সংস্করণের নাম
 দেওয়া হয়েছে De Elementis et Orbibus Coelstibus. এখানি ২৭
 পরিচ্ছেদে বিভক্ত।

* * * মাশাআল্লাহ জাতিতে ছিলেন মিশরী ইহুদী। তিনি ইহুদীই হন আর
 মুসলমানই হন তাতে বেশী কিছু আসে যায় না। মুসলিম নরপতিদের সহায়তায়
 এবং তাঁদের উৎসাহে যে তিনি বিজ্ঞান সাধনার অবসর ও সুযোগ পান এবং
 পরিপূর্ণ চিন্তে বিজ্ঞান আলোচনায় মনোনিবেশ করতে সক্ষম হন সে বিষয়ে কোন
 সন্দেহই নাই। ইসলামের প্রথম যুগে যখন ধর্মের গোঁড়ামি সমস্ত ধর্মভক্ত
 মুসলমানকে অনুপ্রাণিত করা উচিত ছিল এবং কার্যতও গোঁড়ামি ভাবটা বেশী
 দেখা যেত তখনও যে ধার্মিক মুসলমান বাদশাহগণ মুসলমান ছাড়া অণু
 ধর্মাবলম্বীদেরকেও তাঁদের আশ্রয়ে এবং সাহায্যে বিজ্ঞানালোচনার বিশেষ করে
 বিজ্ঞান আলোচনার সুযোগ করে দিতেন, এতে তাঁদের উন্নত মনেরই পরিচয় পাওয়া
 যায়। বস্তুত এই সময়কার এই অপক্ষপাত আচরণ সত্যই বিশ্বয়কর। বিজ্ঞানের
 আলোচনা যে ধর্মের গভীর বাইরে নয়, এ সত্যকে উপলব্ধি করতে হোলে
 তখনকার দিনে কতখানি মনের জোর থাকা উচিত তা ভাবলেও বিস্মিত হতে হয়।

এই বিংশ শতাব্দীতে সুসভ্য ইউরোপেও শুধু জাতীয় উন্মাদনার (ধর্মের উন্মাদনা বা গৌড়ামী বলে এদের কিছু নাই) জ্ঞান জগৎ বিখ্যাত আইনস্টাইনকেও নিজের দেশ ত্যাগ করে অন্য দেশে আশ্রয় নিতে হচ্ছে, অথচ যখন বলতে গেলে ধর্মের গৌড়ামীই সমস্ত মুসলিম সমাজকে পরিচালিত করছিল তখনও মুসলমান নৃপতিগণ ইহুদী, খ্রিস্টিয়ান ধর্ম হিসাবে মুসলিম জাতির শত্রুদেরও মুসলমানদের মতই অপক্ষপাত ভাবে সাহায্য করছিলেন। খলিফা আলমুনশুরের সময় ধর্মের প্রভাব কতটা ছিল তা এক কথাতেই বুঝা যাবে যে তখন ইমাম আবু হানিফা (৬৮০—৭৬৮ খৃঃ অঃ) ও ইমাম আবু মোহাম্মদ জাফর ছাদেক (৬৯৪—৭৬৫ খৃঃ অঃ) জীবিত ছিলেন। মুসলিম নরপতিদের বিজ্ঞানোচনায় এই অপক্ষপাত কার্যের ফলেই আজও সমস্ত জগৎ গ্রীক, রোম, মিশর ও ভারতের পূর্বেকার যুগ যুগ সঞ্চিত জ্ঞান-ভাণ্ডারের পরিচয় পেয়ে থাকে। যদি অশান্ত ধর্মাবলম্বীদের মত তাঁরাও ধর্মের নিগূঢ় উপদেশ উপেক্ষা করে নিজেদের ধর্মকেই জগতে বড় করে প্রচার করবার চেষ্টা করতেন এবং প্রাচীন জ্ঞান-বিজ্ঞানকে অধার্মিকদের জ্ঞান-বিজ্ঞান বলে উপেক্ষা করতেন, তা'হলে রাজনীতি হিসাবে তাঁদের কোন দোষই দেওয়া যেতে পারত না। তাতে হয়ত মুসলিম অধ্যুষিত স্পেন আজ মুসলমানশূন্য স্পেনে পরিণত হোত না বরং মুসলমানশূন্য ইউরোপ খ্রিস্টিয়ানশূন্য ইউরোপে পরিণত হোত, গ্রীক বিজ্ঞানের নামগন্ধও কেউ জানত না। কিন্তু তা হয় নাই বরং তাঁরাই পুরাকালের জ্ঞান-বিজ্ঞানকে নূতন করে জগতের সম্মুখে উপস্থিত করেন। Prof. H. A. Salmon তাঁর Rise and Fall of the Arab Dominion এ বলেছেন "The Arabs were the first to introduce Greek writings to the notice of the world. They kindled the lamp of learning which illuminated the dark pages of history and it may be safely assumed that were it not for the Arabs, it would have been long before Europe, the present centre of civilisation and progress, would have been irradiated by the bright light of knowledge." তিনি গ্রীকদের সম্বন্ধে যে কথা বলেছেন, ভারতের সম্বন্ধেও সেই কথাই খাটে। ভারতবর্ষে যে জ্ঞান-বিজ্ঞানের আলোচনা

হয়েছিল সে কথা ইউরোপ জানতে পারে আরবদের মধ্যস্থতায়। আরবদের অক্লান্ত সাধনার ফলেই ভারতবর্ষের জ্ঞান-বিজ্ঞান ইউরোপে প্রচারিত হয়, তবুও সে দিন পর্যন্ত ইউরোপ ভারতের এ দানের কথা সম্যক উপলব্ধি করতে পারে নাই, বরং একে আরবদের মৌলিক অবদান বলেই ধরে নিয়েছিল।

৮১৫ কি ৮২০ খৃঃ অব্দে (সঠিক তারিখ জানা যায় নি) মাশাআল্লাহ পরলোক গমন করেন। এ হিসাবে তাঁকে নবম শতাব্দীর বৈজ্ঞানিকদের পর্ষায়ে ফেললেই হয়ত ঠিক হোত। তবে তাঁর জীবনের কাব্যাবলী এবং খলিফা আলমুনসুরের সঙ্গে তাঁর সখ্যতার কথা বিবেচনা করে তাঁকে অষ্টম শতাব্দীর পর্ষায়ভুক্ত করাই হয়ত সঙ্গত হবে। সেই জগুই তাঁকে অষ্টম শতাব্দীর বৈজ্ঞানিকদের পর্ষায়ভুক্ত করা গেল।

নবম শতাব্দী

ধর্মে ভক্তি যে বিজ্ঞানকে অশ্রদ্ধা করতে বা ফুগার চোখে দেখতে শেখায় না বরং যারা ধার্মিক তাঁরাও ধর্মের প্রতি কোন ক্রটি না করেও যে বিজ্ঞানের সুমাদর করতে পারেন, সে বোঝা যায় ধার্মিক মুসলিম সুধীদের বিজ্ঞান আলোচনা করা দেখেই। বিজ্ঞান ধর্মের প্রতি অশ্রদ্ধা শেখায় বা নাস্তিকতার আশ্রয় দেয় একরূপ মনে করবার কোন কারণই নেই। ধর্মের গোঁড়ারা বিজ্ঞান চর্চাকে যে কারণে অবিশ্বাসের চোখে দেখেন তার মধ্যে আর যাই থাক যুক্তির কোন স্থান নেই। আকবাসীয়-বংশের নরপতিদের (ছ একজন ছাড়া) ধর্মের প্রতি অহুরাগের মধ্যে যেমন বিশেষ ক্রটি-বিচ্যুতির নজির পাওয়া যায় না, তেমনি আবার তাঁদের উৎসাহে বর্ধিত তখনকার বিজ্ঞানের উন্নতির কথাও অস্বীকার করা যায় না। ঐতিহাসিক ওসনার সত্য সত্যই বলেছেন, "We see for the first time, perhaps in the history of the world, a religious and despotic Government attached to Philosophy and partaking its triumphs." Philosophy অর্থে শুধু দর্শন বুঝলে ভুল হবে। তখনকার দিনে বিজ্ঞানকেও Philosophyর মধ্যে ফেলা হত। ওসনারের Philosophyও বিজ্ঞানকে অনুবর্তী করেই। ওসমীয় বংশের

যথেষ্টাচারিতার পরে আক্বাসীয়েদের আমলে ইসলামের অল্পশাসন প্রবর্তন শুরু হয় প্রধানত ইমান চতুষ্টয়ের প্রচেষ্টায়। স্বেচ্ছাচারিতার পরে আইনের বন্ধন আবার যখন আরম্ভ হয় তখন তার মধ্যে থাকে গৌড়ামিরই প্রাচুর্য। এ সময়েও তার হয়ত অভাব হয়নি কিন্তু এই গৌড়ামি বিজ্ঞান আলোচনার পক্ষে কোন বাধা সৃষ্টি করে নাই। ফলে অষ্টম শতাব্দীতে বিজ্ঞান আলোচনার যে ভিত্তি স্থাপিত হয় নবম শতাব্দীতে তার কাজ চলতে থাকে পূর্ণোত্তমে। পরিপূর্ণ জোয়ারের উদ্বেলতা তখন সমগ্র মুসলিম সুদী সমাজকে পেয়ে বসেছে। জ্ঞান-বিজ্ঞান আলোচনায় তাঁরা উন্মত্ত হয়ে উঠেছেন বলা চলে। এর সঙ্গে যোগ দিয়েছে নূপতিদের বিজ্ঞোৎসাহিতা ও বিজ্ঞানুরাগ। খলিফা হারুন-আর-রশিদের জ্ঞান-বিজ্ঞানের প্রতি প্রগাঢ় অনুরাগ, মুসলিম মনীষীদের মধ্যে এক অকৃতপূর্ব অনুপ্রেরণা যোগায়; এর পরে এসে দেখা দেয় খলিফা আলমামুনের বিজ্ঞোৎসাহিতা ও বিজ্ঞান আলোচনা। ইসলামিক শাস্ত্র ব্যাখ্যার প্রতি তাঁর অধৈর্যের পরিচয় পাওয়া গেলেও অশুদ্ধিক উদার মতাবলীর জগৎ জ্ঞান-বিজ্ঞানের আলোচনা চলতে থাকে আরও বিপুল উৎসাহের সঙ্গে। তাঁর রাজত্বে মুসলিম সুদীদের চেয়ে অমুসলিম পণ্ডিতেরাই বেশী আদর ও উৎসাহ পান। খলিফা আলমামুতওয়ার্কিলের সময় অমুসলিমদের প্রতি এই অতি অনুরাগে ভাঁটা পড়লেও বিজ্ঞান আলোচনা পূর্ববৎ চলতে থাকে, বরং অনেক বিষয়েই পূর্বের চেয়ে আরও বেশী উৎসাহ উদ্দীপ্ত হয়ে উঠে। মুসলিম জগৎ ছাড়া পৃথিবীর অশুদ্ধ কোথাও তখন জ্ঞানবিজ্ঞানের আলোচনা হয়নি বললেও চলে।

ভারতীয় ও গ্রীক বিজ্ঞান উভয়ই মুসলিম মনীষীদের সমান আদরপেতে থাকে। প্রথমটির কারণ হোল খলিফা হারুন-আর-রশিদের অনুরক্তি, দ্বিতীয়টির কারণ হোল খলিফা আলমামুনের উৎসাহ। মুখ্যত এই নূপতিদ্বয়ের আগ্রহে বহু ভারতীয় ও গ্রীক বিজ্ঞান, দর্শন গ্রন্থ আরবীতে অনূদিত হয়। শুধু অনুবাদেই এই উদ্দীপনার পরিসমাপ্তি হয় নাই। এরই কল্যাণে নব নব মৌলিক অবদানে বিজ্ঞানের ইতিহাসে নব নব অধ্যায়ও সংযোজিত হতে থাকে।

অষ্টশতাব্দে এই শতাব্দীতে যে অকৃতপূর্ব উন্নতি সাধিত হয় তা সত্যিই বিশ্বয়কর। এর সমস্ত শাখায়ই এই সময়ে অসাধারণ উন্নতি হয়। এই উন্নতির মূলে ছিল মুসলিম নিউটন আলখারেজমির মনীষ ও বিজ্ঞান প্রতিভা।

প্রকৃত অঙ্কশাস্ত্রের উন্নতির সঙ্গে সঙ্গে যে জ্যোতিষের প্রভাব আপনাই ঘান হ'য়ে আসে এই শতাব্দীতেই তার সম্যক নিদর্শন পাওয়া যায়। শতাব্দীর শেষের দিকে জ্যোতির্বিদদের সংখ্যা বিরল হোতে বিরলতর হোতে থাকে; জ্যোতির্বিজ্ঞান মৌলিক অবদানে উত্তরোত্তর উন্নতির পথে অগ্রসর হয়।

খলিফা হারুন-অর-রশিদ (৭৮৬-৮০৯)

খলিফা আলমুনসুরের পর বিদ্যোৎসাহিতার জন্ম যাঁর নাম সুপরিচিত তিনি হোলেন তাঁর পৌত্র হারুন-অর-রশিদ। মনসুর তনয় মোহাম্মদ মেহেদী উদার প্রকৃতি, দয়াপ্রবণ ও শান্তি প্রয়াসী নরপতি হিসাবেই বিশেষ ভাবে পরিচিত। তিনি বিদ্যালোচনায় বিশেষত বিজ্ঞান আলোচনায় কোন্ অংশ গ্রহণ করেছিলেন বা কতটুকু সাহায্য করেছিলেন সে তথ্য এখনও সম্যক অবগত হওয়া যায় নাই। তবে পিতার সময়কার প্রদীপ্ত জ্ঞানশিখা যে নির্বাপিত হয় নাই বরং পূর্বের মতই চলছিল, তার পরিচয় পাওয়া যায় তাঁর পুত্র হারুন-অর-রশিদের সময়কার বিজ্ঞান চর্চা থেকেই।

খলিফা হারুন-অর-রশিদ (Aaron, the Just) প্রাচ্য পাশ্চাত্যে যেমন ভাবে পরিচিত তেমন বোধ হয় আর কোন নরপতিই পরিচিত নন। ঝান্দাদ বলতেই হারুন-অর-রশিদের কথা মনে পড়ে, আরব্য উপন্যাসের কথা মনে পড়ে, সঙ্গে সঙ্গে মনের স্মৃতি-পটে ভেসে উঠে এক নয়নাভিরাম সুসজ্জিত হর্মাবলীশোভিত সুদৃশ্য নগরী, মর্তে স্বর্গের নন্দন কানন। ছুঃখহীন, ব্যাথাহীন, অপত্য-স্নেহে প্রতিপালিত প্রজাপুঞ্জ নিয়ে রাজত্ব করবার প্রবাদ, এক হারুন-অর-রশিদ ছাড়া পৃথিবীর ইতিহাসে বোধ হয় আর কোন নৃপতির ভাগ্যে জুটে নাই। হারুন-অর-রশিদের নামের সঙ্গে বাগদাদ এমন সুখস্বপ্ন বিজ্ঞড়িত থাকলেও, প্রকৃতপক্ষে, তখনকার বাগদাদ পরবর্তীকালের অবিখ্যাত নৃপতিদের

আমলের বাগদাদের মত সুবৃহৎ ও সুসজ্জিত ছিল না।

হারুন-অর-রশিদ

আকার এবং সজ্জার দিক দিয়ে খাট হোলেনও এর এই সময়কার

দান সমস্ত জগৎকে মুগ্ধ করেছে।

এই সময়কার যান্ত্রিক উদ্ভাবন যে বিশেষ উন্নত ধরনের হয়ে উঠেছিল,

খলিফা হারুন-অর-রশিদ ফ্রান্সের বিখ্যাত সম্রাট Charlemagne কে যে ঘড়ি

উপহার প্রদান করেন, তার বিবরণ থেকেই এর কিছু প্রমাণ পাওয়া যায়। ইউরোপীয় পণ্ডিতগণও যখন ঘটনাটির উল্লেখ করেছেন তখন এ সত্য বলে ধরে নিতে কোন সংশয় থাকতে পারে না। ৭২৯ খৃঃ অব্দে হারুন-অর-রশিদ Charlemagne কে একটি Clepsydra বা জল ঘড়ি উপহার দেন। ঘড়িটির ডায়ালে ১২টি ছোট দরজা ছিল দিনের ১২ ঘণ্টার প্রতীক হিসাবে। প্রত্যেক ঘণ্টায় সেই ঘণ্টার প্রতীক দরজাটি খুলে যেত। ঘণ্টার মান অনুযায়ী কয়েকটি ছোট ছোট গুলি একটি কাঁসার পাত্রে উপরে পড়ে সেই কয়টি শব্দ করত। ১২টার সময় ১২টি বল পড়ার পর বারজন ছোট ছোট ঘোড়সওয়ার যোদ্ধা এক সঙ্গে বেরিয়ে ডায়ালের চারদিকে প্যারেড করত এবং দরজাগুলো বন্ধ করে দিত। এই জল ঘড়ি সমস্ত ইউরোপকে বিশ্বয় বিমুগ্ধ করে। সমস্ত ইউরোপ তখন ছিল ধর্ম, ধর্মশাস্ত্র ও ব্যাকরণ নিয়ে মত্ত।

এ সময়ে আরব জগতে ভারতীয় জ্ঞান-বিজ্ঞানের আলোচনা পুনরায় প্রবল ভাবে আরম্ভ হয়। বারমাক বংশীয় মন্ত্রীগণ এই সময় রাজ্য পরিচালনায় বিশেষ প্রভাব বিস্তার করেছিলেন। বালখ প্রদেশ থেকে আগত এই বংশ পূর্ব থেকেই ভারতবর্ষের সঙ্গে যোগাযোগের জন্য প্রসিদ্ধ। তাঁদের পূর্বপুরুষ বালখের বৌদ্ধ মন্দির নওবিহারের কার্যে নিযুক্ত থাকা কালীন ভারতের জ্ঞান-বিজ্ঞানের সঙ্গে সুপরিচিত হওয়ার সুযোগ পান। তখন থেকেই বারমাক বংশ এই প্রাচ্য দেশের জ্ঞান-বিজ্ঞানের প্রতি অসাধারণ অমুরাগী ছিলেন।

আলমুনশুরের সময় থেকেই সুযোগ পাওয়ার সঙ্গে সঙ্গে তাঁরা পুনর্বার ভারতের দিকে দৃষ্টি দেন এবং তথাকার বিখ্যাত বিখ্যাত পণ্ডিতগণকে বাগদাদে আনয়নের ব্যবস্থা করেন। ভারতের পণ্ডিতদের প্রজ্ঞার প্রতি শ্রদ্ধা এই সময়ে মুসলিম সমাজে কত বেশী হয়ে পড়েছিল সে বোঝা যায় রাজকীয় হাসপাতালে (দারুস্ সিফা) প্রধান চিকিৎসকের পদে একজন ভারতীয় চিকিৎসক নিয়োগেই। এই ভারতীয় চিকিৎসকের (কবিরাজ) আরবী বিকৃত নাম হোল ইবন-ই-দহন। পূর্ব সম্ভব এঁর নাম ধনি। শুধু বিদ্বৎ সমাজ নয় বাদশাহ নিজেও সংস্কৃত সাহিত্যের বিশেষ অনুরাগী হয়ে উঠেন। তিনি নিজে রীতিমত সংস্কৃত চর্চা করতেন। কিন্তু ভারতবর্ষের এই অমোঘ প্রভাবের মধ্যে শুধু ভারতীয় চিকিৎসা পদ্ধতি, ফলিত জ্যোতিষ, দর্শন প্রভৃতিই

বিশেষ ভাবে আলোচিত হয়েছিল। শুদ্ধ গণিতশাস্ত্রের তেমন চর্চা হয়েছিল বলে মনে হয় না। গ্রীকবিজ্ঞানের প্রতিও তত মনোযোগ প্রদত্ত হয় নাই। মোটামুটি ভাবে ধরতে গেলে এই সময়ে সংস্কৃত সাহিত্যেরই আদর ও চর্চাই হয়েছিল বেশী। অঙ্কশাস্ত্রের মধ্যে ইউক্লিডের জ্যামিতির অনুবাদ থেকেই তখনকার বিজ্ঞানবিদদের বিজ্ঞানের এই বিভাগের প্রতি যা একটু আসক্তির পরিচয় পাওয়া যায়। বীজগণিত এবং অক্ষাংশ শাখার প্রতি তাঁদের কতদূর দৃষ্টি পড়েছিল সে সঠিক জানা যায় না। তবে বোধ হয় খুব বেশী নয়।

এর পূর্বে ইউক্লিডের জ্যামিতি ইউক্লিডের গ্রন্থাবলীর মধ্যেই সীমাবদ্ধ ছিল। তাঁর জ্যামিতির কোন আলোচনাই এ পর্যন্ত হয় নাই। বলতে গেলে খলিফা হারুন-অর-রশিদের রাজত্বের পূর্ব পর্যন্ত ইউক্লিডিয়ান জ্যামিতির সমাদর ত হয়ই নাই বরং অঙ্কশাস্ত্রবিদগণ একে যেন অনেকটা উপেক্ষার চক্ষেই দেখে আসছিলেন। আস্তে আস্তে তাঁর প্রতিভার কথা জগৎ বিস্মৃত হতে থাকে। খৃঃ পূর্ব তিন শত বৎসর পূর্বে অঙ্কশাস্ত্রের উপর ইউক্লিডের যে অমোঘ প্রভাব পরিলক্ষিত হয়, তাঁর মৃত্যুর পরে সেই অসাধারণ প্রতিভার পরিচয় শুধু কতকগুলো

ইউক্লিড

চামড়ার কাগজে লিখিত শুকনো পুঁথির মধ্যেই আবদ্ধ হয়ে পড়ে। মৃত্যুর পরে যে তিনি আর পরবর্তী অনেককাল

পর্যন্তই বিদ্বৎ সমাজের মনোযোগে আকর্ষণ করতে পারেন নাই, সে তাঁর জন্ম স্থানের অনিশ্চয়তা থেকেই বুঝা যায়। তিনি গ্রীক অথবা মিশরী সে সম্বন্ধে এখনও সঠিক কিছুই নির্ণীত হয় নাই। শুকুল বজায় রাখবার জগ্গে অনেকেই বলেন তিনি মিশরে জন্মগ্রহণ করেন বটে, তবে তাঁর কার্যস্থান হয় আলেকজেন্দ্রিয়ায়। এখেলো কিছুকালের জগ্গ বিদ্বাভ্যাসের প্রবাদকেও কেউ কেউ নিঃসন্দেহ সত্য বলে স্বীকার করেন। যাকে এমনি উপেক্ষা করা হয়েছিল, তাঁকে ছাড়া আজকার সভ্য জগতের সভ্যতা; বিজ্ঞান একপাও চলতে পারে না; এ অবিসম্বাদীরূপে স্বীকার্য। তখনকার দিনের অক্ষাংশ গ্রন্থাবলীর মত ইউক্লিডের গ্রন্থও চামড়ার কাগজে ছোট ছোট পুস্তকাকারি খণ্ডে খণ্ডে (Biblia Betae Bibles) লিখিত হয়েছিল। তাঁর মৃত্যুর পরে কেউ সেগুলো খুলে দেখেছিল বলে মনে হয় না। যতদূর জানা যায় এ সম্বন্ধে প্রথম অনুসন্ধান হয় হারুন অর-রশিদের রাজত্বকালে। এই সময়েই ইউক্লিডের জ্যামিতির কতকাংশ আরবীতে অনূদিত

হয়। আলহাজ্জাজ ইবনে ইউসুফ এই অনুবাদ কার্য আরম্ভ করেন এবং প্রথম ষষ্ঠ খণ্ডের অনুবাদ কার্য সমাপ্ত করেন।

শুদ্ধগণিতশাস্ত্র হিসাবে না হোলেও সমষ্টিগতভাবে এই সময়কার বিজ্ঞান আলোচনাকে বিজ্ঞানের ইতিহাসে চিরস্মরণীয় করে রেখেছে অমর কীর্তিমান জাবির ইবনে হাইয়ানের* (৭২২—৮১৩) কার্যাবলী। তিনি ছিলেন প্রধানত রাসায়নিক। মুসলিম জগতের সর্বশ্রেষ্ঠ রাসায়নিক এবং বর্তমান রসায়ন বিজ্ঞানের সৃষ্টিকর্তা হিসাবেই তিনি পরিচিত। কিন্তু এই রসায়নের গবেষণার মধ্যে গণিতশাস্ত্র তাঁকে দোল না দিয়ে ছাড়ে নি। শুদ্ধ গণিত-আলোচনায় আস্তারলব সন্থকে একখানি গ্রন্থ প্রণয়নের সঙ্গেই তাঁর নাম বিজড়িত।

খলিফা আলমামুুন (৮১৩-৮৩৩)

খলিফা আলমামুনের রাজত্বকালে প্রাচীন জ্ঞান-বিজ্ঞানের গ্রন্থাদির অনুবাদের কাজ আরম্ভ হয়। তাঁর প্রপৌত্র আলমামুনের সময় সে কাজ আরও পূর্ণোত্তমে চলতে থাকে। আব্বাসীয় খলিফাদের মধ্যে আলমামুনকে সর্বশ্রেষ্ঠ বললেও অত্যাঙ্গী হয় না। রাজত্বকালের প্রথম অংশে যুদ্ধবিগ্রহ ইত্যাদিতে লিপ্ত থেকেও যে তাঁর জ্ঞান পিপাসা নির্বাপিত হয়ে পড়ে নাই, সে বিষয় শাস্তির সময়ের বিছোৎসাহিতার পরিমান দেখেই সম্যকভাবে বুঝা যায়। খলিফা আলমামুনের রাজত্বকালে যে জ্ঞানরশ্মি প্রজ্বলিত হয়েছিল, আলমামুনের সময় সেই রশ্মি শত সহস্রগুণে উদ্ভাসিত হয়ে উঠে। কাব্য ও দর্শনের কল্পনার সঙ্গে সঙ্গে বিজ্ঞানের বাস্তবতার আলোচনার মধুর সমাবেশ, এই সময় সুন্দর ভাবে পরিষ্কৃত হয়ে উঠেছিল। বিদ্বান, দার্শনিক ও বুদ্ধিমান নরপতি হিসাবে আলমামুন ইতিহাস বিখ্যাত। নিজে বিদ্বান এবং বিছোৎসাহী, বিচার ও বিদ্বানের সমাদর যে তিনি করবেন এতে বিস্ময়ের কিছুই নাই। বস্তুত আলমামুনকে শুধু 'আরবীয় আগষ্টাস' বলে অভিহিত করলেই তাঁর বিছোৎসাহিতার পূর্ণ পরিচয় দেওয়া হয় না। নরপতিগণের জীবন যে সাম্রাজ্যের প্রজাপুঞ্জের উন্নতিকল্পেই উৎসর্গিত হওয়া উচিত, খোদার বিশ্বস্ত ভৃত্য হিসাবেই যে তাঁদের হুনিয়র আগমন এবং নৃপতিজীবনের সেই মহান ব্রত সাধন যে একমাত্র শিক্ষাবিস্তার দ্বারাই হতে পারে

* গ্রন্থকারের "মুসলিম বৈজ্ঞানিক জাবির ইবনে হাইয়ান" গ্রন্থ দ্রষ্টব্য।

সে বিষয়ে তিনি যেন সব সময়েই সচেতন ছিলেন, তাঁর কার্যকলাপ বিবেচনা করলে এমন একটা ধারণা মনের মধ্যে রূপ নিয়ে ফুটে উঠে। বিজ্ঞান সাধনায় তাঁর অদম্য উৎসাহের পরিচয় পাওয়া যায় তাঁর সভাগৃহে সমাবিষ্ট বৈজ্ঞানিকদের সংখ্যা থেকেই। পিতামহ আলমনশুর বিদ্বৎ সভার কোন নাম না দিলেও পৌত্র সে ক্রটিকে সেরে নিয়েছেন। তাঁর বিদ্বৎ সভার নাম ছিল বয়তুল-হিকমা (Academy of Sciences)। শুধু নামেই যে এর কার্যকলাপ পর্যবশিত হয় নাই, সে বিষয়ে বোঝা যায় আলমামুনের সময়কার বিজ্ঞান ও সাহিত্যের অসাধারণ উন্নতিতে। হাজ্জাজ ইবনে ইউসুফ কর্তৃক ইউক্লিডের অনুবাদ আরম্ভ হয় খলিফা হারুন-অর রশীদের সময়, কিন্তু তাঁর সময়ে এ অনুবাদকার্য সমাপ্ত হয় নাই। পুত্র আলমামুনের উৎসাহ, হাজ্জাজকে অসমাপ্ত কার্য সমাপ্ত করার অনুপ্রেরণা দান করে।

জ্যোতির্বিজ্ঞান তখনকার অন্ধশাস্ত্রের মধ্যে সর্বাপেক্ষা সমাদরের বিষয় ছিল। সূর্য, চন্দ্র, গ্রহ, নক্ষত্রাদির গতিবিধি ইত্যাদি মানুষের মনে চিরকালই এক অদম্য ঔৎসুক্য জাগিয়ে রেখেছে, তা ছাড়া ভবিষ্যৎ জানবার জগৎ এক উদ্দাম আগ্রহও প্রত্যেকের মনে চিরজাগরুক। মানুষের মনের গোপন কোণের এই দুর্বলতা, জ্যোতির্বিজ্ঞান ও ফলিত জ্যোতিষশাস্ত্রের প্রতি এক উৎকট আগ্রহ, প্রথমাধি অন্ধশাস্ত্রের উন্নতিতে রস সিক্তন করে এসেছে বললে অত্যাুক্তি হবে না। আলমামুনের সময়ও জ্যোতির্বিজ্ঞানের চর্চা পুরা মাত্রায়ই চলছিল। তিনি নিজেও জ্যোতির্বিজ্ঞান সম্বন্ধে খুবই উৎসাহী ছিলেন, এবং চর্চাও করতেন। এই উৎসাহ ও আগ্রহই মূর্ত হয়ে উঠে বাগদাদের আলমামসিয়া মহল্লার জুনদিশাহপুর এবং দামস্কাসের ছই মাইল উত্তরে কাসিয়াম পর্বতের মানমন্দির তৈরীর মধ্যে। শুধু মানমন্দির নির্মাণ করেই তাঁর নিজের জানবার আগ্রহ কিমিয়ে পড়ে নাই। অসংখ্য বৈজ্ঞানিকদের সঙ্গে সঙ্গে তিনি নিজেও মানমন্দিরে বসে গ্রহনক্ষত্রাদির গতিবিধি নিরীক্ষণ করতেন সাধারণ বিজ্ঞানসেবীদের মতই।

গ্রীক গ্রন্থাদি সংগ্রহ ব্যাপারে তাঁর যে অপরিমিত বিছানুরাগের পরিচয় পাওয়া যায় সে সত্যই বিশ্বয়কর। কোন কোন ঐতিহাসিকের মতে তিনি সম্রাট তৃতীয় মাইকেলের (Michael III) নিকট যে সন্ধি সর্ত্ত প্রেরণ করেন, তার একটি সর্ত্ত ছিল যে কনস্টান্টিনোপলের রাজকীয় লাইব্রেরীর কতকগুলি গ্রীক গ্রন্থ তাঁকে

তে হবে। শুধু পুরাণ গ্রন্থাদি বা হস্তলিখিত পুঁথি সমূহ সংগ্রহের অর্থই
নি বাইজেন্টাইন সম্রাট লিওন (Leon, the Armenian 813-820)
কট অনেকটা হীনতা স্বীকার করেই একটি মিশন প্রেরণ করেন।

তিনি যে সমস্ত গ্রীক গ্রন্থ সংগ্রহ করতে পেরেছিলেন সমস্তগুলিই
অবহিত করান। এই অনুবাদের মধ্যে টলেমীর আলমাজেস্ট
বশ্য সব চেয়ে বেশী উল্লেখযোগ্য। তাছাড়া প্রজাবৃন্দকে বিজ্ঞানের দিকে
সংসাহিত করতে তিনি কোন সম্ভাব্য ব্যবস্থাই অবলম্বন করতে পরাধু্য হন নাই।
ধর্মিক সাহায্য, মৌখিক উৎসাহ, নিজে বিজ্ঞান চর্চা এমনি নানা ভাবে তিনি
কাজ ও বন্ধু বান্ধবকে বিজ্ঞান চর্চা করতে উৎসাহিত করতেন।

জ্ঞান-বিজ্ঞানের জগৎ এমনি আগ্রহ দেখলেও ইসলামিক শাস্ত্রনীতির প্রতি
অধৈর্য সত্যিই অদ্ভুত মনোবৃত্তির পরিচায়ক। তিনি ছিলেন গোঁড়া মুতাজ্জলীয়
তাবলগী। এই গোঁড়ামিতেই শেষ হয় নি। পদমর্যাদার সুযোগ নিয়ে
নি শক্তি প্রয়োগে ধর্মিক মুসলমানদিগকে এই মতবাদ স্বীকার করিয়ে বাধ্য
করবার প্রচেষ্টা করেন। যারা তাঁর মতাবলম্বী হতে স্বীকৃত হন নি তাঁদের
প্রতি নির্ভর অত্যাচার করতেও কুণ্ঠিত হন নি। বস্তুত তিনি একাধারে মুক্তবুদ্ধি,
ধর্মমত এবং অধৈর্যের প্রতিমূর্তি। ধর্মভক্ত মুসলমানদের প্রতি অত্যাচার
রলেও খৃষ্টান, ইহুদী বা অগ্ন্যগ্ন অমুসলিমদের প্রতি তাঁর অমুরাগের অস্ত
ল না।

গ্রহনক্ষত্রাদির সমস্ত ব্যাপার সম্যক ও সঠিকরূপে জানবার জগৎ তখনকার
বিজ্ঞানিকদের যে বর্তমান কালের মতই অপারিসীম আগ্রহ ছিল একই সময়ে দুই
সম জায়গা থেকে নিরীক্ষণ করার ব্যবস্থা থেকেই সে কথা বোঝা যায়। মাধ্যমিক
ধর্ম ও পৃথিবীর পরিধি নির্ণয় করবার জগৎ বলিফার আদেশে বৈজ্ঞানিকগণ
ব্যবস্থা শুরু করেন এবং তাতে বিশেষ সুফলও লাভ করেন বলতে হবে।
তখনকার যন্ত্রপাতির অসম্পূর্ণতার বিষয় বিবেচনা করলে, যে সামান্য ভুল ত্রুটি
কথা যায় সেগুলো উপেক্ষণীয় বলেই গণ্য করে নেওয়া যেতে পারে। পৃথিবীর
পরিধি নির্ণয় করা যায় এক স্থানে বসেই, এ ধারণা নিশ্চয়ই স্বপ্নতার লক্ষণ নয়।
এমনি একটা ধারণা হয়ত তখনকার জনসাধারণ ও পণ্ডিতগণের মনে বদ্ধমূল হয়ে
থেকেছিল। বস্তুত গ্রীক সভ্যতার শীর্ষকালে এ সম্বন্ধে কেউ কেউ চেষ্টা করলেও

গ্রীকদের পরে সাত শ বৎসরের মধ্যে এ কথা কেউ ভেবে দেখে নাই। আলমামুনের রাজত্ব কালেই এ সম্বন্ধে প্রথম চেষ্টা হয়। মাধ্যমিক রেখা (meridian) নিরূপণ করতে বৈজ্ঞানিকগণ এক মৌলিক উপায় উদ্ভাবন করেন। এই তাঁদের উপায়টি গ্রীক বৈজ্ঞানিকদের অগুস্ত পদ্মা থেকে সম্পূর্ণ পৃথক ও অভিনব। এটি শুধু মৌলিকতার দিক দিয়েই নয়, এমনিও বেশ কৌতূহলোদ্দীপক এবং প্রগাঢ় বুদ্ধিমত্তার পরিচায়ক।

মেসোপটেমিয়ার সিজারের ময়দানই নিরূপণ কার্যের কার্যক্ষেত্ররূপে মনোনীত হয়। বৈজ্ঞানিকগণ দুইভাগে ভাগ হয়ে একই স্থান থেকে, কতক ঠিক উত্তর দিকে এবং কতক ঠিক দক্ষিণ দিকে গমন করতে থাকেন, যতক্ষণ পর্যন্ত তাঁরা প্রব নক্ষত্রকে পূর্বস্থানের চেয়ে ঠিক এক ডিগ্রী উপরে এবং ঠিক এক ডিগ্রী নীচে না দেখেন। এই দূরত্ব মেপে নিয়ে তা থেকেই তাঁদের অভীপ্সিত কার্য সম্পন্ন করেন। দুই দিককার দূরত্ব ঠিক সমান হয় নাই। একদিক হয়েছিল ৫৮ মাইল, অণ্ডদিক ৫৬½ মাইল। এক মাইলের পরিমাণ হোল চার হাজার “কাল হাত” (Black cubits) বা ৬৪৭৩ ফিট। অণ্ডাণ্ড গণনা থেকে মনে হয় বৈজ্ঞানিকগণ তাঁদের পরিমাণের মধ্যফল না নিয়ে, বৃহৎ সংখ্যাকেই সঠিক বলে ধরে নিয়েছিলেন। এখনকার হিসাবে সেই বৃহৎ সংখ্যাটি হোল ৪৭°৩২৫ কিলোমিটার। তাঁরা কেন যে মধ্যফল গ্রহণ করেন নাই তার সঠিক কারণ বোঝা যায় না। অবশ্য এ সম্বন্ধে মতভেদ আছে। C. D. Nillano-এর মতে বৈজ্ঞানিকগণ মধ্যফলই (mean result) নিয়েছিলেন। এর পরিমাপ হোল ৫৬½ আরবী মাইল বা বর্তমানের ৩৬৬৮৭২ ফিট। স্থানটির অক্ষাংশ (N. Lat) ৩৬°—৩৮° মধ্যে। সে হিসাবে এই ফল বর্তমানের স্থিরীকৃত পরিমাপের চেয়ে ২৮৭৭ ফিট বেশী। এই পরিমাপ অনুসারে পৃথিবীর পরিধি হবে ২০৪০০ মাইল এবং ব্যাস হবে ৬৫০০ মাইল। খলিফার আদেশ অনুসারে বৈজ্ঞানিকগণ ক্রান্তি বৃত্তের তীর্ধকতাও (Obliquity of the Ecliptic) নির্ধারণ করেন। এই নির্ধারিত ফল হল ২৫° ৩৫', পূর্বেকার বৈজ্ঞানিকদের নির্ধারিত মানের চেয়ে এটি সঠিক মানের অতি কাছাকাছি।

যা হোক এই সময়কার নির্ধারিত পরিমাপের সঙ্গে বর্তমানের স্থিরীকৃত পরিমাপের সামান্য একটু গরমিল দেখে মনে হয় বৈজ্ঞানিক উত্তরকালে বৈজ্ঞানিক

যন্ত্রপাতিগুলিকে নিখুঁতভাবে সর্বাঙ্গীন উন্নত করে তুলতে পারলেও তখন পর্যন্ত সেগুলো সম্পূর্ণভাবে বিজ্ঞানসম্মত হয়ে উঠে নাই।

এই তিন মানমন্দিরের নিরীক্ষণ ফল থেকেই আলমামুনের আদেশ অনুসারে পরীক্ষিত তালিকা ‘আলজিজ আলমুমতাহান’ বা আলমামুন তালিকা (Tested Table or Almamun's Table) নামক সুবিখ্যাত জ্যোতির্বিজ্ঞান তালিকা তৈরী হয়। এই তালিকা তৈরী করতে ভারতীয় পদ্ধতি অমুম্বৃত হয়, সিন্ধু বা সিন্ধুস্বতের অমুকরণে। জ্যোতির্বিজ্ঞান আলোচনার উন্নতির জন্য খলিফা তখনকার অভিজ্ঞ জ্যোতির্বিদদের দিয়ে এ সম্বন্ধে একখানি গ্রন্থ সঙ্কলন করান। গ্রন্থখানির লাতিন নাম হোল “Astronomia Elaborate Compluribus D D Jussus Regis Maimon” এই গ্রন্থের পাণ্ডুলিপি এখনও অনেক লাইব্রেরীতে দেখতে পাওয়া যায়।

বাগদাদের মানমন্দিরে প্রথম থেকেই অনেক খ্যাতনামা বৈজ্ঞানিক বিজ্ঞান চর্চা করতেন। দূরবীক্ষণ যন্ত্রের আবিষ্কারক পদার্থবিদ আবুল হাসান, এই স্থানেই প্রথম দূরবীক্ষণ যন্ত্র আবিষ্কার করেন এবং তাঁরই যন্ত্র কতকটা উন্নত আকারে উত্তরকালে মারাঘা ও কায়রোর মানমন্দিরে খগোল বিজ্ঞানে নবমুগ আনয়ন করে। খলিফা আলমামুনের রাজত্বকালেই বিধুবরেখা ও আয়ন-মণ্ডলের সংযোগ স্থল (Equinox), চন্দ্র গ্রহণ সূর্যগ্রহণ, ধূমকেতুর ছায়া (Apparitions of the comets) প্রভৃতি সৌরজগৎ সংক্রান্ত বহু তথ্য নির্ণীত হয়।

যে সমস্ত বৈজ্ঞানিকের আপ্রাণ সাধনায় এ সমস্ত তথ্য নির্ণীত হয়েছিল জুংখের বিষয় তাঁদের সবার নাম ও কাজের পূর্ণ পরিচয় এখনও পাওয়া যায় নাই। যতদূর জানা যায় মোহাম্মদ ইবনে মুসা আলখারেজমি, আলফাগানাস, প্রমুখ অধুনা বিজ্ঞান জগতে সুবিদিত বৈজ্ঞানিকগণ ছাড়াও, ছোটখাট অনেকেই বিজ্ঞানচর্চায় লিপ্ত ছিলেন। তাঁদের কাজ এই সমস্ত সুবিখ্যাত বৈজ্ঞানিকদের মত মনীষা ও প্রতিভা ব্যাঞ্জক না হোলেও, তাঁরা যে এক অদম্য উৎসাহ নিয়েই বিজ্ঞান চর্চা করেছিলেন এবং বিজ্ঞানের উন্নতি সাধনে যথেষ্ট সাহায্য করেছিলেন, তাঁদের বর্ডমানে জ্ঞাত সামান্য কার্য থেকেই সে বিষয় সম্যকরূপে উপলব্ধি করা যায়। এ সমস্ত সুজ্ঞাত বৈজ্ঞানিকদের জ্ঞান গরিমার সম্পূর্ণ পরিচয় পাওয়া

যায় নাই। বিজ্ঞানে তাঁদের দানের যে সমস্ত অংশ এতদিন পর্যন্ত নজরে পড়েছে সেগুলোর কথাই সংক্ষেপে উল্লেখ করা যাবে।

“আলজিজ আলমুমতাহান” তৈরী করতে যে সব বৈজ্ঞানিক সাহায্য করেছিলেন আবু আলি ইয়াহিয়া ইবনে আবি মনসুর তাঁদের মধ্যে অন্যতম। তিনি ছিলেন খাঁচি পারস্যবাসী। আল্‌মামুনের বিদ্বৎ সভায় অবস্থান কালে তিনি তাঁর ধর্মমত বদলিয়ে ইসলাম গ্রহণ করেন। গণিতশাস্ত্রের মধ্যে জ্যোতির্বিজ্ঞানই তাঁকে বিশেষভাবে আকৃষ্ট করে। এতে তিনি বিশেষ নৈপুণ্যেরও

আবু আলি ইয়াহিয়া

পরিচয় দেন। খলিফাও তাঁর বিজ্ঞান প্রতিভায় ও বুদ্ধিমত্তায় শ্রীত হয়ে তাঁকে সামসিয়া মানমন্দিরের সর্বময়

কর্তা (Director) নিযুক্ত করেন। এখানে তিনি আল্‌আব্বাস ইবনে সাইদ আলজজওহেরী, সনদ ইবনে আলী প্রভৃতি বৈজ্ঞানিকদের সঙ্গে ৮২২-৩০ খৃঃ অব্দের মধ্যে নানা পর্যবেক্ষণ করেন এবং জ্যোতির্বিজ্ঞান সম্বন্ধে কতকগুলি গ্রন্থও প্রণয়ন করেন। এই পর্যবেক্ষণ কার্যের মধ্যেও তিনি প্রতিভার পরিচয় দিয়েছেন যন্ত্রপাতির মধ্যে চিরাচরিত প্রথাকে অচুসরণ না করে। হিসাবের সুবিধার জ্ঞান তিনি তাঁর কতকগুলি যন্ত্রের প্রত্যেক ডিগ্রীকে ৬ ভাগে ভাগ করে নিয়ে কাজ করেন। পারস্যবাসী হোলেও তিনি তাঁর সমস্ত কার্যকলাপ আরবীতেই লিপিবদ্ধ করেন। ৮৩১ খৃঃ অব্দে এই পারস্য বৈজ্ঞানিকের মৃত্যু হয় এবং হালেব নামক স্থানে তাঁর নশ্বর দেহ সমাহিত হয়।

ইয়াহিয়ার মৃত্যুর পরেও তাঁর বৈজ্ঞানিক কার্যের জের টেনে গেছেন তাঁরই পৌত্র হারুন ইবনে আলী। এমনিতে গণিতশাস্ত্রে তাঁর মৌলিক অবদানের

হারুন ইবনে আলী

কথা বিশেষ কিছু জানা যায় না। কিন্তু তিনি পিতামহ, অস্বাভাবিক ও নিজেদের পর্যবেক্ষণের বলা স্বরূপ যে

তালিকা তৈরী করেন, পরবর্তী বৈজ্ঞানিকদের নিকট তার খুবই সমাদর হয়। অনেকদিন পর্যন্ত তাঁর এই তালিকার প্রভাব দৃষ্ট হয়। এ ছাড়া পিতামহের যন্ত্রপাতির প্রতি অচুরাগ তাঁর কার্যকলাপের মধ্যেও রেশ ছড়িয়ে দিয়েছে বলা চলে। তিনি জ্যোতির্বিজ্ঞান সম্বন্ধীয় নানা যন্ত্রপাতি নির্মাণ করেন। ৯০০ খৃঃ অব্দে এই যন্ত্রকুশলী বৈজ্ঞানিক বাগদাদে ইহলীলা সংবরণ করেন।

টলেমির টেলিওবিব্লসের অমুবাদ হয় খলিফা আলমুনশুরের রাজত্বকালে তদানীন্তন বৈজ্ঞানিক আবু ইয়াহিয়া কর্তৃক। কিন্তু তিনি এর কোন ভাষা বা টীকা লিখে যান নাই। আলমামুনের সময় আলতাবারী নামে পরিচিত, ওমর ইবনে আল্ ফাররুখান আবু হাফিজ আলতাবারীই সর্ব প্রথম এর ভাষা লেখেন। পারসী বিজ্ঞান গ্রন্থ আরবীতে অমুবাদ করার সঙ্গেই তাঁর নাম বিশেষভাবে বিজড়িত। খলিফা আলমামুনের আদেশে তিনি বহু পারসী গ্রন্থ আরবীতে অমুবাদ করেন। এই ভাষ্য এবং অমুবাদ ছাড়া জ্যোতির্বিজ্ঞান ও জ্যোতিষ সম্বন্ধেও তিনি কতকগুলি গ্রন্থ প্রণয়ন করেন। তাঁর জ্যোতিষ সম্বন্ধীয় একখানি গ্রন্থের নাম হোল “কিতাবুল ওমুল বেন মুজুম” অনেকের মতে এ গ্রন্থখানি তাঁর পুত্র আবুবকর কর্তৃক প্রণীত। আলতাবারী ৮১৫ খৃঃ অব্দে মৃত্যুমুখে পতিত হন।

শিতার স্থায় পুত্র মেহাম্মদ আবুবকর মোহাম্মদ ইবনে ওমর ইবনে আল্ ফাররুখান আলতাবারী জ্যোতির্বিজ্ঞান নিয়ে বিশেষ আলোচনা করেন। জ্যোতিষ সম্বন্ধেও তিনি কতকগুলি গ্রন্থ প্রণয়ন করেন। তাঁর অন্ততম গ্রন্থ দ্বাদশ শতাব্দীতে জোহানেস হিসপালেনসিস কর্তৃক লাটিনে অমুদিত হয়। এই লাটিন অমুবাদখানির নাম হোল “Omar Tiberiadis de Navitatibus et interrogationibus”।

আহমদ ইবনে মোহাম্মদ আলনাহওয়ানদী, বা আলনাহওয়ানদী খগোল তালিকা (astronomical table) তৈরী করেন। এই জাতীয় অষ্টাশ্র তালিকা থেকে এর একটা পার্থক্য দেখা যায়। অষ্টাশ্রগুলিতে যেমন তদানীন্তন বৈজ্ঞানিকদের নিরীক্ষণ ফলগুলিকে সম্মিলিতভাবে স্থান দেওয়া হয়েছে এতে সেই চিরাচরিত প্রথা অমুসৃত হয় নাই। বৈজ্ঞানিক শুধু নিজের গবেষণার কাজ দিয়েই একে বিজ্ঞানসম্মত ভাবে সাজিয়ে তুলেছেন। নাহওয়ানদীর এই তালিকা “আলমুশতামাল” তাঁর অপূর্ব বুদ্ধিমত্তার পরিচায়ক। একক বৈজ্ঞানিকের কাজ হলেও, সম্মিলিত কাজের চেয়ে গুণের দিক দিয়ে এ বিশেষ কম যায় নাই। যা হোক তাঁর সম্বন্ধে বিশেষ আর কিছুই জানা যায় নাই। ৮৩৫ খৃঃ অব্দের পরে কোন এক সময়ে তাঁর মৃত্যু হয়। সঠিক তারিখ নিয়ে অনভেদ আছে।

Almamun's Table বা Tested Table তৈরী করতে যে সমস্ত বৈজ্ঞানিকদের হস্তক্ষেপের পরিচয় পাওয়া যায় তদ্ব্যতীত আলমারওয়াররোজী

আল মারওয়াররোজী

অন্ততম। তাঁর পূর্ণ নাম হোল খালেদ ইবনে আবদুল মালেক আল মারওয়াররোজী। দামাস্কাস এবং বাগদাদের মানমন্দিরে গবেষণা চালানর সঙ্গে সঙ্গে নিজের এবং অগ্রাশ্রম বৈজ্ঞানিকদের কার্য ফলাফল বিজ্ঞান সম্মতভাবে টুকে রাখবার ভারও তাঁর উপর পড়ে, তাছাড়া এগুলো একত্র সন্নিবেশও তিনি করেন। তাঁর পুত্র মোহাম্মদ ও পৌত্র ওমরও বিজ্ঞান সেবায় আত্মনিয়োগ করেন। ওমর জ্যোতির্বিজ্ঞান তালিকা প্রস্তুত করেন এবং “আল মুসাত্তাহ” নামে আন্তারলব সম্বন্ধে একখানা গ্রন্থও প্রণয়ন করেন।

আলী ইবনে ইসা আলমাসতারলবি খলিফা আলমামুনের বিজ্ঞান সভার অন্ততম সভ্য। বৈজ্ঞানিক গবেষণা কাজের মধ্যে জ্যোতির্বিজ্ঞান, ভূপৃষ্ঠ পরিমিতি (Geodesy) এবং আন্তারলব সম্বন্ধে তাঁর কয়েকখানি গ্রন্থই মৌলিকতার

আল মাসতারলবি

দিক দিয়ে, বৈজ্ঞানিকের আগনে তাঁকে প্রতিষ্ঠিত করতে সমর্থ। তবে যা তাঁকে সত্যি সত্যিই বৈজ্ঞানিক হিসাবে বিজ্ঞান জগতে অমর করে রেখেছে, সে হোল জ্যোতির্বিজ্ঞানের গবেষণা কার্যের জন্য সুকৌশলী সূক্ষ্ম সূক্ষ্ম যন্ত্রপাতি নির্মাণ ও আবিষ্কার। জ্যোতির্বিজ্ঞানের প্রয়োজনীয় যন্ত্রপাতি নির্মাতা হিসাবে তিনি তখন খুবই বিখ্যাত ছিলেন এবং সে খ্যাতি কোন দিনই দ্বান হয় নাই। তাঁর যন্ত্রপাতি দিয়ে মানমন্দিরের গবেষণা ও নিরীক্ষণের কাজ চালান হোত।

বাগদাদের অন্ততম স্থপয়িতা মাশাআল্লাহর শিষ্য আবুল খাইয়্যাতও জ্যোতির্বিজ্ঞানে বিশেষ পারদর্শিতা দেখিয়েছেন বলে মনে হয়। জ্যোতির্বিজ্ঞান সম্বন্ধে

আবুল খাইয়্যাত

তাঁর পুস্তক পরবর্তীকালের বৈজ্ঞানিকদের বিশেষ মনোযোগ আকর্ষণ করে। ১১৩৬ খৃঃ অব্দে প্লেটো (Plato of Tioli) De Judicus Nativitatum নাম দিয়ে গ্রন্থখানির লাতিন অনুবাদ করেন। ১১৫৩ খৃঃ অব্দে জোহানেস হিসপালেনসিসও এর অল্প এক অনুবাদ প্রকাশ করেন। এই অনুবাদখানি ১৫৪৬-১৫৪৯ খৃঃ অব্দে Johann Schoner

কর্তৃক সম্পাদিত হয়ে পুনঃ প্রকাশিত হয়। জ্যোতির্বিজ্ঞানের সঙ্গে জ্যোতিষও তাঁর দৃষ্টি আকর্ষণ করে। এ সম্বন্ধে তিনি অনেকগুলি ক্ষুদ্র ক্ষুদ্র গ্রন্থও প্রকাশ

করেন। তাঁর পূর্ণ নাম হোল আবু আলী আলু খাইয়াত ইয়াহিয়া ইবনে গালিব। নাম দেখে মনে হয় দর্জিগিরি তাঁর অথবা তাঁর পূর্বপুরুষদের উপাধীবিধি ছিল (আলখাইয়াত—দর্জি)। ৮৩৫ খৃঃ অব্দে তাঁর মৃত্যু হয়।

এই সমস্ত ছোটখাট বৈজ্ঞানিকদের কার্যকলাপ ছাড়া, আলমামুনের রাজত্বকাল বিজ্ঞানের দিক দিয়ে যে দুই মনীষীর প্রতিভার দানে উদ্ভাসিত হয়ে রয়েছে, তাঁদের নাম হোল আলফ্রাগানাস ও আলখারজমি। দুইজনেই বর্তমান বিজ্ঞান জগতে সুপরিচিত। তবে স্বপ্নের বিষয়, একজনের নাম যেমন ইউরোপীয়-

আলফ্রাগানাস

য়ানদের কল্যাণে বিকৃত হয়ে পড়েছে, সত্যিই মুসলমান কিনা নাম দেখে সে সম্বন্ধে সন্দেহ জাগে, অশুভনের ঠিক

ততটা বিকৃত হয় নাই। আলফ্রাগানাস আবুল আব্বাস ইবনে মোহাম্মদ ইবনে কাছির আলফারগানির ইউরোপীয়ান বিকৃত নাম। এই নামের বিকৃতিতে বোঝা যায় যে তিনি অতি সহজে এবং অল্প সময়ের মধ্যেই ইউরোপীয় বৈজ্ঞানিকদের দৃষ্টি আকর্ষণ করিতে সমর্থ হন। পণিত-শাস্ত্রের মধ্যে জ্যোতির্বিজ্ঞানেই তিনি সমস্ত মনপ্রাণ ঢেলে দিয়েছিলেন, অশুভিকে তেমন ক্রম্বেপ করেছিলেন বলে মনে হয় না। এ বিষয়ে তাঁর জ্ঞান ও দক্ষতার কথা বলতে গিয়ে শুধু এইটুকু বললেই হয়ত চলেবে যে তাঁর প্রণীত Elements of Astronomy গ্রন্থখানা প্রাচীন জগতে সেদিন পর্যন্তও অশুভতম শ্রেষ্ঠ গ্রন্থ (classical) বলে পরিগণিত হত। মুজল বহু আবিষ্কার হওয়ার পর থেকে এর সংস্করণের পর সংস্করণ প্রকাশিত হয়। গ্রন্থখানি জিয়ার্ড (Gerard of Cremona) এবং জোহানেস-জলুনা-হিসপ্যালােনসিস কর্তৃক লাটিনে অনূদিত হয়। ইউরোপের রিনাসাঁর যুগে রেজিওমন্টেনাস (Regiomontanus) এই অনুবাদ পড়ে মুগ্ধ হন এবং ১৪৯৩ খৃঃ অব্দে মনীষী মেলানকথন (Melanchthon, the great) রেজিওমন্টেনাসের অনুবাদের উপর নির্ভর করে, নিউরেমবার্গ থেকে জ্যোতির্বিজ্ঞানের এক গ্রন্থ প্রকাশ করেন। জোহানেসের অনূদিত গ্রন্থখানা প্যারিস থেকে ১৫৪৬ খৃঃ অব্দে পুনর্বার মুদ্রিত হয়। আনাটোল (Anatole) এই অনুবাদ-কর্তা। এই হিব্রু অনুবাদ খানা জ্যাকব ক্রিস্টম্যান (Jacob Christman) পুনরায় লাটিনে অনুবাদ করে ক্র্যাঙ্কবার্ট থেকে প্রকাশ করেন। আলফ্রাগানাসের এই পুস্তকখানি বিভিন্ন নামে পরিচিত যথা—“জামি এলমুল নজুম ওয়াল হরকত আল সামায়িয়া, উমুল এলমুল

নজম, আলমুখায়েন ইলা এলমুল হায়াত আল আফসাক, কিতাবুল ফুহুল আল ছালেছিন (Book on celestial motions and the complete science of the stars)।" পুস্তকখানি যে খুবই জনপ্রিয় হয়েছিল অনুবাদের ঘটনা দেখেই তা বোঝা যায়। জনপ্রিয়তার কারণ হোল সংক্ষেপে অথচ সাধারণের বোধগম্য সুন্দর সাবলীল ভাষায় বর্ণনা। বস্তুত আলফাগানাসের জ্যোতির্বিজ্ঞানের গ্রন্থখানা এ বিষয়ে প্রামাণ্য গ্রন্থ হিসাবে আজও বিবেচিত হয়ে থাকে।

জ্যোতির্বিজ্ঞানের এই পুস্তক ছাড়া আস্তারলব (astrolabe) সম্বন্ধেও আলফাগানাস দুইখানা পুস্তক প্রণয়ন করেন। পুস্তক দুইখানির নাম হোল 'আল কামিল ফিল আসতারলাব' এবং "ফি সানাত আল আসতারলাব বিল হান্দাসা" (জ্যামিতির সাহায্যে আস্তারলব প্রণয়ন)। এই দুই খানির আরবী অঙ্কলিপি অস্ত্রাপিও প্যারিস এবং বার্লিনে বিদ্যমান।

ফিহরিস্তের বর্ণনা অনুসারে অলমাজেস্ট (Almagest), রুখামাত প্রণয়ন এবং সূর্যঘড়ি (Sundial) সম্বন্ধেও তিনি গ্রন্থ প্রণয়ন করেন। তবে এগুলির সঠিক বিবরণ কিছুই পাওয়া যায় না। খুব সম্ভব পুস্তকগুলি বিলুপ্ত হয়ে গেছে।

যতদূর জানা যায় তাতে মনে হয় তিনি টলেমির মতবাদ (Theory) এবং তাঁর স্থিরীকৃত অয়ন চলন (procession)-এর হিসাব সঠিক বলেই ধরে নেন। তবে আলফাগানাসের মতে এগুলি শুধু নক্ষত্রের উপরেই প্রযোজ্য। পৃথিবীর ব্যাস (তাঁর মতে ৬৫০০ মাইল) গ্রহগুলির ব্যাস এবং গ্রহগুলির মধ্যকার ব্যবধান নির্ণয়ও তাঁর বিজ্ঞান প্রতিভার পরিচায়ক। ৮৬১ খৃঃ অব্দে তাঁরই তত্ত্বাবধানে ফুসতাতে নীলোমিটার (Nilometer) স্থাপিত হয়। তিনি তাঁর সমসাময়িক গণিতজ্ঞ হিসাবে বেশ বিখ্যাত ছিলেন বলেই মনে হয়। তাঁর ডাক নাম ছিল 'আলহাসিব'। জটিল জটিল গণিতিক প্রশ্ন অতি সহজে সমাধান করতে পারতেন বলেই এই নামের উৎপত্তি।

এই বিখ্যাত বৈজ্ঞানিক, খুব সম্ভব, খলিফা আলমুতাওয়াক্কিলের রাজত্ব কালে মৃত্যুমুখে পতিত হন।

জ্যোতির্বিজ্ঞানে এই সমস্ত অভূতপূর্ব উন্নতি সাধন ছাড়াও আলমুমানের সময়কার মুসলিম বৈজ্ঞানিকদের গণতন্ত্রের দান সম্যকভাবে উপলব্ধি করা যায় আলখারেজমির বিশ্বয়কর প্রতিভার অবদানে।

আল্‌খারেজমি

আল্‌খারেজমিই বীজগণিতকে অঙ্কশাস্ত্রের মধ্যে মর্যাদা সম্পন্ন করে তোলেন, এবং এর প্রতি বৈজ্ঞানিকদের দৃষ্টি আকর্ষণ করেন। ভারতীয় বীজগণিতের অংশটুকু বাদ দিলে মুসলিম বৈজ্ঞানিকদের পূর্বে বীজগণিতের চর্চা খুব বেশী কিছুই হয় নাই বললেও অত্যাশ্চর্য হয় না। গ্রীক বৈজ্ঞানিকদের মধ্যে একমাত্র ডাওফেণ্টাই বীজগণিত নিয়ে বিশেষ আলোচনা করেন তাঁরপর আর এদিকে কেউই বিশেষ মনোযোগ দেন নাই। এ হিসাবে মুসলিম নিউটন* আল্‌খারেজমিকেই বর্তমান বীজগণিতের সৃষ্টিকর্তা বলা চলে।

আল্‌খারেজমির পূর্ণ নাম হোল আবু আবুল্লাহ মোহাম্মদ ইবনে মুসা আল্‌খারেজমি। পারস্যের অন্তর্গত আরল হ্রদের দক্ষিণে বিভা প্রদেশের খারেজমে তাঁর জন্ম, সেই হিসাবেই খারেজমি নামেই তিনি সাধারণত পরিচিত। কেউ কেউ তাঁকে আল্‌মাদজুসী (ম্যাজিয়েনের বংশধর) এবং কুতরবুলী (কুতরবুলের অধিবাসী, কুতরবুল তাইগ্রীসের পশ্চিম তীরে বাগদাদের নিকটে একটি গ্রাম) নামেও অভিহিত করেছেন। উত্তরকালে খার প্রভিভায় সমস্ত বিধ্বংস ও বিন্যস্ত হয়েছিল, জন্ম মুহূর্তে তাঁকে কেউ তেমন ভাবে স্বাগত জানায় নাই। বিখ্যাত মনীষীদের যেমন ঘটে তাঁর বেলায়ও তার ব্যতিক্রম হয় নাই। পিতামাতার হাসি ও আনন্দের অভ্যর্থনাই তাঁকে প্রথমে অভিনন্দিত করেছিল, কিন্তু এই অজ্ঞাত শিশুই গণিতশাস্ত্রে যে অতুতপূর্ব উন্নতি সাধন করেন তা সত্যই বিস্ময়কর। আল্‌খারেজমির জীবনী সম্বন্ধে বিশেষ কিছুই এ পর্যন্ত জানা যায় নি। যতদূর জানা যায় তিনি খলিফা আলমামুনের লাইব্রেরীর লাইব্রেরীয়ান ছিলেন। হয়ত এই লাইব্রেরীর সংস্পর্শে এসেই তিনি বিজ্ঞানের প্রতি আকৃষ্ট হয়ে পড়েন। এই সময়ে আফগানিস্তানে যে

*The greatest Mathematician of the time, and if one takes all circumstances into account, one of the greatest of all time was Al Khwarizami. (Introduction to the History of Science, Sarton Part II, P. 545)

মিশন প্রেরিত হয় আলখারেজমিও সেই মিশনের অগ্রগতম কর্মীরূপে আফগানিস্তানে গমন করেন। খুব সম্ভব প্রত্যাবর্তনের পথে তিনি ভারতবর্ষও ঘুরে আসেন। আল্বেকুনীর উপর ভারতের প্রভাব যেমন ভারতে অবস্থানের ক্ষেত্রেই আলখারেজমির বিজ্ঞানের গবেষণার উপর ভারতীয় প্রভাবেরও কারণও হয়ত তেমনি ভারত ভ্রমণই।

গণিতশাস্ত্রের প্রায় সমস্ত বিভাগেই আলখারেজমির প্রতিভার পরিচয় পাওয়া যায়। তবে বীজগণিতই তাঁর জীবনের সর্বশ্রেষ্ঠ দান বলা যেতে পারে। তদানীন্তন অগাচ্চ বৈজ্ঞানিকদের মত তাঁরও প্রথম কার্য হয় জ্যোতির্বিজ্ঞান নিয়ে। এ সম্বন্ধে তিনি কয়েকখানি পুস্তকও প্রণয়ন করেন। এই পুস্তকগুলি জ্যোতির্বিজ্ঞানে গ্রন্থকারের বিশেষ জ্ঞানবস্তারই পরিচয় দেয়। আলফাগানাসের পুস্তকের মতই এরও অনেকগুলি পুস্তক প্রামাণ্য গ্রন্থ হিসাবেই বিবেচিত হয়; এবং এডিলার্ড (Adilard of Bath) বা রবার্ট (Robert of Chester) কড়ক্ লাটিনে অমুদিত হয়। এখানে প্রসঙ্গত বলে রাখা যেতে পারে যে আরব ও যুরদের বিজ্ঞান সম্বন্ধে জ্ঞানলাভ করবার ক্ষমতা যে সমস্ত ইউরোপীয় আরবদের নিকট শিক্ষালাভ করেন, ইংরেজ পাত্রী এডিলার্ডই বোধ হয় তাঁদের মধ্যে সর্বপ্রথম। তিনি মুসলমানের ছদ্মবেশে কর্ডোভায় যেয়ে বিজ্ঞান অধ্যয়ন করেন। জ্যোতির্বিজ্ঞান সন্দ্বন্ধীয় গ্রন্থ প্রণয়ন ছাড়া উচ্চতা পরিমাপক যন্ত্র, খগোল তালিকা, ডায়াল প্রভৃতি প্রস্তুত করার মধ্যেও এসব বিষয়ে আলখারেজমির অমুদিত ক্ষমতার পরিচয় পাওয়া যায়।

শুদ্ধ গণিতেও (Arithmetic) আলখারেজমির প্রতিভার রূপ পড়েছে। ভারতীয় গণনা পদ্ধতি অমুসরণ করে, তিনি শুদ্ধগণিত বিষয়ক একখানি পুস্তক প্রণয়ন করেন। এখানার নাম দেন “কিতাবুল হিন্দ”। “কিতাবুল হিন্দ” ছাড়াও শুদ্ধ গণিত বিষয়ে তিনি আরও কয়েকখানা গ্রন্থ প্রণয়ন করেন। তন্মধ্যে ‘আজ্জাম ওয়াত্ তাফরিক’ সমধিক প্রসিদ্ধ। তাঁর পুস্তকগুলির বৈজ্ঞানিক মূল্য যে কত অধিক সে বোঝা যায় ইউরোপীয় রিনাসাঁর যুগে, অক্ষয় সন্দ্বন্ধীয় সমস্ত গ্রন্থগুলির লাটিনে অমুবাদ হওয়া দেখেই। রবার্ট (Robert of Chester) এবং এডিলার্ড (Adilard of Bath) এই দুই জনেই আলখারেজমির গণিতশাস্ত্রের পুস্তকগুলি লাটিনে অমুবাদকারী হিসাবে বিখ্যাত হয়ে রয়েছেন। রবার্ট বীজগণিত

“এলমুল জাবর ওআল মুকাবেলা”র লাতিন অনুবাদ করেন। ১৯১৫ খৃঃ অব্দে কারপিনস্কি (L. C. Karpinski) নিউইয়র্ক থেকে অনুবাদখানি পুনর্বার প্রকাশ করেছেন। গণিত পুস্তক “আজ্জাম ওয়াত তাফরিক”খানি এঁদের মধ্যে কে অনুবাদ করেছেন সে সম্বন্ধে সঠিক কিছুই জানা যায় না। তবে অনেকের মতে রবার্টই প্রকৃত অনুবাদকারক। ১৮৫৭ খৃঃ অব্দে রোম থেকে Trattalid Arithmetica নামক প্রকাশিত গ্রন্থাবলীতে বনকমপেগনী (Prince Boncompegni) কর্তৃক লাতিনে অনুদিত এই গ্রন্থখানি পুনঃ সম্পাদিত হয়। যাহোক গণিতের এই অনুদিত গ্রন্থখানির নাম দেওয়া হয় “Algoritmi denumero Indorum”। এর আরম্ভ হয়েছে “Spoken has Algoritmi. Let us give deserved praise to God our Leader and defender” গ্রন্থকারের নাম লাতিন অনুবাদে দাঁড়িয়েছে “Algoritmi. ইউরোপীয় ভাষার পাল্লায় পড়ে অনেক মূলমন্ত্র নামই প্রথম তেহারা বলে কিছুতকিমাকার ধারণ করেছে, আল্খারেজমির নামও তেহানি লাতিন অনুবাদে Algorism. Algorithmএ রূপান্তরিত হয়েছে। বীজগণিতের অন্ততম অংশ Logarithm, আল্খারেজমির নাম থেকেই উৎপন্ন এক এই থেকেই Algorism, Augrim প্রভৃতি শব্দেরও উৎপত্তি।

গণিতের এই গ্রন্থখানিতে প্রথমত সংখ্যার উৎপত্তি নিয়েই আলোচনা করা হয়েছে। আজকালকার প্রচলিত সংখ্যাগুলির প্রকৃত আবিষ্কারক কে, সে বিষয়ে এখনও খণ্ডে মতভেদ বিস্তারিত। *

এ মতভেদের কারণও অনেক। বর্তমানে এ লিখনপ্রণালী Arabic Notation বা আরবে উৎপন্ন বলেই পরিচিত। ইউরোপীয়রা যে সংখ্যা লিখনের এই

* With all the painstaking study which has been given to the history of our numerals we are at the present time obliged to admit that we have not even settled the time and place of their origin. At the beginning of the present century the Hindu origin of our numerals was supposed to have been established beyond doubt. But at present time several earnest students of this perplexing question have expressed grave doubts on this point. These investigators—G. R. Kaye in India, Carra de Vaux in Franch and Nicol Bubnov in Russia—working independently of one another have denied the Hindu origin (A History of Mathematical Notations. F. Cajori 1928 vol I. P. 46.

অভিনব প্রণালীর আরবদের নিকট থেকেই সন্ধান পান, সে কথা তাঁরা মুক্তকণ্ঠেই স্বীকার করেন। এর বৈজ্ঞানিক উপযোগিতা রোমান সংখ্যা লিখনপ্রণালীর সঙ্গে তুলনা করলেই সম্যক বোঝা যাবে। জ্বরজ্বর গোছের সংখ্যা লিখন যে, অক্ষরত্রয়ে বিজ্ঞানের গণ্ডীর বাইরে এক অপাংক্তেয় শ্রেণীতে তুলে ধরেছিল সে কথা এই বৈজ্ঞানিক যুগের স্ফূর্তি নিয়মবদ্ধ বিজ্ঞানের চোখে সহজেই ধরা পড়ে। আঠেপৃষ্ঠে কাউকে শক্ত করে বেঁধে সোজা হয়ে হাঁটতে বলার মধ্যে যেমন বুদ্ধির অপ্রাচুর্যে মনে কারুণ্যেরই উদ্ভেক করে, রোমান অক্ষরের সংখ্যার ঘাঁটির মধ্যে বিজ্ঞানের উন্নতিও তেমনি ভয়াবহরূপে আশাপ্রতিহতই হয়। রোমান সংখ্যার নাগপাশে বৈজ্ঞানিকদের সহজাত সংযত প্রবুদ্ধ মন যখন হাঁপিয়ে উঠছিল, তখন বিধাতার আশীর্বাদের মতই মুসলিম বৈজ্ঞানিকদের আবিষ্কৃত সংখ্যা লিখনের নবপ্রণালী বিজ্ঞানের উন্নতির পথ সহজ সাধ্য করে তোলে। রোমান প্রণালী ছাড়া আরবী অক্ষরমালার প্রত্যেক অক্ষরকে সংখ্যার প্রতীক ধরে গণনার প্রথাও তখন আরবদের মধ্যে প্রচলিত ছিল। এখনও উর্দু গণনা প্রণালীতে তার কতকাংশ বিদ্যমান আছে। তবে এ যে বিশেষ সমাদর লাভ করতে পারে নাই, সে মুসলিম বৈজ্ঞানিকদের বিজ্ঞান-সাধনার প্রথম যুগ থেকেই এর নির্বাসন দেখে স্পষ্টরূপে প্রতীয়মান হয়।

Arabic Notation আরবদের বিজ্ঞান আলোচনার প্রথম যুগ থেকেই প্রচলিত তবে তাঁরা যে এর সর্বপ্রথম এবং সর্বময় আবিষ্কর্তা নন সে তাঁদের গ্রন্থাবলী থেকেই বোঝা যায়। আল্খারেজমি তাঁর গ্রন্থে এ প্রণালীকে “হিন্দী” প্রণালী বলে উল্লেখ করেছেন। সাধারণত ভারতবর্ষকে “হিন্দ” নামে অভিহিত করা হত। এ হিসাবে আরবীয়েরা যে ভারতের কাছ থেকেই সংখ্যা লিখন প্রণালী শিক্ষা করেন, এতে কোন সন্দেহ জাগবার কথা নয়। এ মতকে সঠিক বলে বিবেচনা করবার আরও কতকগুলি কারণও বর্তমান। তবে এই হিন্দী শব্দটি ভারতবর্ষকে লক্ষ্য করেই বলা হয়েছে কিনা, সে বিষয়ে কেউ কেউ সন্দেহ প্রকাশ করেছেন। কারা-গু-ভো’র মতে আল্খারেজমির গ্রন্থে যে হিন্দী শব্দের উল্লেখ আছে সে শব্দটা সত্যি হিন্দী কিনা সে বিষয়ে সন্দেহ করবার যথেষ্ট কারণ বিদ্যমান। প্রায়ই দেখা যায় আরবীতে “হিন্দাসী” শব্দ লিখবার গোলমালে “হিন্দী”তে পরিণত হয়েছে। هندس “হিন্দাসী”র س সিনকে তুল


করে অনেকেরই “ইয়া” পড়েছেন ফলে “হিন্দাসী” হিন্দীতে দাঁড়িয়ে গেছে। অনেক স্থানে দেখা যায়, যেখানে “হিন্দী” শব্দ ব্যবহৃত হয়েছে বলে ধরা হয়েছে, আসলে কিন্তু “হিন্দাসী” শব্দটিই সেখানে ভাল খাটে। জ্যোতির্বিজ্ঞানের এক প্রকার চিহ্নিত বস্তুর নাম “হিন্দ” অথচ একে “হিন্দাসী” বললেই উপযুক্তভাবে বর্ণনা করা হয়। *

উপেক (Woepake) প্রভৃতি সংস্কৃতবিদ পণ্ডিতেরা সংখ্যার গঠন প্রণালী থেকে এর প্রথম উৎপত্তি স্থল নির্ণয় করতে চেষ্টা করেছেন, কিন্তু একে বৈজ্ঞানিক যুক্তি হিসাবে খুব সূচু বলে মনে করা যায় না। গঠন প্রণালীর উপর খুব বেশী নির্ভর করা তেমন যুক্তি সঙ্গত নয় বলেই মনে হয়। যে সমস্ত স্থানে বর্ণমালাকে সংখ্যার প্রতীক হিসাবে ব্যবহার করা হোত, সেখানেও অক্ষরের লিখন প্রণালী অনুযায়ী সংখ্যার ক্রমিক নম্বর ও গঠন প্রণালী না হয়ে বরং অক্ষরগুলি ক্রম অনুসারেই (alphabetical order) তাদের সংখ্যা-প্রতীক স্থিরীকৃত হয়েছে। আরবে যে এরকম সংখ্যা-লিখন প্রণালী প্রচলিত ছিল সে কথা আগেই বলা হয়েছে, গ্রােসেও এই পদ্ধতি অনুসৃত হোত। সে হিসাবে বর্ণমালার প্রাথমিক চিহ্নগুলি থেকে সংখ্যা গঠন প্রণালীর উৎপত্তি স্থল স্থির করতে যাওয়ার একে বিজ্ঞান সম্মত বলা চলে না। বাঁহোক এ সম্বন্ধে বিশেষ বাদানুবাদ না করে ভারতবর্ষেই এই সংখ্যালিখন প্রণালীর উদ্ভব হয়েছিল বলে ধরে নিলে কারুর প্রতি অবিচার করা হবে বলে মনে হয় না। বিখ্যাত মুসলিম বৈজ্ঞানিক ও পরিভ্রাজক আলবেকরুনীর মতে আরবেরা সংখ্যা-লিখন প্রণালী ভারতের হিন্দুদের নিকট থেকেই শিক্ষা লাভ করেন এবং আরবদের এই সুন্দর সংখ্যা-লিখন প্রণালী ভারতীয় পদ্ধতি অনুসরণ করেই প্রবর্তিত হয়। এ অবিশ্বাস করবার কোন কারণ নেই। আবিষ্কারক যিনিই হোন আরব বৈজ্ঞানিকদের হাতে পড়ে সংখ্যা-লিখন প্রণালী যে বর্তমান বিজ্ঞান সম্মত আকার ধারণ করেছে সে হয়ত কেউ অস্বীকার করবেন না। আরব পদ্ধতি যে অনেক সহজ ও বিজ্ঞান

* I have observed the word Hindi is easily confused in Arabic script with Hindasi which means what relates to geometry or the art of engineer ; in various cases in which the word Hindi is used, the meaning of Hindasi fits better.” (Legacy of Islam edited byArnold 1931 P. 384)

সম্মত, সে সংখ্যাগুলির গঠন প্রণালীর দিকে দৃষ্টিপাত করলেই সম্যকভাবে উপলব্ধি করা যাবে। আরবদের সংখ্যা লিখন প্রণালী দেখে মনে হয় তাঁরা এ লিখন প্রণালী যেখানেই শিখে থাকুন না কেন সংখ্যার গঠন প্রণালী তাঁদের নিজস্ব ও মৌলিক। অন্তঃগুলির কথা বাদ দিলেও আরব বৈজ্ঞানিকগণ যে অঙ্ক সংখ্যা লিখার মধ্যে 'শূন্য' ব্যবহার করবার নিয়ম-পদ্ধতির আবিষ্কারক এবং সর্বপ্রথম ব্যবহারক, সে বিষয়ে সন্দেহ করবার কোন কারণই দেখা যায় না। অনেকের মতে আরবেরাই 'শূন্য' এরও আবিষ্কারক। তাঁদের কাছ থেকেই ভারতবর্ষেও 'শূন্য'র আমদানী হয়। • এ সম্বন্ধে যথেষ্ট মতভেদ আছে।

'শূন্য' ব্যবহার করবার এবং অঙ্কের সংখ্যা লিখার মধ্যে এর প্রয়োজনীয়তা আবিষ্কার হওয়ার পূর্বে সংখ্যা-লিখন প্রণালী যে জবরজঙ্ক গোছের ছিল সে




রাশিয়ান এবাকাস

• The earliest Muslim zero known is the dot (The Arabic zero has remained a dot to this day) in a manuscript dated 873. The earliest Hindu example of a zero is an inscription of 976 at Gwalior (Hindu Arabic Numerals, Smith & Karpinski 1911 p. 52, 56, 138).

অমুমান করা বিশেষ কঠিন নয়। দশক, শতক, সহস্রক বা তদুপ কৌন সংখ্যা লিখতে হোলে 'শূন্য'এর বিশেষ প্রয়োজন। এই ছোট জিনিষটির কথা না জানা থাকলে সমস্ত সংখ্যা লিখিতে হোলে ছোট ছোট শিশুদের মত এবাকাস (abacus) বা গণনার মেজ ব্যবহার করা দরকার এবং প্রকৃতই হোতও তাই। 'শূন্য' এর কুপায় হমুমানের বিশল্যকরনীর খোঁজে গন্ধমাদন বহন করবার মত বৈজ্ঞানিকগণও সংখ্যা লিখিতে এবাকাস বহন করার হাত থেকে নিষ্কৃতি পান।

নিম্নের চিত্রে এবাকাসে ২২ ও ১৩২ এর যোগ দেখান হয়েছে। প্রথম পর্ধায়ে ২২ এর ২ এর জস্ত এককের ঘরে দুইটি গোলক বসান হয়েছে। দ্বিতীয় পর্ধায়ে ১৩২ এর ২ এর জস্ত এককের ঘরে ২টি গোলক বসান হয়েছে। এখন এই দুইটি এককের ঘর থেকে দশটি গোলক সরিয়ে নিয়ে গিয়ে তৃতীয় পর্ধায়ে দশকের ঘরে একটি ও এককের ঘরে একটি গোলক বসান গেল। চতুর্থ পর্ধায়ে ২২ এর দুই দশকের জস্ত আরও দুইটি গোলক দশকের ঘরে বসান গেল। এইবার পঞ্চম পর্ধায়ে ১৩২ এর তিন দশকের জস্ত আবার আরও তিনটি গোলক দশকের ঘরে বসান গেল। তারপর ষষ্ঠ পর্ধায়ে শতকের ঘরে একটি গোলক বসিয়ে দিলেই যোগ সম্পূর্ণ হয়ে গেল।

দশক একক দশক একক দশক একক দশক একক দশক একক শতক দশক একক



শূন্য আবিষ্কারের পূর্ব পর্যন্ত সর্বত্রই এবাকাস ব্যবহৃত হোত। রোমের বৈজ্ঞানিক যুগ থেকে আরম্ভ করে একাদশ শতাব্দীর শেষভাগ পর্যন্ত ইউরোপের সর্বত্রই এই অধ-বৈজ্ঞানিক প্রণালীতে সংখ্যা-লিখার নিয়ম প্রচলিত দেখা যায়। মধ্যযুগে যে ইউরোপ বর্তমানের সুষ্ঠু বৈজ্ঞানিক প্রণালীর সঙ্গে পরিচিত ছিল এমন মনে করবার কোন কারণ নাই। রোমসভ্যতা নির্বাণিত হওয়ার পরে

এবাকাস এর কথাও ইউরোপ সম্পূর্ণরূপে ভুলে যায়। দশম শতাব্দীতে বৈজ্ঞানিক গারবার্ট পুনরায় এই অর্ধ বৈজ্ঞানিক প্রথা প্রচলন করেন, তাঁর স্পেনের মুসলিম বৈজ্ঞানিকদের জ্ঞান-বিজ্ঞানের সামান্যতম অংশবিশেষের সঙ্গে পরিচয়ের ফলে। তবে zero বা “শূন্য” সম্বন্ধে তাঁর জ্ঞান একেবারেই শূন্য ছিল। ইউরোপে “শূন্য”র প্রচলন দেখা যায় দ্বাদশ শতাব্দীর প্রথম ভাগে। দ্বাদশ শতাব্দীতেই এর পূর্ণ ব্যবহার করে সংখ্যা লিখন প্রণালী আরম্ভ হয়। এ প্রথাকে আরবদের উৎপত্তি হিসাবে ‘আলগরিথম’ (Algorithm) বলা হতো। আলখারেজমির সময় থেকেই যে ‘শূন্য’র ব্যবহার চলে আসছে তার উল্লেখ পাওয়া যায় দশম শতাব্দীতে ইউসুফ প্রণীত “মাফাতিহুল উলুম” (বিজ্ঞান কুঞ্জি) গ্রন্থে। গ্রন্থকার বলেছেন যে যদি কোন গুণিতক শক্তি সংখ্যার মধ্যে পূর্ণরূপে প্রকাশিত না হয়ে থাকে, তা হোলে সেই শক্তির স্থানে صفر (sifr) দ্বারা পূর্ণ করা হয় এবং এমনি করেই সংখ্যাটি পূর্ণভাবে লিখিত হয়। কেউ কেউ এখানে শুধু একটা বিন্দু ব্যবহার করেন, কেউ কেউ বা তারকিন বা উপরে একটা রেখা ব্যবহার করেন। বর্তমানে ‘শূন্য’ এর ইংরেজী নাম Cipher আরবী শব্দ صفر থেকেই উদ্ভূত। এর অর্থ শূন্য।

আলখারেজমি ভারতীয় পদ্ধতি সমর্থন করে সংখ্যালিখন প্রণালী প্রচলনের চেষ্টা করেন। এর গুরুত্ব এবং উপযোগিতা বিশদ ভাবে বর্ণনা করে একখানি পুস্তিকাও প্রণয়ন করেন। এ পুস্তিকাখানি Leber Algorism De Numero Indorum নামে সম্ভবত এডিলারড কর্তৃক অমুদিত হয়। বিশ্বয়ের বিষয় আরব বৈজ্ঞানিকগণ তখন তাঁকে সমর্থন করেন নাই এবং এ পদ্ধতিও অমুসরণ করেন নাই।

গণিতশাস্ত্রের অসামান্য বিভাগে অসামান্য কৃতিত্ব প্রদর্শন করলেও বিজ্ঞান জগতে তাঁকে যা অমর করে রেখেছে সে হোল বীজগণিতে তাঁর অপূর্ব অবদান। বস্তুত তাঁরই প্রণীত বীজগণিত থেকেই যে বর্তমান বীজগণিত বা Algebra র উদ্ভব, সে বিষয়ে কোনই সন্দেহ নাই। তিনি তাঁর গ্রন্থগুলির একখানার নাম দেন “এলমুল জাবর ওআল মুকাবেলা”। “আলজাবর” শেষ পর্যন্ত ইউরোপীয় ভাষাবিদদের কল্যাণে এলজেব্রায় (Algebra) পরিণত হয়েছে। এই গ্রন্থখানি লাটিনে Ludus algebrac almucrabalaeque, Gbeba

Mutabilia প্রকৃতি নামে অনুদিত হয়। ষোড়শ শতাব্দীতে ইংরাজী অনুবাদে Algebra and almachabel নাম দেখা যায়। এই সংক্ষেপে দাঁড়িয়েছে Algebra. ঊনবিংশ শতাব্দীর প্রথম ভাগে (১৮৩১ খৃঃ অব্দে) F. Rosen এ গ্রন্থখানিকে Algebra of Mohammed Ben Musa নাম দিয়ে অনুবাদ করেন।

আরব বৈজ্ঞানিকদের সময়ে বীজগণিত কতটা উন্নত হয়েছিল সে বিষয়ে মতবৈধ থাকতে পারে, কিন্তু তাঁরা যে বীজগণিতের মূলসূত্রগুলি (Principle) রীতিমত ভাবে হ্রদয়ঙ্গম করতে পেরেছিলেন, সে নাম নির্বাচন ব্যাপারেই বেশ বুঝা যায়। অনেক আবিষ্কারী নিজের আবিষ্কৃত জিনিষের প্রকৃত তথ্য হ্রদয়ঙ্গম না করেও তা আবিষ্কার করেছেন এবং এমন নাম দিয়েছেন যাতে তার স্বধর্মের সঙ্গে কোন বিষয়েই মিল নেই, কিন্তু আরবদের বেলায় সে কথা বলা চলে না। প্রায় সর্বত্রই তাঁরা প্রকৃতি অনুযায়ী নামকরণ করেছেন।

‘এলমুল জাবর ওআল মুকাবেলা’কে Smith অনুবাদ করেছেন “The science of reduction and cancellation”. এতে সাধারণভাবে বীজগণিত বলে বোঝা গেলেও একে শাব্দিক অনুবাদ ছাড়া প্রকৃত অনুবাদ বলা চলে না। এ সম্বন্ধে ক্যাজোরী (Cajori) অনুবাদই সঠিক অনুবাদের অনেকটা কাছাকাছি বলা চলে। ক্যাজোরী ‘আলজাবর ওয়ালমুকাবেলা’ অনুবাদ করেছেন “Restoration and Reduction.” তাঁর মতে Restoration-এর অর্থ হোল negative termsকে সমীকরণের অগ্র পার্শ্বে নিয়ে যাওয়া এবং Reduetion-এর অর্থ হোল একই প্রকার সংখ্যাকে একত্রিত করা। তিনি উদাহরণ স্বরূপ $x^2 - 2x = 5x + 6$ সমীকরণটি উল্লেখ করেছেন। তাঁর মতে

$$\text{এর “আলজাবরে” হবে } x^2 = 2x + 5x + 6$$

$$\text{এবং আলমুকাবেলায় হবে } x^2 = 7x + 6$$

“আলজাবর” এর অর্থ বাংলায় বুঝায় সাধারণ যোগ এর কাজ। প্রকৃত প্রস্তাবে আলজাবর শব্দের অর্থ হোল, কোন সংখ্যার সঙ্গে অগ্র কোন সংখ্যা যোগ করে বা কোন সংখ্যা দিয়ে গুণ করে অগ্র কোন সংখ্যার সমান করা। জ্যামিতির এক স্বতঃসিদ্ধ হোল : সমান সমান বস্তুর সঙ্গে সমান সমান বস্তু যোগ করলে যোগফলগুলি সমান হয়। জ্যামিতির এ স্বতঃসিদ্ধ বীজগণিতেরও

প্রথম সূত্র বটে, কিন্তু স্বতঃসিদ্ধ হিসাবে একে ধরা হয় না। 'ক' যদি 'খ' এর সমান হয়, তা হোলে 'ক' এর সঙ্গে 'গ' যোগ করে যে ফল পাওয়া যাবে, 'খ' এর সঙ্গে 'গ' যোগ করলেও সেই ফলই হবে। বীজগণিতের নিয়মানুসারে একে লেখা যাবে যদি $k = x$, তা হোলে $k + g = x + g$ । এক কথায় সমান সমান সংখ্যার সঙ্গে, অল্প কোন সংখ্যা যোগ করলে বা তাড়িগকে অল্প কোন সংখ্যা দিয়া গুণ দিলে যোগফল বা গুণফল সমান হবে, বীজগণিতের প্রথম সূত্রই এই। এই সূত্রকেই সংক্ষেপে "আলজাবর" বলা হয়েছে।

আলজাবর" শব্দের মত "আলমুকাবেলা" শব্দটিরও প্রকৃত অর্থবাদ হয় নাই। মুকাবেলার সাধারণ অর্থ হোল সাক্ষাৎ। বীজগণিতের চিহ্নগুলির প্রতি লক্ষ্য করলেই "মুকাবেলা" শব্দের তাৎপর্য উপলব্ধি হবে। সমান চিহ্নের এক ধার থেকে অল্প ধারে নিয়ে ছুটোকে একত্র করাকেই, বীজগণিতের দ্বিতীয় সূত্র বলা যেতে পারে। একধার থেকে অল্পধারে নেওয়ার সময় যেটাকে নড়ান হয় সেটার চিহ্ন যায় বদলিয়ে এবং ছুটো একত্র হোলে ফল হয়ে যায় শূন্য অর্থাৎ তাদের সাক্ষাৎ হোলেই দুজন একাঙ্গ হয়ে মিলে যায়। $k = x$ এদের মুকাবেলায় হবে $k - x = 0$ । বীজগণিতের আলখারেজমি প্রদত্ত নাম বিজ্ঞানসম্মত ও সমস্ত মূলসূত্রগুলির (principle) পরিচায়ক।

আলখারেজমির এই বীজগণিতের উদ্ভাবনায় তাঁর নিজস্ব মৌলিক অবদান কতটুকু এবং অশ্বদেশের প্রভাব কতটুকু সে নিয়ে অনেক বাদবিভাগ দেখা যায়। ক্যাজোরীর মতে এ ভারতীয় সূত্র থেকে আসতে পারে না নানা কারণে। প্রথমত ভারতীয়দের এই Restoration এবং Reduction এর মত কোন পন্থা ছিল না। তাঁরা Restoration প্রথা অস্থায়ী সমীকরণের সমস্ত অঙ্কই Positive করে নিতেন না। গ্রীক বৈজ্ঞানিক ডাওফেন্টের বেলায়ও এই কথাই বলা চলে। এই আরব বৈজ্ঞানিকের মত তাঁর বীজগণিতেও সমীকরণের দুইটি নিয়ম (two rules) উল্লিখিত আছে কিন্তু আরব বৈজ্ঞানিক যে তাঁকে অঙ্গসরণ করেন নাই অল্প কথা বিবেচনা করলে সেটা অতি সহজেই বোঝা যায়। গ্রীক বৈজ্ঞানিক দ্বিতীয় মাত্রা সমীকরণের একটি মাত্র সমাধানের কথাই উল্লেখ করেছেন, আরব বৈজ্ঞানিক সব সময়েই দুইটি সমাধানের কথা উল্লেখ করেছেন। তাছাড়া গ্রীক বৈজ্ঞানিক irrational solution সব সময়েই বাদ দিয়ে গিয়েছেন। অতএব

দেখা যাচ্ছে, আলখারেজ্জমি ভারতীয় বা গ্রীক বীজগণিত কারুর দ্বারাই প্রভাবাধিত হন নাই। বোসোও (Bossault) ক্যাজেরীর মত অনেকটা সমর্থন করেছেন তাঁর মতে ডাওফেন্ট এলজেবরা নিয়ে যে সামান্য আলোচনা শুরু করেছিলেন আরবরাই তা প্রশস্ত ও পরিষ্কৃত করে তোলেন। এমন কি ষোড়শ শতাব্দী বিখ্যাত গণিতবিদ Cardan এর মতে আরবরাই বীজগণিতের উদ্ভাবক। বিখ্যাত বিশ্লেষক (analyst) ওয়ালিস (Wallis) এই মতের সমর্থন করেন। তিনি এই সমর্থনে নানা যুক্তিবাদেরও অবতারণা করেছেন। এর একটি হোল যে মাত্রা মান নির্ণয়ের বেলায় আরব বৈজ্ঞানিক ডাওফেন্টের পন্থা অবলম্বন করেন না বরং সম্পূর্ণ নূতন পন্থা অহুসরণ করেছেন। গ্রীক বৈজ্ঞানিকগণ দ্বিতীয়, তৃতীয়, চতুর্থ, পঞ্চম, ষষ্ঠ মাত্রাকে যথাক্রমে square, cube, Quadrato quadratum Quadrato cubus, Cubo-cubus নাম দিয়েছেন অর্থাৎ প্রত্যেক মাত্রা নামকরণ হয়েছে যে দুইটি অধস্তন মাত্রা দ্বারা সেটি গঠিত সেই দুইটির নামানুসারে আরবদের মাত্রার নামগুলির অমুবাদ দাঁড়াবে Square, Cube, quadrato quadratum, Sursolid, quadrato-cubus, second sursolid ইত্যাদি অর্থাৎ যে মাত্রা কোন দুইটি একই প্রকার অধস্তন মাত্রার গুণফল নয় সেগুলো নামকরণ হয়েছে Sursolid. ডাওফেন্টের Quadro cubus অর্থ Cubice Square দিয়ে গুণ করলে পঞ্চম মাত্রা হবে, আরব বৈজ্ঞানিকগণ এই কথারই ব্যাখ্যা করেছেন Square এর Cube বা Cube এর Square ভাব নিয়ে অর্থ তাঁদের মতে এ হোল ষষ্ঠ মাত্রা। এমনি নানা কারণ দেখিয়ে তিনি সিদ্ধান্ত করেছেন যে আরব বৈজ্ঞানিকদের কর্মপন্থাও গ্রীক বৈজ্ঞানিকদের কর্মপন্থা খেলে বিভিন্ন।

যা হোক পূর্বেই বলা হয়েছে ভারতবর্ষের সামান্য চর্চা ছাড়া আলখারেজ্জমি পূর্বে অন্য কোথাও বীজগণিতের তেমন আলোচনা হয় নাই। আলখারেজ্জমি গ্রন্থ “এলমুলজাবর ওআল মুকাবেলা” সব বিষয়েই বীজগণিতের সর্বপ্রথম মধ্যযুগের সর্বশ্রেষ্ঠ গ্রন্থ বলে ধরে নেওয়া যেতে পারে। বিষয়গুলির পর মাজানর মধ্যে গ্রন্থকারের বৈজ্ঞানিক বুদ্ধি প্রস্ফুটিত হয়ে উঠেছে। বীজগণনে সমস্ত সূত্র, নানা প্রকার সমস্যায় উদ্ভূত নানা প্রকার অঙ্কের সমাধান, এ সমস্ত বিষয় শুশ্রূষণ ভাবেই এতে একের পর এক আলোচিত হয়েছে।

গ্রন্থকার দ্বিতীয় মাত্রার সমীকরণের (quadratic equation) সমাধান, নানাপ্রকার সমস্কার উদ্ভাবনা ও সেগুলির সমাধান, নিজস্ব নানাপ্রকার পঞ্চা বিশদভাবে বর্ণনা ও উল্লেখ করার পর, বীজগণিতিক গুণ ও ভাগের কথা আলোচনা করেছেন। এ সমস্ত সাধারণ শুদ্ধ ঔপন্থিক বিষয় ছাড়াও পূর্বেকার বৈজ্ঞানিকদের সমস্কার অমুযায়ী বীজগণিতের বিশুদ্ধতার পরিপন্থী এবং অবাস্তুর বলে পরিগণিত অনেক বিষয়েরও এতে অবতারণা করা হয়েছে। এতে মনে হয় মুক্তবুদ্ধি আল্খারেজমির নিকট পূর্ব সমস্কার বা প্রথা বলে কোন জিনিস আদর পায় নি, সব বিষয়কেই তিনি বিচার করেছেন বৈজ্ঞানিক মূল্য দিয়ে। তাই দৃষ্টিতে তিনি আপাততঃ অবাস্তুর বলে পরিগণিত হতে পারে এমন বিষয়কেও বিজ্ঞান হিসাবে বীজগণিতে ঢুকাতে কুষ্ঠা বোধ করেন নাই। এই অবাস্তুর বিষয় হোল ভূমির পরিমাণ নির্ণয়, রাজনীতি আলোচনা ইত্যাদি। সমতল ভূমির পরিমাণ স্থিরীকরণ নিয়ে এতে পূর্ণ আলোচনা হয়েছে এবং আল্খারেজমি তাঁর স্বকীয় মৌলিক কতকগুলি উপায় উদ্ভাবন করে সেগুলোর বিস্তৃত ব্যাখ্যা করেছেন। শুদ্ধ বৈজ্ঞানিক উৎসাহ ছাড়া রাজনৈতিক প্রভাবও গ্রন্থকারের উপর কিছু কাজ করেছিল বলে মনে হয়। বীজগণিত গ্রন্থে নানাপ্রকার রাজনৈতিক সমস্কার উদ্ভব ও সমাধানই এ ধারণার খোরাক যুগিয়েছে বলতে হয়। তিনি অঙ্কের মধ্য দিয়ে রাজ্যের প্রদেশ বিভাগ ও রাজনৈতিক কঠিন কঠিন সমস্কার অবতারণা করেছেন। এগুলি বেশ জটিল ও কঠিন। তবুও এগুলোর বীজগণিতিক সমাধান হয়েছে খুব সুন্দরভাবে। আজকালকার রাজনৈতিক কুটকৌশলের মধ্যে এ সবের বিশেষ প্রয়োজন না থাকলেও, যখন বীজগণিতের শুধু আরম্ভই হয়েছে বলতে হবে, তখন এই সব সমস্কা অঙ্কের মধ্যে অবতারণা ও সমাধান করা কতখানি বৈজ্ঞানিক বিচারবুদ্ধি, নিরপেক্ষতা, বিচক্ষণতা এবং সঙ্গে সঙ্গে রাজনীতিজ্ঞানের পরিচায়ক, সে ভাবে সত্যই আশ্চর্য হতে হয়। তখনকার দিনের পণ্ডিতদের যে সমস্ত বিষয়েই প্রায় সমান জ্ঞান ও অভিজ্ঞতা থাকত, এ সব বিবেচনা করলে, সে কথা ভাল ভাবেই প্রতীয়মান হয়। আজকাল যেমন পণ্ডিতেরা কোন এক বিশেষ বিষয়েই চর্চা করেন এবং সেই বিষয়েই শুধু জ্ঞান বর্ধনের চেষ্টা করেন ও জ্ঞান-গরিমার পরিচয় দেন, অল্প বিষয়ে হয়ত বা সেই বিষয়েই অল্প বিভাগের সম্বন্ধে একেবারেই অজ্ঞ থাকেন, তখনকার দিনে ঠিক এমন ছিল না। মুসলিম

বৈজ্ঞানিকেরা তদানীন্তন প্রায় সমস্ত বিষয়েই জ্ঞান লাভ করতেন এবং প্রত্যেকেই প্রায় সমস্ত বিষয়ই অল্পবিস্তর চর্চা করতেন। এ ছাড়া অবশ্য কোন উপায়ও ছিল না। তখনকার দিনে পূর্বেকার সঞ্চিত জ্ঞানের সন্ধান পাওয়া আজকালকার মত সহজসাধ্য ছিল না। দরকার মত অল্প বিষয় সম্পর্কিত জ্ঞানলাভ করা পূর্বাপর রীতিমত অধ্যয়ন ছাড়া হয়ে উঠত না। সেই জগেই সবাইকে সমস্ত বিষয়ই অধ্যয়ন করতে হোত। আল্খারেজমির বীজগণিতের মধ্যে রাজনৈতিক আলোচনাও এই সর্ববিজ্ঞা-বিশারদত্বের ফল।

গ্রন্থখানি পাঁচভাগে বিভক্ত। প্রথম ভাগে বৈজ্ঞানিক দ্বিতীয় মাত্রা সমীকরণের সমাধানের নিয়ম নিয়ে আলোচনা করেছেন কোন প্রমাণ না দিয়ে। দ্বিতীয় মাত্রা সমীকরণ তিনি ছয় ভাগে ভাগ করে নিয়েছেন :—(১) $ax^2 = bx$, (২) $ax^2 = c$, (৩) $ax^2 + bx = c$, (৪) $ax^2 + c = bx$, (৫) $ax^2 = bx + c$ (৬) $ax + c = bx^2$ এই প্রকার সমীকরণের দুইটি সমাধান হয় বলে তিনি প্রমাণ করেছেন তবে তিনি শুধু Real এবং Positive roots সম্বন্ধেই আলোচনা করেছেন। গ্রীক বৈজ্ঞানিকগণ কিন্তু একটি মাত্র সমাধান হয় বলেই স্থির করে নিয়েছিলেন। একটি বিষয় কিন্তু বেশ বিশ্ময়কর। যখন দুইটি rootই positive তখন তিনি মাত্র যে rootটি radical-এর negative value থেকে উদ্ধৃত সেইটি নিয়েছেন। দ্বিতীয় ভাগে বৈজ্ঞানিক সমীকরণগুলির জ্যামিতিক প্রমাণ দিয়েছেন। গ্রন্থের তৃতীয় ভাগে তিনি $(x \pm a)$ এবং $(x \pm b)$ র গুণফল সম্বন্ধে আলোচনা করেছেন। চতুর্থ ভাগে তিনি যে সমস্ত অঙ্কে অজ্ঞাত সংখ্যা, তার বর্গ, বর্গমূল ইত্যাদি রয়েছে সেগুলির যোগ, বিয়োগ, বর্গমূল বের করবার নিয়ম ইত্যাদি নিয়ে আলোচনা করেছেন এবং এ সব থেকেই $a\sqrt{b} = \sqrt{a^2b}$ এবং $\sqrt{a}\sqrt{b} = \sqrt{ab}$ এই ফরমুলার উদ্ভাবন করে শেষ করেছেন। পঞ্চম বা শেষ ভাগে তিনি কতকগুলো সমস্যার সমাধান করেছেন—যেমন একটি হোল এমন দুটো সংখ্যা বের করতে হবে যার সমষ্টি হোল ১০ এবং বর্গের বিয়োগফল হোল ৪০।

সমীকরণগুলির (equation) শ্রেণী-বিভাগ করে আল্খারেজমি কতকগুলি বিশিষ্ট সমীকরণের উল্লেখ করেছেন। শ্রেণী বিভাগ অনুসারে প্রথম হোল প্রথম মাত্রার সমীকরণ। যেখানে অনির্দিষ্ট সংখ্যার শক্তি হোল “এক” যেমন $ax = b$

বীজগণিতের প্রতীক চিহ্নাদি (symbols) প্রচলিত হওয়ার পর, এই সব সাধারণ সমীকরণ সম্বন্ধে কারুর মনে জটিলতার কোন প্রশ্নই জাগে না কিন্তু প্রথমে যারা আবিষ্কার করেন তাঁদের যে সবগুলোতেই কি হিমসিম খেতে হয়েছিল, সে এই প্রথম মাত্রার সমীকরণের ব্যাপার থেকেই বোঝা যায়। মিশর ও ভারতীয় মনীষিগণ থেকে আরম্ভ করে, নবম শতাব্দীর আলখারেজমি এবং তারপরেও আরও অনেকেই এই সামান্য সমীকরণ নিয়েই হিমসিমের মধ্যে জড়িয়ে পড়েছেন। আলখারেজমির গ্রন্থে সাধারণ সমাধান ছাড়া পূর্ব প্রচলিত পন্থাকেও স্থান দেওয়া হয়েছে; একে আরবীতে বলা হয় “হিসাব আল খাতায়েন”। আলখাতায়েনই ইউরোপের মধ্যযুগে আলকাটায়েম (elchataym) এ রূপান্তরিত হয়ে পড়ে। পঞ্চদশ শতাব্দীর অচ্যুতম ইউরোপীয় গণিতবিদ প্যাসোলি (Paciolio) তাঁর সুমা (Suma) গ্রন্থেও আলকাটায়েম পন্থার উল্লেখ করেছেন। বস্তুত অনেকদিন পর্যন্তই এ পন্থার প্রচলন ছিল, অনাদরের সামগ্রী হয়েছে খুব বেশী দিন নয়। ইংরেজীতে এ প্রথাকে Rule of position, Rule of false, Rule of double false position প্রভৃতি বলা হতো। ইতিহাস হিসাবেই এর যা খ্যাতি, তা ছাড়া আর কোন সার্থকতাই এর অবশ্য নেই।

এর পর দ্বিতীয় মাত্রার সমীকরণগুলির বিভিন্ন প্রকার প্রতিজ্ঞার শ্রেণী বিভাগ করে, সেগুলোর সহজতম সমাধান প্রণালী বর্ণিত হয়েছে। আলখারেজমি দ্বিতীয় মাত্রার সমীকরণের মধ্যে যে সমস্ত প্রতিজ্ঞার উল্লেখ করেছেন তার সবগুলিই আজকালকার বীজগণিতে পরিদৃষ্ট হয়। বর্তমানে প্রচলিত প্রতীক চিহ্নাদি ব্যবহার করলে, এগুলো কি দাঁড়াবে সে পূর্বেই দেখান হইয়াছে। দ্বিতীয় মাত্রার সমীকরণে অনির্দিষ্ট সংখ্যা নির্দেশের মধ্যে যে সকল প্রতিজ্ঞা উপস্থাপিত হতে পারে, সে সবগুলিই এর কোন না কোনটার মধ্যে পড়বেই। উপরোক্ত প্রতিজ্ঞাগুলির মধ্যে (৩) (৪) (৬) সাধারণ দ্বিতীয় মাত্রার সমীকরণ (Quadratic Equation)। এই সাধারণ সমীকরণের সমাধান প্রণালী হিসাবে বর্তমানে দুইটি ফরমুলা স্কুল পাঠ্যপুস্তকে প্রচলিত। তন্মধ্যে একটিই সাধারণত সব সময়ে ব্যবহৃত হয়, অণ্ডটির ব্যবহার দেখা যায় কচ্চিং। এই অল্প ব্যবহৃত সমাধানটি একাদশ শতাব্দীর ভারতীয় মনীষী শ্রীধর আচার্যের প্রবর্তিত। দ্বিতীয় ফরমুলার আবিষ্কারকের নাম পাঠ্যপুস্তক সমূহে উল্লিখিত হোলেও,

সাধারণত প্রচলিত সহজ ফরমুলার আবিষ্কারের নাম কোথাও উল্লেখ দেখা যায় না। এই সহজ প্রণালী আলখারেজমি কতৃক প্রবর্তিত হয়।

শ্রীধর আচার্যের প্রণালী সম্পূর্ণ ভারতীয়, শুধু অঙ্কের সংখ্যার উপর নির্ভর করে এ প্রবর্তিত হয়েছে। ধরা হোয়ার উপযুক্ত কোন কিছুর সাহায্য ব্যতীত ঔপপত্তিকভাবে সমস্যার সমাধান করা ভারতীয় মনীষীদের কল্পনা প্রবণতারই পরিচায়ক। মুসলিম বৈজ্ঞানিকগণও অবশ্য এদিক দিয়ে কম যান নাই। ঔপপত্তিক সমাধানে তাঁদের চিন্তাশক্তি কত উন্নত ছিল, সে বোঝা যায় আলখারেজমির এই সহজতম সমাধানের উদ্ভাবনেই। আজকালকার চিহ্ন অক্ষরে তাঁর উদ্ভাবিত প্রণালী নিম্নলিখিত ভাবে লেখা যাবে :—

Equation ধরা যাক :—

$$x^2 + px = q$$

এশ্বকারের মত অক্ষরে অনির্দিষ্ট সংখ্যাটির প্রথম শক্তির গুণিতকের অর্ধেককে বর্গ করে দুই দিকে যোগ করে দিতে হবে। তা হোলে একদিকে হবে একটি পূর্ণ বর্গ। এইবার দুই দিকের বর্গমূল বের করলে সহজেই অনির্দিষ্ট সংখ্যাটি বের হয়ে পড়বে। এখানে অনির্দিষ্ট সংখ্যার প্রথম শক্তির গুণিতকের অর্ধেক $\frac{1}{2}p$ কে বর্গ (square) করে দুইদিকে যোগ করে দেওয়া হোলে, এ দাঁড়াবে

$$x^2 + px + \frac{1}{4}p^2 = q + \frac{1}{4}p^2$$

$$\text{অর্থাৎ } (x + \frac{1}{2}p)^2 = q + \frac{1}{4}p^2$$

$$\text{দুই দিকেই বর্গমূল করলে } x + \frac{1}{2}p = \sqrt{q + \frac{1}{4}p^2}$$

$$\text{অতএব } x = \sqrt{q + \frac{1}{4}p^2} - \frac{1}{2}p$$

এই নিয়মটি \pm চিহ্ন সহ সাধারণত প্রচলিত।

আলখারেজমি এবং তাঁর পরবর্তী অগাণ্ড মুসলিম বৈজ্ঞানিকগণ শুধু কল্পনার উপর নির্ভর করে ঔপপত্তিকভাবে এ সবার মীমাংসা করেই দ্বন্দ্ব হন নাই, বাস্তবের সঙ্গেও এগুলির মিশ খাইয়ে দেবার চেষ্টা করেছেন। সমীকরণগুলির সমাধান যে শুধু উর্বর মস্তিষ্ক-প্রসূত কল্পনায় সমাহিত সংখ্যারই ইন্দ্রজাল নয়, জ্যামিতিক বস্তুনের সাহায্যেও যে একই সমাধানে উপনীত হওয়া যায়, একথাটি তাঁরা ভাল করেই বুঝিয়ে দিয়েছেন। এ দিক দিয়ে তারা গ্রীক পদ্ধতিরই অক্ষরগণ করেছিলেন বলা যেতে পারে। আলখারেজমির বীজগণিতের

যতটুকু আজ পর্যন্ত জানা গিয়েছে তাতে দেখা যায় প্রায় সমস্ত প্রতিজ্ঞাগুলিই জ্যামিতিক অঙ্কনের সাহায্যে সমাধান করা হয়েছে। জ্যামিতিক অঙ্কনও খুবই সরল। শুধু একটি বর্গক্ষেত্রেরই (Square) সাহায্য নেওয়া হয়েছে, তা ছাড়া অনেক স্থানেই একই চিত্রের সাহায্যে শুধু স্থানে স্থানে রদ বদল করে এমন সুন্দরভাবে প্রত্যেকটি প্রতিজ্ঞার আলোচনা হয়েছে যে এতে গ্রন্থকারের বীজগণিতে অসাধারণ জ্ঞান ও প্রতিভা দেখে বিস্মিত না হয়ে পারা যায় না। এই জন্মেই কেউ কেউ সন্দেহ প্রকাশ করেছেন যে আরবেরা জ্যামিতি ছাড়া বীজগণিতের বিষয় ভাবতেও পারতেন না; জ্যামিতি ছাড়া যে বীজগণিত হতে পারে সে তাঁদের কল্পনারও বাইরে।

এ সন্দেহের বিশেষ কোন কারণ আছে বলে মনে হয় না। এমনিতে ভারতীয় বীজগণিতের উপর ভিত্তি করেই আরবদের বীজগণিতের উৎপত্তি, এ কথা স্বীকার করলে এ সন্দেহ গোড়াতেই ধূলিসাৎ হওয়া উচিত। পূর্বেই বলা হয়েছে ভারতীয় গণিতবিজ্ঞানে বীজগণিতের নিয়মাবলী সম্পূর্ণভাবে সংখ্যার কাজ নিয়ে; জ্যামিতিক অঙ্কনাদির কোন নামগন্ধও তাতে পাওয়া যায় না। তাঁদের জ্ঞান-শিষ্য আরব বিজ্ঞানবিদগণ যে তাঁদের প্রদর্শিত সহজসাধ্য উপায়গুলি একেবারে উপেক্ষা করবেন সে অবিশ্বাস্য। ভারতবর্ষের পুরাকালের গণিতবিদ এবং মুসলিম গণিতবিদদের বীজগণিতের পার্থক্য আলোচনা করতে যেয়ে Roder বলেছেন "The Hindus were more analytical than the Arabs, less pure geometers; they had in addition the idea of double sign; they transfer more easily a term from one side of an equation to the other, method with them is thus beginning to generalise. It must, however, be recognised that as regards exposition, their language, pompous and encumbered by its verse form, has not the clearness, exactness and scientific simplicity of that of the Arabs" [Legacy of Islam P. 383].

* "Arabs indeed were primarily geometers, they did not then conceive an Algebra existing by itself and not based on geometry" (Legacy of Islam p. 383).

উপরোক্ত মন্তব্যের মধ্যে বীজাঙ্করে লিখিত মতবাদের উপর ভিত্তি করেই কারা-জ্ঞানো মন্তব্য প্রকাশ করেছেন যে, আরব গণিতবিদগণ সমষ্টিচক্রের একধার থেকে অল্প ধারে সংখ্যা পরিবর্তন করতে অঙ্কের যোগবিয়োগ চিহ্নের যে রদবদল হয় সে কথা সম্পূর্ণভাবে বুঝতেন না। একরূপ মন্তব্য যে সম্পূর্ণ আনুমানিক, Algebraর আরবী নামকরণ থেকেই সে কথা উপলব্ধি করা যায়। “আলমোকাবেলা” শব্দের তাৎপর্য ভুল অনুবাদের জন্মই যে এই ভ্রমপূর্ণ মতবাদের উৎপত্তি সে বললে অশ্রুয় হবে না। মুসলিম বৈজ্ঞানিকগণ যে যোগ বিয়োগের চিহ্নের রদবদলের কথা ভালভাবেই জানতেন সে আলখারেজমির Quadratic equationএর solution থেকেই ভালভাবে বোঝা যায়। এই সাধারণ প্রচলিত সমাধান ছাড়া, দ্বিতীয় মাত্রা সমীকরণের আলখারেজমি প্রদত্ত অশ্রুয় সমাধানের দিকে দৃষ্টিপাত করলে একথা আরও স্পষ্টরূপে প্রতীয়মান হবে। জ্যামিতিকে যেমন বীজগণিতের সমস্যা সমাধানের জন্ম টেনে নেওয়া হয়েছে, বীজগণিতকে এমন কি শুদ্ধ গণিতকেও তেমনি জ্যামিতিক সমস্যা সমূহের সমাধানের জন্ম ব্যবহার করা হয়েছে। এই দিক দিয়ে মুসলিম বৈজ্ঞানিকগণ তাঁদের গুরু গ্রীক এবং ভারতীয় বৈজ্ঞানিকগণকে একেবারে ছাড়িয়ে গেছেন বলা যেতে পারে। বীজগণিত, গণিত এবং জ্যামিতির মধ্যকার সামঞ্জস্যের কথা এখন আর কাউকে বিশেষ করে বুঝিয়ে বলতে হবে না। একের ছাড়া অন্যের অগ্রসর হওয়া অসম্ভব, কিন্তু পুরাকালের বৈজ্ঞানিকগণ এদের মিশ খাইয়ে দিতে রাজী ছিলেন না। তাঁরা অঙ্কশাস্ত্রের ভিন্ন ভিন্ন শাখাকে ভিন্ন ভিন্ন কুণ্ঠিত করে রেখে অজ্ঞাতসারে বিজ্ঞানের মধ্যেও জাতিভেদ প্রথা প্রচলন করে ফেলেন। এরই পাল্লায় পড়ে অঙ্কশাস্ত্রও মুক্ত উদার পথে এগিয়ে যেতে পারেনি বরং পথে পথে বাধা পেয়েছে। মুসলিম বৈজ্ঞানিকদের হাতেই এর মুক্তি হয়।”*


* In the use of Arithmetic and Algebra in Geometry and vice versa, the solution of Algebraic problems with the aid of Geometry, the Arabs far outstripped the Greeks as well as the Indians. To the Arabs is due the honour of having recognised and emphasised as an obstacle the strict distinction between arithmetical (discontinuous) and geometrical (continuous) magnitude which had so severely impeded the fruitful development of Mathematics among the Greeks. (Encyclopædia of Islam. Article Handasa by Suter.)

আল্খারেজমির জ্যামিতিক সমাধানের অভিনব অঙ্কশাস্ত্রবিদদের মধ্যে তাঁর স্থান অনেক উচ্চই স্থাপন করেছে। জ্যামিতির সাহায্য নিয়ে সাধারণ দ্বিতীয় মাত্রা সমীকরণের (Quadratic Equation) তিনি কিরূপ সুন্দরভাবে সমাধান করেছেন, একটি উদাহরণ দিলে সে কথা বেশ বোঝা যাবে।

$x^2 + 10x = 39$ সমীকরণটির সোজা বীজগণিতিক নিয়মে আল্খারেজমির প্রথা ব্যবহার করলে সমাধান দাঁড়াবে

$$\begin{aligned} x &= -\frac{1}{2} + \sqrt{\frac{1}{4} + 1 \times 39} \\ &= -5 + \sqrt{25 + 39} = \sqrt{64} - 5 = 8 - 5 = 3 \end{aligned}$$

এটি হোল সংখ্যার রদবদল দিয়ে, বাস্তবে এর কোন সন্ধানই পাওয়া যায় না। একেই যে জ্যামিতিক অঙ্কনের সাহায্যে বাস্তবের মধ্যে সুন্দর ভাবে ফলিয়ে তোলা যায়, এই সাধারণ সমাধানের সঙ্গে সঙ্গে, গণতবিদ সেটিও দেখিয়ে দিয়েছেন। যে জ্যামিতিক অঙ্কনের অনুসরণ করা হয়েছে সেটিও বেশ কৌতূহলপ্রদ। প্রথমেই সমীকরণটিকে কাটখোঁটী অঙ্কশাস্ত্রের শুদ্ধ সংখ্যার মারপ্যাচ হিসাবে না নিয়ে, সরস করে তোলবার জন্য একটি সমস্তা হিসাবেই উপস্থিত করা হয়েছে। কোন একটি বর্গ এবং তার বর্গমূলের দশগুণ একত্রে মিলে ৩৯ দিরহামের সমান। এই বর্গটির মূল্য কত এবং




(১)

তার বর্গমূলই বা কত? একটি বর্গকে সেই অনির্দিষ্ট বর্গ ধরা যাক। মনে করুন “ক” সেই অনির্দিষ্ট বর্গ। “ক” এর প্রত্যেক বাহুই তা হলে এক এক বর্গমূল হবে। প্রত্যেক বাহুকে যে কোন একটি সংখ্যা দিয়ে গুণ করলে গুণ ফল হবে পূর্বের বর্গের সঙ্গে ততগুলি ৪ বর্গমূল যোগ করার যোগফল। যেমন মনে করুন “ক” এর প্রত্যেক বাহু হল x , এই x কে যদি ৩ দিয়ে গুণ করে উদ্ভূত জ্যামিতিক অঙ্কনটি সম্পূর্ণ করা যায় তা হলে এই বর্গের প্রত্যেক ধারে $3x$ পরিমাণের একটি আয়তক্ষেত্র হবে “ক” এর সঙ্গে সর্বসমেত $12x$

যোগ করার মত হবে। ফল কথা যত দিয়ে গুণ করা যাবে তার ৪ গুণ সব সময়েই পাওয়া যাবে। আমাদের সমস্যা মধ্যে ১০ বর্গমূলের মূল্য দেওয়া হয়েছে। “ক” বর্গের সঙ্গে ১০ বর্গমূল যাতে যোগ করা যায় তারই ব্যবস্থা করার দরকার। পূর্বে দেখা গিয়েছে যে যত দিয়ে গুণ করা যাবে তার ৪ গুণ পাওয়া যাবে। ১০ পেতে হলে, ১০ এর ৪ ভাগের এক ভাগ অর্থাৎ ২.৫ দিয়ে প্রত্যেক বাহুকে গুণ করলেই হবে। “ক” এর প্রত্যেক বাহুর উভয় দিকে ২.৫ গুণ বর্ধিত করে প্রথম চিত্রটি শেষ করলে যে ক্ষেত্রটি দাঁড়াবে তার পরিমাণ ফল হল $x^2 + ১০x$ (১নং চিত্রের বহির্দেশের অংশ সম্পূর্ণ করলে এও একটি বর্গ (square) হয়ে দাঁড়াবে (২নং চিত্র)। এই বর্গের ক্ষেত্রফল হোল $(x^2 + ১০x)$ এর সঙ্গে চারদিকে ২.৫ পরিমাণের ৪টি বর্গ। এই ছোট ছোট বর্গের ক্ষেত্রফল হোল $২.৫ \times ২.৫ = ৬.২৫$,

৪টি বর্গের ক্ষেত্রফল হবে ২৫। তা হোলে বৃহত্তম সম্পূর্ণ বর্গটির ক্ষেত্রফল হচ্ছে $(x^2 + ১০x + ২৫)$ । আমাদের সমস্যা অনুসারে $x^2 + ১০x$ এর মূল্য হোল ৩৯। অতএব বৃহত্তম বর্গটির সম্পূর্ণ ক্ষেত্রফল হবে $৩৯ + ২৫ = ৬৪$ । যে বর্গের বর্গফল ৬৪, তার বর্গমূল হোল ৮, এ সাধারণ নিয়ম অনুসারেই জানা যায়। এখন দেখা যাচ্ছে বৃহত্তর বর্গের,



(২)

এক একটি বাহুর পরিমাণ হোল ৮, এর দুইদিককার অংশ হোল পূর্বকার ক্ষুদ্রতর বর্গের বর্ধিত অংশ মাত্র, অর্থাৎ প্রত্যেক দিক ২.৫ করে। তা হোলে সর্বসমেত দুইদিককার বর্ধিত অংশের পরিমাণ হোল ৫। অতএব অনির্দিষ্ট বর্গের বাহু হবে $(৮ - ৫) = ৩$ । এ থেকেই প্রমাণ হোল যে সমীকরণের অনির্দিষ্ট সংখ্যার মানও ৩। প্রথম প্রথম একে একটু ঘোরাল বলেই মনে হয়। তবে এ ঠিকই যে এতে মানুষের বুদ্ধিবৃত্তিকে পঙ্গু করে রাখা হয় নাই বরং তাদের সহজাত অনুসন্ধিৎসা আরও উদ্দীপ্ত করে তোলা হয়েছে এমনি ভাবে সমাধানের ব্যবস্থা করে। ফরমুলার মত বিধিবদ্ধ একটি নিয়ম থাকলে আর কোন উপায় নির্ধারণ করবার প্রবৃত্তি সর্বসাধারণের হয় না, কিন্তু অনুসন্ধিৎসু শিক্ষার্থী


পক্ষে এরূপ চর্চিত চর্চণ সব সময়ে প্রশংসনীয় নয় ; এতে তাদের প্রকৃতিগত বৃদ্ধিবৃত্তি নিস্তেজ হয়ে পড়ে।

অন্যপ্রকার বিত্তীয় মাত্রার সমীকরণেরও প্রায় সবগুলিতেই যে আলখারেজমি জ্যামিতির সাহায্য নিয়েছেন সে কথা পূর্বেই বলা হয়েছে। তাঁর নানা প্রকারের সমীকরণের মধ্যে অন্যতম একটির রূপ, বর্তমানে প্রচলিত প্রতীক চিহ্নাদির ব্যবহারে দাঁড়াবে $x^2 + q = px$ এটি আমাদের শ্রেণীবিভাগ অনুসারে দ্বিতীয় শ্রেণীর। এটিকে যে রকম ভাবে সমাধান করা হয়েছে তার বিশ্লেষণে সংক্ষেপে দাঁড়ায় :—

$$\left(\frac{1}{2}p\right)^2 - \left(\frac{1}{2}p - x\right)^2 = x(p - x) = px - x^2 = q$$

$$\text{এ থেকে } x = \frac{1}{2}p + \sqrt{\frac{1}{4}p^2 - q} \quad (\text{৩নং চিত্র})$$

উপরোক্ত সমীকরণে ব্যবহৃত একটি জ্যামিতিক সমাধান উল্লেখ করা হয়ত এখানে অপ্রাসঙ্গিক হবে না। যদিও প্রথম প্রকারের সমীকরণের মতই এখানেও একটি বর্গ ক্ষেত্রের সাহায্য নেওয়া হয়েছে তবুও এর মধ্যে বেশ




(৩)

একটু অভিনব পেরিলক্ষিত হয়। অল্পগুলির মতই সমীকরণটিকে সমস্তা হিসাবে উল্লেখ করা হয়েছে। সমস্তাটি হোল, একটা বর্গ ২১ দিরহামের সঙ্গে যোগ করলে যোগফল হয় ১০ বর্গমূলের সমান। বর্গমূলটি কত? বীজগণিতিক ভাষায় এ দাঁড়াবে $x^2 + 21 = 10x$ গ্রন্থকার বিষয়টিকে সাধারণের বোধগম্য করার জন্যে কি আয়াস স্বীকার করেছেন সমাধানগুলির প্রতি লক্ষ্য করলেই সে কথা বেশ উপলব্ধি করা যায়। এই সমস্তাটির গ্রন্থকার বর্ণিত সমাধানের পূর্ণ অনুবাদ দেওয়া গেল, এ থেকেই বোঝা যাবে এ দিকে তাঁর কি নিবিড় আগ্রহ ছিল।

“কগকে প্রদত্ত বর্গ ধরে নেওয়া যাক। এর সঙ্গে অন্য এমন একটি আয়ত ক্ষেত্র যোগ করে দেওয়া যাক যার প্রস্থ কগ বর্গের বাহুর সমান। টখ যেমন সেই আয়তক্ষেত্র। এর টঠ বাহু কগ বর্গের বাহুর সমান। এই দুইটি মিলিত ক্ষেত্র লম্বায় টঘ এর সমান। টঘ এর দৈর্ঘ্য ১০ সংখ্যার সমান হবে, কেননা কোণ্যক বর্গের বাহু ও কোণগুলি সমান। এর এক বাহুকে ১ দিয়ে গুণ

করলে, বর্গের বর্গমূলের সমান হবে, ২ দ্বিগুণ করলে, বর্গমূলের দ্বিগুণ হবে। সমস্তায় বলা হয়েছে যে, একটি বর্গ এবং ২১ সংখ্যা একত্রে মিলে ১০ বর্গমূলের সমান। এ থেকে ঠিক ধরে নেওয়া যেতে পারে যে, টঘ এর দৈর্ঘ্য ১০ সংখ্যা কেন না কগ বর্গের প্রত্যেক বাহু এক বর্গমূলের সমান। টঘ রেখাকে ৩ বিন্দুতে সমান দুই ভাগে ভাগ করা যাক,

তা হোলে টঘ রেখা টট রেখার সমান হবে। আবার ডট, গঘ এর সমান। এখন ডট এর সঙ্গে, টঘ থেকে ডট বিয়োগ ফলের সমান অংশ যোগ করে দিয়ে বর্গটিকে সম্পূর্ণ করা যাক। তা



(৪)

হোলে ডঘ রেখা চছ রেখার সমান হবে। চড বর্গটিই নূতন বর্গ, এর প্রত্যেক বাহু ও কোণগুলি পরস্পর সমান। এখানে ডঘ বাহু হোল ৫, অতএব বর্গের অন্তস্থ বাহুগুলিও ৫। তা হোলে বর্গটি হবে ২৫। সমস্তায় বর্গমূলের সংখ্যার অর্ধেককে সমসংখ্যা দিয়ে গুণ দিলেই এটি পাওয়া যাবে কেননা $৫ \times ৫ = ২৫$ । এ থেকে স্পষ্টই বোঝা যাচ্ছে যে বর্গক্ষেত্রের সঙ্গে সংযুক্ত আয়ত ক্ষেত্রটি হোল ২১। টখ আয়তক্ষেত্রের ডঘ রেখা দ্বারা একটি অংশ কেটে নেওয়া হয়েছে (ডঘ, চড বর্গের এক বাহু) এখন মাত্র ডক অংশটুকু বাদ আছে। চছ থেকে চছ সমান করে ছপ অংশ কেটে নেওয়া যাক। তা হোলে পচ, ডট এর সমান হবে। তা ছাড়া ছচ থেকে কর্তিত অংশ ছপ ও ছট এর সমান; অতএব চফ আয়তক্ষেত্র, ডক আয়তক্ষেত্রের সমান। দেখা যাচ্ছে টড আয়তক্ষেত্রের সঙ্গে চক ক্ষেত্রটি যোগ করলে যোগফল টখ আয়তক্ষেত্রের সমান হবে। কিন্তু টখ আয়তক্ষেত্র হল ২১, আবার চড বর্গটি হোল ২৫। এখন চড বর্গ থেকে টড আয়তক্ষেত্র এবং চফ আয়তক্ষেত্র বাদ দিলে ছোট পচ বর্গটি পাওয়া যাবে। অতএব পচ বর্গটি হবে $(২৫ - ২১) = ৪$ অতএব বর্গমূল হোল ২, এই বর্গের বর্গমূল, ফচ রেখা দ্বারা প্রকটিত; ফচ, ঢক এর সমান। প্রথমেই দেখা গেছে ঘচ রেখা হোল সমস্তায় বর্গমূল সংখ্যার অর্ধেক, এ থেকে ঢক বাদ দিলে কঘ রেখা পাওয়া যাবে, অতএব কঘ হবে

(৫-২) = ৩। এই হোল পূর্বেকার বর্গের বর্গমূল। এখন যদি ৩৮ এর সঙ্গে চক যোগ করে দেওয়া যায় তা হোলে ঘক পাওয়া যাবে। অতএব ঘক হবে $৫+২=৭$, এ হবে অন্ততম বৃহত্তর বর্গের বর্গমূল। এই বৃহত্তর বর্গের সঙ্গে ৩১ যোগ করলে যোগফল হবে ১০ বর্গমূলের সমান।”

এ গ্রন্থে শুদ্ধ বীজগণিত ছাড়া যে অল্প জিনিসেরও অবতারণা করা হয়েছে সে কথা পূর্বেই বলা হয়েছে, তবে অবাস্তুর হোলেও সেগুলোর গণিতিক মূল্য কিছুতেই উপেক্ষীয় নয়। উদাহরণ স্বরূপ পরিমিতির (mensuration) কথা বলা যেতে পারে। পরিমিতি হিসাবে ত্রিভুজ, চতুর্ভুজ, বৃত্ত, পিরামিড প্রভৃতির আয়তন, পরিধি ইত্যাদি নিরূপণের প্রণালী নিয়ে গ্রন্থকার বিশদভাবে আলোচনা করেছেন। এগুলির গণিতিক মূল্য কেউ অস্বীকার করতে পারেন না। গ্রন্থে আলোচিত পরিমিতির কিছু উদ্ধৃত করলেই বিষয়টি পরিষ্কার বোঝা যাবে।

বৃত্তের পরিধি সহজে গ্রন্থকার বলেছেন “বৃত্তের ব্যাসকে (Diameter) ৩২ দিয়ে গুণ দিলে পরিধি পাওয়া যাবে; এ যে গণিতিক নিখুঁত তা বলা চলে না। তবে বাস্তব ক্ষেত্রে এতে অল্পসরণ করা চলবে। জ্যামিতিবিদরা অল্প ছুইটি পন্থার কথা উল্লেখ করেছেন। একটি হোল ব্যাসকে বর্গ করে সেই বর্গকে ১০ দিয়ে গুণ করলে যে গুণ ফল পাওয়া যায় তারই বর্গমূল আর একটি হোল ব্যাসকে ৬২৮৪২ দিয়ে গুণ করে ২০০০০ দিয়ে ভাগ দেওয়ার ভাগ ফল। শেষোক্তটি জ্যোতির্বিদরাই বেশী ব্যবহার করেন তবে এই ছুইটির ফল প্রায় একই রকমেরই”। “জ্যামিতিবিদ” বলতে গ্রন্থকার কাদের লক্ষ্য করেছেন স্পষ্ট বোঝা যায় না। এই তিনটি করমূল্য সংক্ষেপে দাঁড়াবে :—

$$(১) \text{ পরিধি} = ৩২ \text{ ব্যাস} = ৩ \cdot ১৪২৮ \text{ ব্যাস}$$

$$(২) \text{ পরিধি} = \sqrt{১০ \cdot (\text{ব্যাস})^2} = ৩ \cdot ১৬২২৭ \text{ ব্যাস}$$

$$(২) \text{ পরিধি} = \frac{৬২৮৪২}{২০০০০} \text{ ব্যাস} = ৩ \cdot ১৪২১ \text{ ব্যাস}$$

অর্থাৎ আলখারেজমির মতে এর মূল্য হোল তিনটি

$$(১) ৩২, (২) \sqrt{১০}, (৩) \frac{৬২৮৪২}{২০০০০}$$

আরও বৈজ্ঞানিকগণ কিন্তু ২ এর তৃতীয় মূল্যটি বেশী ব্যবহার করেন নাই। এর কারণ বোঝা যায় না। আলখারেজমির মতে “বৃত্তের পরিধির অর্ধেককে ব্যাসের

অর্ধেক দিয়ে গুণ করলেই, বৃত্তের আয়তন (area) পাওয়া যাবে কেন না প্রত্যেক সমবাহু ও সমান কোণ বিশিষ্ট বহুভুজই যথা, ত্রিভুজ, চতুর্ভুজ, পঞ্চভুজ প্রভৃতির আয়তন, সেই বহুভুজেরই মধ্যবৃত্তের (middle circle that may be drawn through it) ব্যাসের অর্ধেককে পরিধির অর্ধেক দিয়ে গুণ করলেই পাওয়া যায়। যদি কোন বৃত্তের ব্যাসকে বর্গ করে তা থেকে ২ অংশ এবং ২ অংশের ২ বাদ দেওয়া যায় তা হোলো একই ফল পাওয়া যাবে।* সংক্ষেপে গ্রন্থকারের মতে বৃত্তের আয়তন

হোলি :—আয়তন = $\pi \frac{(\text{ব্যাস})^2}{8} = \frac{\pi}{4} \times \frac{22}{7} (\text{ব্যাস})^2 = (1 - \frac{1}{4} - \frac{1}{4} \times \frac{1}{4}) (\text{ব্যাস})^2$

গ্রন্থকার চতুর্ভুজকে পাঁচ ভাগে ভাগ করে তাদের আয়তন বের করার উপায় নির্ধারণ করেছেন। পাঁচটি ভাগ যথাক্রমে (১) বাহুগুলি পরস্পর সমান এবং কোণগুলি প্রত্যেকটি এক সমকোণ square □ ; (২) কোণগুলি সমকোণ তবে বাহু অসমান Rectangle □ ; (৩) বাহুগুলি সমান কিন্তু কোণগুলি অসমান Rhombus □ ; (৪) বিপরীত বাহুগুলি সমান কিন্তু কোণগুলি অসমান Rhomboid □ ; (৫) কোণ ও বাহু সবই অসমান □। শুধু চতুর্ভুজ নয়, ত্রিভুজের বেলায়ও এমনি প্রথমে ভাগ করে নিয়ে তারপর তাদের প্রত্যেকটির আয়তন নির্ধারণ করার প্রণালী স্থির করেছেন। ত্রিভুজকে তিনি তিন ভাগে ভাগ করেছেন, ত্রুক্ষকোণী, ত্রুক্ষকোণী, সমকোণী। সমকোণী ত্রিভুজের কর্ণের বর্গ যে অগ্র হুই বাহুর বর্গের সমষ্টির সমান গ্রন্থকার প্রথমেই সেকথা উল্লেখ করেছেন। তাঁর মতে এইটি হোল এর বিশেষত্ব।* ত্রিভুজ, চতুর্ভুজ ছাড়া পিরামিড প্রভৃতির সহজেও গ্রন্থে সবিস্তারিত বর্ণনা করা হয়েছে। এই সমস্ত জ্যামিতিক সমস্যা সমূহ বীজগণিতে ব্যবহৃত হয়েছে। ত্রিভুজের তিনটি বাহু থেকে তার দৈর্ঘ্য নির্ণয় করতে তিনি বীজগণিতের মত একটি অজ্ঞাত সংখ্যার (unknown quantity) আমদানী করে একটি সমীকরণের উদ্ভব করেছেন এবং তা থেকেই এর সমাধানও করেছেন।

(The peculiarity of the rectangular triangle is that if you multiply each of its two short sides by itself and then add together, then the sum will be equal to the long side multiplied by itself. Translation of Algebra of Muhammad Ben Musa ; F. Rosen, Page 77).

দ্বিতীয় মাত্রার সমীকরণের সমাধানে যে সমস্ত পন্থা আল্খারেজমি তাঁর বীজগণিতে বর্ণনা করে গেছেন অদ্ভাবি সেগুলো অদ্রাস্ত বলেই চলে আসছে। তবে এখন তাঁর জ্যামিতিক সমাধানের কোন প্রাধান্যই দেওয়া হয় না। বিছাখাঁর সুকুমার মনের উপর কতকগুলো ফরমুলা চাপিয়ে দিয়ে আজকাল বীজগণিতের প্রথম শিক্ষা শুরু হয়। বাস্তবে এদের কতটুকু মূল্য আছে কিংবা বাস্তবের সঙ্গে এদের মিশ খাইয়ে দেওয়া যায় কি না সে সম্বন্ধে কোন প্রচেষ্টাই হয় না।

অষ্টাদশ শতাব্দীর পঁচাত্তর বিখ্যাত গণিতবিদ Leonardo Fibonacciর মতে আরব বৈজ্ঞানিকদের বীজগণিত ভারতীয় এবং গ্রীক বৈজ্ঞানিকদের বীজগণিত অপেক্ষা অনেক উন্নত, সুশৃঙ্খল ও বিশদভাবে আলোচিত। তিনি মিশর, সিসিলি, সিরিয়া, গ্রীস প্রভৃতি দেশ ভ্রমণ করে আরবদের জ্ঞান বিজ্ঞান শিক্ষা করেন। নিজে বিশিষ্ট বীজগণিতবিদ, তাই এ বিষয়ে তাঁর অভিজ্ঞতায় সন্দেহ সন্দেহ করবার কিছু নাই এবং সে হিসাবে তাঁর মতকে নিতান্ত উপেক্ষা করা যায় না। লিওনার্ডোর বিখ্যাত গণিত পুস্তক Liber Abaci পনের পরিচ্ছেদে বিভক্ত। এর শেষ পরিচ্ছেদে বীজগণিত নিয়ে আলোচনা করা হয়েছে। এ আলোচনায় তিনি ছব্ব আল্খারেজমিকে অনুসরণ করেছেন। আল্খারেজমি দ্বিতীয় মাত্রার সমীকরণগুলিকে যে ছয় ভাগে ভাগ করে নিয়েছেন, লিওনার্ডোও সেই ছয় প্রকারের কথাই উল্লেখ করেছেন দ্বিতীয় মাত্রার সমীকরণের বেলায়। এতে মনে হয়, তিনি আল্খারেজমির পন্থাকেই শ্রেষ্ঠ বলে ধরে নিয়েছেন। লিওনার্ডোর মত আল্খারেজমির পরবর্তী আরবী বৈজ্ঞানিকদের উপরেও এই গ্রন্থখানির বিশেষ প্রভাব পুষ্ট হয়। সিনান বিন্ ফতেহ, আবু আবহুলাহ বিন্ আল সৈয়দানি, আবুলওয়াকা, আবু কামিল সুজা বিন্ আসলাম, প্রভৃতি বৈজ্ঞানিক ও পণ্ডিতগণ তাঁদের গ্রন্থে বহুবার আল্খারেজমির বীজগণিতের কথা উল্লেখ করেছেন। তা ছাড়া তাঁর ব্যবহৃত সমীকরণ $x^2 + 10x = 39$, আবু কামিল, আল্কারখি, ওমর খৈয়াম প্রভৃতি গণিতবিদগণ তাঁদের বীজগণিতেও ব্যবহার করেছেন। সে সময়ে বীজগণিত ও পাটীগণিতের মধ্যে বিশেষ একটা পার্থক্য রাখা হোত না। অনেক পাটীগণিতের বিষয়ও বীজগণিতের মধ্যে আলোচনা করা হোত এবং এগুলোকে বীজগণিতের অংশ বলেই বিবেচনাও করা হোত। আল্খারেজমিও অবশ্য এই নিয়মই অনুসরণ করেছেন এই গ্রন্থে। যা হোক এই গ্রন্থের মারফতই

ইটালীয়ান বৈজ্ঞানিকগণ Algebra সম্বন্ধে ওয়াকিফহাল হন এবং পাটীগণিতের দশমিক প্রথা সম্বন্ধেও জ্ঞান লাভ করেন। এই গণিতকে বলা হোত Algorism বা the art of Alkharizmi. এই নাম দিয়েই এই গণিতকে Boethus এর গণিত থেকে পৃথক করা হোত। এ নামটি অষ্টাদশ শতাব্দী পর্যন্ত প্রচলিত ছিল।

জ্যোতির্বিজ্ঞানে আলখারেজমির দানের কথা পূর্বেই কিছু উল্লিখিত হয়েছে। নিজস্ব গ্রন্থ ছাড়া তিনি “সিন্দহিন্দ”এর দুই সংস্করণ সম্পাদন করেন এবং এর একখানা সংক্ষিপ্তসারও প্রণয়ন করেন।

নিজের এবং সহকর্মী অগাথ বৈজ্ঞানিকদের জ্যোতির্বিজ্ঞানে মৌলিক গবেষণার ফল নিয়ে তিনি যে তালিকা তৈরী করেন, তার নাম দেওয়া হয় “ফিজিজ”। এই জাতীয় অগাথ পুস্তকের মত, “ফিজিজ” শুধু “জিজ” বা তালিকা (table) দিয়েই সমাপ্ত হয় নাই, গ্রন্থকার ঔপপত্তিক জ্যোতির্বিজ্ঞান সম্বন্ধে সুন্দরভাবে পাণ্ডিত্যপূর্ণ নতিবৃহৎ এক উপক্রমণিকাও এর সঙ্গে জুড়ে দিয়েছেন। এ থেকে এ বিষয়ে তাঁর অগাধ জ্ঞানেরই পরিচয় পাওয়া যায়। ইবনে আবি ইসাইবার মতে, একাদশ শতাব্দীর বিখ্যাত বৈজ্ঞানিক মাসলাম বিন আহমদ আল মাজরিতি এই গ্রন্থখানি নিজে সম্পাদন করে পুনর্বার প্রকাশ করেন এবং তাঁর প্রকাশিত সংস্করণটিই লাটিনে অনূদিত হয়। এতে ত্রিকোণমিতি তালিকা (Trigonometrical Table) ও দেওয়া হয়েছে। এই ফলকে সাইনের (Sine) আরবী প্রতিশব্দ “জাইব” এর বহুবার উল্লেখ দেখা যায়। এ থেকে মনে হয় এই ত্রিকোণমিতি তালিকা আলমাজরিতিই ঢুকিয়ে দিয়েছিলেন।

জ্যোতির্বিজ্ঞান তালিকা নির্মাতা হিসাবে আলখারেজমি তৎকালে খুবই প্রসিদ্ধি লাভ করেন। সেই সময়ে এবং পরবর্তী কালেও আরব বৈজ্ঞানিকগণ তাঁকে “সাহেব-আল-জিজ” নামে অভিহিত করতেন। খুব সম্ভব তিনি অগাথ একখানা গ্রন্থে চান্দ্র মাস নিয়ে বিস্তারিত আলোচনা করেন। তা ছাড়া বিখ্যাত পণ্ডিত ইয়াকুভের মতে তিনি পৃথিবীর আয়তন সম্বন্ধেও বিস্তারিত আলোচনা করেন। কিন্তু “ফিজিজ” গ্রন্থে এ সব সম্বন্ধে কোন আলোচনাই দেখা যায় না। মনে হয়, এ পুস্তকগুলির অতীপিত সন্দান হয় নাই।

আলখারেজমি আস্তারলব (astrolabe) সম্বন্ধে দুইখানা পুস্তক প্রণয়ন

করেন। একখানিতে এই বিষয়ের যত্নপাতি নির্মাণ করবার কৌশল বিস্তারিতভাবে বর্ণনা করা হয়েছে, অল্পখানিতে হয়েছে সেগুলো ব্যবহার করবার নিয়ম-পদ্ধতি সম্বন্ধে আলোচনা। প্রথমখানার নাম হোল “কিতাবুল আমল আল-আস্তারলাব” (আস্তারলাব প্রস্তুত করবার নিয়ম), দ্বিতীয়খানার নাম হোল “কিতাবুল আমল বিল্ আস্তারলাব” (আস্তারলাব ব্যবহার করবার নিয়ম কানুন)। হুঃখের বিষয় পুস্তক দু’খানার কোন একখানারও মূল আরবী গ্রন্থ বা লাতিন অম্বুদাদের সন্ধান এ পর্যন্ত পাওয়া যায় নাই। তবে এদের অস্তিত্ব সম্বন্ধে সন্দেহ করবার কোন কারণই নাই। আলফাগানাস “ফি সানাউ আল্‌আস্তারলাব বিল্ হান্দাসা” গ্রন্থে অনেক খগোল সম্বন্ধীয় সমস্তা আস্তারলাবের সাহায্য নিয়ে সমাধান করেছেন। এ সব সমাধানে আল্‌খারেজমির আস্তারলাব সম্বন্ধীয় পুস্তক দু’খানার বহু উল্লেখ দেখা যায়।

সূর্যঘড়ি (আল্‌কুখাম—sundial) বিষয়েও আল্‌খারেজমির হস্তক্ষেপের পরিচয় পাওয়া যায়। তিনি এ সম্বন্ধে একখানা পুস্তকও প্রণয়ন করেন, কিন্তু এরও কোন সন্ধান পাওয়া যায় নাই।

প্রথম প্রথম জ্যোতির্বিজ্ঞান আলোচনার অশ্রুতম উদ্দেশ্য ছিল ভবিষ্যৎ সম্বন্ধে সঠিক বিবরণ সংগ্রহ করা। আল্‌খারেজমিও এদিক দিয়ে কম যান নাই বলে মনে হয়। পণ্ডিতপ্রবর আল্‌তাবারীর গ্রন্থে, আল্‌খারেজমির জ্যোতিষ চর্চার এক বিবরণ পাওয়া যায়। গল্পটি হোল খলিফা আল্‌ওয়াসিক সম্বন্ধে। খলিফা তাঁর শেষ রোগশয্যায় রাজসভার জ্যোতির্বিদগণকে ডেকে পাঠান রোগের ফলাফল জানবার জন্তে। এই জ্যোতির্বিদদের মধ্যে আল্‌খারেজমিও ছিলেন। তাঁরা অনেক গবেষণার পরে, খলিফা রোগমুক্ত হয়ে আরও দীর্ঘকাল বেঁচে থাকবেন বলে রায় দেন। কিন্তু এ ভবিষ্যদবাণী সফল হয় নাই। কিছুদিন পরই খলিফা মারা যান। আল্‌খারেজমির পরবর্তী নবম শতাব্দীর অশ্রুতম প্রসিদ্ধ বৈজ্ঞানিক আবুলমাসারের গ্রন্থেও অমুরূপ একটি গল্প পাওয়া যায় তাঁর জ্যোতিষ আলোচনা সম্বন্ধে। আল্‌খারেজমি নাকি হজরত মোহাম্মদ (সঃ)এর জন্ম তারিখের সঙ্গে তাঁর পয়গম্বর হওয়ার মধ্যে কতখানি সামঞ্জস্য আছে সেকথা জ্যোতিষশাস্ত্রের সাহায্যে বিশদভাবে আলোচনা করে দেখিয়ে দিয়েছিলেন।

জ্যোতির্বিজ্ঞান এবং জ্যোতিষ আলোচনার সুবিধার জন্তে, খলিফা

আল্‌মামুনের প্রেরণায় তিনি অগাণ্ড বৈজ্ঞানিকগণের সাহায্য নিয়ে আকাশ এবং ভূমণ্ডলের মানচিত্র প্রণয়ন করেন। আকাশের মানচিত্র জ্যোতির্বিজ্ঞান সম্বন্ধীয় তথ্যাদিতে পরিপূর্ণ। ভূমণ্ডলের মানচিত্র গ্রন্থকারের ভৌগোলিক জ্ঞানের পরিচয় প্রদান করে। তাঁর ভূগোল গ্রন্থ “কিতাবুস সুরাত আল্‌ আরদ” (পৃথিবীর আকার সম্বন্ধীয় পুস্তক) এর পাণ্ডুলিপি এখনও ট্রান্সবার্গে বিদ্যমান আছে। এর উপরেই ভিত্তি করে এইচ, ফন জিক (H. Von Mzik) পুরাকালের আফ্রিকার ম্যাপ তৈরী করেন।

শুদ্ধ জ্যামিতিতেও আল্‌খারেজমি কম যান নাই। তিনি সমতল এবং বৃত্তীয় অঙ্কন সম্বন্ধে যে গ্রন্থ প্রণয়ন করেন তা এখনও ইউরোপের কোন কোন লাইব্রেরীতে বিদ্যমান রয়েছে। গ্রন্থখানি জ্যামিতিকে পূর্বকার জবরজঙ্গ প্রথা ছাড়িয়ে কি ভাবে সহজসাধ্য করে তুলেছিল তার কিছু আভাস পাওয়া যাবে বোসোর কথাতেই। তাঁর মন্তব্য উদ্ধৃত করা গেল। “Practical Geometry and Astronomy owe the Arabs eternal gratitude, for having given to Trigonometrical calculation the simple and the commodious forms which it has at present. They reduced the theory of the resolution of triangles, both rectilinear and spherical, to a small number of easy propositions and by the substitution of sines which they introduced instead of the chords of the double arcs employed before, they made abridgements in calculations, of inestimable value to those who had a great number of triangles to resolve. These discoveries are embodied chiefly to a geometrician and astronomer of the name Muhammad Ben Musa, the author of a work still extant, entitled of “Plane and spherical figures”—(A General History of Mathematics, John Bossut, 1803 P. 158) অর্থাৎ ত্রিকোণমিতিক অঙ্কে বর্তমানের এই সরল এবং সহজ পদ্ধতি উদ্ভাবন করার জন্মে কার্যকরী জ্যামিতি ও জ্যোতির্বিজ্ঞান আরবদের নিকট চিরকৃতজ্ঞতা পাশে আবদ্ধ থাকবে। রৈখিক ও বৃত্তীয় ত্রিভুজের বিশ্লেষণ (Resolution) করবার খিওরীকে

তারা ছোট ছোট প্রতিপাত্ত বিষয়ে রূপান্তরিত করেন। তাছাড়া 'chords of double arc' এর স্থানে সাইন ব্যবহার করবার নিয়ম প্রবর্তন করে যাদের অনেক ত্রিভুজ বিশ্লেষণ করতে হয় তাদের কাজ বিশেষ ভাবেই সংক্ষেপিত ও সহজ করে তোলেন।

আল্খারেজমির সমস্ত গ্রন্থের পরিচয় দেওয়া এ স্থানে সম্ভবপর নয়। আল্‌মামুনের রাজত্বকালে যে সমস্ত বিখ্যাত বিজ্ঞানবিদ তাঁর রাজসভা অলঙ্কৃত করেছিলেন, আল্‌খারেজমি তাঁদের মধ্যে অগ্ৰতম শ্রেষ্ঠ বৈজ্ঞানিক তাঁর সম্বন্ধে এইটুকুই শুধু এখানে বলা চলবে। আল্‌খারেজমি ও অগ্ৰাণু দুই একজন ছাড়া, এই সময়কার বৈজ্ঞানিকদের মধ্যে অনেকেই পাশ্চাত্য জগতে তেমন প্রসিদ্ধি লাভ করতে পারেন নাই। তাঁদের বিজ্ঞান প্রতিভা এখনও অনাবিকৃত ও উপেক্ষিত গ্রন্থাবলীর মধ্যেই সীমাবদ্ধ রয়েছে। সম্পূর্ণ তথ্য উদঘাটিত হবার পর তাঁদের সম্যক পরিচয় পাওয়া সম্ভবপর হবে।

আল্‌মামুনের মৃত্যুর পরেও প্রায় ১৪ বৎসরকাল আল্‌খারেজমি জীবিত ছিলেন। তিনি সম্ভবত ৮৪৭ খৃঃ অব্দে এলেক্সকাল করেন।

আল্‌খারেজমির সমসাময়িক অগ্ৰাণু যে সমস্ত বৈজ্ঞানিক অঙ্কশাস্ত্রে মৌলিক প্রতিভার পরিচয় দিয়েছেন তাঁদের মধ্যে আল্‌কিন্দি পাশ্চাত্য জগতে সর্বাপেক্ষা বেশী পরিচিত। বিজ্ঞানের সমস্ত বিভাগেই তাঁর প্রগাঢ় জ্ঞানের পরিচয় পাওয়া যায়। অঙ্কশাস্ত্র, চিকিৎসাশাস্ত্র, পদার্থবিদ্যা, বায়ুবিজ্ঞান প্রভৃতি তৎকালীন প্রচলিত বিজ্ঞানের সমস্ত বিভাগই তাঁর মৌলিক দানসম্ভারে সমৃদ্ধ হইয়া উঠেছিল, তবে যা তাঁকে সবচেয়ে বেশী খ্যাতি জুগিয়েছে সে হোল দর্শন এবং ধর্মশাস্ত্রীয় আলোচনা। আল্‌কিন্দির পূর্ব নাম হোল আবু ইউসুফ ইয়াকুব ইবনে ইসহাক আল্‌ আক্বাস আল্‌কিন্দি। তিনি কুফা নগরে এক সম্ভ্রান্ত আরব পরিবারে জন্মগ্রহণ করেন। এই আরব পরিবারটি অনেক পূর্বেই কুফায় এসে বসতি স্থাপন করেন এবং শিক্ষা দীক্ষার গুণে সমাজের উচ্চস্তরে প্রতিষ্ঠালাভ করেন। কুফায় জন্মগ্রহণ করলেও, আল্‌কিন্দির শিক্ষা আরম্ভ হয় বাগদাদ নগরীতে। এখানকার সুধীজনের সম্পর্কে এসে তিনি শিক্ষার দিকে বিশেষভাবে আকৃষ্ট হন। যাঁহোক অগ্ৰাণু মুসলিম নামের মত তাঁর নামও শেষ পর্যন্ত "আল্‌কিন্দাস"এ পরিণত হয় ইউরোপীয় ভাষাবিদদের কল্যাণে। খলিফা আল্‌মামুনের ভ্রাতা মুতােসেমের

রাজত্বকালেই তাঁর প্রতিভার পূর্ণ বিকাশ হয় বলতে হবে। তাঁর উল্লেখযোগ্য গ্রন্থাবলীর অনেকগুলিই এই সময় রচিত।

আল্‌কিন্দির গ্রন্থাবলীর একটি বিশেষত্ব হোল এই যে বিজ্ঞানের জটিল বিষয় নিয়ে আলোচনা করলেও ভাষার কমনীয়তা একে যেমন সুখপাঠ্য তেমনি চিন্তাকর্ষক করে তুলেছে। অগ্ন্যস্ত পণ্ডিতদের মত তিনি জটিল আল্‌কিন্দি বিষয়গুলিকে শুধু পণ্ডিতদের বোধ্য ভাষায়ই অবতারণা করেন নাই। এ হিসাবে সুবিখ্যাত পরিব্রাজক বৈজ্ঞানিক আল্‌বেকরুনীর সঙ্গে তাঁর বিশেষ পার্থক্য পরিলক্ষিত হয়। আল্‌বেকরুনীর সমস্ত গ্রন্থই সাধারণের দুর্বোধ্য কঠিন আরবীতে লিখিত। সেইজন্যই তাঁর গ্রন্থাবলী সাধারণের মধ্যে তেমন সমাদর লাভ করতে পারে নাই, পণ্ডিতদের মধ্যেই সীমাবদ্ধ ছিল। আল্‌কিন্দির গ্রন্থাবলী গ্রন্থকারের জীবিতাবস্থাতেই সাধারণের মধ্যে প্রচারিত হয়ে পড়ে এবং তাঁর প্রগাঢ় জ্ঞানের খ্যাতি চতুর্দিকে পরিব্যাপ্ত হয়।

আল্‌কিন্দির প্রায় দুইশত সপ্তরখানা গ্রন্থের পরিচয় এ পর্যন্ত পাওয়া গিয়েছে; তবে শুদ্ধ অঙ্কশাস্ত্র সম্বন্ধে খুব বেশী গ্রন্থ তাঁর নাই বলেই মনে হয়। অঙ্কশাস্ত্রের মধ্যে তিনি জ্যোতির্বিজ্ঞান, জ্যোতিষ, জ্যামিতি এবং সংখ্যা নিয়ে আলোচনা করে কয়েকখানা গ্রন্থ প্রণয়ন করেন। অগ্ন্যস্ত গ্রন্থাবলীর মত, এগুলোও নানারকম তথ্য ও ঘটনার সমাবেশে সুখপাঠ্য হয়েছে। অঙ্কশাস্ত্রের সমস্ত গ্রন্থ ছাড়া, বিজ্ঞানের অগ্ন্যস্ত বিভাগের মধ্যে পদার্থবিজ্ঞান এবং গান সম্বন্ধেও তাঁর রচিত বহু গ্রন্থের নিদর্শন পাওয়া যায়। অঙ্কশাস্ত্রের সঙ্গে এদের অবিচ্ছেদ্য সম্বন্ধের কথা মনে করে এই দুই বিষয়ে আল্‌কিন্দির ঔপপস্থিক আলোচনার কথা বিবেচনা করলে তাঁর অপূর্ণ প্রতিভার প্রতি আশ্চর্য মাথা নত হয়ে আসে। গানের যত্নপাতি তৈরী করতে পরিমাপ সম্বন্ধীয় গণিতশাস্ত্রীয় সমস্ত বিষয় তিনি প্রায় আটখানা গ্রন্থে আলোচনা করেছেন। যতদূর জানা যায় আরবদের মধ্যে তিনিই সর্বপ্রথম একরূপ কঠোর দৃষ্টিতে এই সূক্ষ্ম বিষয়কে পরীক্ষা করেছেন। পদার্থবিজ্ঞানে তাঁর প্রজ্ঞার পরিচয় পাওয়া যায় এ সম্বন্ধে রচিত গ্রন্থাবলীর সংখ্যা থেকেই। এ সব সম্বন্ধে পরে যথাস্থানে আলোচনা করা যাবে।

সাধারণের দুর্বোধ্য জটিল বৈজ্ঞানিক বিষয়গুলিকে সুখপাঠ্য করে তুলতে, এই সমস্ত বিষয়ে গ্রন্থকারের কতখানি জ্ঞান এবং আরবীর মত দুর্গম ভাষার উপর

কতখানি অধিকার থাকার প্রয়োজন, সে ভাবলে সত্যিই বিস্মিত হতে হয়। অধীত এবং আলোচিত বিজ্ঞান এবং দর্শন সম্বন্ধে সবিশেষ জ্ঞান, সেই সঙ্গে গ্রীক এবং আরবী ভাষায় সবিশেষ পাণ্ডিত্যই এই সমস্ত গ্রন্থাবলীকে সুখপাঠ্য করে তুলতে অনেকটা সাহায্য করেছিল বললে হয়ত অত্যাুক্তি হবে না। বস্তুত তিনি তৎকালে গ্রীকভাষাভিজ্ঞ হিসাবে খুবই বিখ্যাত ছিলেন। গ্রীক এবং ভারতের পূর্বকার মনীষীদের জ্ঞানবিজ্ঞানের সঙ্গে পূর্ব পরিচয় এবং আলখ্বারেজমি প্রভৃতি সমসাময়িক প্রতিভার সাক্ষাৎ দর্শন, এ দুয়ের সমাবেশে আলকিন্দির মত অল্পসঙ্কিৎসু ও জিজ্ঞাসু শিক্ষাব্রতী যে দর্শন ও বিজ্ঞানে অসাধারণ প্রতিভার পরিচয় দিবেন, তাতে আশ্চর্যের কিছুই নাই। তবে বিজ্ঞান অপেক্ষা দর্শনেই তাঁর সমধিক প্রতিভার পরিচয় পাওয়া যায় এবং পাশ্চাত্য জগতে সেইজন্য “Philosopher of Arab” বা আরবের দার্শনিক হিসাবেই তিনি সুপরিচিত। ৮৭৪ খৃঃ অব্দে এই মনীষীর মৃত্যু হয়।

আলমামুনের পরবর্তী নূপতিগণের মধ্যেও তাঁর বিদ্যোৎসাহিতার প্রভাব পরিলক্ষিত হয়। রাজনৈতিক বাদবিসম্বাদে ঈর্ষা বিদ্বেষের সৃষ্টি সত্ত্বেও এবং অছাচ্ছ বিষয়ে মতভেদ থাকলেও শিক্ষার প্রচলনে সবারই প্রচেষ্টার পরিচয় পাওয়া যায়। এ হিসাবে মুসলিম নূপতিদের সহিষ্ণুতা রাজনীতির দিক দিয়ে কতটা উন্নত চিন্তের পরিচায়ক সে বিষয় অছাচ্ছ দেশের রাজনৈতিক ইতিহাসের কথা বিবেচনা করিলেই বেশ বোঝা যাবে। তবে এঁদের অনেকেরই রাজত্বকাল এত কম যে, কার সময়ে বিজ্ঞানের কিরূপ উন্নতি হয়েছিল সে সঠিকভাবে নির্ণয় করা সুকঠিন। হয়তো একই বৈজ্ঞানিকের জীবনকালে অনেকগুলি নূপতির অভ্যুত্থান ও পতন হয়েছে, শুধু একই নূপতির প্রভাব বা পৃষ্ঠপোষকতা হয়ত কারুর সারা জীবনের উপর কার্যকরী হয় নাই। তাই আলমামুনের বা আলমামুনের মত কোন খলিফারই বৈশিষ্ট্য বিশেষভাবে প্রতিভাত হতে পারে নাই। সমগ্রভাবে বিজ্ঞান আলোচনার মধ্যে তাঁদের রাজনৈতিক কার্যকলাপ কোন স্থান অধিকার করে রয়েছে নির্ণয় করা সম্ভবপর নয়। বৈজ্ঞানিক হিসাবে তাঁদের হুঁচার জন যে কাজ করেছেন তাঁদের নিজস্ব সেই কাজের কথাই উল্লেখ করা যাবে।

আলখ্বারেজমির পরে নবম শতাব্দীর শেষ ভাগ পর্যন্ত যে সমস্ত অক্ষশাস্ত্রবিদ বাগদাদের শিক্ষাব্রতের ইতিহাসে অমর কীর্তি রেখে গেছেন, তাঁদের মধ্যে

আলমাহানী, বনিমুসা ভ্রাতৃত্বয়, ছাবেত ইবনে কোরা, আবুল মাশার প্রভৃতি সমধিক প্রসিদ্ধ। এই সময় থেকেই জ্যামিতি এবং কনিকসএর দিকেও বৈজ্ঞানিকদের দৃষ্টি পড়ে এবং অঙ্কশাস্ত্রের এই দুই শাখায়ও আলোচনা আরম্ভ হয়। অবশ্য পূর্বেও যে এর আলোচনা হয় নাই তা নয়, কিন্তু এই সময় থেকে ছাবেত ইবনে কোরার নেতৃত্বে জ্যামিতির আলোচনা এক নূতন আকার ধারণ করে বলা যেতে পারে।

আলমাহানী বা আবু-আবদুল্লাহ মোহাম্মদ ইবনে ইসা আলমাহানী বাগদাদের তৎকালীন জ্যোতির্বিদদের মধ্যে অগ্রতম শ্রেষ্ঠ পণ্ডিত। জ্যোতির্বিজ্ঞান সম্বন্ধে তাঁর কতকগুলি প্রামাণ্য গ্রন্থ ছাড়া আর্কিমিডিসের প্রবর্তিত প্রথা অনুসারে গোলক (sphere) সম্বন্ধে গবেষণাই তাঁকে বৈজ্ঞানিকদের মধ্যে উচ্চ আসনে প্রতিষ্ঠিত করেছে। গোলক সম্বন্ধে আলোচনায় তিনি অধুনা প্রচলিত সর্বপ্রকার প্রথারই ব্যবহার করেছিলেন এবং সে হিসাবে তাঁকে এগুলির সৃষ্টিকর্তাও বলা চলে। আয়তনের কোন নির্দিষ্ট অনুপাত অনুসারে গোলক খণ্ডে খণ্ডে বিভক্ত করবার কতকগুলি পন্থা আর্কিমিডিস দেখিয়ে দিয়ে যান, সেইগুলির উপর ভিত্তি করে আলমাহানীও গোলক খণ্ডে খণ্ডে বিভক্ত করা নিয়ে বিশদভাবে আলোচনা করেন এবং সে সম্বন্ধে অনেকগুলি অভিনব প্রথারও উদ্ভাবনা করেন। এ প্রথাগুলি এখনও অঙ্কশাস্ত্রে বিশিষ্ট স্থান অধিকার করে রয়েছে। আলমাহানীর প্রতিভার অগ্র কোন বিশিষ্ট পরিচয় না থেকে শুধু তাঁর গোলক সম্বন্ধীয় গবেষণাটুকু পৃথিবীতে বর্তমান থাকলেই তিনি বিজ্ঞান জগতে চিরস্মরণীয় হয়ে থাকতেন।

অনেক সময়েই দেখা যায় প্রতিভাসম্পন্ন ব্যক্তির প্রতিভা একমুখী না হয়ে বহুমুখী হয়। আলমাহানীর বেলায়ও সে কথা খাটে। অঙ্কশাস্ত্রের জ্যোতির্বিজ্ঞান ব্যতীত অত্যন্ত শাখায়ও তাঁর প্রতিভার পরিচয় পাওয়া যায়। ত্রৈমাত্রিক সমীকরণের (Cubic equation) সম্পাঞ্চে ত্রিকোণমিতির (Trigonometry) সাহায্য নেওয়া তৎকালে অঙ্কশাস্ত্রবিদদের ধারণাতীত ছিল বলেই মনে

হয়। অসম্ভবত অগ্র কেউ যে সে ভাবে কোন সম্পাঞ্জের সমাধান

করেন নাই, তখনকার অঙ্কশাস্ত্রের যতটুকু পরিচয় এ পর্যন্ত পাওয়া গেছে তাতে তাই ধারণা হয়। আলমাহানীই এদিক দিয়ে প্রথম পথ

দেখান। গোলক (Sphere) সম্বন্ধে আলোচনা করতে যে বীজগণিতিক ত্রৈমাত্রিক সমীকরণের উদ্ভব হয়েছে, তার সমাধানে তিনি ত্রিকোণমিত্তির চিহ্ন, ত্রিমাত্রিক কোণের সাইন ব্যবহার করেছেন।* বলতে গেলে ত্রিকোণমিত্তির যখন সূত্রপাতই হয় নাই সেই সময়ে অল্প একটি জটিল বিষয়ে এর ব্যবহার করা অসাধারণ বৈজ্ঞানিক প্রতিভার কথাই স্বরণ করিয়ে দেয়।

আলখারেজমি বীজগণিতের দ্বিতীয় মাত্রা সমীকরণ (Quadratic equation) নিয়েই বিশদভাবে আলোচনা করেছেন। ত্রৈমাত্রিক সমীকরণের দিকে তাঁর দৃষ্টি পড়েছিল কি না জানা যায় না। বোধ হয় তিনি এতদূর পর্যন্ত এগোন নাই। বীজগণিতের এই অগুতম প্রধান সমস্কার সমাধানের ভার পড়ে আলমাহানীর উপর। এর পূর্বে ত্রৈমাত্রিক সমীকরণের কোন আলোচনাই হয় নাই বললে হয়ত অত্যাুক্তি হবে না। আর্কিমিডিসের গোলক খণ্ড করার মধ্যেই একরূপ সমীকরণের উদ্ভব হয়। যতদূর জানা যায় তিনি ক্বনিক্ এর সাহায্যে এর সমাধান করবার চেষ্টা করেছিলেন। তবে আলমাহানীই এর প্রথম সমাধান করেন। তিনি এ সমস্কারে একরূপ বিস্তারিতভাবে আলোচনা করেছিলেন যে $x^3 + a^2b = cx^2$ এই সমীকরণটি আলমাহানীর সমীকরণ (Al-Mahani's equation) নামে পরিচিত হয়ে পড়ে। এ ধরণের সমীকরণগুলির সমাধান কত জটিল ও ছুরূহ সে একটি কথাতেই বোঝা যাবে যে বিশ্ববিজ্ঞান্যের উচ্চতম স্ত্রণীতেই এ সবেব আলোচনা হয়। নীচের দিকে এদের ধার দিয়েও ঘেঁসা হয় না। তুংখের বিষয় আলমাহানীর এই সমাধান পন্থাটির কোন সন্ধানই পাওয়া যায় নাই। তবে তিনি যে এর সাধারণ সমাধান বের করতে সক্ষম হয়েছিলেন সে বিষয়ে সন্দেহ করবার কোন কারণই নাই। তাঁর নামে প্রচলিত হওয়াতেই বোঝা যায় যে তিনি এ বিষয়ে নিশ্চিতভাবেই কিছু করতে সক্ষম হয়েছিলেন। অবশ্চ এ সম্বন্ধে মতভেদ আছে। ওমরখৈয়ামের মতে আলমাহানী এর সমাধান করতে সমর্থ হন নাই; সমাধান করেন আবু জাফর আলখাজিন।

* [In his stereometric solution of the cubic equation involved in this problem, he made use of the sine of a trihedral angle. History of Mathematics. Smith, Vol. I, P. 171].

ইউক্লিডের জ্যামিতি অনেক পূর্বেই আরবীতে অহুদিত হয়েছিল কিন্তু এ নিয়ে খুব বিশেষ আলোচনা হয়েছিল বলে মনে হয় না। তখন পর্যন্ত হয়ত বৈজ্ঞানিক সমাজ এর মধ্যে গূঢ়ভাবে প্রবেশ করেন নাই। তাই আলমাহানীর পূর্ব পর্যন্ত এ সম্বন্ধে তেমন উচ্চবাচ্য দেখতে পাওয়া যায় না। যতদূর জানা যায় তিনিই সর্বপ্রথম ইউক্লিডের পঞ্চম ও দশম খণ্ডের ভাষ্য লেখেন। আর্কিমিডিসের গোলক (sphere) এবং স্তম্ভক সpheroid গ্রন্থাবলীর অনুবাদের বেলায়ও সেই একই কথা বলা চলে।

গ্রীকবিজ্ঞানে আর্কিমিডিসের স্থান অনেক উচ্চে কিন্তু তাঁকে ভুলে যেতে গ্রীকদের বেশী সময় লাগেনি। তাঁর আসল নাম আর্কিমিডিসই কি না সে বিষয়ে বিশেষ সন্দেহ আছে। কি ভাবে তিনি এই নামে পরিচিত হন সে সম্বন্ধে একটি সুন্দর গল্প প্রচলিত আছে। গণিত বিষয়ে গবেষণা ও চিন্তার ক্ষেত্রে তিনি গোলমাল সহ্য করতে পারতেন না। এদিকে তার পত্নীর অনেকগুলি দাসী ছিল; তারা অনবরত গজগজ করে তাঁর কাজের ব্যাঘাত ঘটাত। সেইজন্মে তিনি মধ্যে মধ্যে সিঁড়ির কাছে এসে বলতেন, “দেখ মেয়েরা, (Hark ye maids) তোমরা যদি ঠাণ্ডা না হও তা হোলে তোমাদের বাড়ী থেকে বের করে দেব।” “Hark ye maids” কথাটা তিনি এতবার ব্যবহার করতেন যে দাসীগুলো তাঁকে পড়বার ঘরে দেখলেই বলাবলি করত, “এরে

আর্কিমিডিস

এ Hark ye maids রয়েছে, আয় ভাই আমরা আস্তে আস্তে কথা বলি”। এইভাবেই ঐ নূতন নামটা পাড়ার মধ্যে

ছড়িয়ে পড়ে এবং শেষ পর্যন্ত তিনি আর্কিমিডিস নামে পরিচিত হন। ইতিহাসের পুনরাবৃত্তি ঘটে। মানবজীবনের অস্তুত মনীষীজীবনের পরিণামেরও তেমন পুনরাবৃত্তি ঘটে বলেই বোধ হয়। রাজনৈতিক প্রভাব এড়িয়ে লোকখ্যাতির অস্তরালে যারা নিজেদের কাজ করে যাচ্ছেন তাঁদের প্রতিভার সমাদর খুব কমই হয় অস্তুত তাঁদের জীবনের গোণা কয়টি দিনের মধ্যে। পুরাকালের প্রত্যেক রাজনৈতিক বিপ্লবের সময়েই শিক্ষার এবং শিক্ষিতের প্রতি বর্বর অভিযান ঘটত। আর্কিমিডিসও এমনি একটি বিপ্লবের সময়ে শোচনীয় ভাবে নিহত হন। সভ্যতা-গর্বি রোমানরাই এই বর্বর হত্যাকাণ্ডের কক্ষ দায়ী। রোম সাম্রাজ্যের মধ্যে কোন সময়েও তাঁর প্রতিভার আদর হয়েছিল

বলে মনে হয় না, যদিও এখন অঙ্কশাস্ত্রের দেবতা বলেই রোমেও তাঁর পূজা হয়।*

আর্কিমিডিসের প্রতিভার আদর হয় মুসলিম বৈজ্ঞানিকদের কাছেই। আলমাহানীর পূর্ব পর্যন্ত আর্কিমিডিসের মতবাদ নিয়ে কেউ বিশেষ আলোচনা করেছেন বলে জানা যায় না। তিনিই প্রথম মুসলিম বৈজ্ঞানিকদিগকে আর্কিমিডিসের উদ্ভাবিত গোলক ও স্তম্ভক সংক্রান্ত অঙ্কশাস্ত্রের এই জটিল শাখার সন্ধান দেন এবং আর্কিমিডিসের গ্রন্থাবলীর উপর ভিত্তি করে নিজের মৌলিক উদ্ভাবনগুলির দ্বারা অঙ্কশাস্ত্রকে নূতন পথে পরিচালনা করেন। এ হিসাবে বর্তমানের অঙ্কশাস্ত্র, অস্বত্বে যে শাখায় গোলক ইত্যাদি নিয়ে আলোচনা হয়, আলমাহানীর নিকট বিশেষ ভাবে কৃতজ্ঞ।

ইবনে আননাজিম “ফিহরিস্ত” গ্রন্থে বিজ্ঞানের যে সমস্ত বিষয় আলমাহানী আলোচনা করেছেন তার এক বিস্তৃত বিবরণ দিয়েছেন। তাঁর মতে আলমাহানী (১) ইউক্লিডের পঞ্চম পুস্তকের ভাণ্ড, (২) সমানুপাত (Proportion) (৩) ইউক্লিডের প্রথম পুস্তকের ২৬ সম্পাত্ত (৪) নক্ষত্র সমূহের অক্ষরেখা (৫) ইউক্লিডের দশম গ্রন্থ সম্বন্ধে আলোচনা করেন এবং এ সমস্ত ছাড়া বহু গ্রন্থাদিও প্রণয়ন করেন।

বনি মুসা ভ্রাতৃত্ব

পিতা পুত্র একই প্রকার মনীষা সম্পন্ন বা একই দিকে কৃতিত্বের পরিচয় দিয়েছেন, এমন ঘটনা অনেক সময়েই দেখা যায়। বংশানুক্রমে মনীষা ও প্রতিভা বিস্তারের উদাহরণও ছুসর্ভ নয়, কিন্তু কোন বংশের একই পুরুষের (generation) সবাই একই প্রকার কৃতিত্ব সম্পন্ন, এরূপ ঘটনা জগতের ইতিহাসে বিরল।

* (One of the Italian Historian of Mathematics uses the happy phrase that he had “a genius more divine than human” and Pliny calls him “the God of Mathematics” a phrase which one of his French translators felicitously renders as the Homer of Geometry. History of mathematics, Smith, Vol. I, Page iii).

সহোদর ভ্রাতাদের মধ্যে চেহারার সাদৃশ্য যতই থাকুক না কেন, রুচি বা বিদ্যাহুরাগে সাদৃশ্য কুত্রাপি দেখা যায় না। রুচি বা মানসিক অবস্থার বিসাদৃশ্য স্বাভাবিক। এ স্বাভাবিক নিয়মের ব্যতিক্রম হয় কদাচিৎ। নবম শতাব্দীর বনি মুসা ভ্রাতৃত্ব এই অতি সাধারণ নিয়মের ব্যতিক্রম। বান্দীকির জীবনের বাগদাদে পুনরাভিনয় হয় ভ্রাতৃত্বের পিতা মুসা বিন শাকীরের জীবনে; বান্দীকির কবিত্ব প্রতিভা, মুসা বিন শাকীরের বিজ্ঞান প্রতিভায় পর্যবসিত হয়। তাঁর প্রতিভার পূর্ণ ক্ষুরণ হতে পারে নাই নানা কারণে; তবে পিতার এই অক্ষুট প্রতিভা পুত্রত্বের মধ্যেই পূর্ণভাবে বিকাশ পায়। খোরাসানের পথে পথে দস্যুতা, অর্থলোভে নরহত্যা, পথিকের প্রতি অকথ্য অত্যাচার করাই শাকীরের প্রথম জীবনের ইতিহাস। ঘটনাক্রমে খোরাসানে তিনি খলিফা আলমামুনের সংস্রবে এসে পড়েন। তাঁর জীবনেরও পরিবর্তন ঘটে। তিনি আলখারেজমির সঙ্গে খলিফার জ্যোতির্বিদদের দলভুক্ত হয়ে বাগদাদে উপস্থিত হন। পূর্বকার দস্যুত্বের প্রতিভা তখন থেকেই শিক্ষার প্রতি নিয়োজিত হয়। এতদিনের স্তূপ প্রতিভা নীরব সাধনার উজল দিব্য আলোকে স্নাত হয়ে দস্যুকে সাধক জ্ঞানী হিসাবে জগতের পূজ্য করে তোলে। অশ্রান্ত বিষয়ের আলোচনার সঙ্গে সঙ্গে অঙ্কশাস্ত্রের প্রতিও তাঁর দৃষ্টি পড়ে। নীরব দর্শক বা পাঠক হিসাবেই এর শেষ হয় নাই। জ্যামিতি এবং জ্যোতির্বিজ্ঞানের মৌলিক গবেষণা তাঁর নাম বিজ্ঞানের ইতিহাসে জীবিত রেখেছে। তবে সে প্রতিভা প্রথম শ্রেণীতে পড়ে না, এ বললে অন্যায্য করা হবে না।

পিতার অক্ষুট প্রতিভার পূর্ণ বিকাশ হয় পুত্রত্বের মধ্যে। এই পুত্রত্বের নাম যথাক্রমে আবু জাকর মোহাম্মদ, আবুল কাসিম আহমদ এবং আলহাসান ইবনে মুসা বিন শাকীর। তাঁরা যখন নিভাস্ত শিশু সেই সময়েই মুসা বিন শাকীরের মৃত্যু হয়। খলিফা আলমামুন ভ্রাতৃত্বের ভার নেন এবং তাঁর বিজ্ঞান সভার অশ্রুতম সভ্য ইয়াহিয়া বিন আবি মনসুরের হাতে তাঁদের শিক্ষার ভার সমর্পণ করেন। অতি শৈশবকাল থেকেই ভ্রাতৃত্ব তৎকালীন বিখ্যাত পণ্ডিতমণ্ডলীর সংস্রবে এসে পড়ায়, তাঁদের প্রতিভাও বিজ্ঞানের দিকেই বিশেষভাবে আকৃষ্ট হয়। শিক্ষা পরিসমাপ্তির পর আস্তে আস্তে যখন খ্যাতি, অর্থ ও প্রতিপত্তি লাভ হতে শুরু হয়, ভ্রাতৃত্ব তখন অন্তর্নিহিত জ্ঞানস্পৃহাকে সফল করে তোলবার জ্ঞে সমস্ত ধন সম্পদ নিয়োজিত

করতে থাকেন। তাঁরা পূর্বেকার জ্ঞান-বিজ্ঞানের সন্ধানের জন্ম গ্রীস, বাইজানটাইন প্রভৃতি পরিভ্রমণ করে অনেক গ্রন্থ সংগ্রহ করেন। তা ছাড়া অর্থ দিয়ে লোক নিযুক্ত করেও দেশ-বিদেশের অনেক বিজ্ঞান গ্রন্থ করায়ত্ত করেন। এই পরিভ্রমণের সময়েই হাররানে মোহাম্মদের সঙ্গে মুসলিম বিজ্ঞান জগতের অত্যন্তম প্রতিভাদীপ্ত ভাস্কর ছাবেত ইবনে কোরার সাক্ষাৎ হয়।

জাতীয় প্রায় সমস্ত কাজই এক সঙ্গে করে গেছেন, কারুর কোন বিশেষ বিষয়ে একক কাজের সন্ধান পাওয়া যায় না। সমস্ত গ্রন্থাবলী, মৌলিক গবেষণা, প্রায় তিন ভাইএর নামে অথবা অন্তত দুই ভাইএর নামে পাওয়া যাবেই। এ হয়ত তাঁদের সৌহাদে'রই পরিচয় মাত্র। হয়ত কেউ কাউকে ছেড়ে বড় হওয়া কি খ্যাতি লাভ করা পছন্দ করেন নাই, তাই যা করেছেন সবই একত্রে। যাহোক তাঁদের মধ্যে মোহাম্মদই সর্বাধিক প্রতিভাসম্পন্ন ছিলেন বলে মনে হয়। সব শাস্ত্রেই তাঁর সমজ্ঞান ছিল এবং সর্ববিষয়েই তিনি সমান প্রতিভার পরিচয় দিয়েছেন। গণিতবিদ হিসাবে আলহাসান ছিলেন সর্বশ্রেষ্ঠ আর আহমদ ছিলেন যান্ত্রিক ও ব্যবহারিক সমস্কার সমাধানে বিশেষ পারদর্শী (especially interested in mechanical and technical problems)।

পৃথিবীর পশ্চিম প্রান্তে পৃথিবীকে যখন চ্যাপ্টা ও সমতল প্রমাণ করার প্রচেষ্টা চলছিল, মুসলিম বৈজ্ঞানিকগণ তখন পৃথিবীর আয়তন ও পরিধি পরিমাপের চেষ্টা করছিলেন। বর্তমান ভূগোলের জাঘিমা ও অক্ষরেখার কেন্দ্রস্থল গ্রীণউইচ তখনকার ইতিহাসে অজ্ঞাত। অক্ষরেখা ও জাঘিমার কল্পনা করে বনিমুসা জাতীয় লোহিত সাগরের তীরে নিভূ'লরূপে ডিগ্রী মেপে পৃথিবীর প্রকৃত আকার ও আয়তন সঠিকভাবে নির্ণয় করেন। বর্তমান বৈজ্ঞানিকেরা ডিগ্রীর যে মাপ সঠিক বলে গ্রহণ করেন আরবদের নির্ধারিত মাপের সাথে তার পার্থক্য অতি সামান্য; ঐতিহাসিক গিবনের মতে উহা সম্পূর্ণ ঠিক।*

এই সময়েই মুসলিম বৈজ্ঞানিকগণ পৃথিবীর গতি সম্বন্ধেও স্থির নিশ্চয়

* (The measurement of a degree which they effected approximates very nearly to the one accepted by modern science; Scott; III 460. "His" mathematicians accurately measured a degree" Gibbon VI 35).

হন। কিন্তু এর সাত শত বৎসরের অধিককাল পরে পৃথিবী সূর্যের চারিদিকে ঘুরছে বলে প্রচার করায় ক্রনোকে ইতালী থেকে সুইজারল্যান্ড, ফ্রান্স, জার্মানী, ইংল্যান্ড প্রভৃতি বিভিন্ন দেশে পালিয়ে বেড়াতে হয়। ইতালীতে প্রত্যাবর্তন করলে তাঁকে কারাগারে নিক্ষেপ করা হয় এবং অবশেষে তাঁকে ধর্মজোহী বলে জীবন্ত দফ্ন করা হয়। 'সূর্য স্থির, পৃথিবী গতিশীল' এই মতবাদের জন্ম গ্যালিলিও ইংকুইজিশানের হাতে নানা প্রকার অপমান ও দীর্ঘ কারা যন্ত্রণা ভোগ করেন। ১৬৩৭ খৃঃ অব্দে তিনি সম্পূর্ণ অন্ধ হয়ে পড়েন এবং কিয়ৎকাল পরে বধিরও হন। ১৬৪২ খৃঃ অব্দে বন্দীশালাতেই তাঁর মৃত্যু হোলে, ইংকুইজিশানের কর্তারা দেবোদ্দেশ্যে উৎসর্গীকৃত ভূমিতে তাঁর মৃতদেহ সমাহিত করতে নিষেধ করেন। তাঁর বন্ধুরা শাস্তাক্রমে একটি স্মৃতিস্তম্ভ নির্মাণ করতে চাইলে পোপের আদেশে তাও নিষিদ্ধ হয়। এর সঙ্গে মুসলিম বৈজ্ঞানিকদের অদৃষ্টের কথা বিবেচনা করলে সত্যিই আশ্চর্য হতে হয়। তখনকার মুসলমানদের ধর্মোপাদনা কম ছিল না কিন্তু কোন মুসলমান বৈজ্ঞানিকই ধর্মমত ছাড়া শুধু বৈজ্ঞানিক মতবাদের জন্মই ধর্মের নামে কোন নিগ্রহ সহ্য করেন নাই। শুধু ধর্মমত ছাড়া অল্প কোন বিষয়ে পূর্বেকার মতাবলীর সঙ্গে বিসাদৃশ্যের জন্মই কোন প্রকার নির্ধাতন কারুর উপর হয় নাই বললে অতিশয়োক্তি হবে না।

যাহোক পৃথিবীর আকার সম্বন্ধে মুসলিম বৈজ্ঞানিকদের কোন অস্পষ্ট ভাবের জড়তা ও সন্দ্বিগ্নতা যে ছিল না আলমামুনের সময়কার বৈজ্ঞানিকদের প্রচেষ্টা থেকেই সে বিষয় স্পষ্টরূপে উপলব্ধি করা যায়। তারতবর্ষে এ সত্যের আবিষ্কার হোলেও প্রচার হোতে পারে নাই কেন বোঝা যায় না। ইংরেজ আগমনের পূর্ব পর্যন্ত পৃথিবী পাতার মধ্যেই এ নিবন্ধ ছিল। সর্বসাধারণে বা বৈজ্ঞানিকেরাও এ সত্যকে বিশেষ আমল দিয়েছেন বলে মনে হয় না। টলেমী পৃথিবীর গোলাকার বলে প্রমাণ করলেও তার পরে আর এ নিয়ে বিশেষ কাজ হয় নাই। মুসলিম বৈজ্ঞানিকদের মধ্যে বনিমুসা আত্ফ্রয়ই একে সুন্দরভাবে কাজে লাগিয়ে নিয়েছেন। তাঁরা এই মতবাদের উপর ভিত্তি করেই পৃথিবীর আয়তন ইত্যাদি নিয়ে পরীক্ষা কার্য চালান।

এই সময় বৈজ্ঞানিকদের বিশেষ করে বনিমুসা আত্ফ্রয়ের কার্যকারণের ধারার প্রতি লক্ষ্য করলে স্পষ্টই ধারণা হয় যে বর্তমান বৈজ্ঞানিক-প্রণালী

অপেক্ষা তাঁদের প্রশালী কোন প্রকারেই নিকৃষ্ট ছিল না বরং তখনকার দিনের বৈজ্ঞানিকদের অভাব অভিযোগ ও অশুবিধার কথা বিবেচনা করলে আজকালকার অনেক বড় বড় বৈজ্ঞানিকের বিজ্ঞান প্রতিভার চেয়ে তাঁদের প্রতিভা কোন অংশে কম ছিল না বলে নিঃসন্দেহে ধরে নেওয়া যায়। দূরবীক্ষণ যন্ত্র তখনও আবিষ্কৃত হয় নাই। দূরবীক্ষণ ছাড়াও শুধু চোখে গ্রহনক্ষত্রাদির গতিবিধি নিরীক্ষণ করা কম প্রতিভার পরিচয় নয়। এ সম্বন্ধে তাঁদের আবিষ্কৃত তথ্যসমূহ শুধু যে তখনকার দিনের জ্ঞানই সঠিক বলে বিবেচিত হয়েছে তা নয়, পাশ্চাত্য জগতের বর্তমান বৈজ্ঞানিক পরিস্থিতিতে নিরূপিত ফলাফলের সঙ্গে সেগুলোর খুব সামান্যই গরমিল আছে।

ক্রান্তিবৃত্তের তীর্যকতা (The obliquity of the Ecliptic) সম্বন্ধে এখনকারও সন্দেহের অবকাশ নাই কিন্তু পূর্বেকার বৈজ্ঞানিকদের সে জ্ঞান অল্পই ছিল এমন কি ছিল না বললেই চলে। জ্যোতির্বিজ্ঞানে এ সম্বন্ধে প্রথম আলোচনা হয় এই ভ্রাতৃত্বের দ্বারা। চক্রবাল থেকে চন্দ্রের ভ্রমণের হ্রাস বৃদ্ধি পর্যবেক্ষণ (variation of the lunar altitude), অপভূ (Apogee), অণুভূ (Perigee) প্রভৃতি আরও কয়েকটি নব আবিষ্কারের জন্ম মুসা ভ্রাতৃত্বের নাম বিজ্ঞান জগতে অমর হয়ে রয়েছে। জ্যোতির্বিজ্ঞানের ইতিহাস পৃথিবীর সভ্যতার ইতিহাসের সঙ্গে বিজড়িত। মানুষের জ্ঞানের উন্মেষের সঙ্গে সঙ্গে জ্যোতির্বিজ্ঞানের আলোচনা আরম্ভ হয়েছে বললে অত্যাুক্তি হয় না। কিন্তু এঁদের পূর্বে এসব বিষয়ে কারুর নজর পড়ে নাই। বৎসরের দুইদিন দিবরাত্রি সমান। জ্যোতির্বিজ্ঞানের সংজ্ঞা অনুসারে সেই দুই দিনই পৃথিবীর বিষুবরেখা ও আয়নমণ্ডলীর সংযোগস্থলে অবস্থান করে। পৃথিবীর গতির সঙ্গে সঙ্গে এই সংযোগস্থলেরও পরিবর্তন হয় এ বর্তমান বিজ্ঞানের স্থির সিদ্ধান্ত। পুরাকালের বিজ্ঞানে এ সম্বন্ধে কোন আলোচনা দেখা যায় না। এ প্রথম আবিষ্কৃত হয় বনি মুসা ভ্রাতৃত্বের দ্বারা। তাঁদের মধ্যে কে এ বিষয়ে গবেষণা করেছিলেন সে ঠিক জানা যায় না। যতদূর মনে হয় তিন ভ্রাতা এক সঙ্গেই গবেষণা করতেন, এক সঙ্গেই মান মন্দিরে সূর্য গ্রহ নক্ষত্রাদির গতিবিধি নিরীক্ষণ করতেন, শেষকাল পর্যন্ত তিন ভ্রাতার নামেই সমস্ত আবিষ্কার লিপিবদ্ধ হয়ে গেছে। জ্যোতির্বিজ্ঞানের অগুণতম আবশ্যকীয় প্রতিজ্ঞা হোল অপভূ (Apogee) এবং অণুভূ (Perigee), পৃথিবী থেকে সূর্যের দূরতম ও নিকটতম

স্থান। এই অপভূ এবং অণুভূ সাধারণের মতে স্থির থাকা উচিত কিন্তু বৈজ্ঞানিকদের মতে তারা একেবারে স্থির নিশ্চল নয়। এদের জাম্যমান অবস্থা আজকালকার পরীক্ষিত সত্য কিন্তু নবম শতাব্দীর পূর্ব পর্যন্ত পৃথিবীর বৈজ্ঞানিকদের এ সম্বন্ধে স্পষ্ট কোন ধারণা ছিল না। প্রথম বনি মুসা ভ্রাতৃত্বয়ই এ বিষয় বৈজ্ঞানিকদের জ্ঞানগোচর করেন। এ থেকে মনে হয় পৃথিবী সূর্যের চারদিকে যে বৃত্তপথে ঘোরে না, এ তাঁরা অস্বীকার করে নিয়েছিলেন। তাঁদের বহু পরেও টাইকো ব্রাহে ও কোপার্নিকাস পৃথিবী বৃত্তাকার পথে ঘোরে মনে করে বিজ্ঞানের অগ্রগতির পথে অনেকটা বাধা সৃষ্টি করেন। যতদূর জানা যায় তাঁরা প্রথম সামারাকেই জ্যোতির্বিজ্ঞানের নিরীক্ষণ কার্যের কার্যক্রেত্ররূপে মনোনীত করেন এবং এই স্থানেই তাঁদের প্রথম গবেষণার কাজ চালান। একাদশ শতাব্দীর বিখ্যাত বৈজ্ঞানিক ইবনে ইউনুসের গ্রন্থে তাঁদের প্রণীত জ্যোতির্বিজ্ঞান তালিকার ও সূর্য সঙ্গীয় নানা তথ্যের বহু উল্লেখ পাওয়া যায়।

Geodesy বা art of surveying সম্বন্ধে তাঁর একখানি সুন্দর গ্রন্থের সন্ধান পাওয়া যায়। কেউ কেউ কোন কারণ না দেখিয়েই এ ইউক্লিডের প্রণীত বলে ধারণা করে নিয়েছেন।

এই তিন ভ্রাতার কার্যাবলীর পরিচয় পাওয়া যায় নবম শতাব্দীর শেষভাগ পর্যন্ত। তাঁদের মৃত্যুর সঠিক তারিখ এখনও জানা যায় নাই। তবে যতদূর জানা যায় আবু জাফর মোহাম্মদ ৮৭২-৩ অব্দে মৃত্যুমুখে পতিত হন।

গ্রীক বিজ্ঞানের অমোঘ প্রভাবের কথা পূর্বেই বলা হয়েছে। যদিও অনেক আগে থেকেই গ্রীকবিজ্ঞান গ্রন্থাবলী আরবীতে অনূদিত হওয়া শুরু হয়েছিল তবুও নবম শতাব্দীর শেষভাগ পর্যন্ত তার মোহ শেষ হয় নাই। বনি মুসা ভ্রাতৃত্বয়ও গ্রীকবিজ্ঞানের কতকগুলি বিখ্যাত ও দরকারী গ্রন্থের আরবী অনুবাদ করেন।

বিজ্ঞানের বিভিন্ন বিভাগের আলোচনায় একই সঙ্গে মনোনিবেশ করা তখনকার বৈজ্ঞানিকদিগের এক ধর্ম ছিল। মুসলিম বৈজ্ঞানিকদিগের বিজ্ঞান আলোচনার শুরু থেকে প্রায় প্রত্যেক স্তরেই এই মিশ্রিত আলোচনার সন্ধান পাওয়া যায়। তখনকার দিনে এর যতই দরকার থাক না কেন, এতে যে বৈজ্ঞানিকগণ বিশেষ সফলকাম হন নাই সে ঠিকই। একই বিষয়ে বিশেষভাবে

মনোনিবেশ করলে যেমন সুবিধা হোত, জ্ঞানের ভাণ্ডার তাঁদের নিকট যতটা উন্মুক্ত হোতে পারত, নানা বিষয়ে মনোনিবেশ করায় তা হোতে পারে নাই। তবে একটি বিশেষত্ব তখনকার বৈজ্ঞানিকদের বিশেষ প্রশংসার বিষয়। যদিও তাঁরা প্রত্যেকেই বিজ্ঞানের প্রায় সকল বিষয় নিয়েই আলোচনা করেছেন তবুও তাঁদের মধ্যকার অধুনা পরিচিত বৈজ্ঞানিকদের বিজ্ঞানের কোন বিভাগের দানই উপেক্ষণীয় নয়। মুসা ভ্রাতৃত্বের বিজ্ঞানে দানের কথা বিবেচনা করলেই একথা সম্যক উপলব্ধি করা যায়। পূর্বকার বৈজ্ঞানিকদের অল্প অল্পকরণে ভ্রাতৃত্বের বাদ যান নাই। তাঁরাও চিকিৎসা প্রশালী, জ্যামিতি, কনিক, পরিমিতি (mensuration), প্রভৃতি বিষয়ে কতকগুলি গ্রন্থ প্রণয়ন করেন। তাঁদের সমতলভূমি ও গোলকখণ্ডের পরিমাপ সহজীয় পুস্তকগুলির একখানি জিরাড "Liber Trium Eratrum" নাম দিয়ে লাটিনে অল্পবাদ করেন। পুস্তকখানি গ্রন্থকারদের পরিমাপ বিষয়ে উচ্চ জ্ঞান এবং সঙ্গে সঙ্গে বিষয়টি বুঝাবার অসামান্য ক্ষমতার পরিচয় দেয়।

বিজ্ঞানের প্রায় সব বিভাগেই ভ্রাতৃত্বের প্রতিভার নিদর্শন বিদ্যমান। পূর্বে উল্লিখিত বিষয়গুলি ছাড়া জ্যামিতি ও বলবিজ্ঞানেও তাঁদের উচ্চ জ্ঞানের পরিচয় পাওয়া যায় তাঁদের রচিত গ্রন্থাবলী থেকেই। মুসলিম বৈজ্ঞানিকদের মধ্যে এঁদের পূর্বে কেউ বলবিজ্ঞান (mechanics) নিয়ে আলোচনা করেন নাই। বস্তুত গ্রীক বৈজ্ঞানিক হীরোঁ (Heron) এর পরে মুসা ভ্রাতৃত্বের পূর্ব পর্যন্ত অথ কোন বৈজ্ঞানিক বলবিজ্ঞানে মৌলিকতার পরিচয় দিয়েছেন বলে মনে হয় না; এমন কি প্যাপাস (Pappus) ছাড়া আর কেউ এ সম্বন্ধে বিশেষ কিছু আলোচনাই করেন নাই। প্যাপাসও কোন বিশিষ্ট মৌলিক পন্থা আবিষ্কার করেছিলেন বলে জানা যায় না। এক কথায় বলবিজ্ঞান হীরোঁরই উদ্ভাবিত এবং মুসা ভ্রাতৃত্বের পূর্ব পর্যন্ত তাঁর প্রচারিত নিয়মাবলী ও তথ্যগুলির মধ্যেই নিবদ্ধ ছিল। হীরোঁর গ্রন্থাবলী প্রধানত ক্ষুদ্র ক্ষুদ্র যন্ত্রপাতি সম্বন্ধে। যন্ত্রপাতির নির্মাণ কৌশলে এর যতটুকু প্রয়োজন তার মধ্যেই এ সীমাবদ্ধ। মুসা ভ্রাতৃত্বের গ্রন্থাবলী ঠিক হীরোঁর পন্থা অনুসরণ করে নাই; বলবিজ্ঞানের ঔপপত্তিক নিয়ম কান্নন, স্ক্ফন স্ক্ফন যন্ত্রপাতির নির্মাণ কৌশল প্রভৃতি বিষয় নিয়ে মৌলিক দান সম্ভারে তাঁদের গ্রন্থগুলি পরিপূর্ণ। বর্তমান বলবিজ্ঞানের, বিজ্ঞান হিসাবে প্রাণ প্রতিষ্ঠা

হয় মুসা ভ্রাতৃত্বের হাতে। হীরোর গ্রন্থই তাঁদের এ নতুন পথে অনুপ্রাণিত করেছিল কিনা সে সম্বন্ধে যথেষ্ট মতভেদ দেখা যায়। তবে এই সময়েই কুস্তাবিন-সুকা আলবালবেকী কতৃক হীরোর গ্রন্থখানি আরবীতে অনুদিত হয়। এরই উপর নির্ভর করে অনেকে মুসা ভ্রাতৃত্বের অনুপ্রেরণার উৎস হিসাবে হীরোর নাম করেন। যা হোক এই গ্রন্থখানিই মুসা ভ্রাতৃত্বের অনুপ্রেরণা যুগিয়েছিল বলে ধরে নিলেও, তাঁদের অনুসৃত পন্থা যে হীরোর প্রচারিত তথ্যাদি থেকে সম্পূর্ণ পৃথক সে কথা অস্বীকার করবার উপায় নাই। হয়ত শুরুতে সম্পূর্ণরূপে উপেক্ষা করেই শিষ্যরা নিজেদের পথ রচনা করেন এবং মত সূত্রাঙ্কিত করে বলবিজ্ঞানে নবজীবন দান করেন। নানাপ্রকার সূক্ষ্ম সূক্ষ্ম স্বয়ং গতিশীল (automata) যন্ত্রপাতি নির্মাণে তাঁদের অদ্বুত জ্ঞানের পরিচয় পাওয়া যায়। তবে শুধু মুসা ভ্রাতৃত্বই নয়, সাধারণত আরব বৈজ্ঞানিকেরা সূক্ষ্ম সূক্ষ্ম যন্ত্রপাতি নির্মাণে বিশেষ সিদ্ধহস্ত ছিলেন। যন্ত্রপাতি নির্মাণে এই অসাধারণ ইঞ্জিনিয়ারিং বুদ্ধি দেখে অনেকেই তাঁদের ঔপপত্তিক উন্নত চিন্তা সম্বন্ধে সন্দেহান হয়েছেন। এ সন্দেহ যে কতখানি অমূলক সে হয়ত আর বলতে হবে না।

জ্যামিতি মুসা ভ্রাতৃত্বের পূর্বেই মুসলিম বৈজ্ঞানিকদের দৃষ্টি আকর্ষণ করেছিল এবং উত্তরোত্তর নব নব জ্ঞান ও নব নব আবিষ্কারে উচ্চ পথেই চলছিল। এই ক্রমপরিবর্তন শাখা মুসা ভ্রাতৃত্বের কৃতিত্বে আরও উজ্জ্বল হয়ে উঠে। কোণকে দ্বিখণ্ডে বিভক্ত করা অধুনা ম্যাট্রিকের ছাত্রের অবশ্য জ্ঞাতব্য। এর উদ্ভাবন কর্তা হলেন ইউক্লিড। এই দ্বিখণ্ড হতে চতুর্থ খণ্ড করা বা তার দ্বিখণ্ড চতুর্গুণ ইত্যাদি খণ্ডে বিভক্ত করা সম্ভবপর, কিন্তু কোন কোণকে তিন খণ্ডে বিভক্ত করা জ্যামিতির একটি অতি উচ্চাঙ্গের বিষয়। এ সম্বন্ধে মুসা ভ্রাতৃত্ব আলোচনা করেন। Conchoid ব্যবহার করে কোণকে ত্রিখণ্ডিত করা সম্ভবপর কিনা, সে বিষয়ে বোধ হয় তাঁরই প্রথম পথ প্রদর্শক। তা ছাড়া তাঁরা বাহুর পরিমাপ দিয়ে ত্রিভুজের ক্ষেত্রফল বের করবার বিখ্যাত ফরমুলাটিও আবিষ্কার করেন। তাঁদের প্রণীত জ্যামিতির গ্রন্থখানিতেই ফরমুলাটি সন্নিবেশিত রয়েছে।

মুসা ভ্রাতৃত্ব জ্ঞানবিজ্ঞানের ভাণ্ডারে যে সমস্ত অপূর্ব রত্নসম্ভার উপহার দিয়েছেন তার পূর্ণ বিবরণ দেওয়া এখানে সম্ভবপর নয়। তা ছাড়া সবগুলির পরিচয়ও পাওয়া যায় নাই। তাঁদের প্রণীত সমস্ত গ্রন্থাবলীর অনুবাদ প্রকাশিত

হোলে বুঝা যাবে তাঁদের সাধনা কত উচ্চাঙ্গের। এ পর্যন্ত তাঁদের যে সমস্ত গ্রন্থাবলীর পরিচয় পাওয়া গিয়েছে তার মধ্যে পূর্বে বর্ণিত গ্রন্থাবলী ছাড়া ফারাস্তন (the book on the balance), গোলকের পরিমাপ সম্বন্ধীয় গ্রন্থ (The book on the measurement of the sphere), দুইটি নির্দিষ্ট সংখ্যার মধ্যকার সমানুপাত নির্ণয় বিষয়ক গ্রন্থ (the book on the determination of mean proportionals between two given quantities) প্রধান। অঙ্কশাস্ত্রের ভিন্ন ভিন্ন বিভাগের মধ্যকার কৃত্রিম পার্থক্য মুসলিম বৈজ্ঞানিকদের হাতে নিমূলভাবে ধ্বংস প্রাপ্ত হয়, তাই শুদ্ধ জ্যামিতি বা শুদ্ধ বীজগণিত বলতে তাঁদের কারুর কোন গ্রন্থের পরিচয় পাওয়া যায় না। আংশিকভাবে ভারতীয় এবং গ্রীক পন্থার অনুসরণে শুদ্ধ জ্যামিতির আলোচনা হয়েছে এ পর্যন্ত এমনি দুইখানা গ্রন্থের সন্ধান পাওয়া গিয়েছে। এর একখানা এই ভ্রাতৃত্বেরই কৃত। এর ইংরেজী অনুবাদের নাম হোল "The book of the science of the mensuration of plane and spherical figures" এখানা জির্ডার্ড কর্তৃক ল্যাটিনে অনূদিত হয়। এই ল্যাটিন অনুবাদ ভিত্তি করে M. Curtze একখানি জার্মান অনুবাদ প্রকাশ করেন। এতে সর্বসমেত ১৮টি প্রবন্ধের সমাবেশ করা হয়েছে। বৃত্তের পরিধি, ত্রিভুজের তিনটি বাহু থেকে তার পরিধি নির্ণয়, শঙ্কুর (Cone) আয়তন, গোলকের বাহির ও অভ্যন্তরীণ আয়তন, কোণের ত্রিখণ্ডীকরণ প্রকৃতি বিষয় সম্পূর্ণ গ্রীক ধারামুযায়ী বীজগণিতের ছোঁয়াচ এড়িয়ে এতে আলোচিত হয়েছে। কনিক সম্বন্ধে আর একটি বিষয় উল্লেখ করেই এ সম্বন্ধে এখানে সমাপ্ত করা যাবে। উপবৃত্ত (Ellipse) গঠন প্রণালীতে মৌলিক এক পন্থার উদ্ভাবনের সঙ্গেই এই ভ্রাতৃত্বের নাম বিজড়িত। দুইটি কেন্দ্রের সঙ্গে রশি জড়িয়ে উপবৃত্ত অঙ্কন করবার যে নিয়মটি আজকাল সাধারণের পরিচিত সেটির আবিষ্কার হোলেন এই ভ্রাতৃত্বেরই। উপবৃত্তের সাধারণ ধর্মগুলির প্রতি লক্ষ্য রেখেই এই অঙ্কন প্রণালী আবিষ্কৃত হয়েছে। সাধারণত জ্যামিতিক অঙ্কনের গঠনের উপর নির্ভর করে ধর্মের বিচার হয় কিন্তু উপবৃত্তের বেলায় সে নিয়ম খাটে নাই। এখানে ধর্মের উপর নির্ভর করেই গঠন-প্রণালী স্থিরীকৃত হয়েছে।

বনি মুসা ভ্রাতৃত্ব রাজনীতিতেও এক বিশিষ্ট অংশ গ্রহণ করেছিলেন এবং বোধ হয় এই ক্ষেত্রেই রাজজ্যোতির্বিদ হিসাবে তাঁরা অগাধ ধনসম্পত্তির অধিকারী

হন। তবে বিজ্ঞানে অমুরাগ তাঁদের এই অর্থ ভোগবিলাসে ব্যয় হতে দেয় নি। গ্রীক গ্রন্থাদি সংগ্রহ এবং পূর্বকার বিজ্ঞান অমুশীলী স্থান সমূহে পরিভ্রমনের নেশা অল্প বয়সেই তাঁদের পেয়ে বসে। এতে যে তাঁদের কোষাগারের একটি মোটা অঙ্কে টান পড়ত সে ঠিকই। এ ছাড়া মানমন্দির নির্মাণ এবং পর্যবেক্ষণাদি কার্যের জ্ঞাও বেশ ব্যয় হোত। নিজেদের বিজ্ঞান পিপাসা পরিতৃপ্ত করবার জ্ঞে রাজকীয় মানমন্দির থাকা স্বেও তাঁরা বাগদাদে নিজেদের গৃহেই তাইগ্রীসের পারে “বাবেল তাকে” একটি মানমন্দির স্থাপন করেন এবং ৮৫০ থেকে ৮৭০ খুঃ অব পর্যন্ত অক্লান্ত অশ্রান্ত ভাবে পর্যবেক্ষণ কার্য চালান। এমনি অধাবসায়ের মধ্যে ভোগ বিলাসের আকাঙ্ক্ষা যে ক্ষীণ উঁকি দিতেও সাহস পায়নি সে বলাই বাহুল্য। ভ্রাতৃত্বের আরক কার্যাবলী তাঁদের শিষ্যবর্গ কর্তৃক অনুমৃত হোতে থাকে। শিখ্রমণ্ডলীর মধ্যে আলনাইরেজী এবং মোহান্দ ইবনে ইসা আবু আবহুল্লার নাম বিশেষভাবে উল্লেখযোগ্য।

জ্ঞান-বিজ্ঞানের উন্নতির সাজা শিক্ষিত সমাজেও চাকল্য জাগিয়ে তোলে। শিক্ষিত সমাজেও এই সময় থেকে আদিব ও আলেমের প্রভেদ গড়ে উঠে। যারা বিজ্ঞান, দর্শন ইত্যাদি কোন এক শাখায় বিশেষত্বের পরিচয় দিতেন বা কোন এক বিষয় নিয়ে গবেষণায় রত থাকতেন তাঁদের বলা হোত আলেম; এবং যারা কোন এক বিশেষ বিষয় না নিয়ে সমস্ত বিষয়েই সাধারণভাবে আলোচনা করতেন তাঁদের বলা হোত আদিব। তবে আলেম ও আদিবের মধ্যে সূক্ষ্ম পার্থক্য করা মুশ্কিল। যদিও সাধারণত প্রসিদ্ধ প্রসিদ্ধ ধর্মশাস্ত্রবেত্তা ও বৈজ্ঞানিক-গণকে আলেম শ্রেণীতে ফেলা হোত তবুও তাঁদিগকে অন্তত বৈজ্ঞানিকগণের প্রায় সকলকেই, তাঁরা জ্ঞান বিজ্ঞানের প্রত্যেক বিভাগে সমজ্ঞানের অধিকারী হওয়াতে এবং কোন এক বিশেষ বিষয়ে সম্পূর্ণভাবে আবদ্ধ না থেকে সব বিষয়ে আলোচনায় যোগ দেওয়াতে, আদিবের মধ্যেও গণ্য করা যায়। যাহোক এ নিয়ে বিশেষ চুলচেরা কোন হিসেব করা হোত বলে মনে হয় না।

ছাবেত ইব্নে কোরা

সুপ্ত প্রতিভাকে জাগ্রত করতে বাইরের সাহায্যেরও অনেক সময় দরকার। অস্তুত যেখানে নানা ঘাত প্রতিঘাতের নিম্পষণে প্রতিভার ফুটনের কোন সুযোগই হয় না, অখ্যাত অজ্ঞাত থেকে নিমজ্জিত হওয়ার সম্ভাবনা বেশী, সেখানে দরকার কারুর মঙ্গলস্পর্শে আত্মবিশ্বাসের হাত থেকে সে প্রতিভাকে নিকৃতি দেওয়া; তবেই সে ফুটবার সুযোগ পায়। উপযুক্ত সুযোগ না পেয়ে অনেক প্রতিভা অমানিশার অন্ধকারের অস্তরালেই থেকে যাচ্ছে বাইরের সূর্যের আলো দেখবার সুযোগ আর জীবনে আসে নাই। এ শুধু যুগ বিশেষের কথা নয়, সময় বিশেষের কথা নয়, প্রতি যুগে যুগেই এমনি চলে আসছে। কেউ হঠাৎ কোন অজ্ঞাত কারণে সেই অদ্ভুত প্রতিভার সংস্পর্শে এসে পড়লেই হয় তার মুক্তি, জগৎ পায় তার সন্ধান, তার কীর্তিকলাপ হয় ভাঙ্গর ও দীপ্তিময়। এমনিভাবেই নবম শতাব্দীর অন্ততম শ্রেষ্ঠ বৈজ্ঞানিক ছাবেত ইব্নে কোরার সুপ্ত প্রতিভার মুক্তি ঘটে এবং তিনি বিজ্ঞান জগতে অক্ষয় কীর্তি স্থাপন করতে সমর্থ হন।

ছাবেত ইব্নে কোরার পূর্ণ নাম হোল আবু হাসান ছাবেত ইব্নে কোরা ইব্নে মারওয়ান আলহারবানি। মেসোপটেমিয়ার অন্তর্গত হাররানে জন্মগ্রহণ করেন বলে আলহারবানি নামেও তিনি পরিচিত। হাররান তখনকার দিনে গ্রহ উপগ্রহের পূজার পীঠস্থান বলে খুবই বিখ্যাত ছিল। এখানকার এক অভিজাত বংশে ছাবেতের জন্ম হয়। অভিজাত বংশের বংশধর হিসাবে প্রথম বয়সে তিনি বাগদাদে যেয়ে কিছুকাল শিক্ষা লাভ করেন। প্রধানত দর্শন ও অঙ্কশাস্ত্র তাঁর অধ্যয়নের বিশেষ বিষয় ছিল। দেশে ফিরে এসে তিনি প্রথম টাকার দালালির (Money changer) ব্যবসা করতে থাকেন এবং সঙ্গে সঙ্গে তাঁর দর্শনের মতবাদ প্রচার করা শুরু করেন। ব্যবসা সহ হোলেও তাঁর দর্শনের উদার মতবাদ আত্মীয় স্বজন ও দেশবাসীর সহ হোল না। তিনি বিচারালয়ে অভিযুক্ত হোলেন। আদালতের রায় হোল সমস্ত মতবাদ পরিবর্তন করতে হবে। প্রতিভা যার মধ্যে থাকে তাকে কেউ দমিয়ে রাখতে পারে না। আদালতের রায়ের মর্ম

শুনে ছাবেত হাররান থেকে পালিয়ে সুদূর দারার নিকটবর্তী কাফারতুসায় চলে গেলেন এবং জীবিকা উপার্জনের জন্তু চিকিৎসা ব্যবসা আরম্ভ করলেন। এইখানেই মোহাম্মদ বিন মুসা বিন শাকীরের সঙ্গে তাঁর দেখা হয়। মোহাম্মদ গ্রীক পণ্ডিতদের বিজ্ঞান গ্রন্থাবলীর অনুসন্ধানে বাইজানটাইন ভ্রমণ করে তখন বাগদাদে ফিরছিলেন। পশ্চিমধ্যে এই অক্ষুট জলন্ত প্রতিভার সঙ্গে সাক্ষাৎ। জহরী জহর চেনে। প্রথম আলাপেই ছাবেতের বুদ্ধিমত্তা ও প্রগাঢ় জ্ঞানস্পৃহা দেখে, মোহাম্মদ তাঁকে সঙ্গে করে বাগদাদে নিয়ে আসেন। তখন থেকে জীবনের অধিকাংশ কালই ছাবেত এখানেই অতিবাহিত করেন। তবে সুদূর পল্লীর জন্মভূমি তাঁর মনের ভিতর এক আগ্রহ সব সময়েই উন্মুখ করে রেখেছিল। তাই জীবনের শেষ অংশে শশুশ্রামল পল্লীর ক্রোড় তাঁকে সহরের বিলাসিতা ও আরাম ঐশ্বর্ঘ্যের মধ্যে থেকেও টেনে নিতে সক্ষম হয়েছিল। মৃত্যুর পূর্বে শেষ কয়েক বৎসর তিনি হাররানেই অতিবাহিত করেন। ছাবেতের বংশে উত্তরকালে অনেক বিখ্যাত বিখ্যাত বৈজ্ঞানিক জন্মগ্রহণ করেছিলেন। দশম শতাব্দীর বিখ্যাত গাণিত্যবিদ ইব্রাহিম ইবনে জহরান আবু ইসহাক আলহাররানী এই হাররানেরই অধিবাসী এবং ছাবেতের অধস্তন পুরুষ।

ছাবেত খুব সম্ভব আলমামুনের রাজত্বকালে ৮২৬ খৃষ্টাব্দে জন্মগ্রহণ করেন (অনেকের মতে তাঁর জন্ম সন হোল ৮৩৬ খৃষ্টাব্দ) এবং ৯০১ খৃষ্টাব্দের ১৮ই ফেব্রুয়ারি তারিখে ৭৫ বৎসর বয়সে বাগদাদেই এশ্বকাল করেন। যতদূর মনে হয় খলিফা আলমুতাজ্জিদ খলিফার পদে প্রতিষ্ঠিত হবার পূর্বেই তাঁর সঙ্গে ছাবেতের সাক্ষাৎ ঘটে মোহাম্মদের কল্যাণে। মোহাম্মদ তাঁর প্রতিভার কথা উল্লেখ করে রাজকীয় সাহায্যের জন্তু আবেদন করেন। মুতাজ্জিদ তখনও পিতার অধীন। পিতা যদিও প্রকারান্তরে খলিফা, তবুও খেলাফত অশ্বেতের নাম পরিচালিত তা ছাড়া মুতাজ্জিদও ইদানীং পিতার অসন্তোষ ভাজন হয়ে পড়েছিলেন। অধিকন্তু তখন পর্যন্ত ছাবেতের বিজ্ঞান প্রতিভারও কোন নিদর্শন পাওয়া যায় নাই। তাই খলিফা পদে প্রতিষ্ঠিত হওয়ার পূর্ব পর্যন্ত মুতাজ্জিদ ছাবেতকে তেমন সাহায্য করতে পারেন নাই। পিতার মৃত্যুর পর অকর্মণ্য পিতৃব্য সিংহাসন হতে অপসারিত হোলেই, মুতাজ্জিদ নবাবিকৃত বৈজ্ঞানিক প্রতিভার দিকে মনোনিবেশ করেন এবং ছাবেতের রাজকীয় সাহায্যের ব্যবস্থা করে দেন।

বিজ্ঞানের পূর্বাপর সমস্ত খবর না রাখলে পুরোপুরি বৈজ্ঞানিক হওয়া সম্ভবপর নয়। উদ্ভাবনের ইতিহাস যিনি পুঙ্খানুপুঙ্খরূপে জানেন তাঁর পক্ষে কোন্ প্রণালীতে কি দোষ কোন্ প্রণালীতে কি গুণ জানা যেমন সম্ভবপর, পূর্ব-ইতিহাস অনভিজ্ঞ ব্যক্তির পক্ষে তেমন নয়। বিজ্ঞান শিখতে হোলে বিজ্ঞানের ইতিহাসও জানা দরকার। তখনকার দিনের বিজ্ঞান বলতে যা কিছু প্রায় সবই ছিল গ্রীক ভাষায়। যাঁরা গ্রীক ভাষায় ব্যুৎপন্ন হোতেন তাঁদের পক্ষে পূর্বাপর সঙ্গতি রেখে বিজ্ঞানের চর্চা করারও সুবিধা হোত। গ্রীসে অঙ্কের নানা শাখাপ্রশাখার মধ্যে জ্যামিতিরই সব চেয়ে বেশী উন্নতি হয়েছিল বলা চলে। মুসলিম বৈজ্ঞানিকদের মধ্যে যাঁরা জ্যামিতিতে বিশেষ প্রতিভার পরিচয় দিয়েছেন তাঁদের সবাই গ্রীকভাষায় খুবই ব্যুৎপন্ন ছিলেন। ছাবেতও সেই দলেরই। তিনি গ্রীক ও সিরিয়ান ভাষায় খুবই অভিজ্ঞ ছিলেন। পরবর্তীকালের ওমর খৈয়াম আসলে বিশিষ্ট বৈজ্ঞানিক হয়েও এবং তখনকার দিনে বৈজ্ঞানিক হিসাবে বিখ্যাত থেকেও বর্তমানে যেমন কবি হিসাবে সুপরিচিত, ছাবেতও তেমনি তখনকার দিনে একজন বিশিষ্ট প্রতিভাশালী চিকিৎসক হিসাবেই পরিচিত থাকলেও উত্তরকালে দর্শন ও অঙ্কশাস্ত্রে মৌলিক গবেষণার নিমিত্ত প্রসিদ্ধ হয়ে পড়েন। অঙ্কশাস্ত্রের মধ্যে জ্যামিতিতে তাঁর অপূর্ব প্রতিভার পরিচয় হিসাবে এইটুকু বললেই চলে যে অনেকেই তাঁকে আরবদের মধ্যে শ্রেষ্ঠ জ্যামিতিক বলে মনে করেন।

জ্যামিতির প্রথম শিক্ষা ইউক্লিডের জ্যামিতির সাহায্যেই সর্বত্র হয়ে থাকে। ছাবেতও প্রথমে সেই দিকেই মনোনিবেশ করেন। তাঁর সমসাময়িক, চিকিৎসা বিজ্ঞানে অগ্ৰতম পারদর্শী বৈজ্ঞানিক ইসহাক ইবনে হোনায়েন (ইনি ৯১০ খৃঃ অব্দে পরলোক গমন করেন) ইউক্লিডের জ্যামিতির আরবী অনুবাদ করেন। ছাবেত অনুবাদখানি সংশোধন করে এর সঙ্গে একটি উপক্রমণিকা জুড়ে দেন। এই উপক্রমণিকাতেই তাঁর প্রগাঢ় পাণ্ডিত্যের পরিচয় পাওয়া যায়। শুধু এই উপক্রমণিকা লেখাই নয়, তিনি জ্যামিতির অনেক নূতন নূতন মৌলিক বিষয় সম্বন্ধে লিপিবদ্ধ করে গেছেন। তাঁর গ্রন্থের একটি বিশেষত্ব হোল পুরাকালের মনীষীদের কার্যাবলীর উল্লেখ। বিজ্ঞানের ইতিহাসের দিক থেকে ছাবেতের গ্রন্থাবলী খুবই শিক্ষাপ্রদ বলতে হবে, তাছাড়া প্রত্যেক বিষয়ে

বিশদ ভাবে ব্যাখ্যা করে বর্ণনা করাও এর আর এক বিশেষত্ব। ছাবেত্তের জ্যামিতিক কার্খাবলী খুবই উচ্চাঙ্গের।


তৎকালীন অষ্টাঙ্গ বৈজ্ঞানিকদের মত ছাবেত্তও বিজ্ঞানের প্রায় সমস্ত বিভাগেই হস্তক্ষেপ করেছিলেন। আলমাজেস্ট (Almagest), জ্যোতির্বিজ্ঞান, কনিক, ম্যাজিক স্কোয়ার (Magic Square), Amicable Numbers প্রভৃতি সম্বন্ধেও তাঁর কতকগুলি গ্রন্থ আছে। ম্যাজিক স্কোয়ার বিভিন্ন ভাগে বিভক্ত; তার মধ্যে সাধারণ, নাসিক, সেমিনাসিক, এসোসিয়েট প্রভৃতি বিশেষ উল্লেখযোগ্য। নাসিক, সেমিনাসিক প্রভৃতি নাম হয়েছে এর ভারতবর্ষে প্রথম উদ্ভাবনের জগ্গেই। অনেকেই মনে করেন বোম্বাইএর অন্তর্গত নাসিকের কোন অক্ষশাস্ত্রবিদ দ্বারা এই এগুলির প্রথম প্রচলন হয়। তবে এই নাসিক, সেমিনাসিক ছাড়া অষ্টাঙ্গের প্রথম উদ্ভাবন কোথায় হয় সে বিষয় সঠিক কিছুই জানা যায় না। খুব সম্ভব চীনেই এর প্রথম আবিষ্কার। চীন জ্ঞান-বিজ্ঞানের জগ্গ পূর্বকাল থেকেই প্রসিদ্ধ। অনেকের মতে চীনেই অক্ষশাস্ত্রের প্রথম উদ্ভব। যাহোক চীনের পঞ্চশাস্ত্র (five canons) উকিং (Wu king) পুরাকালের জ্ঞান-বিজ্ঞানের অলম্ব সাঙ্খ্য। এই পঞ্চশাস্ত্রের মধ্যে ওন ওয়াঙ্গ (Won Wang) কর্তৃক লিখিত আই কিং (I-king) পুরাণের দিক দিয়ে তৃতীয় স্থানীয়। তিনি খুব সম্ভব খৃঃ পূর্ব দ্বাদশ শতাব্দীর লোক। পাকুয়া (Pakua) বা অষ্ট trigrames কে তিনি শেষ পর্যন্ত চৌষটি Hexagram পর্যন্ত বিস্তার করেছিলেন। পাকুয়া আমাদের অপরিচিত নয়। পথের ধারে ধারে উপবিষ্ট ভাগ্য-গণনাকারীদের হাতে যে সমস্ত পিতলের গুটি দেখা যায় তার উপরে টেলিগ্রাফের সাংকেতিক নিয়মে টরে টক্কার মত লিখিত ঝাঁকগুলিই পাকুয়া। এখানে এদের স্বরূপ দেওয়া হয়ত অপ্রাসঙ্গিক হবে না।

স্বর্গ (সকিত জল),	অগ্নি,	বজ্র	বায়ু,

বন (চন্দ্র);	পাহাড়	পৃথিবী	বৃষ্টির জল।

এই পাকুয়া থেকেই ম্যাজিক বা যাহু বিস্তার উদ্ভব। আইকিং এর

বিবৃতি অনুসারে এই ম্যাজিক স্কোয়ারের আবিষ্কার হোলেন চীন সম্রাট ইউ (yu)। তিনি নাকি একদিন পীতনদী পার হবার সময় স্বর্গ থেকে প্রেরিত এক কচ্ছপের পিঠে ম্যাজিক স্কোয়ার দেখতে পান এবং সেগুলো প্রজামণ্ডলীর মধ্যে প্রচার করেন। যা হোক এর গন্নাংশটুকু বাদ দিলে যে সারটুকু পাওয়া যায় তার মর্মার্থ হোল যে চীনে অতি প্রাচীনকাল থেকেই অধুনা প্রচলিত permutation, combination এবং Magic Square প্রচলিত ছিল। তবে আই কিং এর ম্যাজিক স্কোয়ার আর এখনকার ম্যাজিক স্কোয়ারে অনেক পার্থক্য। তখনকার দিনে সংখ্যা জানা ছিল না তাই ম্যাজিক স্কোয়ারের রূপও ছিল অল্প রকম। নিম্নের চিত্র থেকেই ব্যাপারটি ভালভাবে বোঝা যাবে।



যাহোক আই কিং এর ম্যাজিক স্কোয়ারের আলোচনার পর ভারতবর্ষ ব্যতীত আর কোথাও এর তেমন আলোচনা হয় নাই, ছাবেত্তর পূর্ব পর্যন্ত। মুসলিম বৈজ্ঞানিকগণের মধ্যে তিনিই সর্বপ্রথম এ বিষয় নিয়ে আলোচনা করেন। চীনের জ্ঞান বিজ্ঞান সম্বন্ধে মুসলিম বৈজ্ঞানিকদের কিরূপ অভিজ্ঞতা ছিল তা জানা যায় না। যদিও চীন তখনও জ্ঞান বিজ্ঞানের জগৎ পৃথিবীর সবত্রই সুপরিচিত


ছিল, তবু তার প্রকৃত স্বরূপ যতদূর মনে হয় আরব বৈজ্ঞানিকদের নিকট ছিল কিংবদন্তীর মতই। চীনের জ্ঞান বিজ্ঞানে তাঁদের প্রত্যক্ষ অভিজ্ঞতার কোন সংবাদই পাওয়া যায় না। ছাবেতের এটি নিজস্ব উদ্ভাবন না চীনের ধার করা সে সঠিক ভাবে বলা যায় না। অবশ্য অক্ষশাস্ত্র হিসাবে যদিও ম্যাজিক স্কোয়ার উচ্চাঙ্কের কিছুই নয়, তবুও গণিতশাস্ত্রের বিভিন্ন শাখার মধ্যে এও যে একটি উল্লেখযোগ্য শাখা হিসাবে প্রতিষ্ঠালাভ করে সে সম্বন্ধে সন্দেহ করবাব কিছু নেই। তা ছাড়া এর স্বাতন্ত্র্যও কোন প্রকারেই উপেক্ষণীয় নয়। ছাবেত বর্তমান ম্যাজিক স্কোয়ারের একটা স্পষ্ট রূপ দিয়েছিলেন এ কথা নিঃসন্দেহে বলা চলে।

আলখারেজমি যেমন বীজগণিতের প্রতিপাত্ত প্রমাণ করবার জন্তে জ্যামিতি বিশদ ভাবে ব্যবহার করেছেন, ছাবেত ঠিক তাঁর উল্টোমতে বীজগণিতিক সমস্যাসমূহ জ্যামিতিতে পূর্ণভাবে ব্যবহার করেছেন। তাঁর পূর্বে কেউ এমনভাবে বীজগণিতিক সমস্যাকে জ্যামিতির প্রতিপাত্ত বিষয়ের মধ্যে ঢোকান নাই। জ্যামিতির দিকে বিশেষভাবে মনোনিবেশ করলেও বীজগণিতকে যে তিনি সম্পূর্ণভাবে উপেক্ষা করেছিলেন এমন মনে করবারও কোন কারণ নাই। সমসাময়িক বৈজ্ঞানিক আলমাহানীর তৃতীয় মাত্রার সমীকরণের সমাধান প্রচেষ্টা তাঁরও দৃষ্টি আকর্ষণ করেছিল। তিনিও তৃতীয় মাত্রার কতকগুলি বিশিষ্ট সমীকরণের সমাধানের চেষ্টা করেন; তদ্ব্যতী একটি ঘনকে দুই ঘনতে বিভক্ত (Duplication of the cube) করবার পন্থা একটি। জ্যামিতির সাহায্যে এগুলোর সমাধান খুবই সুন্দর এবং বিজ্ঞান-সম্মতভাবেই হয়েছে। তবে এর কোন সাধারণ সমাধান প্রণালী তিনি ঠিক করতে পেরেছিলেন কিনা সে ঠিক জানা যায় না। তাঁর Algebraর এক অংশ প্যারিসের National Library তে রয়েছে বলে Sedillot জানিয়েছেন। এর এক পরিচ্ছেদে ত্রিমাত্রিক সমীকরণ (Cubic equation) সম্বন্ধে আলোচনা রয়েছে। জ্যামিতির সাহায্যে নিম্নভাবে এর সমাধান করা হয়েছে।

সমীকরণটি $x^3 + 6x = 20$ বা $x^3 + px = q$ ধরণের

এমন দুটো ঘন নাও যে তাদের ধারের আয়ত ক্ষেত্র (rectangle under their respective edges) হয় 2 (বা $\frac{2}{p}$) এবং তাদের ঘন এর পার্থক্য

হয় $2 \cdot (বা \ q)$ । তা হোলে x হবে দুই ঘন এর ধারের পার্থক্যের সমান।
এর জ্যামিতিক উদাহরণ হোল :—



AC একটি সরল রেখা নাও। যদি AC রেখা থেকে CB অংশ কেটে নেওয়া যায় তা হোলে AB এর উপরকার ঘন, AC এবং BC এর উপরকার ঘন এর পার্থক্যের চেয়েও কম হবে এবং সে রকমের পরিমাণ হোল AC, BC, এবং AB এর ধারের উপরকার Parallelopiped এর সমান।

Algebraর ভাষায় $(a-b)^3 = a^3 - b^3 - 3ab(a-b)$ । এ থেকেই x বেরিয়ে যাবে। ঘন দুটোর ধারের দৈর্ঘ্য বের করতে শুধু মাত্র একটি দ্বিমাত্রিক সমীকরণের সমাধান দরকার।

অঙ্কশাস্ত্রের অগুতম উচ্চশাখা Calculus এর প্রচলন করবার প্রচেষ্টাকারীদের মধ্যে ছাবেতের নামও উল্লেখযোগ্য। Paraboloid এর ঘনফল নির্ণয় করতে যেয়ে তিনি আধুনিক Calculus এর পথ প্রদর্শন করেন।

জ্যোতির্বিজ্ঞানে ছাবেতের প্রতিভার পরিচয় পাওয়া যায় সূর্যের তুল্লম্ব (altitude of the sun), সৌর বৎসর, সূর্য ঘড়ি বা ছায়াঘড়ি এবং obliquity of the ecliptic ইত্যাদির আলোচনায়। তিনি বাগদাদের মানমন্দিরে দিনের পর দিন গ্রহনক্ষত্রাদির গতিবিধি নিরীক্ষণ করে তার ফলাফল লিপিবদ্ধ করেন এবং পরে সেই সব ফলাফল থেকে বৈজ্ঞানিক সিদ্ধান্তে উপনীত হয়ে সৌর বৎসরের দৈর্ঘ্য, সূর্যের তুল্লম্ব প্রভৃতি সম্বন্ধে আলোচনা করেন। এতে তিনি যে সমস্ত তথ্য রেখে গেছেন সেগুলো আজও তাঁর অমর কীর্তি জগতে ঘোষণা করছে। দুর্ভাগ্যক্রমে তাঁর গণনায় একটি ভুল হয় কিন্তু ষোড়শ শতাব্দী পর্যন্ত এ ভুলের সংশোধন হয় নাই। ছাবেতের পরবর্তী বৈজ্ঞানিকগণ এমন কি কোপার্নিকাস পর্যন্ত এ ভুলকেই ঠিক বলে মেনে নিয়েছেন। ছাবেতের বৈজ্ঞানিক বিচক্ষণতার অভাবই যে এ ভুলের জন্ম দায়ী এ রকম ধারণা করা খুবই অগ্রায় হবে। প্রথম আবিষ্কারের ভুল হওয়ার সম্ভাবনা অনেক বেশী। অজ্ঞানিতকে জানার মধ্যে টেনে আনতে ভুলচুক হওয়া বিশ্বয়কর নয়। সে হিসাবে ছাবেতের গণনায়ও একটু আধটু ভুল থাকি স্বাভাবিক কিন্তু তাতে তাঁর প্রতিভার মুগ্ধতা প্রকাশ পায় না। তাঁর নির্ণীত ক্রান্তিবৃত্তের

তীর্থকতার মান হোল $২৩^{\circ} ৩৩' ৩২''$ । তিনি প্রস্তাব করেন যে সমরাত্রিদিন বিন্দুর (equinoctical points) পরিবর্তে স্থির নক্ষত্রের সঙ্গে সামঞ্জস্য রেখে সূর্যের গতি ঠিক করা উচিত; কেননা বিষুবীয় বিন্দুগুলি স্থির থাকে না। তাঁর নির্ণীত নাক্ষত্রিক বৎসরের (Siderial year) পরিমাপ বর্তমানে নির্ণীত পরিমাপের প্রায় কাছাকাছি। বোসো Bossaut অবশ্য তাঁর এই নির্ণীত ফলকে একটি আকস্মিক ঘটনা (chance) মাত্র বলে ধরে নিয়েছেন। তিনি তাঁর এ ধারণার কারণ স্বরূপ বলেছেন যে আরবেরা সাধারণত টলেমীর অনুসরণ করতেন। টলেমীর এ সম্বন্ধে স্পষ্ট কোন ধারণা ছিল না। ছাবেতেরও নক্ষত্রের অবস্থান সম্বন্ধে বিশেষ স্পষ্ট ধারণা ছিল না। হিপারকাস এবং টলেমীর মত তিনিও মনে করতেন যে এগুলি পশ্চিম থেকে পূর্ব দিকে যায়। তবে তিনি এরই সঙ্গে ঠিক করেন যে কিছুদিন পরে এগুলি আবার পূর্বস্থানে ফিরে আসে এবং আবার পূর্বের মত চলতে থাকে, পুনরায় প্রত্যাবর্তন করে। অর্থাৎ এই ভাবেই এগুলো পর্যায়ক্রমে প্রত্যেক পথে যাতায়াত করে। এই থেকেই Trepidation উপস্থিত হয়। বোসো একে 'Chance' বলে বৈজ্ঞানিকের বিজ্ঞান প্রতিভা খেলো করতে চেয়েছেন কেন সে বোঝা মুশ্কিল। ছাবেত টলেমীর মত অনুসরণ করেও তারই মধ্যে বোসোর বর্ণনা অনুসারেই যে মতবাদ ঢুকিয়ে দিয়েছেন সেটাকে নির্ভর্য নগ্ন বলা চলে না। তখনকার দিনের যত্নপাতির কথা বিবেচনা করলে এতে বরং বৈজ্ঞানিক বিশ্লেষণের বিশেষ উচ্চ স্তরের ক্ষমতারই পরিচয় পাওয়া যায়। সে হিসাবে তাঁর এই নাক্ষত্রিক বৎসরের সঠিক পরিমাপ কিছুতেই 'Chance' বলা চলে না। গ্রহ উপগ্রহাদির গতি সম্বন্ধীয় টলেমীর মতবাদকে উন্নত ও সংশোধিত করবার জ্ঞান বিষুবরেখা ও আয়নমণ্ডলের সংযোগস্থলের (কাল্পনিক) কম্পনকে (Trepidation Of Equinoxes) প্রমাণ করতে, তিনি টলেমির অষ্টমগোলকের সঙ্গে অল্প একটি গোলক সংযোগ করে দেন।

জ্যোতির্বিজ্ঞানের যত্নপাতি উন্নততর করবার জন্মেও তাঁর প্রচেষ্টার পরিচয় পাওয়া যায় তাঁর প্রণীত নূতন ধরনের গোলাকার আসতারলব (Spherical astrolabe) নির্মাণে। ত্রিকোণমিতি সম্বন্ধেও তিনি কিছু কিছু আলোচনা করেছিলেন। আলবাত্তানীর হাতে ত্রিকোণমিতির যে অভূতপূর্ব উন্নতি সাধিত

হয় তার সূত্রপাত হয় ছাবেতের আলোচনার মধ্যেই। মৌলিকতা ও বিচক্ষণতার দিক দিয়ে এগুলি বিশেষ উল্লেখযোগ্য।

সূর্য-ঘড়ি দ্বারা সময় নিরূপণ করবার প্রণালী প্রথম উদ্ভাবিত হয় মিশরে। খুব সম্ভব ঋ: পূর্ব ষোড়শ শতাব্দীতে এই ছায়া-ঘড়ি আবিষ্কৃত হয়। বার্লিনের যাহ-ঘরে সেই ছায়া-ঘড়ির একখণ্ড এখনও বর্তমান রয়েছে। মিশরের সভ্যতা বিলুপ্ত হবার পর গ্রীক-বিজ্ঞানে ছায়া-ঘড়ি সম্বন্ধে কিছু কিছু আলোচনা হয়েছিল বটে তবে তেমন বিশেষ কিছুই হয় নাই বলেই মনে হয়। মিশরের ছায়া-ঘড়ির সঙ্গে গ্রীসের ছায়া-ঘড়ির বিশেষ সামঞ্জস্য দেখা যায় না। তেমনি আবার মুসলিম বৈজ্ঞানিকদের উদ্ভাবিত ছায়া-ঘড়ি এগুলো থেকে সম্পূর্ণ পৃথক ও অভিনব। আল্ফাগানাস ও আল্খারেজমির ছায়া ঘড়ির অমুসরণ করেই ছাবেত সূর্য-ঘড়ি সম্বন্ধে আলোচনা করেন; তবে এতে তাঁর নিজস্ব মৌলিকতারও কিছু কিছু নিদর্শন পাওয়া যায়।

Irrational transversal figure সম্বন্ধে ছাবেতের কয়েকখানা গ্রন্থের সন্ধান পাওয়া যায়। অছাণ্ড গ্রন্থের মত এ গুলিতে পূর্বকার মনীষীদের বিশেষত ইউক্লিড এবং প্লেটোর অনেক নিয়ম পদ্ধতির উল্লেখ রয়েছে এবং তাঁদের প্রবর্তিত কতকগুলি নিয়ম অমুসরণ করে, গ্রন্থকার নিজের উদ্ভাবনা যোগ করে দিয়েছেন।

Amicable numbers সম্বন্ধেও ছাবেতের দান বিশেষ উল্লেখযোগ্য। তিনি amicable numbers সম্বন্ধে পূর্ব-প্রচলিত ধারণা ঝালিয়ে নিয়ে নিজস্ব মৌলিক একটি থিওরী প্রবর্তন করেন এবং এই অনুসারে নিম্নোক্ত ফরমুলাটি আবিষ্কার করেন।

যদি $p = 3 \cdot 2^n - 1$, $q = 3 \cdot 2^{n-1} - 1$, $r = 9 \cdot 2^{2n-1} - 1$ (n একটি অখণ্ড সংখ্যা) তিনটি মৌলিক সংখ্যা হয় তাহলে $2^p pq$, $2^n r$ amicable number হবে। যদি $n=2$ হয় তাহলে $p=11$, $q=5$, $r=61$ এবং $2^p pq = 220$, $2^n r = 278$

ক্যাজোরী (Cajori) মতে ছাবেত কোণকে ত্রিখণ্ডিত করেন।

অমুবাদকারী হিসাবেও ছাবেত কম যান নাই। তিনি এপোলোনিয়াসের কনিক এর পঞ্চম, ষষ্ঠ এবং সপ্তম খণ্ডের অমুবাদ করেন ও ভাষ্য লেখেন। এছাড়া আর্কিমিডিস, ইউক্লিড, থিওডেসিস এবং টলেমীর কতকগুলি গ্রন্থও অমুবাদ করেন।

আর একটি বিষয়ের উল্লেখ না করলে ছাবেতের প্রতিভার পূর্ণ পরিচয় পাওয়া যাবে না। তুলাদগুের ব্যবহার পৃথিবীতে কোন সময়ে প্রথম প্রচলিত হয় সে সঠিক ভাবে বলা যায় না। কিন্তু একটি কথা বৈজ্ঞানিকগণ এ পর্যন্ত স্বীকার করেন যে নির্দোষ তুলাদগু পাওয়া বা তৈরী করা খুবই কঠিন। কিরূপ ভাবে বিজ্ঞান সম্মত নির্দোষ তুলাদগু তৈরী করা যায় সে সম্বন্ধে আজকালও অনেক গবেষণা চলছে। নবম শতাব্দীতে যখন বিজ্ঞানের সবেমাত্র সূত্রপাত হয়েছে বললেই চলে, তখন তুলাদগুকে কিরূপভাবে বিজ্ঞানসম্মত সম্পূর্ণ নির্দোষ করে প্রস্তুত করা যায় সে বিষয়ে কোন অবতারণা করা বিশেষ প্রতিভার পরিচায়ক সম্পন্ন নাই। মুসলিম বৈজ্ঞানিকদের মধ্যে ছাবেতই সর্বপ্রথম তুলাদগু সম্বন্ধে বিশেষ ভাবে আলোচনা করেন ও একখানি পুস্তিকা প্রণয়ন করেন। এই সময়েই বনি মুসা জাতীয়ও তুলাদগু সম্বন্ধে গ্রন্থ প্রণয়ন করেন। জিয়ার্ড কতৃক ছাবেতের গ্রন্থখানি লাটিনে অনূদিত হয়। এই লাটিন গ্রন্থখানির নাম হোল Liber carastonis sire destarbera. জিয়ার্ড এবং জোহানস ছাবেতের অনেকগুলি গ্রন্থ লাটিনে অনূদিত করেন।

আবুল মাশার নবম শতাব্দীর অন্যতম বিখ্যাত মুসলিম বৈজ্ঞানিক। অগাধ কতিপয় মুসলমান নামের মত তাঁর নামও ইউরোপে ঠিক ভাবে নীত বা গৃহীত হয় নাই। তিনি ইউরোপীয় পণ্ডিতগণের নিকট আলবুমাছের (Albumaser) নামে পরিচিত। আবুল মাশারের পূর্ণ নাম হোল আবুল মাশার জাফর ইবনে মোহাম্মদ-ইবনে ওমর আল্বালখি। খোরাসানের বলখ প্রদেশে, খুব সম্ভব খলিফা হারুন-অর-রশীদের রাজত্বকালে ৭৮৬ খৃঃ অব্দে তিনি জন্মগ্রহণ করেন। জীবনের অধিকাংশ কাল বাগদাদে অতিবাহিত করে, ওয়াসিতে তিনি ৮৮৬ খৃঃ অব্দে ৮ই মার্চ তারিখে (২৭২ হিঃ ২৮শে রমজান) প্রাণত্যাগ করেন। সুদীর্ঘ একশত বৎসর কাল ব্যাপী জীবনে তিনি নানা কার্যেই ব্যাপৃত ছিলেন। অগাধ সাধারণের সাধারণ কার্যের মত সেগুলিও আজ জগতে অখ্যাত অজ্ঞাত; সে সব জানবার কেউ কোন দরকারও বোধ করে না। যা তাঁকে অমরত্ব দিয়েছে সে হোল তাঁর বৈজ্ঞানিক প্রতিভার অবদান। প্রথম জীবনে তিনি ধর্মশাস্ত্র নিয়ে আলোচনা করেন এবং হাদিস শরীফের টীকা লিখে পণ্ডিত সমাজে স্থান লাভ করতে সমর্থ হন। সাতচল্লিশ বৎসর বয়সে

তিনি বিজ্ঞান চর্চায় মনোনিবেশ করেন। যে সময়ে বুদ্ধের ধর্ম-প্রবণতা মানুষের মনে এসে উদয় হয় সেই সময়ে তাঁর বিজ্ঞানের দিকে মনোনিবেশ বিশ্বয়কর বটে। কথিত আছে যে এই সময়ে তিনি ঘটনাক্রমে বিখ্যাত দার্শনিক আলকিন্দির সংস্পর্শে এসে পড়েন এবং তাঁর শিষ্য গ্রহণ করেন। আলকিন্দিরই অনুপ্রেরণায় তিনি বিজ্ঞান আলোচনায় রত হন। অক্ষশাস্ত্রের মধ্যে জ্যোতির্বিজ্ঞান, বিশেষ করে জ্যোতিষই তাঁকে বেশী আকৃষ্ট করে এবং মানুষের ভাগ্যের সঙ্গে গ্রহ-নক্ষত্রাদির গতিবিধি, অস্ত উদয়ের কোন সন্থক আছে কিনা সেই সন্থকে গবেষণাতেই তাঁর অক্ষশাস্ত্রের দান অনেকটা সীমাবদ্ধ। তাঁর প্রণীত “জিজ্ঞ আবি মাশার” বা আবুল মাশারের তালিকা তৎকালীন জ্যোতির্বিজ্ঞানের উন্নতির পরিচায়ক। এই তালিকায় তিনি যে সমস্ত তথ্যাদি রেখে গেছেন সেগুলি সত্যিই বিশ্বয়কর। বর্তমান যন্ত্রপাতির উন্নতির সঙ্গে সঙ্গে জ্যোতির্বিজ্ঞানের প্রভূত উন্নতি হয়েছে; কিন্তু এই বৈজ্ঞানিক প্রণালীতে, সূক্ষ্ম সূক্ষ্ম যন্ত্রপাতি দ্বারা যে সমস্ত তথ্য পাওয়া যায় সেগুলোর সঙ্গে আবুল মাশারের জিজ্ঞএর তথ্যাদির খুব সামান্যই গরমিল আছে। জ্যোতির্বিজ্ঞান আলোচনার সঙ্গে সঙ্গে আনুসঙ্গিক বিষয় হিসাবে তিনি ত্রিকোণমিত্তিরও কিছু কিছু আলোচনা করেন।

জ্যোতিষী হিসাবে আবুল মাশার যে তৎকালে বেশ সমাদর পেয়েছিলেন ইবনে খাল্লিকানের বর্ণিত কাহিনী থেকেই তার প্রমাণ পাওয়া যায়। ইবনে খাল্লিকানের বর্ণনা হোল “আবুল মাশার ভবিষ্যৎ গণনায় খুবই সফলকাম ছিলেন। আমি একখানা গ্রন্থে পড়েছি যে তিনি একজন নূপতির দরবারে সভাসদ ছিলেন। এই নূপতির একজন উচ্চপদস্থ কর্মচারী কোন একটি কাজ করে শাস্তির ভয়ে লুকিয়ে থাকেন। নূপতি তাঁকে ধরতে চেষ্টা করেন। কর্মচারীটি ছিল অতি ধূর্ত। তার আশঙ্কা ছিল যে আবুল মাশার যে ভাবে জ্যোতিষ-বিজ্ঞান সাহায্যে মাটির নীচেকার লুকায়িত ধনরত্নের সন্ধান করে দেন, তেমনি ভাবে তাঁকেও জ্যোতিষ বিজ্ঞান সাহায্য বের করে ফেলবেন। তিনি জ্যোতিষীকে বিফল ও হতবুদ্ধি করে দেওয়ার ফন্দি এঁটে সব সময় একটি সোনার মোড়ার উপরে বসে থাকতেন—সোনার মোড়াটি থাকত একটি রক্তপূর্ণ পাত্রে মধ্যে। এদিকে নূপতি কর্মচারীটিকে কোনক্রমেই খুঁজে বের করতে না পেরে আবুল মাশারের শরণাপন্ন হোলেন। আবুল মাশার গণনা করে কিছুক্ষণের জন্ম নীরব হয়ে রইলেন।

নূপতি তাঁর এই নীরবতার কারণ জিজ্ঞাসা করলে বললেন “আমি যা দেখছি সে অতীব আশ্চর্য। আমরা যাকে বের করতে চাচ্ছি তিনি এক রক্ত সমুদ্রের মধ্যে সোনার পাহাড়ের উপর বসে আছেন। ছুনিয়ায় এমন কোন জায়গা আছে বলে ত আমি জানি না।” নূপতি তাঁকে আবার ভাল করে অশ্রুভাবে গণনা করে দেখতে বললেন। কিন্তু এবারেও একই ফল পাওয়া গেল। যখন কর্মচারীটিকে ধরবার আর কোন উপায়ই পাওয়া গেলনা তখন নূপতি ঘোষণা করলেন যে তাঁকে এবং তাঁর আশ্রয়দাতাকে মাফ করে দেওয়া হোল। কর্মচারীটি যখন বুঝলেন যে নূপতির এ ঘোষণার মধ্যে কোন ছল চাতুরী নেই তখন লুকান জায়গা থেকে বেরিয়ে আসলেন এবং কি ভাবে লুকিয়ে ছিলেন সে বিস্তারিত ভাবে বর্ণনা করলেন। জ্যোতিষীকে এই ভাবে হতবুদ্ধি ও বিফল করে দেবার এই অপূর্ব কৌশলের কথা শুনে নূপতি খুবই বিস্মিত হোলেন এবং কর্মচারীটির বুদ্ধি প্রশংসা করতে লাগলেন। ইবনে খাল্লিকানের মতে আবুল মাশারের সম্বন্ধে এমনি বহু কাহিনী প্রচলিত আছে।

আবুল মাশার বহু গ্রন্থ প্রণয়ন করেন। অনেকগুলির এ পর্যন্ত কোন সন্ধান পাওয়া যায় নাই। যে কয়েকখানির পাণ্ডুলিপি পাওয়া গিয়েছে তাঁর মধ্যে নিম্নলিখিত ছয়খানিই প্রধান।

(১) কিতাবুল মদখল্ আল্ কবির বা কিতাবুল মদখল ইলা এলম আহকাম আন্ নজুম (জ্যোতিষ উপক্রমণিকার বৃহৎ পুস্তক) এ খানির পাণ্ডুলিপি অক্সফোর্ডে বিদ্যমান আছে। জোহানেস ড লুনা হিসপালেনসিস্ এবং হারমানাস সেকাণ্ডাস (Hermanus Secundus) পুস্তকখানি লাটিনে অনুবাদ করেন। হারমানাসের অনুবাদখানি *Introductorium in astronomium Albumasaris Abalabhii octo continens Libros Partiales* নামে ১৩২৯ খৃঃ অকে অগসবার্গ (Augsburg) থেকে প্রকাশিত হয় এবং ১৪৯৫ ও ১৫০৬ খৃঃ অকে ভেনিস থেকে পুনর্মুদ্রিত হয়; গ্রন্থখানি মধ্যযুগে ইউরোপে খুব বেশ সমাদর লাভ করে। এতে প্রধানত জোয়ার ভাটা সম্বন্ধে কতকগুলি জ্যোতিষী খিওরী বর্ণিত হয়েছে।

(২) কিতাবুল কিরানাত (নক্ষত্রাদির অবস্থান বিষয়ক পুস্তিকা) প্যারিস ও অক্সফোর্ডে দুইখানি মূল গ্রন্থ বিদ্যমান।

(৩) কিতাবুল আহকামে সিনিল মাওয়ালিদ (জন্ম বৎসরের পরিবর্তন বিষয়ক পুস্তিকা) পুস্তকখানি “Albumsae de Magnis conjunctionibus et annorum revolutionibus ac eorum profectionibus octo continens tractatus” নামে লাটিনে অনুদিত হয়।

(৪) কিতাবুল উলুফ ফি ষয়তুঅল্ ইবাদত (ধর্ম গৃহ সঙ্কীয় সহস্র কাহিনী)। পৃথিবীতে বে সমস্ত ধর্ম গৃহ ও বিখ্যাত সৌখাদি নির্মিত হয়েছে তারই বর্ণনা। আলবেকরনী প্রণীত প্রাচীন বিজ্ঞান গ্রন্থাবলীর তালিকাতে এখানির উল্লেখ দেখা যায়।

(৫) কিতাবুল মাওয়ালিদ আর রিজাল ওয়ান্ নিসা—খুব সম্ভব এইখানাই বালিন, ভিয়েনা ও ফ্লোরেন্স থেকে “জন্ম-পুস্তক” নামে প্রকাশিত হয়েছিল। কায়রো থেকে প্রকাশিত “আল্ কিতাব ফি তামাম ওয়াল্ কামাল” নামে আবুল মাশারের অন্ত যে একখানি গ্রন্থ প্রকাশিত হয়েছিল সেখানা খুব সম্ভব এই ‘কিতাব মাওয়ালিদ আররিজাল্ ওয়ান্ নিসা’। পুস্তকের বহিরাবরণ নষ্ট হয়ে যাওয়াতেই এই নামের বিজ্ঞাট ঘটেছে।

(৬) অগসবার্গ থেকে প্রকাশিত “The Flores Albumasaris” “Flores astrologiae” নামেও অন্ত একখানি গ্রন্থের সন্ধান পাওয়া যায়। এর আরবী নাম কি তা জানা যায় নাই।

অঙ্কশাস্ত্রের মধ্যে জ্যোতির্বিজ্ঞানই প্রথম প্রথম মুসলিম বৈজ্ঞানিকদের আকৃষ্ট করেছিল। নবম শতাব্দীর শেষ পর্যন্ত জ্যোতির্বিজ্ঞানের প্রতি এই অত্যধিক আকর্ষণ সমভাবেই বিদ্যমান দেখা যায়। প্রায় সমস্ত বৈজ্ঞানিকই জ্যোতির্বিজ্ঞানে কিছু না কিছু চর্চা করেছিলেন, শুধু শিক্ষার জন্ম নয় বরং এ বিষয়ে স্বীকৃত গবেষণা করতেন। আবুল মাশারের মত শুধু জ্যোতির্বিজ্ঞান আলোচনা করেছেন, এমন অনেক বৈজ্ঞানিকের নাম পাওয়া যায় বিজ্ঞানের উদ্ভিৎসে। বর্তমান মারভের অধিবাসী আলমারওয়াজী তাঁদের মধ্যে অন্যতম। আবুল মাশারের মত তিনিও জ্যোতির্বিজ্ঞানের আনুযায়িক বিষয় হিসাবে ত্রিকোণমিত্রিরও আলোচনা করেছিলেন। আলমারওয়াজী জ্যোতির্বিজ্ঞান ও জ্যোতির্বিজ্ঞানের চর্চার উপযোগী যন্ত্রপাতি সম্বন্ধে বহু গ্রন্থ প্রণয়ন করেন। তাঁর পূর্ব নাম হোল আহমদ ইবনে

আবদুল্লাহ আল্‌মারওয়াজী। কিন্তু আরব বৈজ্ঞানিকগণ অঙ্কশাস্ত্রে তাঁর অগাধ জ্ঞানের জ্ঞাত্য তাঁকে 'হাবাশ আল হাসিব' নামে অভিহিত করতেন। হাসিব সর্বসমেত তিনটি খগোল তালিকা (astronomical table) প্রণয়ন করেন। প্রথমটি প্রণীত হয় ভারতীয় পন্থা অনুসরণ করে। দ্বিতীয়টির নাম হোল পরীক্ষিত তালিকা (Tested table)। এইটাই সর্বাধিক দিয়ে উন্নত ধরণের এবং সর্বশ্রেষ্ঠ। আলমামুনের সময়কার তালিকার সঙ্গে এর অনেক মিল আছে। তৃতীয়টিকে বলা হয় নূপতির তালিকা।

আমুসলিক বিষয় হিসাবে ত্রিকোণমিত্তির আলোচনা করলেও এতেও তাঁর বিশেষ কৃতিত্বের পরিচয় পাওয়া যায়। যদিও তাঁর মত এখন পরিত্যক্ত হয়েছে তবুও ইতিহাসের দিক থেকে এর বিশেষ মূল্য আছে। জ্যোতির্বিজ্ঞানের অতি প্রয়োজনীয় ত্রিকোণমিত্তির সংজ্ঞা সমূহের হাবাশের আলোচনাই ত্রিকোণমিত্তির দিকে পরবর্তী মুসলিম বৈজ্ঞানিকের দৃষ্টি আকর্ষণ করে বলে মনে হয়। এর পূর্বে আর কেউ এমন স্পষ্ট খোলাখুলি ভাবে আলোচনা করেন নাই। সাইন (Sine), কোসাইন (cosine) এর উদ্ভব হয় নমন (gnomon) এর আলোচনায়; এই "নমন"-কে ১২ ভাগে ভাগ করা হোত এবং সেই অনুসারেই ত্রিকোণমিত্তির সংজ্ঞাদির পরিমাণ নির্ধারণ করা হোত। হাবাশ কিন্তু একে বার ভাগে ভাগ না করে ৬০ ভাগে ভাগ করেন। একরূপ বিভাগের ফলেই কোট্যানজেন্ট (co-tangent) এর ফরমুলা দাঁড়ায় $\cot x = \frac{\cos x}{\sin x} \cdot 12$

এর সঠিক ফরমুলা হোল $\cot x = \frac{\cos x}{\sin x} \cdot 60$ এই হিসাবেই সূর্যের তুলন্ব (altitude

of the sun) নির্ধারিত হয় :— $\sin (90 - x) = \frac{\cot x \cdot 60}{(\sqrt{12^2 + \cot^2 x})}$ ফরমুলার

সাহায্যে। পূর্বেই বলা হয়েছে হাবাশের এ মত গৃহীত হয় নাই এবং এগুলোর বিশেষ প্রচলনও হয় নাই। তবে ক্রমবিবর্ধনের ইতিহাসে এই জ্ঞান্টি, অজ্ঞান্টির যে একটি মূল্য আছে সে হয়ত কেউ অস্বীকার করবেন না। এগুলি ছাড়া ট্যানজেন্ট (tangent) এবং কোট্যানজেন্ট (co-tangent) এর একটি তালিকাও তিনি প্রস্তুত করেন। তাঁর তালিকাটিই ত্রিকোণমিত্তির তালিকা

(trigonometrical table) হিসাবে সর্বপ্রথম। তিনিই কোসেকান্ট, সেকান্ট এরও প্রচলন করেন। হাবাশের ভুল দেখাতে বর্তমানে প্রচলিত প্রতীক চিহ্নাদির ব্যবহার করা হোল। নবম শতাব্দীতে যে ঠিক একরূপ চিহ্নাদি ব্যবহার করা হোত, একরূপ ধারণা করা নিশ্চয়ই ঠিক হবে না। এর অনেক পরে প্রতীক চিহ্নাদির ব্যবহার আরম্ভ হয়। একাদশ শতাব্দীতে অঙ্কশাস্ত্রবিদগণ অঙ্কশাস্ত্রের আলোচনায় প্রতীক চিহ্নাদির প্রথম উদ্ভব ও পরিণতি সম্বন্ধে নানা তথ্যের সমাবেশ করেছেন। এমনিতেও এগুলো বেশ আমোদজনক। যথাস্থানে এগুলোর উল্লেখ করা যাবে। হাবাশের পুত্র আবুজাফরও পিতার পদাঙ্ক অনুসরণ করেন। বিজ্ঞান আলোচনায় তাঁর পারদর্শিতার পরিচয় হোল জ্যোতির্বিজ্ঞান সম্বন্ধীয় গ্রন্থ। জ্যোতির্বিজ্ঞানের যন্ত্রপাতি নির্মানেও তিনি বিশেষ দক্ষ ছিলেন।

আলখারেজমি, ছাবেত, আলফাগানাস প্রভৃতি পাশ্চাত্য জগতে সুপরিচিত অঙ্কশাস্ত্রবিদ ছাড়া আরও ছোটখাট অনেক বৈজ্ঞানিক নবম শতাব্দীর শেষ ভাগে অঙ্কশাস্ত্রের আলোচনায় রত ছিলেন। যদিও তাঁরা বিশেষ সুপরিচিত নন তবুও তাঁদের দানকে নিতান্ত উপেক্ষা করা যায় না। তাঁদের প্রতিভার কথা সম্পূর্ণভাবে জানা যায়নি : তাঁদের প্রতিভা নিতান্ত পরমুখাপেক্ষী, কি নিজ আশ্রয়বলে চালিত, সে কথাও সঠিকভাবে বলা যায় না। তবে তখনকার দিনের বড় বড় বৈজ্ঞানিকদের গবেষণা কার্যে, তাঁদের বর্তমানে পরিচিত কার্যাবলী যে অনেক সাহায্য করেছিল, এবং সে হিসাবে জ্ঞানবিজ্ঞানের উন্নতির পথ প্রভূত পরিমাণে সহজসাধ্য করে তুলেছিল, সে কথা অস্বীকার করা যায় না কোন প্রকারেই। মুসলিম বৈজ্ঞানিকদের সম্পূর্ণ কার্যাবলী এখনও পূর্ণভাবে প্রকাশিত হয় নাই। হয়ত সমস্ত তথ্যগুলি পরিপূর্ণ এবং প্রকট ভাবে প্রকাশ পেলে এখন যাদের ছোটখাট বৈজ্ঞানিক বলে ধরে নেওয়া হয় তাঁদের অনেকেরই প্রতিভা আলখারেজমি, ছাবেত প্রভৃতি বিখ্যাত পণ্ডিতগণের চেয়ে কোন অংশে কম ছিল না বলেই প্রকাশ পাবে।

এই সব ছোট খাট বৈজ্ঞানিকদের মধ্যে বিখ্যাত দার্শনিক বৈজ্ঞানিক আলকিন্দির শিষ্য আহমদ ইবনে আলতায়েব, আলদীনওয়ারী প্রভৃতি মুসলমান বৈজ্ঞানিকগণ ছাড়াও সহল ইবনে বিসর, আবুল ভায়েব প্রভৃতি ইহুদী ও খৃষ্টান মনীষিগণের নাম করা যেতে পারে; এঁরাও এই সময়ে বাগদাদের রাজসভার

বিজ্ঞান বিভাগ অলঙ্কৃত করেছিলেন। আহমদ ইবনে আলতাইয়েবের পূর্ণ নাম হোল আবুল আব্বাছ আহমদ ইবনে মোহাম্মদ আহমদ ইবনে আলতাইয়েব ইবনে মারওয়ান আলসারখসি। তবে তৎকালে ইনি আহমদ ইবনে আলতাইয়েব নামেই পরিচিত ছিলেন। আলতাইয়েব বীজগণিত, অঙ্ক, জ্যোতির্বিজ্ঞান এবং গান সম্বন্ধে কতকগুলি গ্রন্থ প্রণয়ন করেন।

আলদীনওয়ারীর পূর্ণ নাম হোল, আবু হানিফা আহমদ ইবনে দাউদ আলদীনওয়ারী। তিনি যে ক্ষুদ্র গ্রামে বাস করতেন তার নাম হোল দীনওয়ার, তা থেকেই তিনি দীনওয়ারী নামে পরিচিত হন। অত্যাশ্চর্য বৈজ্ঞানিকের মত নগরীর বিলাসিতা তাঁকে আকৃষ্ট করতে পারে নাই। আল দীনওয়ারী সারা জীবন এই ক্ষুদ্র গণ্ডি গ্রামে বাস করে বিজ্ঞান সাধনায় লিপ্ত থাকে। এক অত্যাশ্চর্য ব্যাপার বলেই বোধ হয়। হয়ত সেই জন্মেই তাঁর প্রতিভা পূর্ণভাবে স্কুরিত হবার সুযোগ পায় নাই। সভ্যতা ও কৃষ্টির সংস্পর্শহীন এই ক্ষুদ্র গণ্ডিগ্রামে বাস করেই দীনওয়ারী যে সমস্ত অমর কীর্তি রেখে গেছেন, সেগুলো তাঁর অন্তর্নিহিত জ্বলন্ত প্রতিভারই পরিচয় দেয়। তিনি বীজগণিত, জ্যোতির্বিজ্ঞান এবং হিন্দু গণনা পদ্ধতি সম্বন্ধে কয়েকখানা গ্রন্থ প্রণয়ন করেন।

সহল ইবনে বিসর জাতিতে ছিলেন ইহুদী। ইহুদী হোলেও তিনি বাগদাদের রাজসভায় সমসাময়িক মুসলিম বৈজ্ঞানিকদের সমান প্রতিষ্ঠা লাভ করতে সমর্থ হন শুধু নিজের প্রতিভা বলেই। বাগদাদে সহল ইবনে বিসর আগমনের পূর্বেই তিনি খোরাসানে জ্যোতির্বিজ্ঞানে সুপণ্ডিত হিসাবে সুপ্রসিদ্ধ ছিলেন। জ্যোতির্বিজ্ঞান ছাড়া বীজগণিতেও তিনি কয়েকখানা গ্রন্থ প্রণয়ন করেন। চাঁদের বিষয় গ্রন্থগুলির কোন সন্ধানই এ পর্যন্ত পাওয়া যায় নাই।

ইহুদী ও খৃষ্টান বৈজ্ঞানিকগণ নিজেদের সমস্ত সত্তা ভুলে গিয়েই যে এই সময়ে জ্ঞানবিজ্ঞানের সাধনায় আত্মোৎসর্গ করেছিলেন, সে বুঝা যায় তখনকার দিনের ধর্মের দ্বন্দ্ব বিদ্বেষের হাত এড়িয়ে মুসলিম বাদশাহদের অধীনে মুসলিম বৈজ্ঞানিকদের সাথে জ্ঞান চর্চা করায়। সহল ইবনে বিসরের পূর্ণ নাম হোল সহল ইবনে বিসর ইবনে হাবিব ইবনে হানি আবু ওছমান। ধর্মের উদ্বাদনার

সঙ্গে জ্ঞানবিজ্ঞানের উন্নত চিন্তার কোন সম্বন্ধ থাকে উচিত নয়; যেখানে থাকে সেখানে জ্ঞানবিজ্ঞানের উন্নতির ধারা ব্যাহত হয়ে পড়ে। সে হিসাবে মুসলমান আমলের বৈজ্ঞানিকরা যে ধর্মের গোঁড়ামীকে সর্বথা পরিত্যাগ করতে পেরেছিলেন, তত্ত্বগত তাঁদিগকে প্রশংসা না করে পারা যায় না। সহলের পুস্তকের কতকগুলি ১৫৮৩ খৃঃ অব্দে ভেনিসে অমুদ্রিত হয়। আর কতকগুলি প্রায় ৪০ বৎসর পরে ১৫৩৩ খৃঃ অব্দে রাসেলে অমুদ্রিত হয়।

সহল ইবনে তাবারী নামে অম্ব একজন ইহুদীও এই সময় বিজ্ঞান চর্চায় যোগ দেন। তিনি আলমাজেষ্টের আরবী অনুবাদ করেন। জ্যোতির্বিজ্ঞান সম্বন্ধেও তিনি কিছু কিছু আলোচনা করেছিলেন বলে জানা যায়।

আবুল তাইয়েব প্রথম জীবনে ইহুদী ছিলেন পরে মুসলমান হন। তিনি খগোল তালিকা এবং গণিতশাস্ত্রের অম্বাণ্ড বিষয় বিশেষ করে জ্যোতির্বিজ্ঞান সম্বন্ধে কতিপয় মূল্যবান প্রবন্ধ প্রকাশ করেন। তা ছাড়া ত্রিকোণমিতিতেও তাঁর হস্তক্ষেপের পরিচয় পাওয়া যায়। অঙ্কশাস্ত্র ছাড়া পদার্থ সনদ ইবনে আলি বিজ্ঞা আলোচনাতেও তিনি বিশিষ্ট স্থান অধিকার করেন। আবুল তাইয়েবের পূর্ণ নাম হোল আবুল তাইয়ের সনদ ইবনে আলী। তিনি বাগদাদে একটি কানিসাও (observatory) প্রস্তুত করেন। ৮৬৪ খৃঃ অব্দে এই বৈজ্ঞানিক পরলোক গমন করেন।

অঙ্কশাস্ত্রের ইতিহাসে নবম শতাব্দীকে সম্পূর্ণ মুসলিম শতাব্দী বললেও কোন অত্যাঙ্গ করা হবে না। এ শতাব্দীতে পৃথিবীর অম্ব কোন স্থানে অঙ্কশাস্ত্রে বিশেষ কোন আলোচনা হয়েছে, কি অম্ব কোন প্রতিষ্ঠাসম্পন্ন মনীষীর অঙ্কশাস্ত্রে কোন মৌলিক দান আছে বলে জানা যায় না। এ যেন শুধু মুসলিম বৈজ্ঞানিকদের জন্মই কালের অনন্ত প্রবাহের মধ্যে ছিল এক অংশ বিভক্ত হয়ে পড়েছিল। মৌলিক গবেষণা ছাড়াও গ্রীক, ভারতীয় জ্ঞানবিজ্ঞানের অনুবাদ, এই শতাব্দীর মুসলিম সাধকদের জ্ঞানপিপাসার জ্বলন্ত নিদর্শন। প্রায় প্রত্যেক বৈজ্ঞানিকই দুই তিনটি ভাষায় বিশেষরূপে ব্যুৎপন্ন ছিলেন। মৌলিক গবেষণার সঙ্গে সঙ্গে অনেকেই অম্ব দেশের বিজ্ঞান ও দর্শনের গ্রন্থগুলিকে, আরবীতে অনুবাদও করতে থাকেন। মাতৃভাষা ছাড়া যে শিক্ষার সুপ্রসার হওয়া সম্ভবপর নয় সে তাঁরা বিশেষভাবে উপলব্ধি করতেন বলেই অনুবাদ কার্যও দ্রুতগতিতে

সম্পন্ন হোতে থাকে। অনুবাদ কার্যে বীরা বিশেষ পারদর্শিতা দেখিয়েছেন, তাঁদের মধ্যে আল হাজ্জাজ, আজজাওহেরী, হোনায়েন ইবনে ইসহাক, তাঁর পুত্র আলহারজানি, আলহিমসি প্রভৃতির নাম বিশেষ উল্লেখযোগ্য।

আলহাজ্জাজ বা আলহাজ্জাজ ইবনে ইউসুফ ইবনে মাতার সর্বপ্রথম ইউক্লিডের সমস্ত গ্রন্থের অনুবাদ করেন; তদ্ব্যতীত ছয়খানির অস্তিত্ব বর্তমান। তিনি দুইবার এই অনুবাদ কার্য করেন; প্রথমবার হারুণ-অর-রশীদের আদেশে দ্বিতীয়বার আলমামুনের আদেশে। প্রধানত তাঁরই অনুবাদের মধ্যস্থতায় আরব বৈজ্ঞানিকগণ গুরু জ্যামিতির সঙ্গে পরিচিত হন। টলেমির আলমাজেস্ট (কিতাব আলমাজিসতি)ও তিনিই সর্বপ্রথম ৮২২-৩০ খৃষ্টাব্দে আরবীতে অনুবাদ করেন। তাঁর প্রদত্ত নাম থেকেই বর্তমান আলমাজেস্ট নাম প্রসিদ্ধিত হয়। যতদূর জানা যায় ৮৩৫ খৃঃ অব্দে তাঁর মৃত্যু হয়।

আলখাফাছ ইবনে সাইদ আজজাওহেরী ৮২২-৩০ খৃঃ অব্দে বাগদাদে সনদ ইবনে আলী, ইয়াহিয়া ইবনে আবি মনসুর প্রভৃতির সঙ্গে এবং ৮৩২-৩৩ খৃঃ অব্দে আলআসতারলবি, আলমারওয়াররোজী প্রভৃতির সঙ্গে দামস্কাসের মানমন্দিরে জ্যোতির্বিজ্ঞান সম্বন্ধে গবেষণা করেন। তাঁর মৌলিক গবেষণার বিষয় বিশেষ কিছু অবগত হওয়া যায় না। তবে ইউক্লিডের জ্যামিতি সম্বন্ধে তিনি যে ভাষ্য লিখে গিয়েছেন সে হয়েছে অপূর্ব। জ্যামিতিতে তাঁর অগাধ জ্ঞানের পরিচয় পাওয়া যায় এই ভাষ্যখানি থেকেই।

আবু সাইদ আলদারির আলজুরজানি এই সময়কার অল্পতম বৈজ্ঞানিক। জ্যোতির্বিজ্ঞানের সঙ্গে সঙ্গে জ্যামিতিও তাঁর দৃষ্টি আকর্ষণ করে। নানা জ্যামিতিক সমস্যা নিয়ে তিনি একখানি গ্রন্থও প্রণয়ন করেন। মাধ্যন্দিন (Meridian) রেখা সম্বন্ধে জিজ্ঞাসার মধ্যে আলোচনা হোলেও বিস্তারিতভাবে এর কোন আলোচনাই কেউ করেন নি। আলজুরজানি এই বিষয়ে সর্বপ্রথম। তিনি

আলজুরজানি এই বিষয়ে একখানি গ্রন্থ প্রণয়ন করেন। এই বৈজ্ঞানিকের আল দারির (অঙ্ক) খেতাবের কোন কারণই পাওয়া যায় না। পূর্বতম পুরুষের কারুর অঙ্কতাই হয়ত পুরুষানুক্রমে বংশের খেতাবে পরিণত হয়েছিল। বিজ্ঞান শ্রীতির সঙ্গে দেশ শ্রীতিও দেখা দিয়েছে নামের বেলায়।

জুরজান দেশের তখিবাসী হিসাবেই তিনি আল্‌জুরজানি নামে অভিহিত। জুরজান কাস্পিয়ান হ্রদের পূর্বে অবস্থিত।

নবম শতাব্দীতে বিজ্ঞান গ্রন্থ অনুবাদকারী হিসাবে হোনায়েন বোধ হয় সর্বশ্রেষ্ঠ। তাঁর পূর্ব নাম হোল আবু জাইদ হোনায়েন ইবনে ইসহাক আল্‌ ইবদী। পশ্চিম লাটিনে তিনি Johannitus Onan এবং Humainus নামে পরিচিত। ৮৯০ কি ৮১০ খৃঃ অব্দে ইরাকের হীরা নগরীতে এক অভিজাত বংশে তাঁর জন্ম হয়। জন্মভূমিতে তাঁর কতদিন কেটেছিল সঠিক বলা যায় না তবে যতদূর মনে হয় এখানে তিনি প্রতিষ্ঠা লাভ করবার সুযোগ পান নাই। সে সুযোগ ঘটে জুনদিশাহপুরে। আজকালকার মত তখনও বোধ হয় রাজধানীর মোহ কম ছিল না। হোনায়েনের জীবনেও এ মোহ প্রভাব বিস্তার না করে ছাড়ে নাই। জুনদিশাহপুরে সুপ্রতিষ্ঠিত হোলেও এখানে তিনি বেশীদিন তিষ্ঠে থাকতে পারেন নাই, কিছুকাল পরে বাগদাদে যেয়েই বসবাস স্থাপন করেন এবং সেখানেই ৮৭৩ খৃঃ অব্দে (২৬০ হিজরী ৭ই সফর) জীবনলীলা সংবরণ করেন।

হোনায়েন পেশাতে ছিলেন চিকিৎসক। পেশাতে তৎকালীন সমব্যবসায়ীদের মধ্যে তাঁর স্থান সর্বশ্রেষ্ঠ ছিল বললেও অত্যাঙ্কি হয় না। তবে অস্ত্র সাধারণ চিকিৎসকের মত শুধু অর্থ উপার্জনের উপায় হিসাবেই তিনি চিকিৎসা বিজ্ঞান ব্যবহার করেন নাই এর বিজ্ঞানত্বও তাঁকে বিশেষ ভাবে আকর্ষণ করে। চিকিৎসা বিষয়ে নানা মৌলিক গবেষণা তাঁকে অমর করে রেখেছে। যাহোক হোনায়েনও তৎকালীন বৈজ্ঞানিকদের ধর্মকে অবহেলা করেন নাই। চিকিৎসা বিজ্ঞান অগাধ পাণ্ডিত্য এবং মোহ তাঁর মনকে আচ্ছন্ন করে রাখে নাই তিনি অস্ত্রদিকেও মন দেন। এর মধ্যে দর্শন অগ্রতম। দর্শনে পাণ্ডিত্যের জন্মই তিনি সাধারণের মধ্যে বিশিষ্ট বিদ্বান হিসাবে বিখ্যাত ছিলেন। তাঁর দর্শনের মতবাদগুলিও বিশেষ উপেক্ষণীয় নয়। এই দর্শন ও চিকিৎসাশাস্ত্রের চাপের মধ্যেও বিজ্ঞানের অস্ত্র সাধারণ প্রতি তাঁর যে অন্তর্নিহিত অমুরাগ জ্বীয়ন্তই ছিল তার পরিচয় পাওয়া

হোনায়েন ইবনে

ইসহাক

যায় গ্রীক বিজ্ঞান গ্রন্থের অনুবাদ কার্যে। প্রথম জীবনেই তৎকালীন সুবিখ্যাত বৈজ্ঞানিকদের সংস্পর্শে এসে পড়াতেই তাঁর মধ্যে বিজ্ঞানের প্রতিই অমুরাগ প্রকটিত

হয়েছিল বলতে হবে। অতি সুকুমার বয়সেই হোনায়েন, বনি মুসা ভ্রাতৃত্ব

কতৃক পাণ্ডুলিপি সংগ্রহে নিযুক্ত হন এবং তখন থেকেই অনুবাদ কার্যও শুরু করেন। যখন তাঁর বয়স সত্তের বৎসর মাত্র তখনই তিনি কতকগুলি গ্রন্থ সিরিয়ান এবং আরবী ভাষায় অনুবাদ করেন। পরে অবশ্য অগ্ন্যগ্ন সহকারীদের সাহায্যেই অনুবাদ কার্য সম্পাদন করতেন। ইবনে খাল্লিকান হোনায়েনের দৈনন্দিন জীবনের একটি বর্ণনা দিয়েছেন। তাঁর বর্ণনা অনুসারে হোনায়েন প্রত্যেক দিন অশ্বারোহণে বের হতেন। ফিরে এসে তিনি গোসলখানায় গোসল করে শোবার পোষাক পরে বেরিয়ে আসতেন। তারপর এক গ্রাস সূরা ও কিছুট খেয়ে শুয়ে পড়তেন—অনেক সময় ঘুমিয়েও যেতেন। যতক্ষণ না ঘাম খেমে যেত ততক্ষণ এমনি শুয়ে থাকতেন। তারপর উঠে খাবার খেতেন। খাবার হোল মোটা তাজা একটা মুরগী এবং ছশ' দেহহাম ওজনের একখানি রুটি। খাবার খাওয়ার পর তিনি ঘুমাতে। ঘুম থেকে উঠে ৪ পিন্ট সূরা খেতেন এবং ফল খাবার ইচ্ছা হোলে তাজা সিরিয়ান আপেল ইত্যাদি খেতেন।

বিজ্ঞান জগতের কার্যের গতি অব্যাহত থাকলেও রাজনৈতিক জগতে এই সময়ে বেশ উলোট পালোট দেখা দেয়। উদার মতাবলম্বী আলমুতাসিমের স্থলাভিষিক্ত হন গোঁড়া সূন্নী আলমুতাওয়াক্কিল। ধর্মের বিষয়ে তাঁর গোঁড়ামি বেশ দৃঢ়তার সঙ্গেই প্রকাশ পায় বলতে হবে। মুতাজলীয় মতাবলম্বীদের প্রতি নির্ভুর অত্যাচার করতেও তিনি কুণ্ঠিত হন নি। কিন্তু জ্ঞানবিজ্ঞানেরই বেলায় এসে এ গোঁড়ামি একেবারে থমকে দাঁড়িয়েছে। এখানে ধর্মের মতবাদ কোন স্থানই পায়নি। মুসলিম, অমুসলিম, শিয়া, সূন্নী সকলকেই তিনি সমানভাবে উৎসাহ দিয়েছেন জ্ঞানবিজ্ঞান আলোচনার ক্ষেত্রে। বিদেশী মূল্যবান গ্রন্থাবলী-গুলি যাতে সহজবোধ্য হয় সেইজগ্নাই তিনি এক অনুবাদ প্রতিষ্ঠান স্থাপন করেন এবং বহু পণ্ডিত ব্যক্তিকে রাজকীয় বৃত্তি দিয়ে এই প্রতিষ্ঠানে অনুবাদ কার্যে নিযুক্ত করেন। হোনায়েনের উপর এর পরিচালনা ও পরিদর্শন ভার অর্পিত হয়। মুসলিম জগতের জ্ঞানবিজ্ঞানের উন্নতিতে হোনায়েন এবং তাঁর শিষ্যবর্গ ও সহকারীদের এই অনুবাদ কার্য যে প্রভূত পরিমাণে সাহায্য করেছিল সে বলাই বাহুল্য। অনুবাদ যাতে সুন্দর ও সঠিক হয় হোনায়েন তজ্জগ্ন বিশেষ কষ্ট স্বীকার করতেন। প্রথমত যাতে খুব ভাল পাণ্ডুলিপি পাওয়া যায় তাঁরই চেষ্টা হোত। সেগুলির প্রচলিত (যদি কিছু থাকে) সিরিয়ান ও আরবী অনুবাদের

সঙ্গে মূল গ্রন্থের কোথাও অনৈক্য আছে কিনা তা দেখে নিয়ে হোনায়েন পুনরায় অনুবাদ করতেন। এর পূর্বে অনেক অনুবাদেই অনৈক্য পাওয়া যেত, সেইজন্য তাঁর সহকারীরা যে অনুবাদ করতেন, সেগুলো প্রকাশিত হবার পূর্বে তিনি নিজে আর একবার মূল গ্রন্থের সঙ্গে মিলিয়ে নিতেন। তাঁর অনুবাদ প্রণালী বর্তমান অনুবাদ প্রণালীর কথাই স্মরণ করিয়ে দেয়। এ সম্বন্ধে তাঁর বৈজ্ঞানিক সততার প্রশংসা না করে পারা যায় না। তিনি তাঁর প্রথম জীবনের নিজ কৃত অনুবাদ-গুলিও পরে সংশোধন করেন।

হোনায়েনের প্রতিষ্ঠানের অনুবাদ কার্যের সম্বন্ধে এইটুকু বললেই যথেষ্ট হবে যে এগুলি মধ্যযুগ পর্যন্ত পৃথিবীর সর্বত্র এক অসাধারণ প্রভাব বিস্তার করেছিল। তিনি নিজে পঁচানব্বইখানা গ্রন্থ সিরিয়ান ভাষায় এবং উনচল্লিশখানা আরবী ভাষায় অনুবাদ করেন। তাঁর অনুবাদের মধ্যে গ্যালেন, এরিষ্টটল, ডিসকোরাইডিস, টলেমির গ্রন্থগুলি বিশেষ উল্লেখযোগ্য। নিজে চিকিৎসক হিসাবে, চিকিৎসা শাস্ত্রের উপর তাঁর একটু বেশী স্নেহ ছিল, তাই চিকিৎসাশাস্ত্র সম্বন্ধীয় গ্রন্থগুলির অনুবাদও হয়েছে অনবচ্ছিন্ন।

অনুবাদেই যে তাঁর সমস্ত প্রতিভা নিঃশেষ হয় নাই তার নিদর্শন হোল তাঁর মৌলিক গবেষণা। মৌলিক গবেষণাতেও তিনি কম যান নাই। এদিক দিয়ে চিকিৎসা শাস্ত্র ব্যতীত জ্যোতির্বিজ্ঞানে তাঁর বিশেষ প্রতিভার পরিচয় পাওয়া যায়। জ্যোতির্বিজ্ঞানে জোয়ার ভাটা, উদ্ধাপাত, রামধনু প্রভৃতি বিষয় নিয়ে তিনি আলোচনা করেন। এ আলোচনায় তাঁর জ্যোতির্বিজ্ঞান সম্বন্ধে প্রগাঢ় জ্ঞানেরই পরিচয় পাওয়া যায়।

হোনায়েনের পুত্র ইসহাকও পিতার স্থায় বিজ্ঞান ইতিহাসে সুপরিচিত। তিনিও পিতার মতই চিকিৎসা ব্যবসায় মনোনিবেশ করেন এবং চিকিৎসক হিসাবে বিশেষ প্রসিদ্ধি লাভ করেন। পেশা হিসাবে শুধু পিতাকে অনুসরণ করতেই তাঁর জীবনের কার্যকলাপ শেষ হয় নাই পিতার অন্তর্নিহিত বিজ্ঞানানুরাগ পুত্রতেও পূর্ণ মাত্রায় সংক্রমিত হয়েছিল। তিনি ইউক্লিডের জ্যামিতি, ডাটা, আলমাজেস্ট আর্কিমেডিসের গোলক (Spheres ও Cylinder) এবং ম্যানিলসের Spherics ও আরবীতে অনুবাদ করেন। এ ছাড়া নানা গ্রন্থ দার্শনিক গ্রন্থ ও এরিষ্টটলের

ইসহাক ইবনে

হোনায়েন

কয়েকখানি গ্রন্থও আরবীতে অনুবাদ করেন। বিজ্ঞানের পুস্তক ভাষান্তরিত করতে যে শুধু ভাষা জ্ঞানেরই দরকার হয় তা নয়, বিজ্ঞান সম্বন্ধে যে বিশেষ জ্ঞান থাকা দরকার সে কথা অস্বীকার করা চলে না। যারা এইরূপ বিজ্ঞান গ্রন্থ অনুবাদ করে গেছেন তাঁরা যে এ সব বিষয়ে বিশেষ ব্যুৎপন্ন ছিলেন সে সন্দেহহীন। দ্বিতীয় ইসহাকের বিজ্ঞান জ্ঞান তাঁর অনুবাদ কার্য থেকেই প্রতিভাত হয়। তাঁকে নবম শতাব্দীর না বলে দশম শতাব্দীর লোক বলাই হয়ত ঠিক হবে। তিনি দশম শতাব্দীর প্রথম দশকে ৯১০ খৃঃ অব্দে (২৯৮ হিজরী রবিয়সমানি) মৃত্যুমুখে পতিত হন। তাঁর পূর্ণ নাম ছিল আবু ইয়াকুব ইসহাক ইবনে হোনায়েন ইবনে ইসহাক আল ইবাদি।

ইবনে খালিকানের মতে প্রথমে তিনিও তাঁর পিতার পৃষ্ঠপোষক খলিফার দরবারে সভাসদ ছিলেন পরে খলিফা মোতাজ্জিদবিলাহর মন্ত্রী আলকাসিম বিন ওবায়দুল্লাহর অধীনে কার্যে নিযুক্ত হন। তিনি কার্যসূত্রে ওবায়দুল্লাহর অতি বিশ্বস্ত বন্ধুতে পরিণত হন। তিনি মন্ত্রীর এত বিশ্বাসভাজন ছিলেন যে মন্ত্রী তাঁকে অতি গোপন রাজনৈতিক কথাও জানিয়ে দিতেন। আলআরজানি ও আলহিমসি, হোনায়েন প্রভৃতি অনুবাদকদের মত সুপরিচিত নন বটে আল আরজানি তবুও তাঁদের কার্যাবলীকে বিশেষ উপেক্ষা করা চলে না। আলআরজানি, ওমর খৈয়ামের স্বগ্রামবাসী। নিশাপুরের পরবর্তী কালের প্রসিদ্ধির সূত্রপাত হয়, হয়ত আল আরজানির বিদ্যোৎসাহিতার উদাহরণেই। ইউক্লিডের দশম পুস্তিকার সম্বন্ধে তিনি একখানি ভাষ্য লেখেন। সেই ভাষ্যখানি তাঁর পাণ্ডিত্যের পরিচয়। আল আরজানি বা ইবনে রাহইয়েহ আলআরজানি নিজ গ্রামেই ৮৫২-৫৩ খৃঃ অব্দে পরলোক গমন করেন।

আলহিমসি সিরিয়ার অধিবাসী। তাঁর পূর্ণ নাম হোল হিলাল ইবনে আবি হিলাল আলহিমসি। এপোলোনিয়াসের প্রথম পুস্তক চতুর্দশ অনুবাদে সঙ্কেই তাঁর নাম সাধারণ ভাবে বিজ্ঞপ্ত। আহমদ আলহিমসি ইবনে মুসা বিন শাকীরের অনুপ্রেরণাই তাঁকে অনুবাদ কার্যে প্রেরণা যোগায় এবং প্রধানত আহমদের ক্ষণেই তিনি এগুলো অনুবাদ করেন। আলহিমসি ৮৮৩ খৃঃ অব্দে পরলোক গমন করেন।

অষ্টম শতাব্দীর বিখ্যাত রাজজ্যোতিষী নওবখতের বংশধরদের মধ্যেও যে

বিজ্ঞান চর্চায় ভাঁটা পড়ে নাই তার পরিচয় পাওয়া যায় তাঁর পুত্র আবু সহল আলফজল ইবনে নওবখ্তের কার্যের মধ্যেই। আলফজল ছিলেন খলিফা আলফজল হারুন-অর-রশীদের প্রধান লাইব্রেরীয়ান। লাইব্রেরীর কাজের মধ্যে তিনি বিজ্ঞান চর্চায়ও মনোনিবেশ করেন। প্রধানত খলিফার জন্তেই তিনি বহু পারসী বিজ্ঞান গ্রন্থ আরবীতে অনুবাদ করেন। অনুবাদ ছাড়া জ্যোতির্বিজ্ঞান ও জ্যোতিষ সম্বন্ধে কতকগুলি গ্রন্থও প্রণয়ন করেন। তাঁর অন্যতম জ্যোতিষ গ্রন্থের জির্বার্ড কৃত লাতিন অনুবাদের নাম হোল "Liber Alfadhol i est arab de bachi". আলফজল ৮৫১-১১৬ খৃঃ অব্দে মৃত্যুমুখে পতিত হন।

এই বংশের আরও দুইজন জ্যোতিষীর নাম পাওয়া যায়। একজন হোলেন আলহাসান ইবনে সহল ইবনে নওবখ্ত অন্যজনের নাম হোল আবছা ইবনে সহল ইবনে নওবখত। খুব সম্ভব এঁরা আলফজলের ভ্রাতৃপুত্র। আলহাসানও বহু পারসী গ্রন্থ আরবীতে অনুবাদ করেন।

নবম শতাব্দীতে বাগদাদ ছাড়া মুসলিম রাজ্যের অল্প কোথাও অঙ্কশাস্ত্রের তেমন কোন আলোচনা হয় নাই বলে মনে হয়। স্পেনে তখন সবেমাত্র মুসলিম রাজ্য প্রতিষ্ঠিত হয়েছে; তা ছাড়া আভ্যন্তরিক রাজনৈতিক দ্বন্দ্ব বিবাদে প্রায় প্রত্যেক নূপতিরই রাজত্বের অধিকাংশ কাল অতিবাহিত হচ্ছিল, তাই জ্ঞান-বিজ্ঞানের প্রতি নজর দেবার অবসর তাঁদের ঘটে নাই। মুসলিম ব্যতীত ইউরোপীয়ান অন্যান্য জাতির মধ্যে জ্ঞানস্পৃহা বলে কিছু ছিল না বললে অত্যাঙ্গী করা হয় না। জ্ঞানের নামে ধর্মোপাদনা মৃত্যুবিভীষিকা নিয়ে সমস্ত ইউরোপীয় নরনারীর হৃদয়ে বিরাজ করত। বিজ্ঞানের এখানে আদর হয় নাই অনেক দিন পর্যন্তই, বরং পূর্ব মনীষীদের সাধনালব্ধ জ্ঞানবিজ্ঞানকে বিশ্ব্তির অতল গহ্বরে নিমজ্জিত করবার সর্বপ্রকার প্রচেষ্টাই চলছিল।

তবে এই সময়ে মিসরে বিজ্ঞান আলোচনা ধীরে ধীরে প্রবেশ করছিল বলে মনে হয়। বাগদাদের প্রভাব ধীরে ধীরে কার্যকরী হোতে থাকে। অতীতের বৈজ্ঞানিক মিসর আবার বিজ্ঞানের দিকে দৃষ্টি ফিরায়। অঙ্কশাস্ত্রে মিসরের নবম শতাব্দীর ইতিহাসে যে বৈজ্ঞানিক, মৌলিক অবদানের জন্ত বিখ্যাত হয়ে রয়েছেন তাঁর নাম হোল আহমদ ইবনে ইউসুফ। তিনি দশম শতাব্দীর প্রথম দশকে

(১১২ খঃ অব্দে) মৃত্যুমুখে পতিত হন। সে হিসাবে তাঁকে দশম শতাব্দীর লোক বললেই হয়ত ঠিক হোত, কিন্তু তাঁর জীবনের কার্যাবলী প্রায় সমস্তগুলিই নবম শতাব্দীতে সংঘটিত হয়। তাই তাঁকে নবম শতাব্দীর লোক বলাও বিশেষ অযৌক্তিক হবে না। আহমদের পিতা ইউনুফ ইবনে আহমদ আদদার বাগদাদের রাজসভায় অঙ্কশাস্ত্রবিদ হিসাবে বেশ খ্যাতিসম্পন্ন ছিলেন। তিনি দামাস্কাস ও বাগদাদে অনেক দিন অতিবাহিত করে শেষ জীবন মিসরে স্থায়ীভাবে বসবাস শুরু করেন। পুত্র আহমদ স্বীয় প্রতিভা বলে মিসরেই প্রতিষ্ঠা লাভ করতে সমর্থন হন এবং তদানীন্তন তুলানীদ বংশীয় নৃপতিগণের অধীনে উচ্চ পদে অধিষ্ঠিত হন।

আহমদ ইবনে ইউনুফের পূর্ণ নাম হোল আবু জাফর আহমদ ইবনে ইউনুফ ইবনে ইবরাহিম আলমিসরী। তিনি জ্যোতির্বিজ্ঞান, Proportion (লাতিন অনুবাদ De Proportione et Proportionalitate) এবং Similar arcs (লাতিন অনুবাদ De Similibus arcibus) সম্বন্ধে কয়েকখানি গ্রন্থ প্রণয়ন করেন। এই Proportion সম্বন্ধীয় পুস্তকখানি ইউরোপের রিনার্সার যুগে খুবই প্রভাব বিস্তার করেছিল। লিওনার্ডো এবং জর্ডনাস নিমোরারিয়াস (Jordnus Nemorarius) এর অনুবাদের মধ্যস্থতায়ই এর প্রসার লাভ হয়েছিল বলতে হবে। এ ছাড়া তিনি মেনিলসের ত্রিভুজ ঋণ (Triangle cut by a transversal) সম্বন্ধীয় উপপাঠ, Alquatta, sector প্রভৃতি সম্বন্ধেও আলোচনা করেন এবং টলেমির Centiloquium এর একখানা ভাষাও লেখেন।



দশম শতাব্দী

নবম শতাব্দীতে মুসলিম রাজ্যগুলিতে নৃপতিগণের পৃষ্ঠপোষকতায় বিজ্ঞানের যে পূর্ণোত্তম আলোচনা চলছিল দশম শতাব্দীতেও তার কোন ব্যতিক্রমই ঘটে নাই। পৃথিবীর ইতিহাস আলোচনা করলে দেখা যায় যে মুসলিম জগতের শিক্ষা ও সভ্যতা এই সময়ে সর্বতোভাবে প্রাধান্য লাভ করেছিল। এই প্রাধান্য সব দিক দিয়েই পরিষ্কৃত হয়ে উঠে। রাজনীতি ক্ষেত্রে শৌর্বে বীর্বে মুসলিম জাতি অপ্রতিহত গতিতে একদিকে যেমন অমুসলিমদের মনে ভীতির সঞ্চার করে তুলেছিল, অন্যদিকে দেখা দিয়েছিল জ্ঞানবিজ্ঞান আলোচনায় শ্রেষ্ঠতার জন্মে অপূর্ব জ্ঞান ও ভক্তি। পূর্ব শতাব্দীতে মুসলিম মনীষীদের দ্বারা যে বিনয়কর উন্নতি সাধিত হয় তার প্রতি সমগ্র জগৎ ধীরে ধীরে আকৃষ্ট হোতে থাকে। ফলে দশম শতাব্দীর মধ্যভাগে তাঁদের অপূর্ব মনীষা ও বিজ্ঞানে শ্রেষ্ঠতা সমস্ত জগৎ স্বীকার করে নেয়। এমনিতে এ সময়ে মুসলিম জগৎ ছাড়া অন্য কোথাও বিজ্ঞানের তেমন কোন আলোচনাই হয় নাই। যে সমস্ত প্রেতিভাবান মনীষী এই শতাব্দীর সভ্যতার ইতিহাসকে গড়ে তুলেছিলেন তাঁদের প্রায় সবাই মুসলমান। বিজ্ঞান আলোচনা যা কিছু হয়েছিল প্রায় সবই আরবীতে। অবশ্য গ্রীক, লাতিন ও হীক্লতেও এই সময়ে কিছু কিছু আলোচনা হয়। কিন্তু সে সবই শুধু চর্চিত চর্চণ; শুধু আরবী গ্রন্থের অনুবাদ। তার মধ্যে নূতন বা মৌলিক বিষয়ের কোন নাম গন্ধও ছিল না। বিজ্ঞানে যখন মৌলিকতার অভাব ঘটে তখনই সে আপনিই পিছিয়ে পড়ে। তাই মুসলিম জগৎ ছাড়া অন্য কোন দেশই বিজ্ঞানে একটুও এগোতে পারে নাই বরং অনেক সময়ই পূর্বেকার গৌরবময় ধূসের দোহাই দিয়ে আরও অন্ধ কুসংস্কারেই জড়িয়ে পড়ছিল।

যাহোক এই সময়েই বিজ্ঞানের আলোচনা আরব ও পারস্যের গভী ছেড়ে দক্ষিণ আফ্রিকা ও পশ্চিম ইউরোপে বিস্তার লাভ করে। তবে সর্বত্রই মুসলিম জাতি এবং তাঁদের ভাষা আরবীই ছিল এই সভ্যতার বাহন। অতি আশ্চর্য ভাবে, বিশেষ ক্ষিপ্ততার সঙ্গে কোরাণের ভাষাই সমগ্র সভ্য জগতের জ্ঞান বিজ্ঞান আলোচনার ভাষা হয়ে দাঁড়ায়। এর পূর্বে এবং পরেও উনবিংশ শতাব্দীর মধ্যভাগ

পৰ্বস্তু জন্ত কোন ভাবাই এমনি International Language হওয়ার দাবী করতে পারিত না।

অক্ষশাস্ত্রে পূর্ব শতাব্দীর উন্নতি অব্যাহত থাকে আলবাত্তানী ও আবুল ওয়াফার মনীষা ও বিজ্ঞান প্রতিভায়। তাঁদেরই কল্যাণ স্পর্শে ত্রিকোণমিতি এতদিনকার জড়স্থ ঘুচিয়ে বিজ্ঞানের গণ্ডিতে স্থান পায় এবং শব্বুকের খোলস ছেড়ে উন্নতির পথে অগ্রসর হোতে থাকে।

আল্‌বাত্তানী

দশম শতাব্দীতে যে সমস্ত প্রতিভাসম্পন্ন মনীষী তাঁদের অমর কীর্তি দ্বারা বিজ্ঞানের ইতিহাস সমৃদ্ধ করছেন, তন্মধ্যে আল্‌বাত্তানী, আবুল ওয়াকা, আল্‌ফারাভী, রাজেস (আররাজী) প্রভৃতি অঙ্কশাস্ত্রবিদগণ পাশ্চাত্য জগতে সমধিক পরিচিত। জ্যোতির্বিজ্ঞানে আল্‌বাত্তানীর দান খুবই উচ্চ শ্রেণীর। প্রধানত এইজগ্গেই জনৈক খ্যাতিনামা ইউরোপীয় দার্শনিক তাঁকে 'মুসলিম টলেমি' নামে অভিহিত করেছেন। বস্তুত গ্রীক বিজ্ঞানের টলেমির স্থান, মুসলিম বৈজ্ঞানিকদের মধ্যে আল্‌বাত্তানীই অধিকার করেছেন। টলেমির প্রতিভার চেয়ে আল্‌বাত্তানীর প্রতিভা কোন অংশে কমত নয়ই, বরং সঠিক গণনা, নিভুল পরিমাপ ইত্যাদির দিক দিয়ে দেখতে গেলে, অনেক সময়ে উচ্চস্তরের বলেই মনে হয়। সে সম্বন্ধে জ্যোতির্বিজ্ঞানে বাস্তবতার দানের পরিচয়ের সময়ে কিছু কিছু আভাস পাওয়া যাবে।

আল্‌বাত্তানীর পূর্ব থেকেই মুসলিম বৈজ্ঞানিকগণ গ্রীক বৈজ্ঞানিকদের অপরিষ্কৃত এলোমেলো পন্থায় গবেষণার পথ পরিত্যাগ করে সুষ্ঠু নিয়ম পদ্ধতির বাঁধন কষণের সঙ্গে গবেষণা শুরু করেন। জ্যোতির্বিজ্ঞানের পূর্বেকার জ্যোতিষী রূপ মিলিয়ে গিয়ে শুদ্ধ বিজ্ঞান হিসাবে জ্যোতিষ-বিজ্ঞান থেকে সম্পূর্ণ আলাদা ভাবেই, বৈজ্ঞানিকদের চিন্তাবিনোদন শুরু করেছিল। বৈজ্ঞানিক প্রক্রিয়ার এই ক্রমোন্নতির যুগেই আল্‌বাত্তানীর অভ্যুদয়।

মেসোপটেমিয়ার অন্তর্গত বাস্তানে জন্মগ্রহণ করেছিলেন বলে, এই অঙ্কশাস্ত্রবিদ আল্‌বাত্তানী নামে পরিচিত। স্বদেশের কথা মানসপটে চিরজাগরুক রাখবার জগ্গে মুসলিম মনীষীগণ নামের সঙ্গে দেশের পরিচয় দিয়ে রাখেন। বৈজ্ঞানিক হয়েও তখনকার দিনের বৈজ্ঞানিকরা সাহিত্যিকদের মতই দেশের নামও নিজেদের নামের সঙ্গে ব্যবহার করতেন। আল্‌বাত্তানীর আসল নাম হোল আবু আল্‌বাত্তানী আবু সাবি। খুব সম্ভব ২৪৪ হিজরীতে (৮৫৮ খৃঃ অব্দ) কাকুর কাকুর মতে ৮৭৭ খৃঃ অব্দ বাস্তানের এক সম্ভ্রান্ত পরিবারে আল্‌বাত্তানীর জন্ম হয়। তিনি কিশোর বয়সেই বৈজ্ঞানিক গবেষণায় রত হন। তাঁর বয়স

যখন মাত্র কুড়ি বৎসর সেই সময়েই তিনি জ্যোতির্বিজ্ঞানে সুপণ্ডিত হিসাবে পণ্ডিতমণ্ডলীতে পরিচিত হোতে সমর্থ হন।

এমনিতে তিনি ছিলেন খলিফার অধীনে সিরিয়া প্রদেশের গভর্নর। এমনি দায়িত্বপূর্ণ উচ্চপদে অধিষ্ঠিত থেকেও তিনি তাঁর কৈশোরের জ্ঞান পিপাসা ভোলেন নাই, সময় ও সুযোগ পেলেই বিজ্ঞান গবেষণায় মনোনিবেশ করতেন। এই গবেষণার ফল তাঁকেই শুধু অমর করে নাই, সমস্ত জ্যোতির্বিজ্ঞান ও জিকোণমিতিকে এ নুতন পথে পরিচালিত করে বলা চলে। তাঁর পর্যবেক্ষণ কাজ কিছু কিছু হয় তাঁর প্রদেশের রাজধানী এন্টিয়োক (Antioch) এবং মেসোপটেমিয়ার অন্তর্গত ইউফ্রেটিস নদীর তীরে অবস্থিত আর রাককাতেও (Aracle) তাঁর কিছু কিছু পর্যবেক্ষণ কাজ চলত ; কিছুদিন অনবরত একই স্থানে দেখতে দেখতে অনেকেই তাঁকে সেখানকার অধিবাসী হিসাবেই ধরে নিয়েছিলেন এবং সেই সূত্রে শেষ পর্যন্ত তিনি আররাককী নামেও পরিচিত হন। সুদীর্ঘ একাত্তর বৎসর কর্ম জীবন যাপন করার পর ৯২৯ খৃঃ অব্দে (৩১৭ হিজরী) বাগদাদ থেকে প্রত্যাগমন পথে তাইগ্রীসের পূর্ব তীরে সামারার নিকটবর্তী কাসর আজ জিস নামে এক পল্লীতে বাস্তানী পরলোক গমন করেন।

অগাঞ্চ মুসলিম নামের মতই আলবাস্তানীর নামের উপরও ইউরোপীয় ভাষাবিদগণ অত্যাচার চালাতে কসুর করেন নি। তাঁদের কল্যাণে আরবের আলবাস্তানী শেষ পর্যন্ত রূপ পরিবর্তন করতে বাধ্য হয়েছে। পূর্বের নামের সঙ্গে ঐতিহাসিক সন্দ্বন্ধ ছাড়া বর্তমানে ইউরোপে পরিচিত আলবাতেনিয়াস (Albatenius) বা আলবাতেনজনিয়াস (Albategnus) কে আলবাস্তানী বলে ধরে নেওয়া খুবই কষ্টকর হোত সন্দেহ নাই।

আলবাস্তানীর সময়ে যে জ্যোতির্বিজ্ঞানে প্রভূত উন্নতি হয়েছিল তার নিদর্শন পাওয়া যায় তাঁর প্রণীত জ্যোতির্বিজ্ঞান তালিকায়। আলখারেজমির প্রণীত তালিকার চেয়ে বাস্তানীর তালিকা অনেক জটিল তথ্যে পরিপূর্ণ। শুধু জটিলতাতেই এর সার্থকতা নয়। “ফিজিক্স”-এ প্রচারিত তথ্যাদির বিশ্লেষণ ছাড়া বহু নুতন নুতন বিষয় এতে সমাবেশ করা হয়েছে। “ফিজিক্স” থেকে এর আর একটি বিশেষত্ব হোল তথ্যাদি নিরূপণের সম্পূর্ণ অভিনব পন্থা ও সেগুলি প্রকাশের ভঙ্গিমা। আলখারেজমি “ফিজিক্স” প্রণয়নে ভারতীয় পন্থা অনুসরণ করেন,

বাস্তানী সেদিক দিয়েও মাড়ান নাই। সম্পূর্ণ অভিনব ভাবের গবেষণা প্রণালী তাঁর সময়কার জ্যোতির্বিজ্ঞানকে নূতন রূপ দান করেছিল বলা চলে। তিনি পূর্বেকার আরবীয় এবং গ্রীক পন্থা অহুকরণে অক্ষরমালাকে সংখ্যার প্রতীক ভাবে (হিসাব আল জুমল) ব্যবহার করে একটি তালিকা তৈরী করেন। C. A. Nillano ১৮৯৯-১৯০৭ খৃঃ অব্দের মধ্যে মিলান থেকে তিন খণ্ডে এর একটি সংস্করণ প্রকাশ করেছেন।

জ্যোতির্বিজ্ঞান তালিকা, সৌর আয়নমণ্ডলীর গতি, চান্দ্রমাসের সঠিক গণনা, নাক্ষত্রিক (Sidereal) এবং গ্রীষ্মমণ্ডল সংক্রান্ত (Tropical) বৎসরের দৈর্ঘ্য, চান্দ্রিক বিশৃঙ্খলতা (Lunar anomalies), চন্দ্র গ্রহণ, সূর্য গ্রহণ, ঋতুর সঠিক সময় নির্ণয়, Parallax ইত্যাদি নানা বিষয়ের নূতনতম অবদান বাস্তানীর জ্যোতির্বিজ্ঞানের বিশেষত্ব। তিনি পূর্বেকার বৈজ্ঞানিকদের প্রবর্তিত অনেক ভুল সংশোধন করে জ্যোতির্বিজ্ঞানকে সম্পূর্ণ বিজ্ঞানসম্মত করে তোলেন। আলখারেজমির সময় প্রচলিত যন্ত্রপাতি থেকে, বাস্তানীর ব্যবহৃত যন্ত্রপাতি বিশেষ উন্নত ধরনের না হোলেও, গণনা ও গবেষণার উৎকৃষ্টতা উপলব্ধি করা যায় তাঁর প্রচারিত তথ্যগুলিতে। এর পূর্বে সূর্যের সঠিক ও মধ্য কক্ষ সম্বন্ধে (True and mean orbit of the sun) বৈজ্ঞানিকদের যে ধারণা ছিল আলবাস্তানী তাকে সংশোধন করে সঠিক বার্তার সংবাদ দেন। তিনি নিজের পর্যবেক্ষণের ফলের সঙ্গে পূর্বেকার পণ্ডিতদের পর্যবেক্ষণের ফল মিলিয়ে যাচাই করতেন। এমনি পর্যবেক্ষণের ফলে টলেমী ও হিপারকাস নক্ষত্রের Longitudonal motion সম্বন্ধে যে ভুল করেছেন তা দেখিয়ে দেন। টলেমীর মতে এ হোল একশ বৎসরে ১° এক ডিগ্রী, এবং হিপারকাসের মতে ৭০ বৎসরে এক ডিগ্রী। আলবাস্তানীর মতে এ হোল ৭২ বৎসরে এক ডিগ্রী। বর্তমান গণনায়ও এই ফলই পাওয়া যায়। Solar orbit এর eccentricityর বেলায়ও তাঁর পর্যবেক্ষণ ফল বর্তমানে স্থিরীকৃত মানের সঙ্গে বেশ মিলে যায়। বর্তমানের অনেক জ্যোতির্বিদদের মতে আলবাস্তানীর গণনায় যে সামান্য একটু ভুল দেখা যায়—অতি নিপুণ সূক্ষ্ম যন্ত্রপাতি নিয়ে কাজ করলেও এমনি ভুল হতে বাধ্য। এই সামান্য সামান্য ভুলগুলি উপেক্ষা করলে আলবাস্তানীর ফল খুবই সঠিক। তাঁর গণনা অনুসারে বৎসরের পরিমাণ হোল ৩৬৫ দিঃ ৫ ঘঃ ৪৬ মিঃ ২৪ সেঃ অর্থাৎ সঠিক পরিমাণের

সঙ্গে ২৭ মিনিটের পার্থক্য। বিখ্যাত জ্যোতির্বিদ হালীর মতে আল্‌বাত্তানীর এ ভুলও টলেমীর গণনার উপর নির্ভর করার জগ্‌ই। তিনি যদি নিজের পর্যবেক্ষণ কল হিপারকাসের ফলের সঙ্গে মিলিয়ে নিতেন তা হোলে সঠিক গণনাই দিতে পারতেন।

বনি মুসা ভ্রাতৃত্বই প্রথম সূর্যের কক্ষগতি (Apogee এবং Perigee) সম্বন্ধে সঠিক বিবরণ প্রদান করেন। বাস্তবানী নূতন প্রশালীতে যন্ত্রপাতি দিয়ে বিভিন্ন প্রকারের পরীক্ষা কার্য চালিয়ে প্রমাণ করেন যে কক্ষগতির সচলতা সমরাত্রিদিনের প্রাগয়নের (Precession of Equinoxes) উপর নির্ভর করে। মুসা ভ্রাতৃত্বের প্রমাণেও যদি কারুর সন্দেহ থেকে থাকতো বাস্তবানীর বিশিষ্ট কার্যকলাপে সে সন্দেহ চিরতরে বিদূরিত হয়। বৈজ্ঞানিক টলেমির এতদিনকার পূজ্য মতবাদ আল্‌বাত্তানীর বৈজ্ঞানিক প্রতিভায় ধূলিসাৎ হয়ে সত্যের স্থান দিতে সরে দাঁড়ায়। বাস্তবানী দেখিয়ে দেন যে টলেমীর সময় থেকে সূর্যের তুঙ্গব (altitude) ১৬'৪৭ বৃদ্ধি পেয়েছে। এতে নিঃসন্দেহ ভাবে প্রমাণিত হয় যে কক্ষগতি অচল স্থবিরের মত নিশ্চলভাবে দাঁড়িয়ে নেই। কাল শোধনের (Equation of time) বিষয়টিও এ থেকেই পরিষ্কার ভাবে নির্ধারিত হয়।

বাস্তবানী টলেমীর প্রচারিত আরও কয়েকটি মতবাদকে ভ্রান্ত বলে প্রমাণ করেন। তদ্বধ্যে সূর্যের আপাত কৌণিক ব্যাস রেখা পরিবর্তন (The variation of the apparent angular diameter of the Sun) অল্পতম। এর পূর্ব পর্যন্ত টলেমীর ভ্রান্ত মতবাদই সঠিক বলে চলে আসছিল, বাস্তবানী সেটিকে সংশোধন করেন। বার্ষিক সূর্যগ্রহণ যে অসম্ভব ব্যাপার নয় আল্‌বাত্তানী তা প্রমাণ করেন। অষ্টাদশ শতাব্দীর বিখ্যাত বৈজ্ঞানিক ডানথর্ন (Dunthorne) আল্‌বাত্তানীর সূর্য ও চন্দ্রগ্রহণ সম্বন্ধীয় মতবাদের উপর নির্ভর করে চন্দ্রের গতি ইত্যাদি বহুবিধ তথ্য নির্ণয় করে প্রসিদ্ধি লাভ করেন। তিনি দেখিয়ে দেন যে অপভ্রম গতি নক্ষত্রের গতির চেয়ে একটু বেশী এবং রাশির ক্রম অল্পসারে। Universal gravitation theoryর জন্ম এবং বর্তমান জ্যোতির্বিদদের নিকট এর কার্যকারিতা বিশেষভাবেই উপলব্ধি হবে।

গ্রহের গতি সম্বন্ধে টলেমীর মতবাদে অসম্পূর্ণতা ও ভুল আবিষ্কার করে

তিনি এগুলি সংশোধন করে অধিক ফলাফল নির্ধারণ করতে বিশেষ প্রয়াস পান। সূর্যের অপভূ সঙ্কে টলেমীর মতবাদের মধ্যে ভুল আবিষ্কার করার ফলেই তিনি অগ্ন্যস্ত্র গ্রহাদির গতির অসমতার বিষয় নিয়েও সন্দিহান হয়ে উঠেন। এইজন্মেই তিনি সমস্তগুলি নিয়েই পর্যবেক্ষণ শুরু করেন। এই পর্যবেক্ষণের ফলেই তিনি টলেমীর তালিকা পরিবর্তে নূতন তালিকা প্রস্তুত করেন।

অমাবস্তার সঠিক গণনা বিষয়ে এক সুন্দর ঔপপত্তিক নিয়ম প্রচলনকারী হিসাবেও আল্‌বাত্তানী জ্যোতির্বিজ্ঞানে সুপরিচিত। সমরাজিদিনের প্রাগয়ণের কথা এর পূর্বেও জানা ছিল কিন্তু পরবর্তী গণনায় পূর্বে নির্ণীত সংখ্যাতে অনেক ভুল বেরিয়ে পড়ে। আল্‌বাত্তানী সঠিক গণনা করে এই ভুলগুলি দেখিয়ে দেন। তাঁর গণনা অনুসারে প্রাগয়ণ হোল বৎসরে $৫৪'৫''$ । ক্রান্তিবৃত্তের আনতি (inclination of the ecliptic) সঙ্কেও এই কথাই বলা চলে; তাঁর গণনা অনুসারে এই আনতি হোল $২৩'৩৫''$ । এই সমস্ত থেকেই বোঝা যাবে আল্‌বাত্তানী জ্যোতির্বিজ্ঞান নিয়ে কিরূপ বিশদভাবে আলোচনা করেছিলেন। ৮৮০-৮১ খৃঃ অব্দে যে সমস্ত নক্ষত্রাদি স্থির বলে প্রতিপন্ন হয়েছিল তার একটি তালিকা পাওয়া যায় বাত্তানীর জ্যোতির্বিজ্ঞান তালিকায়।

জ্যোতির্বিজ্ঞানে আল্‌বাত্তানী প্রভূত উন্নতি সাধন করে থাকলেও অঙ্কশাস্ত্রের ইতিহাসে তথা বিজ্ঞানের ইতিহাসে যা তাঁকে অমরত্ব দান করেছে সে হোল তাঁর ত্রিকোণমিত্তির সম্পূর্ণ স্বাধীন ভাবে পূর্ণ আলোচনা। এর আগে ত্রিকোণমিত্তির আলোচনা হোল জ্যোতির্বিজ্ঞানের অত্যন্ত দরকারী শাখা হিসাবে। এর যে নিঞ্জের একটা স্বাতন্ত্র্য আছে, এ যে নিঞ্জেরই একটি সম্পূর্ণ বিজ্ঞান সেকথা প্রথম উপলব্ধি করেন আল্‌বাত্তানী। প্রাচ্য পাশ্চাত্য উভয় দেশেই অনেক পূর্ব থেকেই ত্রিকোণমিত্তির আলোচনা হচ্ছিল; কিন্তু একে স্বতন্ত্র বিজ্ঞান হিসাবে কেউ কোন দিন ভাবেন নাই। তাই জ্যোতির্বিজ্ঞানের আনুষঙ্গিক বৃদ্ধি ছাড়া এর স্বাভাবিক বৃদ্ধি কিছুই হয় নাই। একে অঙ্কশাস্ত্রের দরকারী এক ছুপ্পাচ্য শাখা হিসাবেই এতদিন সবাই ধরে নিয়েছিল। টলেমী ত্রিকোণমিত্তিকে যেমনভাবে ব্যবহার করে গেছেন তাতে বাত্তানীর পূর্ব পর্যন্ত একে সবাই একটু ভয়ের চোখেই দেখতেন বলা চলে। হয়ত ব্যবহারের দোষেই অঙ্কশাস্ত্রের এক অত্যাবশ্যকীয় শাখা হয়েও এর মুক্তিলাভ ঘটে নাই; বৈজ্ঞানিকগণও এর দিকে তেমন দৃষ্টি দেন নাই।

স্বপ্নভঙ্গ নির্ঝরের মতই আল্‌বাত্তানীর হাতে এই অত্যাবশ্যকীয় শাখাটির কুটিলতা নষ্ট হয়ে স্বাভাবিক অন্তর্নিহিত বৈজ্ঞানিক সৌন্দর্য ফুটে উঠে। বৈজ্ঞানিকগণও এর দিকে আকৃষ্ট হন।

সাইন (sine), কোসাইন (cosine), ট্যানজেন্ট (tangent) কোট্যানজেন্ট (co-tangent) প্রভৃতি ত্রিকোণমিত্তির প্রাথমিক শিক্ষা। এই সহজ সুষ্ঠু সান্বেতিক নিয়মগুলিকে প্রকৃত তাৎপর্যপূর্ণ করে তুলতে আল্‌বাত্তানীর পূর্বে কেউ সমর্থ হন নাই। টলেমী chords ব্যবহার করে ত্রিকোণমিত্তির সমস্যাগুলির সমাধান করেছিলেন। কিন্তু এই chords ব্যবহার করতে তিনি যে উপপাণ্ডুর সাহায্য নিয়েছিলেন সেটি যেমন জটিল তেমনি দুস্পাচ্য। সহজ সমাধানকে জটিল করে তুলবার একটি প্রকৃষ্ট উদাহরণ হোল টলেমীর ত্রিকোণমিত্তির প্রথম উদ্ভাবন। প্রথম আবিষ্কার্তার এ অশুবিধা চিরকালের, শুধু টলেমীই নয় প্রত্যেক জিনিসেরই আবিষ্কার্তা এমনি ভাবে এলোমেলো পথে অগ্রসর হয়েছেন, তাঁর পরবর্ত্তীগণই করেছেন তাঁর সংশোধন ও উন্নতি। যা হোক টলেমীর এই জটিল পন্থাই অঙ্কশাস্ত্রবিদগণ অমুসরণ করে আসছিলেন নবম শতাব্দী পর্যন্ত।

আরবীতে সাইন (sine) কে বলা হয় “জাইব”, এর অর্থ বক্র। লাটিনে বাস্তানীর ব্যবহৃত আরবী শব্দগুলি অমুদিত হয় এবং এই লাটিন অমু-বাদগুলিই আজ পর্যন্ত ত্রিকোণমিত্তিতে ব্যবহৃত হয়ে আসছে। “জাইব” এর লাটিন অমুবাদ হোল “sinus” তা থেকেই ‘sine’ এর উদ্ভব। ট্যানজেন্ট (tangent) ও কোট্যানজেন্ট (co-tangent) এর উদ্ভাবনার সূত্রপাতের সঙ্গে সূর্যের গতিবিধির একটি নিকটতম সম্বন্ধ দেখা যায় আরব বৈজ্ঞানিকদের ত্রিকোণমিত্তিতে। ছায়াঘড়ির উপরকার সমতলস্থ ছায়ার ধারণা থেকেই কোট্যানজেন্ট (co-tangent) এবং উর্ধ্বতলস্থ ছায়ার ধারণা থেকেই ট্যানজেন্ট (tangent) এর উদ্ভাবনা। এতে অবশ্য বর্তমানের সঙ্গে কোন গরমিল হয় নাই তবে এখনকার উদ্ভাবনার পন্থার সঙ্গে একটু গরমিল আছে। তাই বলে এ পন্থাকে অবৈজ্ঞানিক বলে উড়িয়ে দেওয়া চলে না। প্রথম আবিষ্কার্তার অশুবিধা ছাড়া এর মধ্যে বিজ্ঞান-দোষ আর বিশেষ কিছুই নাই।

ত্রিকোণমিত্তির এই চিহ্নগুলির আবিষ্কার এবং তাদের ব্যাখ্যা ও তাৎপর্য প্রভৃতি আলোচনাতেই যে আল্‌বাত্তানীর ত্রিকোণমিত্তিতে দান সীমাবদ্ধ তা নয়।

এগুলিকে বৈজ্ঞানিক উপায়ে জটিল অঙ্কশাস্ত্রের আয়ত্তের মধ্যে নেওয়াও তাঁর এই স্বতন্ত্র নব আবিষ্কৃত বিজ্ঞান সম্বন্ধে সম্যক জ্ঞান ও সুস্পষ্ট ধারণার পরিচয়। সাইন (sine) এবং কোসাইন (cosine) এর সঙ্গে ট্যানজেন্টের (tangent) সম্বন্ধ তিনিই প্রথম আবিষ্কার করেন। তাঁর উদ্ভাবিত ফরমুলা ত্রিকোণমিতিকে পূর্ব পরিচিত গণ্ডী ছাড়িয়ে অনেক উচ্চস্তরে উন্নীত করে। কোন কোণের সাইন জানা থাকলে তার ট্যানজেন্ট বের করা বা ট্যানজেন্ট জানা থাকলে সাইন বের করা এই ফরমুলার সাহায্যে অতি সহজেই নিষ্পন্ন হোতে পারে। বর্তমানে প্রচলিত প্রতীক চিহ্নাদি ব্যবহার করলে ফরমুলা দাঁড়াবে।

$$\sin \alpha = \frac{\tan \alpha}{\sqrt{1 + \tan^2 \alpha}} \text{ এবং } \cos \alpha = \frac{1}{\sqrt{1 + \tan^2 \alpha}}$$

এই ফরমুলাটিই আজকাল প্রচলিত। ত্রিভুজের বাহুর সঙ্গে কোণের ত্রিকোণ-মিতিক সম্বন্ধও আলবাত্তানীই উদ্ভাবনা করেন। তাঁর প্রচারিত নিয়মটি হোল :—

$$\cos a = \cos b \cos c + \sin b \sin c \cos A.$$

তিনি কোণের ডিগ্রী অনুসারে ট্যানজেন্ট এবং কোট্যানজেন্টের মান বের করার একটা তালিকা প্রণয়ন করেন।

যে সমস্ত প্রতিপাত্ত বিষয় গ্রীক পণ্ডিতগণ জ্যামিতির সাহায্য নিয়ে সম্পন্ন করতেন আরব বৈজ্ঞানিকগণ সেইগুলিই বীজগণিতের সাহায্যে সম্পন্ন করেন। আলবাত্তানী বীজগণিতের সাহায্যেই অতি সহজেই $\frac{\sin \theta}{\cos \theta} = D$ থেকে

θ এর মান নির্ণয় করেন—অবশ্য ত্রিকোণমিতিক ফরমুলা $\sin \theta = \frac{D}{\sqrt{1+D^2}}$ এর

সাহায্যে। তাঁর পূর্বে কেউ এই সহজপন্থা উদ্ভাবন বা ব্যবহার করেন নাই। ত্রিকোণমিতির উদ্ভাবনা হয় জ্যোতির্বিজ্ঞানের পারিপার্শ্বিক বিজ্ঞান অনুসারে। বাস্তানীও এদিক দিয়ে কসুর করেন নাই। সূর্যের তুঙ্গহ নির্ণয়ে তিনি যে প্রণালীর আশ্রয় নিয়েছিলেন বর্তমানে ত্রিকোণমিতি অনুসারে সেটি দাঁড়ায়—

$$x = \frac{2 \sin (90 - x)}{\sin x} = 2 \cot x$$

আলবাত্তানীর গ্রন্থাবলীর মধ্যে অনেকগুলিরই কোন সন্ধান এ পর্যন্ত পাওয়া যায় নাই। এমন কি অনেকগুলোর নাম পর্যন্ত জানা যায় নাই। তাঁর

বিজ্ঞান ও বুদ্ধিমত্তার পরিচয় দিতে যেগুলোর অস্তিত্ব আজ পর্যন্ত ধরা পড়েছে, তাদের মধ্যে সবগুলোই শুধু জ্যোতির্বিজ্ঞান সম্বন্ধীয় আলোচনাতেই ভরপুর। এগুলোর মধ্যে নিম্নের চারখানাই বিশেষ উল্লেখযোগ্য :—

(১) কিতাব মারেফাত মাতালি আলবুরুজ্জ ফি মা বায়না আবরা আল ফালাক—“The book of the science of the ascensions of the signs of the Zodiac in the spaces between the quadrants of the celestial Sphere.” জ্যোতির্বিজ্ঞান বিষয় সমূহের অঙ্কের সাহায্যে সমাধানই এর বৈশিষ্ট্য।

(২) রিসালা ফি তাহকিক আকদার আল ইল্লিসালাত—A letter on the exact determination of the question of the astrological application. জ্যোতির্বিজ্ঞান বিষয় সমূহের বিশেষ করে গ্রহ নক্ষত্রাদির গতিবিধি সম্বন্ধে ত্রিকোণমিতিক সমাধান এর বৈশিষ্ট্য।

(৩) সারাফ আল মাকালাত আল আরবা লি বাতমিয়ান—টলেমীর ট্রেটাবিলস্‌এর ভাষ্য।

(৪) আজজিজ, জ্যোতির্বিজ্ঞান গ্রন্থ ও তালিকা। এই চতুর্থ পুস্তকখানি লবণিক দিয়েই উন্নত এলা করে রাখার মধ্যে সম্বোধিত বললেও অস্বাভাবিক হয় না। ঐর অধ্যায় গ্রন্থ হাদিশ লভ্যকীর্তে Plato Tiburtinus কর্তৃক De Scientia Stellarum নাম দিয়ে লাটিনে অনূদিত হয় এবং The science of the stars নামে ১৫৩৭ খৃঃ অব্দে রেজিওমন্টেনাস কর্তৃক নিউরেমবার্গ থেকে প্রকাশিত হয়। যতদূর মনে হয় আল্‌বাত্তানী আর্ভভট্ট ও ব্রহ্মগুপ্তের ত্রিকোণমিতির সঙ্গে পরিচিত ছিলেন না।

আল্‌বাত্তানীর সুদূর প্রসারী পর্যবেক্ষণ ক্ষমতা এবং তৎসঙ্গে বিজ্ঞান সম্মত ভাবে কাঙ্ক্ষার বিপ্লবের বৈশিষ্ট্যের জন্ম এ পুস্তকখানি শুধু পরবর্তী আরব বৈজ্ঞানিকদের উপরই নয়, রিনাসাঁ পর্যন্ত ইউরোপের বিজ্ঞান জগতে এক অসাধারণ প্রভাব বিস্তার করেছিল। জ্যোতির্বিজ্ঞান ও ত্রিকোণমিতির বর্তমান পরিস্থিতির মূলে এর দান অনেকখানি। এর জনপ্রিয়তা হিসাবে এইটুকু বললেই চলে যে ক্যাণ্টাইলের দশম আলফানসো লাটির অনুবাদে তুপ্ত না হয়ে মূল আরবী থেকে পুনরায় স্পেনীয় ভাষায় অনুবাদ করান।

এই সময়কার অন্য কয়েকখানি ছোট ছোট পুস্তিকারও সন্ধান পাওয়া যায়। এগুলোর প্রেছকারদের নাম লাতিন অল্পবাদে দাঁড়িয়েছে, বেথেম (Bethem), বোরেলিয়েন (Boelien), বেরেনী (Bereni) প্রভৃতি। আল্‌বাত্তানীই এ প্রেছগুলোর প্রেপেতা বলে অনেকেই মনে করেন।

আল্‌বাত্তানীর পূর্বপুরুষদের মধ্যে বিজ্ঞানে কেউ বিশেষ প্রসিদ্ধি লাভ করেছিলেন বলে মনে হয় না। অন্তত তাঁর কার্যকলাপে তেমন কোন উল্লেখ পাওয়া যায় না। তবে অনেকের মতে “কিহ্মিরিতে” উল্লিখিত অন্ততম জ্যোতির্বিজ্ঞান যন্ত্রবিদ জাবির ইবনে সিনান আল্‌হায়রানী, আল্‌বাত্তানীর পূর্বতম পুরুষ। আল্‌বাত্তানীর পূর্ণ নামের সঙ্গে এর নামের সৌসাদৃশ্য দেখে (G. Sarton) একে আল্‌বাত্তানীর পিতা বলে মত প্রকাশ করেছেন। আল্‌বেক্কানীর মতে জাবিরই সর্বপ্রথম গোলাকার আন্তারলাব (Spherical astrolabe) প্রস্তুত করেন।

আল্‌বাত্তানীর সমসাময়িক অন্ততম বৈজ্ঞানিকদের মধ্যে রাহেস (Rhases), ইবরাহিম, আল্‌কারাবি বিজ্ঞানের বিভিন্ন শাখায় মৌলিক গবেষণার জন্য সমধিক প্রসিদ্ধ। অঙ্কশাস্ত্রেও তাঁদের দান খুব কম নয়। তবে আল্‌বাত্তানীর পরে, দশম শতাব্দীতে অঙ্কশাস্ত্রে মৌলিক গবেষণার জন্য যিনি বিজ্ঞান জগতে সর্বাপেক্ষা সুশ্রুতিভিত্তি, তাঁর নাম হোল আবুল ওয়াকা। বাত্তানীর মৃত্যুর প্রায় একশ বৎসর পরে আবুল ওয়াকার জন্ম হয়। তিনি দশম শতাব্দীর শেষ ভাগ পর্যন্ত জীবিত থেকে নিজের জ্ঞানগরিমা দ্বারা ইসলামের বিজ্ঞান জগতে যে অমরকীর্তি সংস্থাপন করেন, সে শুধু মুগবিশেষ নয়, অনাগত ভবিষ্যতেও অল্পান সৌরবে দাঁড়িয়ে থাকতে সমর্থ হবে।

রাহেস, আবুবকর মোহাম্মদ ইবনে জাকারিয়া আর রাজির ইউরোপীয় নাম। তাঁর জীবনী সহজে বিশেষ কিছুই জানা যায় না। পাণ্ডিত্যের দিক দিয়ে তিনি ছিলেন একাধারে সুবিখ্যাত চিকিৎসক, দার্শনিক, রাসায়নিক, অঙ্কশাস্ত্রবিদ ও কলাবিদ। তবে অন্য সমস্ত গুলোকে ছাপিয়ে চিকিৎসা বিজ্ঞানেই তাঁর প্রতিভা সর্বতোভাবে পরিস্ফুট হয়ে উঠে।

১৩৪ খৃঃ অব্দে (২৫০ হিজরীতে) পারস্তের জিবাল প্রদেশের উত্তর পূর্ব অঞ্চলে তৎকালীন সুবিখ্যাত নগর “রাই”তে তাঁর জন্ম হয়। এখানেই তিনি

অঙ্কশাস্ত্র, জ্যোতির্বিজ্ঞান, দর্শন এবং সাহিত্য ইত্যাদি বিশেষভাবে অধ্যয়ন করেন। সম্ভবত রসায়ন শাস্ত্রের শিক্ষাও এইখানেই শুরু হয়। রাজী প্রথম জীবনে বিজ্ঞানের দিকে কোন মনোযোগই দেন নাই। অশু সাধারণ ছাত্রের মতই বিশ্ববিদ্যালয়ের পাঠ সমাপ্ত করে লেখাপড়ার সঙ্গে সমস্ত সম্বন্ধ বিলোপ করে দেন।

আব্রাহী

অস্তুনিহিত প্রতিভা মানুষকে তার সাধনার পথে চালিয়ে নেবেই। তিনিও প্রথম জীবনে জ্ঞানবিজ্ঞানের দিকে

উপেক্ষা প্রদর্শন করলেও বয়োবৃদ্ধির সঙ্গে সঙ্গে জীবনের কর্মক্ষেত্র বেছে নেওয়ার জন্য তাঁর মনে যে আকুল আগ্রহ জেগে উঠে তাই তাঁকে আবার এইদিকেই টেনে আনে। চিকিৎসা ব্যবসাকেই তিনি তাঁর সাধনার পথ হিসাবে বেছে নেন। এতে তিনি যে অপূর্ব সাফল্য লাভ করেন তার পরিচয় পাওয়া যায় তৎকালীন সমস্ত মুসলমান নরপতিদের আদর দেখেই। চিকিৎসা বিজ্ঞানে তাঁর অপূর্ব প্রতিভার খ্যাতি সমস্ত মুসলিম জগতে ছড়িয়ে পড়ে। তিনি একের পর এক প্রায় সমস্ত নৃপতির চিকিৎসক ও সভাসদ হিসাবে বরিত হন।

রাজীর চিকিৎসা শাস্ত্রে মনোনিবেশ করার কারণ হিসাবে কতকগুলি গল্প প্রচলিত আছে। একটি হোল যে তিনি একবার বাগদাদে বেড়াতে যান। এখানে এক আশ্চর্য ধরণের রোগ নিরাময়ের কাহিনী তাঁর শ্রুতিগোচর হয়। অমুসল্মানে জানতে পারেন যে শহরের উপকণ্ঠে কার্থ নামক স্থানে খালের দক্ষিণ তীরে অবস্থিত পুরাতন হাঁসপাতালের চিকিৎসকগণই এই অদ্ভুত পন্থাটির আবিষ্কারক এবং তাঁরাই এটি ব্যবহার করছেন। সন্ধানীর অমুসলিম মন এই স্বল্পজ্ঞানেই নিরস্ত হয়নি, তিনি চিকিৎসকগণের নিকট থেকে সমস্ত বিষয়টি পুঙ্খানুপুঙ্খরূপে অবগত হন এবং এই অদ্ভুত পন্থাটির রোগ নিরাময়ের আশ্চর্য ক্ষমতায় মুগ্ধ হয়ে নিজেও এর ব্যবহার আরম্ভ করেন। এ থেকেই তিনি চিকিৎসাশাস্ত্রের দিকে আকৃষ্ট হন। আর একটি তাঁর রসায়নশাস্ত্রের আলোচনার সঙ্গে জড়িত। তিনি কোন এক রাসায়নিক পর্ষবেক্ষণের অসাধনাতা বশত বিষাক্ত গ্যাসের প্রশ্বাস গ্রহণ করেন। ফলে তাঁকে হেকিমের শরণাপন্ন হতে হয়। হেকিম সাহেব তাঁকে নিরাময় করে তোলেন বটে কিন্তু এর ফি হিসাবে পঁয়ত্রিশ শ ৩৫০০ টাকা দাবী করেন। এই সামান্য কাজের জন্য হেকিম সাহেবের বিরূতি বিলটি দেখেই তিনি বলে উঠেন “এইবার আলকেমী বা স্বর্ণ উৎপাদনের রহস্য

উদ্বাটনে সমর্থ হয়েছি”। এর পর থেকেই তিনি চিকিৎসা শাস্ত্রের অল্পশীলন করেন।

রাজী প্রথমে রাইএর নৃপতির চিকিৎসক নিযুক্ত হন এবং তাঁর আগ্রহক্রমে তাঁর প্রতিষ্ঠিত হাসপাতালের অধ্যক্ষের ভার প্রাপ্ত হন। এখান থেকে তিনি বাগদাদে নীত হয়ে খলিফার চিকিৎসক নিযুক্ত হন এবং তখাকার হাসপাতাল সমূহের ভার প্রাপ্ত হন। এই ভাবে একের পরে একে তিনি প্রায় সমস্ত রাজ্যেই রাজচিকিৎসক ও সভাসদ নিযুক্ত হন; কিন্তু কোন স্থানেই স্থির হয়ে বেশী দিন যাপন করতে পারেন নাই। তাঁর খ্যাতিই তাঁকে একস্থান থেকে অল্প স্থানে দৌড়িয়ে নিয়ে যাযাবর জীবন যাপন করতে বাধ্য করেছিল। মধ্যে মধ্যে তিনি জন্মভূমিতে ফিরে আসতেন বটে কিন্তু বেশী দিন তিষ্ঠিতে পারতেন না। ২২৫ খৃঃ অঙ্গে (৩১৩ হিজরীতে, আল্বেক্কনীর মত ৫ই সা'বান তারিখে) রাজী নিজ জন্মভূমি রাইতে পরলোক গমন করেন।

মুসলিম জগতের সর্বশ্রেষ্ঠ চিকিৎসক হিসাবেই রাজী পরিচিত। চিকিৎসা-বিজ্ঞান শাস্ত্রে তাঁর মৌলিক দানের সহস্রকে শুধু এইটুকু বললেই চলবে যে এখনও তাঁর উদ্ভাবিত অনেক পন্থাই চিকিৎসা শাস্ত্রে সাদরে ব্যবহৃত হয়। চিকিৎসা শাস্ত্র সহস্রকীয় তাঁর বহু গ্রন্থাবলী প্রামাণ্য গ্রন্থ হিসাবে সমাদৃত। রসায়ন শাস্ত্রেও তিনি অনেকগুলি নূতন বিষয় প্রবর্তন করেন। তন্মধ্যে প্রতীক চিহ্নাদির প্রবর্তন অগ্ৰতম। বস্তুত তাঁকে বর্তমান রসায়ন শাস্ত্রের প্রবর্তকও বলা যেতে পারে। এ সহস্রকে যথাস্থানে বিস্তারিত আলোচনা করা যাবে।

শুধু চিকিৎসা ও রসায়নশাস্ত্রেই রাজীর অগূর্ব বিজ্ঞান প্রতিভার পরিসমাপ্তির ঘটে নাই। সঙ্গে সঙ্গে বিজ্ঞানে অগ্ৰাণু বিভাগের আলোচনাও এই বৈজ্ঞানিকের জীবনের একটি কর্তব্য বলে পরিগণিত হয়েছিল। সেই কর্তব্যজ্ঞানই হয়ত তাঁকে অক্ষশাস্ত্রের মধ্যেও টেনে নিয়েছিল। তিনি জ্যোতির্বিজ্ঞান ও জ্যামিতি সহস্রকে কয়েকখানি পুস্তক প্রণয়ন করেন। বল বিজ্ঞান (mechanics) সহস্রকেও তিনি আলোচনা করেন। এ সহস্রকেও তাঁর কার্যাবলীর মধ্যে ওজন সহস্রকীয় এক গ্রন্থ “মিজান তাবিই” ছাড়া অল্প কিছুই সন্ধান পাওয়া যায় নাই। দুঃখের বিষয় পদার্থবিদ্যা, জ্যোতির্বিজ্ঞান, আলোক (optics) সহস্রকীয় গ্রন্থাবলীর অনেকগুলিই অধুনা বিলুপ্ত। রাজী সব সমেত প্রায় একশখানা গ্রন্থ প্রণয়ন করেন।

নবম শতাব্দীর বিখ্যাত জ্যামিতিক ছাবেতের বংশে যে বিজ্ঞান আলোচনা জাগ্রতই ছিল সে তাঁর পুত্র ও পৌত্রেরও বিজ্ঞান আলোচনাতে যোগ দেওয়াতেই বোঝা যায়। ছাবেতের ছায় তাঁর পুত্র সাইদ ইবনে সিনান ইবনে ছাবেত ইবনে কোরাও বিজ্ঞান ইতিহাসে প্রসিদ্ধ। পিতার ছায় তিনিও প্রথমে চিকিৎসা শাস্ত্রেই মনোনিবেশ করেন এবং এদিক দিয়ে বিশেষ খ্যাতিও লাভ করেন।

চিকিৎসা শাস্ত্রে তাঁর প্রতিভা যে বিশেষ উপেক্ষণীয় সিনান ইবনে ছাবেত নয় তার পরিচয় পাওয়া যায় প্রাপ্ত রাজসম্মান থেকেই। তিনি খলিফা আলমুতাকিদ, আলকাহির এবং আররাজীর চিকিৎসক নিযুক্ত হন এবং সে হিসাবে তৎকালে বাগদাদে যথেষ্ট প্রাধিক্য ও প্রতিপত্তি লাভ করেন। বাগদাদের হাসপাতাল সমূহের ভারও তাঁর উপর অর্পিত হয়। তিনি এগুলির সমূহ উন্নতি সাধন করেন। এই সময়ে তাঁরই প্রচেষ্টায় চিকিৎসা ব্যবসায়ের মানদণ্ড অনেক উন্নত হয়। খলিফার আদেশক্রমে হাতুড়ে চিকিৎসকদের ব্যবসা বন্ধ হয়ে যায়। যে কোন ব্যক্তিকে চিকিৎসাব্যবসা করতে হোলে তৎকালীন মেডিক্যাল বোর্ডের এক কঠোর পরীক্ষায় পাশ করতে হোত। সিনানই এই বোর্ডের অগ্রতম সন্ত্য হিসাবে প্রায় আটশ চিকিৎসককে ডিপ্লোমা দেন। যাহোক চিকিৎসা বিজ্ঞানেই তাঁর সমস্ত প্রতিভা নিয়োজিত হয় নাই। পিতার বিজ্ঞান পিণাসা পুত্রতেও বর্তেছিল। সিনান বিজ্ঞানের অসংখ্য বিভাগেও কিছু কিছু আলোচনা করেন। জ্যামিতি, জ্যোতির্বিজ্ঞান প্রভৃতিতে তাঁর দান সমধিক উল্লেখযোগ্য। আর্কিমিডিসের কতকগুলি পুস্তকেরও তিনি সিরিয়ান ও আরবীতে অনুবাদ করেন। সিনান ৯৪৩ খৃঃ অব্দে ইহলোক ত্যাগ করেন।

ছাবেতের বিজ্ঞান বুদ্ধি তাঁর পৌত্র আবু ইসহাক ইবরাহিম ইবনে সিনান ইবনে ছাবেত এবনে কোরার মধ্যেও সংক্রমিত হয়েছিল। অবশ্য এমনিতে তাঁর প্রতিভার নিদর্শন বিশেষ কিছুই নাই। বিখ্যাত অঙ্কশাস্ত্রবিদের বংশধরের অঙ্কশাস্ত্রে মৌলিক প্রতিভার দান বিশেষ কিছু না থাকার ইবরাহিম ইবনে সিনান মধ্য প্রতিভার অপ্রাচুর্যের চেয়ে নিয়তির বিচারহীন অঙ্ক হস্তক্ষেপের পরিচয়ই বেশী। যৌবনের প্রথম ভাগেই ফুটোনোস্মুখ দীপ্ত কালের ফুৎকারে নির্বাচিত হয়ে যায়। মাত্র ৩৮ বৎসর বয়সে ইবরাহিম

কালক্রমে পতিত হন। বিজ্ঞান প্রতিভা ক্ষুরিত হয় সাধনার বলে। যৌবনের প্রারম্ভে, সবে সাধনার যখন আরম্ভ তখনই নিয়তির নির্ভুর বিধানে সাধনার পূর্ণ সুযোগের সম্ভাবহার করতে না পেয়েই ইব্রাহিমকে ইহলোক ত্যাগ করতে হয়। তাই তাঁর প্রতিভা কোন্ স্তরের ছিল তার বিচার হওয়া সম্ভবপর নয়। ইব্রাহিম ইবনে সিনান ৯০৮ খৃঃ অব্দে বাগদাদে জন্মগ্রহণ করেন এবং ৯৪৬ খৃঃ অব্দে মৃত্যুমুখে পতিত হন। এই স্বল্প সময়ের কার্যের যেটুকু পরিচয় পাওয়া যায় তাতে মনে হয় তিনি তাঁর পিতামহের বিজ্ঞান প্রতিভার পূর্ণ উত্তরাধিকারীই ছিলেন। তিনিও পিতামহ এবং পিতার মতই ব্যবসায়ে ছিলেন চিকিৎসক; কিন্তু ব্যবসায়ে রত থেকেও তিনি কনিক (Conics), জ্যোতির্বিজ্ঞান, সূর্যঘড়ি প্রস্তুতের কৌশল ইত্যাদি সম্বন্ধে কয়েক খণ্ড গ্রন্থ প্রণয়ন করেন। কনিক এর প্রথম পুস্তকের এবং আলমাজেস্টের ভাষ্যও লেখেন। তা ছাড়া জ্যামিতি, ত্রিকোণমিতি সম্বন্ধেও বহু তথ্যপূর্ণ প্রবন্ধাদি প্রকাশ করেন। অধিবৃত্তের (Parabola) সমপরিমাপ বিশিষ্ট বর্গ ক্ষেত্রফল (Quadrature) বের করতে তিনি যে প্রণালী উদ্ভাবন করেন অঙ্কশাস্ত্রের মধ্যে তার স্থান অনেক উচ্চে। সরলতা এবং তথ্যের দিক দিয়ে আর্কিমিডিসের প্রবর্তিত প্রণালী থেকেও এটি সর্ব বিষয়ে শ্রেষ্ঠ। বস্তুত Integral Calculus বর্তমান আকারে ব্যবহৃত হওয়ার পূর্ব পর্যন্ত ইব্রাহিমের প্রথাই ছিল এ বিষয়ে সর্বশ্রেষ্ঠ।



আল্‌ফারাবী

পূর্বে দর্শন ও বিজ্ঞানের মধ্যে বিশেষ প্রভেদ করা হোত না। দার্শনিকেরা বৈজ্ঞানিকদের মতই বিজ্ঞান আলোচনায় যোগদান করতেন। যেখানে হাতে কলমে কাজ করতে হোত, বিজ্ঞানের সেই অংশটুকু বাদ দিলে, তখনকার দর্শন ও ঔপপত্তিক বিজ্ঞানের মধ্যে বিশেষ পার্থক্য করা যায় না। তখনকার অনেক বৈজ্ঞানিকই বিজ্ঞান বিষয়ে চর্চা করার সঙ্গে সঙ্গে দর্শনের গবেষণায়ও নিযুক্ত রয়েছেন দেখা যায়। নবম শতাব্দীর বিখ্যাত বৈজ্ঞানিক দার্শনিক আল্‌কিন্দির মত আল্‌ফারাবীও বিখ্যাত দার্শনিক ছিলেন। দর্শনের জগতই তিনি পরবর্তীকালে পাশ্চাত্য জগতের বিশেষভাবে দৃষ্টি আকর্ষণ করতে সক্ষম হয়েছিলেন। সাধারণত তিনি দ্বিতীয় এরিস্টটল (Second master after Aristotle, আল মুয়াল্লিম আছ্‌ছানি) নামে পরিচিত। বিখ্যাত ঐতিহাসিক ইবনে খাল্লিকান তাঁকে মুসলিম জগতের সর্বশ্রেষ্ঠ দার্শনিক বলে অভিহিত করেছেন ও উচ্ছসিত ভাষায় প্রশংসা করেছেন। এ থেকেই ধারণা করা যায় তাঁর উচ্চ দর্শন অভিজ্ঞান কতখানি উন্নত ধরণের। আল্‌কিন্দির প্রবর্তিত ইসলামিক দর্শনের সুমধুর সামঞ্জস্য স্থাপন করার মধ্যেই তাঁর বিশেষ কৃতিত্ব দেখা যায়। পরবর্তী দার্শনিক ইবনে সিনা তাঁর এই নব প্রদর্শিত পন্থা অবলম্বন করেই দর্শনের এক নূতন রূপ দান করেন।

দর্শন ছাড়া অন্য যে সুকুমার বিজ্ঞান তিনি সর্বাধিক পারদর্শী ছিলেন সে হোল সঙ্গীত। মুসলিম জগতে সঙ্গীত বিজ্ঞানে তাঁর স্থান অনেক উচে। সঙ্গীত বিজ্ঞানের সঙ্গে অঙ্কশাস্ত্রের এক নিকটতম সম্বন্ধ আছে এর উন্নত স্তরে। এর সপ্তগ্রামের সুরের মধ্যে অঙ্কের ভগ্নাংশের বিশেষ আধিপত্য পরিলক্ষিত হয়। এই সুর সাধনা ভগ্নাংশের ইতিহাসের সহিত বিজড়িত। আরব সঙ্গীতের সমস্ত নিয়মাবলী ভগ্নাংশে প্রচলিত। হয়ত এই সুর সাধনাই ফারাবীকে অঙ্কশাস্ত্রের দিকে আকৃষ্ট করে এবং আল্‌কিন্দির মত তিনিও বিজ্ঞান চর্চায় মনোনিবেশ করেন। সঙ্গীতবিজ্ঞা সম্বন্ধে তাঁর গ্রন্থ "কিতাবু'অলমুসিকি" বৈজ্ঞানিক গ্রন্থ হিসাবে বিশেষ উচ্চ স্তরের, সঙ্গীত সম্বন্ধে বৈজ্ঞানিক আলোচনাই এর বিশেষত্ব।

আল্ফারাভী তৎকালীন প্রচলিত সমস্ত বিজ্ঞান বিষয়েই বিশেষ পারদর্শী ছিলেন। বিজ্ঞানের প্রায় সমস্ত বিভাগেই তাঁর কিছু না কিছু হস্তক্ষেপের পরিচয় পাওয়া যায়। যদিও মৌলিকতার দিক দিয়ে আল্ফারাভী এর মূল্য কতখানি সে বিচার্য, তবে এর বৈজ্ঞানিকের সাধনা, উৎসাহ এবং ধৈর্যের যে পরিচয় দেয় তা অপূর্ব। তিনি এরিষ্টটলের অনেকগুলি গ্রন্থের ভাষ্য লেখেন; তন্মধ্যে পদার্থ-বিজ্ঞান (Physics) ভূ-বিজ্ঞান (Metereology), জ্যোতির্বিজ্ঞান সম্বন্ধীয় গ্রন্থগুলির ভাষ্য বিশেষ উল্লেখ যোগ্য। তাঁর প্রণীত টলেমীর আলমাজেষ্টের একখানি ভাষ্যেরও সংবাদ পাওয়া যায়। এ সমস্ত ছাড়া, ডিটরিসির মতে, তিনি আরও আট দশ খানি গ্রন্থ প্রণয়ন করেন। তন্মধ্যে বিজ্ঞান রত্ন (রিসালা ফুসাস আল্ফিকাম), আদর্শ নগরী (রিসালা ফি মাবাদি আরা আহলোল মদিনা ও আল্ ফাজিলা), বিজ্ঞান বিশ্বকোষ (কিতাব ইহইয়া আল্ উলুম বা Encyclopaedia of Science) সর্বাঙ্গীণ প্রসিদ্ধ। শেষোক্ত গ্রন্থখানি গ্রন্থকারের বিজ্ঞান তথা শিক্ষার জগৎ অমানুষিক পরিশ্রম ও উৎসাহের নিদর্শন। এতে তিনি তৎকালীন প্রচলিত সমস্ত বিজ্ঞান বিষয়েরই যথেষ্ট আলোচনা করেছেন। সে সময়ে বিজ্ঞান কতদূর উন্নত ছিল তার সাক্ষ্যরূপে এর মূল্য খুবই বেশী। ছুঃধের বিষয়, মূল আরবী গ্রন্থখানির কোন সন্ধানই এ পর্যন্ত পাওয়া যায় নাই। শুদ্ধ অক্ষরশব্দের মধ্যে জ্যামিতিতেই তাঁর যা মৌলিকতার পরিচয় পাওয়া যায়। অল্প কোন বিভাগে বিশেষ কিছু করেছিলেন কিনা নিশ্চিতরূপে জানা যায় না।

আল্ফারাভী জাতিতে ছিলেন তুর্কী। তুর্কস্থানে ফারাভ নগরীর নিকটে ওয়াসিজিতে তাঁর জন্ম হয়। প্রথম বয়সে তিনি ফারাভে শিক্ষা লাভ করেন ও জীবিকা উপার্জনের জন্ত চিকিৎসা ব্যবসাতে রত হন। চিকিৎসা বিজ্ঞানে তিনি বেশ খ্যাতিও লাভ করেন। এই সময়েই তিনি দর্শনের প্রতি অস্বস্তি হয়ে পড়েন এবং বাগদাদে যেয়ে আবুল বিশ্বর মাতা ইবনে ইউনুস (Mathew, the son of Jonas) নামক বিখ্যাত খৃষ্টান দার্শনিকের নিকট লজিক শিক্ষা করেন। আল্ফারাভী বাগদাদে আসার পূর্বে আরবী জানতেন না তবে তিনি তাঁর মাতৃভাষা তুর্ক এবং আরও কয়েকটি ভাষা বেশ ভাল ভাবেই জানতেন, পরে আরবী শিক্ষা করেন। বাগদাদে শিক্ষা শেষ করে তিনি

দামস্কাস যান, দামস্কাস থেকে যান মিশরে, পরে আবার মিশর থেকে দামস্কাসে ফিরে আসেন। এই ভ্রমণের সময়েই তিনি আসুসিয়ামাতুল মানানিয়া (Administration of the city) নামক গ্রন্থ প্রণয়ন করেন। তিনি দামস্কাসে ফিরে এসে বসবাস করতে থাকেন। এই সময়ে আলেঞ্জোর বাদশাহ সইফুদ্দৌলা আলী ইবনে হামদান তাঁর গুণগ্রামে মুগ্ধ হয়ে তাঁকে নিজের সভাসদ হিসাবে গ্রহণ করেন। ফারাবীও অল্পদিনের মধ্যেই স্বীয় বুদ্ধি মস্তায় বাদশাহের প্রিয়পাত্র হয়ে পড়েন এবং মৃত্যু পর্যন্ত এ রাজকীয় অমুগ্রহ ভোগ করেন। সইফুদ্দৌলার সঙ্গে তাঁর পরিচয়ের একটি সরস কাহিনী ইবনে খাল্লিকান বর্ণনা করেছেন। কাহিনীটি হোলফারাবীর গুণগ্রামের কথা শুনে সইফুদ্দৌলা তাঁকে ডেকে পাঠান। ফারাবী নিজের তুর্কী পোষাকেই শাহী দরবারে উপস্থিত হন। বাদশাহ তাঁকে বসতে বললে তিনি জিজ্ঞাসা করেন “কোথায় বসব, আপনি যেখানে না আমি যেখানে?” বাদশাহ উত্তর দেন “আপনি যেখানে।” স্থায় শাস্ত্রের যুক্তি অনুসারে ফারাবী ধরে নিলেন যে বাদশাহ যেখানে বসে আছেন সেখানেই তাঁকে বসতে হবে। তিনি সামনের উপবিষ্ট লোকদের মাড়িয়ে গিয়ে বাদশাহের কাছে যেয়ে বসলেন। বাদশাহ তাঁর এই অভ্যস্ত ব্যবহারে মনে মনে অত্যন্ত অসন্তুষ্ট হোলেন। বাদশাহ তাঁর মামলুক সভাসদদের সঙ্গে সাধারণের অজ্ঞাত এক ভাষায় গোপনীয় কথাবার্তা বলতেন—যাতে অণু কেউ এই গোপন কথা না বুঝতে পারে। তিনি মামলুক সভাসদদের এই ভাষায় বললেন “এই ব্যক্তি আদব কায়দা জানে না। আমি একে কয়েকটি কথা জিজ্ঞাসা করব। উত্তর দিতে না পারলে তোমরা একে ঠাট্টা বিদ্রূপ করে হাস্যাস্পদ করে তুলবে।” বাদশাহের কথা শোনার সঙ্গে সঙ্গে ফারাবী সেই ভাষাতেই বলে উঠলেন “আমীর সাহেব? মনে রাখবেন, সব সময়েই কাজের মত ফল হয়।” বাদশাহ অত্যন্ত বিস্মিত হয়ে বললেন “কি রকম, আপনি এ ভাষা জানেন নাকি?” ফারাবী বললেন “নিশ্চয়ই, আমি প্রায় সত্তরটি ভাষা জানি।” বাদশাহ তাঁর কথা শুনে খুবই ক্রীত হোলেন। এর পর ফারাবী সভাসদদের সঙ্গে কথাবার্তা বলতে লাগলেন এবং সবাইকে যুক্তি তর্কে হারিয়ে নীরব করে দিলেন। সভা ভেঙ্গে দিয়ে বাদশাহ ফারাবীর সঙ্গে আলাপ শুরু করলেন। তিনি পান ভোজন করবেন কিনা জিজ্ঞাসা

করলেন। ফারাভী তাঁর অনিচ্ছা জানালেন। এর পর তিনি গান শুনতে রাজী কিনা জিজ্ঞাসা করলে ফারাভী তৎক্ষণাৎ সায় দিলেন। বাদশাহ তাঁর সভার সঙ্গীতজ্ঞদের ডেকে ফারাভীকে গান শোনাতে বললেন। ফারাভী গান শুনতে শুনতে গায়কদের সবাইই দোষ ত্রুটি ধরে সমালোচনা করতে লাগলেন। বাদশাহ বিস্মিত হয়ে জিজ্ঞাসা করলেন “আপনি গান জানেন নাকি?” ফারাভী উত্তর দিলেন “নিশ্চয়ই” এবং তখনই নিজের কোমরবন্দ থেকে একটি বাতায়ন্ত্র বের করে গান শুরু করলেন। গান শুনে সবাই খুশীতে হাসতে লাগল। তিনি সেই যন্ত্রেই অল্প রকম বাজনা দিয়ে অল্প একটি গান করলেন। এবারে সবাই চোখের পানি ফেলে কাঁদতে লাগল। তৃতীয় বারে তিনি সেই একই যন্ত্রে অল্পভাবে বাজিয়ে গান করলেন। এবারে গান শুনে সবাই ঘুমিয়ে পড়ল। বাদশাহ তাঁর গুণে মুগ্ধ হয়ে তাঁকে নিজের সভায়ই রেখে দিলেন।

এমনিতে ফারাভী ছিলেন পার্থিব বিষয়ে উদাসীন। বাদশাহের ধনকোষ থেকে তাঁর দৈনিক বৃত্তি ছিল ৪ দেহরহাম (২৬ শিলিং)। এই স্বল্প বৃত্তি দিয়েই তিনি জীবন যাত্রা নির্বাহ করতেন। সেইফুর্দৌলার আশ্রয়েই তিনি আত্মজীবন সুফী ধর্ম পালন করে নিরাপত্তে দিনাতিপাত করেন এবং নানা বিষয়ে মনোনিবেশ করতে সক্ষম হন। ৩৩৯ হিজরী রজব মাসে (১৫০-১ খৃঃ অব্দে) ৮০ বৎসর বয়সে দামস্কাসে তাঁর মৃত্যু হয়। বাদশাহের এক অভিযানের সঙ্গী হয়েই তিনি এখানে আগমন করেছিলেন এবং শেষ পর্যন্ত এই স্থানেই শেষ নিঃশ্বাস ত্যাগ করেন। তাঁর পুত্র নাম হোল আবু নসর মোহাম্মদ ইবনে মোহাম্মদ ইবনে তারখান বিন উজলাগ আল্ ফারাভী।

আল্‌নাইরেজীও আল্‌বাস্তানীর সমসাময়িক বৈজ্ঞানিক। আল্‌বাস্তানীর পূর্বেই ৯২৩ খৃঃ অব্দে (কারুর মতে ৯২২) তিনি এস্টেকাল করেন। অন্ধশাস্ত্রের মধ্যে জ্যামিতিই তাঁর বিশেষ প্রিয় ছিল এবং এই দিকেই তিনি প্রথম থেকেই মনোনিবেশ করেন, তবে আল্‌বাস্তানীর প্রভাবও যে শেষ পর্যন্ত এড়িয়ে যেতে পারেন নাই, জ্যোতির্বিজ্ঞানের আলোচনাই তার প্রকৃষ্ট প্রমাণ।

তাঁর জ্যামিতিক মৌলিক প্রবন্ধরাজি ও ইউক্লিডের ভাষ্য শুধু প্রবন্ধ ও ভাষ্য হিসাবেই মনোযোগ আকর্ষণ করে না, মৌলিকত্বের দিক দিয়েও এ বিষয়ে

গ্রন্থকারের সুস্পষ্ট জ্ঞানের পরিচয় দেয়। সুপ্রসিদ্ধ অনুবাদক জিরাড এই গ্রন্থ-
 আননাইরেজী খানির লাতিন অনুবাদ প্রকাশ করে পাশ্চাত্য জগতকে
 জ্যামিতি সম্বন্ধে সজাগ করে তোলেন বললে অসঙ্গত
 কিছু হবে না। টলেমীর ভাষ্যও এই মনীষীর অমৃতম কীর্তি।

আননাইরেজীর উপর আল্‌বাত্তানীর প্রভাব দৃষ্ট হয় বৈজ্ঞানিকের
 জ্যোতির্বিজ্ঞান আলোচনায়। যতদূর মনে হয় জ্যোতির্বিজ্ঞান আলোচনায় তিনি
 উদ্ভূত হন খলিফা আলমুতাঞ্জিদের উৎসাহে। খলিফার জ্ঞেয়েই তিনি নৈসর্গিক
 ঘটনাবলীর বিচিত্র কাহিনী অবলম্বন করে এবং সেগুলির বৈজ্ঞানিক ব্যাখ্যা দিয়ে
 সুন্দর একখানা গ্রন্থ প্রণয়ন করেন। ত্রিকোণমিত্তিতেও তাঁর হস্তক্ষেপের পরিচয়
 পাওয়া যায়। সূর্য-ঘড়ির উদ্ভাটনস্থ ছায়াকে সাইন এর সম হিসাবে ব্যবহার
 করাই তিনি শ্রেয় মনে করতেন; এ হিসাবে তাঁকে হাবাশের মতানুবর্তী বলা
 চলে। এ ছাড়া তিনি গোলাকার আস্তারলব (Spherical astrolabe) সম্বন্ধে
 সুবিস্তারিত ভাবে আলোচনা করে একখানি পুস্তক প্রণয়ন করেন। আস্তারলব
 সম্বন্ধীয় আরবী গ্রন্থাবলীর মধ্যে এ খানি অমৃতম সর্বশ্রেষ্ঠ গ্রন্থ বললেও অত্যাক্তি হয়
 না। গ্রন্থখানি প্রধানত চার খণ্ডে বিভক্ত—প্রথম খণ্ডে ঐতিহাসিক অবতারণার
 সঙ্গে মুখবন্ধ। দ্বিতীয় খণ্ডে গোলাকার আস্তারলবের বর্ণনা। সাধারণ
 আস্তারলব এবং অষ্টাঙ্গ জ্যোতির্বিজ্ঞান সম্বন্ধীয় যন্ত্রপাতির অপেক্ষা এর উৎকর্ষ ও
 শ্রেয়তার কারণ প্রদর্শন। তৃতীয় ও চতুর্থ খণ্ডে এর ব্যবহারের নিয়ম পদ্ধতি
 বর্ণিত হয়েছে। গ্রন্থখানি কিছুদিন পূর্বে জার্মান ভাষায় অনূদিত হয়েছে।
 এই অনুবাদ খানির নাম হোল Schoy Abhaudlung von al Nairizi uber
 die Riehtungder qibla ubersetztundealantart.

আননাইরেজীর পূর্ণ নাম হোল আবুল আব্বাহ আলফজল ইবনে হাতিম
 আননাইরেজী। তিনি সিরাজের নিকটবর্তী নাইরেজ নামক স্থানে জন্মগ্রহণ
 করেন।

আবুল ওয়াফা

নবম শতাব্দীর সর্বশ্রেষ্ঠ অঙ্কশাস্ত্রবিদ আবুল ওয়াফার নাম অঙ্কশাস্ত্রের জ্যোতির্বিজ্ঞান ও ত্রিকোণমিত্তির সঙ্গে বিজড়িত। নবম শতাব্দীর সর্ববিষয়ে পারদর্শিতা লাভের আকাঙ্ক্ষা এবং সেই সঙ্গে সঙ্গে সর্ববিষয়ে সমানভাবে আলোচনা করবার আগ্রহ, দশম শতাব্দীর প্রারম্ভ থেকেই নিস্তেজ হয়ে আসছিল বলে মনে হয়। জ্ঞানবিজ্ঞানের কোন এক বিভাগকে বেছে নিয়ে সেই দিকেই মনোযোগ দিলে বিশেষ সফল পাওয়া যেতে পারে, অনেক বৈজ্ঞানিকের মনে এ ভাবটা অক্ষুট ভাবে জেগে উঠেছিল। কেউ কেউ পূর্বের বৈজ্ঞানিকদের চিরাচরিত প্রথাকে ছেড়ে দিয়ে স্পষ্টভাবেই এক বিষয়ে মনোনিবেশ করেন। ষাঁরা তেমন ভাবে মনের চূর্বলতা সজোরে ঝেড়ে ফেলতে না পেরে, পূর্ব প্রথা মত সকল বিষয়েই আলোচনা করতে থাকেন তাঁদের মধ্যেও যেন সর্ববিষয়ে সমান আগ্রহের অভাব বিশেষ করেই পরিলক্ষিত হয়। মোটকথা, এই সময় থেকেই বৈজ্ঞানিকগণ কোন এক নির্দিষ্ট বিষয়ে মনোনিবেশ করবার সফলের প্রতি স্বাভাবিক ভাবেই ক্রমে ক্রমে আকৃষ্ট হচ্ছিলেন। ষাঁদের কালের মধ্যে দশম শতাব্দীতেই এই ভাবটা স্পষ্টরূপে জেগে উঠেছিল তাঁদের মধ্যে মনীষী আবুল-ওয়াফা অগ্রতম। তাঁর সমস্ত প্রতিভা শুধু অঙ্কশাস্ত্রের মধ্যেই সন্নিবেশিত হয়েছিল বলেই বোধ হয়, এতে তাঁর দানও হয়েছে অতুলনীয়।

খোরাসান প্রদেশের বুজ্জান নগরে খৃঃ অঙ্কে ১০ জুন তারিখে (৩২৮ হিজরী ১লা রমজান) ৯৪০ আবুল ওয়াফার জন্ম হয়। কাকুর কাকুর মতে তাঁর জন্ম হয় ৯৩৯ খৃঃ অঙ্কে তাঁর পূর্ণ নাম হোল আবুল ওয়াফা মোহাম্মদ ইবনে মোহাম্মদ ইবনে ইয়াহিয়া ইবনে ইসমাইল এবনে আল আকাস আলবুজ্জানি। তিনি আরব কি পারস্ত বংশসম্বৃত সে বিষয়ে মতদ্বৈধ দেখা যায়। তবে অধিকাংশের মতে তাঁর পূর্বপুরুষেরা ছিলেন পারস্তবাসী।

আবুল ওয়াফা অগ্রতম সর্বশ্রেষ্ঠ মুসলিম বৈজ্ঞানিক হোলেও তাঁর পূর্ব-পুরুষদের মধ্যে জ্ঞানবিজ্ঞান আলোচনার কেমন প্রসার ছিল তা জানা যায় না; তবে পূর্বপুরুষদের মধ্যে কেউ তেমন বিখ্যাত ছিলেন বলে মনে হয় না। তাঁর

অস্পষ্ট জীবনীতে দেখা যায় তিনি প্রথম জীবনে তাঁর সম্পর্কিত দুই পিতৃব্য আবু আমর আল-মুগাজ্জিনি এবং আবু আবছুল্লাহ মোহাম্মদ ইবনে কাহ্বাসার নিকট অঙ্কশাস্ত্র সম্বন্ধে শিক্ষালাভ করেন। এঁরাও যে বিশেষ পণ্ডিত ব্যক্তি ছিলেন এমন মনে করবার কোন কারণ নাই। হয়ত প্রাথমিক শিক্ষক হিসাবেই তাঁদের জীবন অতিবাহিত হয়েছে। অখ্যাত অজ্ঞাত ভাবে জন্মগ্রহণ করলেও প্রতিভার দীপ্তি শীঘ্রই আবুল ওয়াফাকে বিদ্বান সমাজে সুপরিচিত করে তোলে। ৩৪৮ হিজরীতে বিশ বৎসর বয়সে তিনি ইরাকে গমন করেন এবং তখন থেকেই বিজ্ঞান আলোচনায় আত্মনিয়োগ করেন। পরে বাগদাদই গবেষণার উপযুক্ত স্থান বলে নির্ণয় করে তিনি এই স্থানেই বসবাস শুরু করেন। ২২৮ খৃঃ অব্দে জুলাই মাসে (৩৮৮ হিজরী, রজব) বাগদাদেই তিনি পরলোক গমন করেন। জন্ম তারিখের মত মৃত্যু তারিখ নিয়েও মতভেদ দেখা যায়। কারুর কারুর মতে তাঁর মৃত্যু হয় ২২৭ খৃঃ অব্দে (৩৮৭ হিজরী)।

আবুলওয়াফা অঙ্কশাস্ত্রের সমস্ত শাখায়ই কিছু না কিছু আলোচনা করেছিলেন। তবে জ্যোতির্বিজ্ঞান ও ত্রিকোণমিতিই তাঁর সর্বাঙ্গীর্ণ প্রিয় ছিল, এই দুই শাখাতেই তাঁর দানও হয়েছে অতুলনীয়। অগ্ণাশ্চ বিভাগেও তাঁর দান কম নয়। অঙ্ক, বীজগণিত, জ্যামিতি নিয়েও তিনি বহু আলোচনা করেন। এগুলিতেও তাঁর প্রতিভা ও প্রখর বুদ্ধিমত্তার পরিচয় পাওয়া যায়।

আল্‌বাত্তানীর জ্যোতির্বিজ্ঞানের অসমাপ্ত কার্যাবলীর উত্তরাধিকারী হিসাবেই যেন আবুলওয়াফা পুনর্বীর এর আলোচনা আরম্ভ করেন। আল্‌বাত্তানীর পরে অন্য কোন বৈজ্ঞানিক তাঁর সূচু নিয়মবদ্ধ প্রণালী অনুসারে গবেষণায় বিশেষ পারদর্শিতা দেখাতে পারেন নাই। আবুল ওয়াফার হস্তে সেই ত্রিশ চল্লিশ বৎসরের মৃত বৈজ্ঞানিক প্রথাগুলি পুনর্জীবন লাভ করে। জিজ-আল্-সামিল বর্তমান জ্যোতির্বিজ্ঞানবিদদের নিকট বিশেষ পরিচিত। বিশদভাবে ব্যাখ্যা এবং তৎসহ সঠিক পর্যবেক্ষণের ফলস্বরূপ জ্ঞানপূর্ণতথ্যাদিই এর বিশেষত্ব। এই সকল পর্যবেক্ষণ বৈজ্ঞানিকের কষ্টসহিষ্ণুতা, অধ্যবসায় এবং বিচক্ষণতার পরিচয় দেয়। আবুলওয়াফাই এই জিজ রচয়িতা। মসিয়ে সেডিলোর (M, Sedillot) মতে টলেমীর চল্লিশস্বকীয় গণনার মতবাদের অসম্পূর্ণতা লক্ষ্য করেই, আবুলওয়াফা পূর্বতন বিজ্ঞানবিদদের পর্যবেক্ষণগুলিকে নূতন ভাবে পরীক্ষা আরম্ভ

করেন। এই ভুল সংশোধনের জন্ম বৈজ্ঞানিক অনুসন্ধিৎসা মৌলিক আবিষ্কারের ভিত্তি স্বরূপ হয়ে দাঁড়ায় এবং অনেক নূতন তথ্য আবিষ্কৃত হয়। কেপ্লর ও স্থানচ্যুতির সমীকরণ (The equation of centre and eviction) আবুল ওয়াকারই অবদান। এর পূর্বে এ সম্বন্ধে কোন আলোচনাই হয় নাই। জ্যোতির্বিজ্ঞানে এই বৈজ্ঞানিকের অগ্ন্যান্ত আলোচনা ও আবিষ্কারের কথা বাদ দিলেও যা তাঁকে শ্রেষ্ঠতম বিজ্ঞানবিদদের মধ্যে স্থান দিয়েছে, সে হোল চন্দ্রের তৃতীয় অসমতা (Third Lunar inequality) সম্বন্ধে আলোচনা। গ্রীক বৈজ্ঞানিকগণ চন্দ্রের প্রথম ও দ্বিতীয় অসমতার কথা জানতেন। সে সম্বন্ধে তাঁরা বিস্তারিত তথ্যও রেখে গেছেন কিন্তু তৃতীয় অসমতার কথা প্রাচ্য পাশ্চাত্য কোন বৈজ্ঞানিকেরই জানা ছিল না। এমন কি আবুলওয়াকার মৃত্যুর পরেও ছয় শত বৎসর পর্যন্ত পাশ্চাত্য বৈজ্ঞানিকগণ এ সম্বন্ধে বিশেষ অনুধাবনই করতে পারেন নাই। আধুনিক Astronomy-তে এই অসমতা "variation" নামে অভিহিত হয়ে থাকে।

আবুল ওয়াকার সত্য সত্যই সঠিকভাবে এ সম্বন্ধে কোন সিদ্ধান্তে উপনীত হোতে পেরেছিলেন কি না সে বিষয়ে পাশ্চাত্য বৈজ্ঞানিকদের মধ্যে মতবৈধ দেখা যায়। সেডিলের মতে আবুল ওয়াকারই এর সর্বপ্রথম আবিষ্কারক এবং তিনি এর নাম দেন "ইখতিলাফ আলমুহাজ্জত"। ক্যাজোরী ও এই মতের সমর্থক। তাঁর মতে "He (Abul Wafa) forms an important exception to the unprogressive spirit of Arabian scientists by his brilliant discovery of the variation of the Moon, an inequality usually supposed to have been first discovered by Tycho Brahe" আবুল ওয়াকার প্রাপ্য সম্মান দিতে যেয়েও মুসলিম বৈজ্ঞানিকদের প্রতি ক্যাজোরীর এই কটাক্ষ সাধারণ ইউরোপীয় মানসিকতারই পরিচায়ক মাত্র। অগ্ন্যান্ত আবিষ্কারের মতই একজন মুসলিম বৈজ্ঞানিকের এই আবিষ্কারের গৌরব তাঁকে না দিয়ে একজন ইউরোপীয় বৈজ্ঞানিককে দেওয়ার প্রচেষ্টাও বিশেষভাবেই লক্ষ্যণীয়। যাহোক প্যারিসের একাদেমি ডু সিয়ঁাসে (Academie de Sciences) এসম্বন্ধে সুদীর্ঘ পঁয়ত্রিশ বৎসর ধরে বাতাল্লাবাদ চলেছে, কিন্তু তাঁরা সঠিক সিদ্ধান্তে উপনীত হতে পারেন নাই।

বিরুদ্ধবাদীদের মতে বর্তমানে প্রচলিত মতবাদের মত আরবের প্রথম ছইটি অসমতার মধ্যে পার্থক্য করতে পারতেন না, তাঁরা পৃথক পৃথক ভাবে ছইটির আলোচনা করতেন। এতেই মনে হয় তাঁরা তৃতীয়টির কথা সঠিকভাবে বুঝতেই পারেন নাই। তাঁদের মতে আবুল ওয়াফার “মুহাজ্জাত” টলেমীর Prosneusis এর উন্নত আরবী সংস্করণ মাত্র।

প্রথম ছইটি অসমতার কথা গ্রীক বৈজ্ঞানিকদের সময় থেকে প্রচলিত। জ্ঞান শিখ্য হিসাবেই আরব বৈজ্ঞানিকগণ এ ছইটির কথা জানতে পারেন। গুরুদের অজ্ঞিত জ্ঞানের মধ্যে যদি কোন কিছু উন্নতি হয়ে থাকে, তা হোলে পূর্বের অস্পষ্ট ও অমার্জিত জ্ঞানের, বৈজ্ঞানিক ধারণারও যে পরিবর্তন হয়েছিল সে কথা অস্বীকার করা যায় না। সে হিসাবে তৃতীয় অসমতা আবিষ্কারের মর্য়াদা আবুল ওয়াফাকে দেওয়ার মধ্যে কোন বাধা উপস্থিত হওয়া উচিত নয়। আবুল ওয়াফার পর্যবেক্ষণের সমস্ত তথ্যাদি সবিস্তারে অবগত হোতে পারলে হয়ত এ দ্বন্দ্বের মীমাংসা সম্ভবপর হোত। অজ্ঞাত মুসলিম বৈজ্ঞানিকদের মত তাঁরও সমস্ত গ্রন্থের সংবাদ এখনও পাওয়া যায় নাই; তাই এ সম্বন্ধে সঠিক সিদ্ধান্ত করা এখনও সম্ভবপর নয়। ভবিষ্যতের অনুসন্ধিৎসু বৈজ্ঞানিকেরা হয়ত জগৎকে সঠিক সংবাদ দিতে পারবেন।

জ্যোতির্বিজ্ঞানে আবুল ওয়াফার অশ্রুতম শ্রেষ্ঠ দানের বিষয়ে অবর্তমান মতভেদ দেখা গেলেও, ত্রিকোণমিতিতে তাঁর প্রতিভাকে সর্ববরেণ্য বলে মেনে নিতে কোন বিরোধিতা দেখা যায় না। বস্তুত ত্রিকোণমিতিতে আল্বাস্তানীর সময় থেকে যে উন্নতি পরলক্ষিত হয়, আবুল ওয়াফার হস্তে সে উন্নতি-বেগ অব্যাহত থেকে যায়। ত্রিকোণমিতিও তার সঙ্গীর্ণকোণ ছেড়ে বিজ্ঞান শাস্ত্রে নিজের আধিপত্য স্থাপন করে নিতে থাকে। আল্বাস্তানীর স্বপ্ন আবুলওয়াফার হস্তে বাস্তবে পরিণত হয়। পূর্বকার অক্ষুট ত্রিকোণমিতি এক্ষণে সম্পূর্ণতার দিকে ক্রমবর্ধমানের পথে এগুতে থাকে। এর উপপাদ্য, প্রমাণ, প্রমাণিত বিষয় সমূহের সুষ্ঠু নিয়ম-বদ্ধভাবে প্রচলন করেন আবুলওয়াফা। আল্বাস্তানীর সময় ত্রিকোণমিতি স্বাধীনতার রূপ নিয়েছিল, আবুলওয়াফার সময় সে স্বাধীনভাবেই ফুটে উঠে।

ছই কোণের সাইন (Sine) এর সমষ্টি যে সাইন এবং কোসাইন (Cosine) দ্বারা নির্ণয় করা যায়, তার প্রথম উদ্ভাবনা হয় আবুলওয়াফার হাতে।

বর্তমান ত্রিকোণমিত্তির ফরমুলা $\sin(A+B) = \sin A \cos B + \cos A \sin B$ ত্রিকোণমিত্তির প্রথম শিক্ষা বল্লই চলে। কিন্তু আবুলওয়াকার পূর্ব পর্যন্ত অঙ্কশাস্ত্রবিদদের এ সম্বন্ধে কোন জ্ঞানই ছিল না। পূর্বেকার বৈজ্ঞানিকদের কথা ছেড়ে দিলেও পাশ্চাত্য বৈজ্ঞানিকগণ ষোড়শ শতাব্দী পর্যন্ত এ সম্বন্ধে একেবারে অজ্ঞ ছিলেন। ষোড়শ শতাব্দীর বিখ্যাত বৈজ্ঞানিক কোপার্নিকাসও (Copernicus) যে এই সহজ ফরমুলাটি সম্বন্ধে এক প্রকার অজ্ঞই ছিলেন সে তাঁর প্রণীত গ্রন্থাবলী থেকেই বুঝা যায়। তাঁর প্রিয় শিষ্য রাটিকাস (Rhaeticus) কর্তৃক প্রকাশিত তাঁর গ্রন্থাবলীতে এই সহজ ফরমুলাটির কোন খোঁজ খবর পাওয়া যায় না। তবে অল্পরূপ সিদ্ধান্তে তিনিও উপনীত হয়েছিলেন বলে মনে হয়। কিন্তু তাঁর সিদ্ধান্তের পথটি যেমন জটিল তেমনি কুটিল। বিজ্ঞানের ইতিহাসের অসম্পূর্ণ জ্ঞানই কোপার্নিকাসের এই অদ্ভুত প্রথার জন্ম দায়ী। আবুলওয়াকার উদ্ভাবিত এই সহজ পন্থাটি অবগত হোলে হয়ত কোপার্নিকাসের দান বিজ্ঞানকে আরও উন্নত করতে পারত, কিন্তু তা হয় নাই। এই জ্বরজঙ্গ গোছের কোপার্নিকাসী ফরমুলা শুধু বিজ্ঞান ইতিহাসের পৃষ্ঠায়ই নিবদ্ধ রয়েছে, বাইরে কার্যকরী হয় নাই; বিজ্ঞানের উন্নতির সাহায্যও কিছুমাত্র করতে পারে নাই।

গোলকীয় ত্রিভুজের (Spherical triangle) সঙ্গে কোণের সাইন প্রকৃতির সাধারণ সম্বন্ধ স্থাপন করে ত্রিকোণমিত্তিকে এই বিজ্ঞানসম্মত পথে পরিচালনা করবার প্রথম সম্মান আবুল ওয়াকারই প্রাপ্য। তিনি এইদিকে বৈজ্ঞানিকদের মনোযোগ আকর্ষণ করেন এবং ত্রিকোণমিত্তির সংজ্ঞা ইত্যাদির নূতন ব্যাখ্যা দেন। সাইন এর তালিকা (Sine Table) প্রস্তুত করবার এক নূতন উপায় উদ্ভাবনা করাও তাঁর অশ্রুতম কীর্তি। তিনি 30° ডিগ্রি কোণের সাইন এর মূল্য দশমিক ভগ্নাংশের নবম স্থান (9th Decimal place) পর্যন্ত নির্ণয় করেন। এ ছাড়া প্রত্যেক দশ ডিগ্রীর সাইন এবং ট্যানজেন্টের মূল নিরূপণ করে এক তালিকাও প্রস্তুত করেন। আল্‌বাত্তানী ট্যানজেন্টের সঙ্গে সাইন ও কোসাইনের সম্বন্ধ নির্ণয় করেছিলেন; তার বেশী কিছু করে যেতে পারেন নাই। সে ভার পড়ে তাঁর উত্তরাধিকারী আবুল ওয়াকার উপর। ছই কোণের সমষ্টির সাইন, কোণের অর্ধাংশের সাইনের বর্গের সঙ্গে কোসাইনের

সম্বন্ধ, কোণের সাইনের সঙ্গে সেই কোণের অর্ধেকের সাইনের ও কোসাইনের সম্বন্ধ, তিনিই প্রথম ত্রিকোণমিতিতে প্রবর্তন করেন। বর্তমানে প্রচলিত সংজ্ঞা দিলে এগুলি দাঁড়াবে :—

$$\sin (A + B) = \sin A \cos B + \cos A \sin B.$$

$$2 \sin^2 \alpha/2 = 1 - \cos \alpha.$$

$$\sin \alpha = 2 \sin \alpha/2 \cos \alpha/2.$$

ট্যানজেন্ট সম্বন্ধে তিনি বিশেষ ভাবে আলোচনা করেছিলেন। ত্রিকোণমিতিতে প্রচলিত ছয়টি সংজ্ঞার ভিতরকার পরস্পরের মধ্যে যে সাধারণ সম্বন্ধ বিরাজমান, আবুলওয়াকফাই সেটিকে সম্পূর্ণভাবে প্রচলন করেন। বর্তমানে প্রচলিত নানা ফরমুলা এই সাধারণ সম্বন্ধের উপর নির্ভর করেই প্রবর্তিত হয়েছে।

ত্রিকোণমিতিতে পূর্বপ্রচলিত সমকোণী ত্রিভুজের জাঙ্গায় গোলকীয় ত্রিভুজের ব্যবহার করা এবং সঙ্গে সঙ্গে মেনিলসের প্রতিপাত্তের (Menelaus's proposition) সাহায্যে Rule of four magnitude বা বাহুর সাইনের সঙ্গে কোণের সাইনের সম্বন্ধ এবং tangent theorem-এর প্রচলন, আবুলওয়াকফার অসামান্য বিজ্ঞান প্রতিভারই পরিচয় দেয়। Rule of four magnitude অনুযায়ী বাহুর সঙ্গে কোণের সম্বন্ধ আধুনিক সংজ্ঞা অনুসারে লেখা যাবে $\sin a : \sin c = \sin A : \sin C$ এবং tangent theorem অনুসারে কোণ ও বাহুর ট্যানজেন্ট ও সাইনের মধ্যে যে সম্বন্ধ স্থাপিত হয়েছে, সে বর্তমান পরিস্থিতিতে দাঁড়াবে $\tan a : \tan A = \sin b$ । এইগুলি থেকেই আবুলওয়াকফা বাহুগুলির কোসাইনের মধ্যকার পরস্পর সম্বন্ধগুলি স্থির করে কয়েকটি ফরমুলার প্রতিষ্ঠা করেন। তন্মধ্যে হোল একটি $\cos c = \cos a \cos b$ । স্কলকোণী মণ্ডলাকার ত্রিভুজের বাহুর এবং কোণের সাইনের সম্বন্ধও আবুলওয়াকফাই সর্বপ্রথম স্থাপন করেন।

কোন স্থান থেকে মক্কা শরীফের (কিবলা) অবস্থান সঠিক ভাবে নির্ণয় করার আগ্রহ অতি স্বাভাবিকভাবেই মুসলিম বৈজ্ঞানিকদিগকে বিজ্ঞান আলোচনার প্রথম স্তর থেকেই পেয়ে বসে। প্রায় প্রত্যেক 'জিজ্ঞে' এ সম্বন্ধে আলোচনা দেখতে পাওয়া যায়। যে স্থান থেকে কিবলার দিক নির্ণয় করার কথা উঠত, সে স্থানের জাতিমা ও অক্ষরেখার সঙ্গে মক্কা শরীফের জাতিমা ও

অক্ষরেখার পার্থক্য খুব বেশী না হোলে, ক্ষুদ্র গণনার মধ্যে না যেয়ে মোটামুটি-ভাবে গণনা করা হোত। অবশ্য সাধারণ কাজ এতেই বেশ চলে যেত। বৈজ্ঞানিক আল্‌বাত্তানী, ইবনে ইউনুসও অনেক সময়ে এ পন্থার অনুসরণ করেছেন। উপায়টি বেশ সরল। একটি বৃত্ত অঙ্কন করে নিয়ে দক্ষিণ এবং উত্তর দিক থেকে স্থানটির ড্রাঘিমার সঙ্গে মক্কা শরীফের ড্রাঘিমার পার্থক্য নিয়ে দুইটি সমান চাপ কেটে নেওয়া হয়। বৃত্তের উপরিস্থ এই দুই ছেদ বিন্দু যোগ করে দেওয়া হয়। অক্ষরেখার বেলায়ও তেমনি পূর্ব পশ্চিম থেকে স্থানটির অক্ষরেখার সঙ্গে মক্কা শরীফের অক্ষরেখার পার্থক্য নিয়ে দুইটি সমান চাপ কেটে নেওয়া হয়। বৃত্তের উপরিস্থ এই দুই ছেদ বিন্দুকে যোগ করে দিলে যে রেখাটি পাওয়া যাবে সেটি পূর্বের রেখাকে যে কোন বিন্দুতে ছেদ করবে। এই শেষোক্ত বিন্দুকে বৃত্তের কেন্দ্রের সঙ্গে যোগ করে দিলে যে রেখা পাওয়া যাবে সেই রেখাটিই মক্কা শরীফের অবস্থান নির্দেশ করবে।

আন্বাইরেজী সর্বপ্রথম এই মোটামুটি গণনায় ক্ষান্ত না হয়ে বিশুদ্ধ বৈজ্ঞানিক-ভাবে ক্ষুদ্র গণনা করবার প্রচেষ্টা করেন। কিন্তু দুঃখের বিষয় তাঁর গণনা সঠিক হয় নাই। আবুলওয়্যাহী তাঁর আলমাজিস্তিতে বিশুদ্ধ গাণিতিক হিসাব দেন।

জ্যোতির্বিজ্ঞান ও ত্রিকোণমিতি আবুলওয়্যাহীর অভূতপূর্ব প্রতিভার দানে সমৃদ্ধ। অঙ্কশাস্ত্রের এই দুই বিভাগই তাঁর নিকট চিরকৃতজ্ঞ। তবে অস্বাভাবিক বিভাগেও তাঁর কৃতিত্ব কম নয়। জ্যামিতিতে তাঁর বিচক্ষণতার পরিচয় পাওয়া যায় নানা উপপাত্ত ও সম্পাদনের সমাধানে। ইউক্লিডের জ্যামিতির একখানি ভাণ্ডও তিনি প্রণয়ন করেন। জ্যামিতির বিভিন্ন বিষয়ের আলোচনার মধ্যে কোন এক বর্গের সমান করে অস্বাভাবিক একটি বর্গ অঙ্কন, সমবাহু বহুভুজ অঙ্কনের নিয়মপদ্ধতি, বৃত্ত মধ্যে অঙ্কিত সমবাহুবিধিষ্ট সমবাহু সপ্তভুজ নির্মাণ, $x^4 = a$, $x^4 + ax^3 = 6$, প্রভৃতি সমস্যার জ্যামিতিক সমাধান বিশেষভাবে উল্লেখযোগ্য। তাঁর জ্যামিতিক অঙ্কন প্রণালীগুলি আজও উচ্চকণ্ঠে প্রশংসিত হয়। এতে একটি বিষয় খুবই বিস্ময়কর—তিনি কুত্রাপি ভারতীয় সংখ্যা লিখন পদ্ধতি ব্যবহার করেন নাই।

মুসলিম বিজ্ঞান জগতে অঙ্কশাস্ত্রের কোন শাখায়ই অবিমিশ্রভাবে আলোচনা করবার আশ্রয় কোনদিনই দেখা যায় নাই। মুসলিম বৈজ্ঞানিকগণ সবগুলোর

মধ্যে পরস্পর সম্বন্ধ রেখেই আলোচনা করেছেন। তাই ভারতীয় এবং গ্রীক পণ্ডিতগণের অনুসরণকারী হয়েও জ্যামিতির তথাকথিত বিশুদ্ধতার প্রতি মনোযোগ দেবার অবসর তাঁদের কারুরই হয়ে উঠে নাই। তাঁদের এই সাধারণ ধর্মের ব্যতিক্রম দেখা যায় প্রথম বনিমুসা ভ্রাতৃত্বের জ্যামিতি আলোচনায়, দ্বিতীয়বার আবুলওয়াফার জ্যামিতি আলোচনায়। বনিমুসা ভ্রাতৃত্বের মত আবুলওয়াফাও অবিমিশ্রিত জ্যামিতি নিয়ে আলোচনা করে একখানি গ্রন্থ প্রণয়ন করেন। দুর্ভাগ্যক্রমে তাঁর স্বহস্ত লিখিত গ্রন্থখানির কোন সন্ধানই পাওয়া যায় না। তাঁর ছাত্র কত্বক এর একখানা পারদী অনুবাদই মূল গ্রন্থখানির কথা স্মরণ করিয়ে দেয়। এতে জ্যামিতিক অঙ্কনের সর্বপ্রথম মূলমন্ত্র থেকে আরম্ভ করে পরিলিখিত গোলকের উপর বহুতলকের কৌণিক অঙ্কন (Construction of the corners of a polyhedron on the circumscribed sphere) প্রভৃতি বহু বিষয় আলোচনা করা হয়েছে। বৈজ্ঞানিকের বিজ্ঞান প্রতিভা পরিস্ফুট হয়ে উঠেছে এর মধ্যকার জ্যামিতিক অঙ্কনের সরলতায়। কম্পাসের সামান্য একটি অঙ্কনের সাহায্যেই বহু জ্যামিতিক সমস্যা সমূহের সম্পাদনাই এর বিশেষত্ব। এমনি সহজভাবে জটিল বিষয়ের আলোচনা করবার একরূপ উদাহরণ খুব কমই দেখা যায়।

কণিক এ অধিবৃত্তের (Parabola) অঙ্কন, ক্ষেত্রফল স্থিরীকরণ এবং ঘনফল নির্ণয় সম্বন্ধে আবুলওয়াফার আলোচনা অনেক উন্নত ধরণের।

বীজগণিতের মধ্যে ডাওফেণ্ট (Diophantus)-এর অনুবাদ আবুলওয়াফার এক প্রামাণ্য কীর্তি। ক্যাজেরীর মতে আবুলওয়াফাই সর্বশেষ গ্রীক গ্রন্থের অনুবাদক ও সমালোচক। তাঁর পরে আর গ্রীক গ্রন্থের অনুবাদ হয় নাই।

আবুলওয়াফা, আলখারেজিমির বীজগণিতের একখানি ভাষ্য প্রণয়ন করেন। এ ছাড়া তৃতীয় ও চতুর্থ মাত্রা সমীকরণ সম্বন্ধেও তিনি কিছু কিছু আলোচনা করেছিলেন বলে মনে হয়। অঙ্কশাস্ত্রবিদদের জীবনী সংগ্রহকারক আবুল ফারদাসের “কিতাবুল ফিহরী”তে আবুলওয়াফার তৃতীয় ও চতুর্থ মাত্রার সমীকরণের উল্লেখ দেখা যায়। এই শ্রেণীর সঙ্গে সংশ্লিষ্ট, আবুলওয়াফা কৃত সমীকরণের বিষয়েই এ পুস্তকখানিতে উল্লিখিত হয়েছে; উন্মধ্যে একটির বর্তমান রূপ হবে $x^4 + px^3 = q$ । এই সমীকরণের সমাধান হয়েছে কণিকের সাহায্যে।

$x^2 - y = 0$ সমীকরণের অধিবৃত্ত এবং $y^2 + axy + b = 0$ সমীকরণের পরাবৃত্ত (Hyperbola) এই সমাধানে ব্যবহৃত হয়েছে। দুঃখের বিষয় আবুল ওয়াফার বীজগণিত বিষয়ক পুস্তকখানিরও কোন সন্ধানই এ পর্যন্ত পাওয়া যায় নাই। আবুল ফারদাসের ঐতিহাসিক গ্রন্থে উল্লেখ ছাড়া অন্য কোথাও কোন প্রামাণ্য কিছু পাওয়া যায় না।

পূর্বের বর্ণনা থেকেই বুঝা যাবে যে আবুল ওয়াফা নানা বিষয়ে বহুগ্রন্থ প্রণয়ন করেন। অস্ফাত মুসলিম বৈজ্ঞানিকদের ভাগ্যে যা ঘটেছে তাঁর বেলায়ও তার ব্যতিক্রম হয় নাই। তাঁর বহু গ্রন্থের কোন সন্ধানই এ পর্যন্ত পাওয়া যায় নাই। এ পর্যন্ত মাত্র নিম্নোল্লিখিত পুস্তকগুলির সন্ধান পাওয়া গিয়েছে।

(১) অঙ্কের পুস্তক, “কিতাব ফি মাইয়াহতাজু এলায়হে আল্ কুস্তাব ওয়াল্ ওম্মালমিন ইলমু হিদাব” (লেখক এবং ব্যবসায়ীদের উপযোগী পুস্তক)

(২) “আল কিতাবুল্ কামিল” (সম্পূর্ণ পুস্তক)। সম্ভবত ইব্নোল্ কিফতী এই গ্রন্থখানিকেই আল্ মাজ্জেষ্ট নামে উল্লেখ করেছেন। এর কতক অংশ ক্যারা ও ভো কর্তৃক অমুদিত হয়েছে।

(৩) “কিতাবুল্ হান্দাসা” (ব্যবহারিক জ্যামিতি। প্যারিস লাইব্রেরীতে সংরক্ষিত পুস্তকাবলীর মধ্যে একখানা পারসী জ্যামিতিক অঙ্কন বিষয়ক পুস্তক দেখা যায়। খুব সম্ভব পুস্তকখানি কিতাবুল্ হান্দাসারাই অমুকরণ। উপেকের (Wœpke) মতে আসল পুস্তকখানাও আবুল ওয়াফার লিখিত নয় বরং তাঁর কোন ছাত্র তাঁর জ্যামিতি বিষয়ক বিভিন্ন বক্তৃতার সারাংশ লিপিবদ্ধ করে একখানা প্রণয়ন করেন। ব্রিটিশ, ফ্রান্স এবং ফ্লোরেন্স মিউজিয়মে একই প্রকার একখানা “জিজ-আস্-শামিল” রক্ষিত আছে। এর প্রণেতার কোন নাম পাওয়া যায় না। অনেকের মতে এইখানাই আবুল ওয়াফার “জিজ-আস্-শামিল”। কেউ কেউ বলেন, এখানা তাঁর জিজ থেকে সঙ্কলিত মাত্র। তাঁর আসল জিজ বা জ্যোতির্বিজ্ঞান তালিকার নাম হোল “আল্ ওয়াজ্জিহ”। এ পর্যন্ত এ খানার কোন সংবাদ পাওয়া যায় নাই। (৪) কিতাবুল্ মানাজ্জিল ফিল্ হিসাব (অঙ্কের ক্রমিক স্তরের পুস্তক) এ গ্রন্থখানির সঙ্গে প্রথম গ্রন্থখানির খুবই সাদৃশ্য দেখা যায়। এতে রয়েছে আল্ খারেজমির বীজগণিতের ব্যাখ্যা, ডাওফেণ্টাসের বীজগণিতের ব্যাখ্যা, এবং ইব্নে ইয়াহিয়ার বীজগণিতের ব্যাখ্যা (৫) কিতাবুল্

মাদখিল (Introduction of arithmetic) (৬) কিতাবুল বারাহিন ফিল কাদায়া কি মা স্তামালাহু দাওয়োফালতোমু ফি কিতাবিহ্ (Proofs of the rules employed by Diophantus in his works) (৭) কিতাবু ইসতিখরাজ মাবালিগুলা কাব বি মাল মাল ওয়া মা ইয়াতারাককাব্ মিনহা (The obtaining of the amount of the cube by a double multiplication and of the other combinations effected by that operation) (৮) আলমাজেস্ত (Almagest) (৯) Sexagesimal এর তালিকার একখানি গ্রন্থ ।

আবুল ওয়াফার সমসাময়িক অগ্ৰাণ্য বৈজ্ঞানিকদের বিজ্ঞান প্রতিভা অনেকটা নিপ্রভ মনে হয় । যুগ প্রবর্তক মনীষীর সময়ে সাধারণত তাঁর প্রভাবই বিশেষ কার্যকরী হয়ে উঠে । বিশেষ শক্তিশালী প্রতিভাবান ব্যক্তি ছাড়া, অণু কেউ সে প্রভাব উল্লঙ্ঘন করে নিজেস্ব স্বাতন্ত্র্যকে সুপ্রতিষ্ঠিত করতে পারেন না । দশম শতাব্দীতে আলবাতানী এবং আবুল ওয়াফার প্রভাবই পরিপূর্ণ ভাবে বিস্তারিত । বিজ্ঞান জগতে বিশেষ করে অঙ্কশাস্ত্রে তাঁদের প্রতিভা মধ্যাহ্ন সূর্যের মতই ভাস্বর ও সমুজ্জ্বল । অগ্ৰাণ্য যারা এ সময়ে অঙ্কশাস্ত্রের আলোচনায় আত্ম-নিয়োগ করেছিলেন, তাঁরা এই দুই মনীষীরই পদানুসরণ করেন প্রায় সর্ব বিষয়েই, নিজেদের স্বাতন্ত্র্য বা মৌলিকতা নিয়ে উল্লেখযোগ্য তেমন কিছুই প্রদর্শন করতে পারেন নাই । প্রায় সবাই ত্রিকোণমিতি বা জ্যোতির্বিজ্ঞানের সঙ্গে বিজড়িত । বস্তুত দশম শতাব্দীকে ত্রিকোণমিতির যুগও বলা চলে । এ শতাব্দীতে ত্রিকোণ-মিতির যত উন্নতি হয়েছিল, অঙ্কশাস্ত্রের অণু বিভাগে তার তুলনায় বিশেষ কিছু হয় নাই বলা চলে । কেউ কেউ স্বতন্ত্রভাবে অগ্ৰাণ্য বিষয়ে আলোচনা ও গবেষণায় মনোনিবেশ করেছিলেন বটে, কিন্তু বিশেষ কৃতিত্ব দেখাতে পারেন নাই বলেই মনে হয় ।

এই যুগ প্রভাব এড়িয়ে চলা অভিযানকারীদের মধ্যে আবুজাফর আলখাজিনের নামই প্রথম উল্লেখ যোগ্য । তাঁর অঙ্কশাস্ত্রের আলোচনার মধ্যে বীজগণিতকেই তিনি একটু প্রাধান্য দিয়েছিলেন এবং এ আলখাজিন সম্বন্ধে সম্পূর্ণ স্বাধীন ভাবে আত্মনিবেশ করেন । তবে তাঁর কার্যাবলীর মধ্যে নূতন আবিষ্কারের কিছুই নাই । বীজগণিতের মধ্যে সর্বাঙ্গিক

উল্লেখযোগ্য হোল ত্রৈমাসিক সমীকরণ বা আহমাহানীর সমীকরণটির (Al Mahanis equation) সমাধান। তিনি যেভাবে এই সমাধান করেছেন, তাতে তাঁর মৌলিকতা এবং উভয় শাখাতেই বিশেষ বুদ্ধিমত্তার পরিচয় পাওয়া যায়। তবে তিনি যে যুগ প্রভাব এড়িয়ে চলতে পারেন নাই তার নিদর্শন, তাঁর জ্যোতির্বিজ্ঞান সম্বন্ধীয় গ্রন্থ। তিনি জ্যামিতি আলোচনায়ও যোগ দান করেছিলেন এবং ইউক্লিডের দশম গ্রন্থের একখানা ভাষ্যও লেখেন। অঙ্কের অন্যান্য শাখার নানাবিধ গ্রন্থাবলীর ভাষা লেখাও তাঁর বৈজ্ঞানিক কীর্তি।

আবু জাফরের নাম দেখে মনে হয় তিনি কোন লাইব্রেরীর লাইব্রেরীয়ান ছিলেন এবং এই লাইব্রেরী পরিচালনার মধ্যে অবসর সময়ে বিজ্ঞান আলোচনায় মনোনিবেশ করেন। তাঁর উপাধি আলখাজিনই এই পদসূচক কার্যের সন্ধান দেয়। খাজিন অর্থ লাইব্রেরীয়ান বা ধন রক্ষক। তিনি খোরাসানে জন্মগ্রহণ করেন এবং ৯৭১ খৃঃ অব্দে (সঠিক তারিখ জানা যায় না, কাকুর মতে ৯৬১ হইতে ৯৭১ খৃঃ অব্দের মধ্যে) মৃত্যুমুখে পতিত হন।

আধুনিক বিজ্ঞান জগতে তেমন সুপরিচিত না হোলেও যারা এই বিজ্ঞান ভাল গড়তে তিল তিল করে সাহায্য করেছেন তাঁদের কথা ভুললে চলবে না। যারা নানা কারণে এখনও পরিচয়ের গণ্ডীর মধ্যে সুপ্রতিষ্ঠিত হতে পারেন নাই তাঁদের সবাই যে প্রতিভায় একেবারে নিম্প্রভ ছিলেন এমন মনে করবার কোন কারণই নাই। তবুও যতদিন পর্যন্ত পূর্ণ পরিচয় না পাওয়া যাচ্ছে ততদিন এই স্বল্প পরিচয়ের মধ্যেই তাঁদের স্মরণ করা উচিত। দশম শতাব্দীতেও এমন বৈজ্ঞানিকের অভাব নাই। তাঁদের সম্বন্ধে বিশেষ কিছুই জানা যায় না, এমন কি অনেকের জন্ম মৃত্যুর তারিখ পর্যন্ত সঠিক ভাবে নির্ধারিত হয় নাই। এখানে এমনি স্বল্পপরিচিত কয়েকজন গণিতবিদের কথা উল্লেখ করা যাবে।

ধর্মযাজকদের মধ্যে যে আজকালকার মত বিজ্ঞানের প্রতি এক অহেতুক ঔদাসীন্য বা বিতৃষ্ণা ছিল না তার পরিচয় পাওয়া যায় ইউসুফ আলখুরীর বৈজ্ঞানিক কার্যাবলীতে। ইংরেজীতে তিনি Joseph the Priest নামে পরিচিত। এ ছাড়া তিনি ইউসুফ আলকোয়াস বা আস্‌সাহির নামেও অনেক সময় অভিহিত হোতেন। আলকোয়াস অর্থও ধর্মযাজক। ইউসুফের বৈজ্ঞানিক কার্যাবলী প্রধানত শুদ্ধ অনুবাদেই নিবদ্ধ। তিনি আর্কিমিডিসের

অধুনাবিলুপ্ত ত্রিভুজ সম্বন্ধীয় পুস্তক এবং গ্যালেনের *De simplicium tempera-*

ইউলফ আলখুদী

mentis et facultatibus এর অনুবাদ করেন।

প্রথম অনুবাদখানি সিনান ইবনে ছাবেত ইবনে কোরা এবং দ্বিতীয়খানি হোনায়েন ইবনে ইসহাক পুনর্বার সংস্কার করেন। পদার্থবিজ্ঞা সম্বন্ধীয় অল্প কয়েকখানি পুস্তকেরও তিনি অনুবাদ করেন। খুব সম্ভব দশম শতাব্দীর প্রথম দশকেই ইউলফের মৃত্যু হয়।

জ্যোতির্বিজ্ঞানে ব্যবহৃত যন্ত্রপাতি নির্মাণের জন্ম দ্বারা এই সময়ে বিজ্ঞান জগতে খ্যাতি লাভ করেন হামিদ ইবনে আলী তাঁদের মধ্যে অন্যতম। তাঁর পূর্ব

হামিদ ইবনে আলী

নাম হোল আবুল রবি হামিদ ইবনে আলী আল ওয়াসিত্তি। নিম্ন মেসোপটেমিয়ার ওয়াসিত্তিতে তিনি

জন্মগ্রহণ করেন এবং সেই হিসাবেই আল ওয়াসিত্তি নামেও পরিচিত। ইবনে ইউলফের মতে আলী ইবনে ইসা এবং হামিদ ইবনে আলী এই দুই জনে আন্তারলব ইত্যাদি নির্মাণ কার্যে সর্বাধিক পারদর্শী ছিলেন। তিনি এই দুইজনকে গ্যালেন এবং টলেমীর সমতুল্য বলে উল্লেখ করেছেন। এতেই বোঝা যায় এঁদের বৈজ্ঞানিক যন্ত্রপাতি নির্মাণের কার্য কুশলতা খুবই উন্নত ধরণের ছিল। হামিদ ইবনে আলীর কার্যাবলী নবম শতাব্দীর শেষভাগ থেকেই বৈজ্ঞানিকদের দৃষ্টি আকর্ষণ করে।

পারস্য দেশবাসী আবুবকর তাঁর সমসাময়িককালে বিজ্ঞান জগতে প্রসিদ্ধি লাভ না করলেও মধ্যযুগে তাঁর সমাদর দেখা যায়। তাঁর পূর্ণ নাম হোল আবুবকর আলহাসান ইবনোল খাসিব। লাটিনে এ নামের বিকৃতি ঘটে

আলখাসিব

আলবুবাথেরে (*Alubather*); আবুবকর আরবী এবং পারসী উভয় ভাষাতেই জ্যোতিষ সম্বন্ধে কয়েকখানি

গ্রন্থ প্রণয়ন করেন। বিজ্ঞান হিসাবে এগুলির বিশেষ মূল্য আছে বলে মনে হয় না। তবে একখানি পুস্তক ত্রয়োদশ শতাব্দীর প্রথম ভাগে “*De Nativitatibus*” নামে লাটিনে অনুদিত হয় এবং ইউরোপে খুবই সমাদর লাভ করে; পুস্তকখানি পরে হিব্রুতেও অনুদিত হয়।

দশম শতাব্দীতে জ্যোতির্বিজ্ঞান ও ত্রিকোণমিত্তির প্রভূত উন্নতি সাধিত হয় সে কথা পূর্বেই বলা হয়েছে। জ্যোতির্বিজ্ঞানের এই অসামান্য প্রভাবের

সময়ে তার আভ্যন্তরীণ খুঁটিনাটিগুলিকে একত্রিত করার ভার নেন ইবনোল আদামি। তাঁর পূর্ণ নাম হোল মোহাম্মদ ইবনোল হোসায়েন ইবনে হামিদ।

ইবনোল আদামি

তিনি জ্যোতির্বিজ্ঞান সঙ্কলিত খুঁটিনাটি তথ্যাদি সংগ্রহ করে একটি তালিকা প্রস্তুত করেন এবং সঙ্গে সঙ্গে একটি

পাণ্ডিত্যপূর্ণ ঔপন্যাসিক উপক্রমণিকাও লিখে যান কিন্তু নিজে এগুলো প্রকাশ করতে পারেন নাই। মৃত্যুর নির্ভর হাত কার্যাবলী সমাপ্ত হবার পূর্বেই তাঁকে ইহলোক থেকে ছিনিয়ে নেয়। তাঁর মৃত্যুর পরে তাঁর ছাত্র কাসেম ইবনে মোহাম্মদ ইবনে হিশাম আলমাদানী পুস্তকখানাকে “নজমুল ইকদ” (পরিসঙ্কিত মুক্তাহার) নাম দিয়ে ৯২০-৯২১ খৃষ্টাব্দে প্রকাশ করেন।

পিতা পুত্র এবং দাস তিনজন একসঙ্গে একত্রে বসে বিজ্ঞান আলোচনা করেছেন পৃথিবীর ইতিহাসে এরূপ দৃষ্টান্ত বিরল। অস্তুত নিজের দাসকে সমপর্যায়ভুক্ত করে, সমান আসনে বসিয়ে তার সঙ্গে জ্ঞানবিজ্ঞানের বিষয়ে নিজেদের ধারণা প্রেরণার আদান প্রদান, অল্প কোথাও দেখা গিয়েছে কিনা সে বিষয়ে বিশেষ সন্দেহ আছে। এরূপ দৃষ্টান্ত প্রথম দেখা যায় দশম শতাব্দীর বৈজ্ঞানিক ইবনে আমাজুরের জীবনে। ইবনে আমাজুর মুসলিম জ্যোতির্বিদদের মধ্যে অগ্রতম শ্রেষ্ঠ জ্যোতির্বিদ বলেই মনে হয়। তাঁর কার্যকলাপ সম্বন্ধে

ইবনে আমাজুর

বিস্তারিতভাবে বিশেষ কিছুই জানা যায় না। তবে তাঁর জ্যোতির্বিজ্ঞানের অবদান যে অনেক উন্নত ধরণেরই

ছিল তার স্পষ্ট পরিচয় পাওয়া যায় পরবর্তী বৈজ্ঞানিকদের কার্যের মধ্যে তাঁর নাম উল্লেখ্যেই। পরবর্তী বৈজ্ঞানিকগণের অনেকেই তাঁর বৈজ্ঞানিক পর্যবেক্ষণ ফলের দোহাই দিয়েছেন। একাদশ শতাব্দীর বিখ্যাত বৈজ্ঞানিক ইবনে ইউনুস তাঁর পুস্তকে ইবনে আমাজুরের নির্ণীত তথ্যাদির অনেক উল্লেখ করেছেন।

ইবনে আমাজুরের পূর্ণ নাম হোল আবুল কাসেম ইবনে আমাজুর আলতুর্কী। তিনি তুর্কীস্থানের ফারগানা প্রদেশে খুব সম্ভব ৮৫৫ খৃঃ অব্দে জন্মগ্রহণ করেন। প্রথম বয়সে তিনি বিজ্ঞানের দিকে তেমন কোন মনোযোগ দেন নাই; কিন্তু পরিণত বয়সে এদিকে তাঁর দৃষ্টি বিশেষভাবে আকৃষ্ট হয় এবং তখন থেকেই বিজ্ঞান আলোচনায় মনোনিবেশ করেন। শুধু নিজে বিজ্ঞান আলোচনাতেই ক্ষান্ত হন নাই, পুত্র আবুল হাসান আলী বয়ঃপ্রাপ্ত হোলে

তাকেও এই পথে টেনে আনেন। পুত্রের ক্রীতদাস মুফলিহ তীক্ষ্ণবুদ্ধির জন্মে প্রভুর দৃষ্টি আকর্ষণ করতে সমর্থ হয়। প্রভু তার গুণ, বুদ্ধি ও ধীশক্তিতে মুগ্ধ হয়ে তাকে মুক্ত করে দিয়ে নিজেদের সহকারী হিসাবে বিজ্ঞান আলোচনায় নিযুক্ত করেন। ইবনে আমাজুর ও পুত্র আবুল হাসান আলী একত্রে বাহু আমাজুর নামে পরিচিত। তাঁদের প্রণীত অনেকগুলি জ্যোতির্বিজ্ঞান তালিকার সন্ধান পাওয়া যায়; তন্মধ্যে “আলখালিস” (বিশুদ্ধ), “আলমুজারর” (পরিবেষ্টিত) “আল্বদি” (আশ্চর্যজনক) এবং মঙ্গল গ্রহ সন্থকীয় তালিকাগুলি বিশেষ উল্লেখযোগ্য। এগুলোতে পারসী কাল গণনার নিয়ম ব্যবহৃত হয়েছে।

বিজ্ঞান গ্রন্থাবলীর অনুবাদ করে যে সমস্ত মনীষী প্রসিদ্ধি লাভ করেছেন আবু ওছমান তাঁদের মধ্যে অগ্রতম। এর পূর্ণ নাম হোল আবু ওছমান সৈয়দ ইবনে ইয়াকুব আলদামিকি। খলিফা আলমুকতাদিরের (৯০৮-৯৩২) রাজত্ব

আবু ওছমান

কালেই আবু ওছমানের পূর্ণ প্রভাব পরিদৃষ্ট হয়। তিনি ব্যবসায়ে ছিলেন চিকিৎসক। চিকিৎসা শাস্ত্রেও যে

বিশেষ খ্যাতি ছিল সে বুঝা যায় তাঁর মক্কা ও মদিনার হাসপাতাল সমূহের পরিদর্শক নিযুক্ত হওয়াতেই। অঙ্ক শাস্ত্রেও তিনি সুপণ্ডিত ছিলেন এবং এরিষ্টটল, ইউক্লিড, গ্যালেন প্রভৃতি গ্রন্থগুলির আরবী অনুবাদ করেন। এই অনুবাদগুলির মধ্যে প্যাপাসের (Pappus) ভাষ্য সমেত ইউক্লিডের দশম গ্রন্থখানির অনুবাদই সর্বাধিক উল্লেখযোগ্য। আরবী অনুবাদই এই গ্রন্থখানির অস্তিত্বের একমাত্র পরিচয়।

আলকিন্দির শিষ্যদের মধ্যে বিজ্ঞানসেবী হিসাবে যে কয়েক জনের নাম পাওয়া যায় আবু জাইদ তাঁদের মধ্যে অগ্রতম। তাঁর পূর্ণ নাম হোল আবু জাইদ আহমদ ইবনে সহল আলবালখি। তাঁর জন্ম তারিখ এখনও সুস্পষ্টভাবে

আবু জাইদ

নির্ধারিত হয় নাই। তবে তিনি ৯৩৪ খৃঃ অব্দে পরলোক গমন করেন। ফিহরিস্তে আবু জাইদের বহু গ্রন্থের

উল্লেখ দেখা যায়; তন্মধ্যে দুই খানির ইংরেজী অনুবাদ হোল “The excellency of Mathematics” এবং “On certitude of Astrology”। তাঁর আবহাওয়া সন্থকীয় অগ্র একখানি পুস্তক “সুয়ারুল আকালিন” ভৌগোলিক ম্যাপ ইত্যাদি দিয়ে পরিপূর্ণ।

সমসাময়িক বৈজ্ঞানিকদের কাজ নিয়ে আলোচনা করে প্রসিদ্ধি লাভ করেন আলী ইবনে আহমদ আল ইমরানী। ইনি দশম শতাব্দীর মিসরের বিখ্যাত বৈজ্ঞানিক আবু কামিলের বীজগণিতের একখানা ভাষ্য লিখে বিজ্ঞান-বিদদের মধ্যে স্থান লাভ করেন। বীজগণিতের এই ভাষ্য ছাড়া তিনি জ্যোতিষশাস্ত্র নিয়েও আলোচনা করেন। এই জ্যোতিষী গবেষণার কতকগুলি পুস্তকের একখানি দ্বাদশ শতাব্দীতে বার্সিলোনার সাভাসোর্ডা (Savasorda) কর্তৃক 'On the choosing of auspicious days' বা "শুভ দিবস নির্ণয় বিষয়ক পুস্তক" নামে অনূদিত হয়। আলী ইবনে আহমদ উত্তর মেসোপটেমিয়ার মসুল নগরীতে জন্মগ্রহণ করেন এবং এই স্থানেই ৯৫৫-৫৬ খৃঃ অব্দে এশ্তেকাল করেন। তাঁর জন্ম তারিখ এখনও সঠিক ভাবে জানা যায় নাই।

ইউম্মুক আলখুরীর মত অল্প আর একজন ধর্মবাহকেরও এই শতাব্দীতে বিজ্ঞান আলোচনায় লিপ্ত দেখা যায়, এঁর নাম নাজিক নাজিক ইবনে ইয়ামন ইবনে ইয়ামন আলকাস। কতকগুলি অনুবাদ কার্যের সুঙ্গেই এঁর নাম বিজ্ঞড়িত। নাজিক ৯৯০ খৃঃ অব্দে মৃত্যুমুখে পতিত হন।

পারস্যবাসী যে কয়েকজন মনীষী এই সময়ে বিজ্ঞান আলোচনায় যোগদান করেছিলেন আবুল ফতেহ মোহাম্মদ ইবনে মোহাম্মদ ইবনে কাসেম ইবনে ফজল আল ইম্পাহানি তাঁদের মধ্যে অন্যতম। তিনি ইম্পাহানের এক অভিজাত বংশে জন্মগ্রহণ করেন। তাঁর বৈজ্ঞানিক কার্যাবলীর মধ্যে আবুল ফতেহ এপোলোনিয়াসের কনিক এর আরবী অনুবাদ এবং আলহিমসী ও ছাবেত ইবনে কোরার পুস্তকগুলির ভাষ্য উল্লেখযোগ্য। কনিক এর আরবী অনুবাদখানিই হয়েছে সর্বজনশুন্দর এবং সর্বদোষ বর্জিত। তাঁর ভাষ্যগুলি এ পর্যন্ত প্রকাশিত হয় নাই।

বিখ্যাত বৈজ্ঞানিক আররাজীর স্বদেশবাসী অল্প একজন বৈজ্ঞানিকও এই সময়ে অক্ষশাস্ত্রের জ্যোতির্বিজ্ঞানে ও পদার্থবিজ্ঞায় বিশেষ প্রতিভার পরিচয় দেন। তাঁর নাম হোল আবুল হোসায়েন আবুহুর রহমান ইবনে আবহুর রহমান হুফী ওমর আলশুফী আর রাজী। আবুল হোসায়েন ৯০০ খৃঃ অব্দে রাই নগরীতে জন্মগ্রহণ করেন এবং এই স্থানেই ৯৮৬ খৃঃ অব্দে মৃত্যুমুখে

পতিত হন। তিনি ছিলেন বুয়াইদ নুপতি আজহুদৌলার একাধারে বন্ধু এবং শিক্ষক। মুসলিম জ্যোতির্বিদদের মধ্যে তাঁর নাম সুপ্রতিষ্ঠিত হয়েছে স্থির নক্ষত্রাদির বিষয়ে নানা সমস্তানিবদ্ধ গ্রন্থের জন্মই। এ গ্রন্থখানার নাম হোল “কিতাবুল কাওয়াকিব আহছাবিতা আল্ মুছাওওয়ার” বা স্থির নক্ষত্রাদির বিষয়ক পুস্তক। কেউ কেউ বলেন মুসলিম বৈজ্ঞানিকদের জ্যোতির্বিজ্ঞানে পর্যবেক্ষণমূলক কার্যাবলী সন্নিবিষ্ট যে তিনখানি সর্বোৎকৃষ্ট (masterpiece) গ্রন্থ প্রকাশিত হয়েছে এখানা তাদের মধ্যে অন্যতম। অল্প দুখানা হোল একাদশ শতাব্দীর বৈজ্ঞানিক ইবনে ইউনুস এবং পঞ্চদশ শতাব্দীর বৈজ্ঞানিক উলুগবেগ সম্পাদিত জ্যোতির্বিজ্ঞান গ্রন্থ। এ মতকে অভিশয়োক্তি বলা চলে না। দুঃখের বিষয় এখানার বিশেষ আলোচনা হয়েছে বলে মনে হয় না।

খলিফা আজহুদৌলা নিজের ছিলেন বিজ্ঞানের সাধক। শুধু তাই নয় তাঁর বিদ্যোৎসাহিতা এবং পৃষ্ঠপোষকতায় অনেক বৈজ্ঞানিকই বিজ্ঞান জগতে সুপ্রতিষ্ঠিত হোতে সমর্থ হন। খলিফার পৃষ্ঠপোষকতায় সুপ্রতিষ্ঠিত বৈজ্ঞানিকদের মধ্যে আবুল কাসেম আলী ইবনে হোসায়েন আল্ আলওয়ারই আস্ শারিফুল হোসায়িনি অন্যতম। অঙ্ক শাস্ত্রের মধ্যে জ্যোতির্বিজ্ঞানই ছিল তাঁর বিশেষ আলোচ্য বিষয়। এতে তাঁর পর্যবেক্ষণগুলির বৈজ্ঞানিক

আবুল কাসেম

সত্যতা তৎকালে উচ্চ প্রশংসা লাভ করে। তিনি একখানি জ্যোতির্বিজ্ঞান তালিকাও তৈরী করেন। গত দুই শতাব্দীতে এর বিশেষ সমাদর দেখা যায়। আবুল কাসেম ৯৮৫ খৃঃ অব্দে বাগদাদ নগরীতে দেহত্যাগ করেন।

খলিফার মানমন্দিরে যে সমস্ত বৈজ্ঞানিক বিজ্ঞান সাধনায় লিপ্ত ছিলেন আস্ সাগানি তাঁদের মধ্যে অন্যতম। তাঁর পূর্ণ নাম হোল আবু হামিদ আহমদ ইবনে মোহাম্মদ আস্ সাগানি আল্ আসতারলবি। অঙ্কশাস্ত্রে ও জ্যোতির্বিজ্ঞানে উপপত্তিক বহুবিধ দানের সঙ্গে জ্যোতির্বিজ্ঞানের নূতন নূতন যন্ত্রপাতি আবিষ্কার ও নির্মাণ, বিজ্ঞান জগতে তাঁকে অমরত্ব দান করেছে।

আস্ সাগানি

বস্তুত নানাবিধ যন্ত্রপাতি আবিষ্কার ও নির্মাণে তাঁর ছিল অসাধারণ কৃতিত্ব। তিনি মারভ নগরীর নিকটবর্তী সাগানিতে একটি আস্তারলব প্রতিষ্ঠা করেন। খলিফার মানমন্দিরে জ্যোতির্বিজ্ঞানে পর্যবেক্ষণের জন্ম যে সমস্ত যন্ত্রপাতি ব্যবহৃত হোত তার অনেকগুলি তাঁরই আবিষ্কার; তিনি সেগুলি নির্মাণও

করেন। উপপত্তিক বিষয় সমূহের মধ্যে কোণকে সমত্রিখণ্ডিত করবার উপায় উদ্ভাবনই সর্বাপেক্ষা উল্লেখযোগ্য। ৯৯০ খৃঃ অব্দে এই বৈজ্ঞানিকের মৃত্যু হয়।

বৈজ্ঞানিক ইমরানের মৃত্যুর পর তাঁর শিষ্য আল্ কোয়াবিসি বা আবুল সাকর আবহুল আজিজ ইবনে ওছমান ইবনে আলী আল্ কোয়াবিসি তাঁর জ্ঞান সাধনার পথ অনুসরণ করেন। লাটিনে তাঁর নাম দেওয়া হয়েছে আল ক্যাবিটিয়াস (Al Cabitius)। ইমরানের মৃত্যুর পর হামদানীয় খলিফা সুলতান সৈফুদ্দৌলার পৃষ্ঠ পোষকতাতেই এই বৈজ্ঞানিকের বিজ্ঞান সাধনার পথ সুগম হয়। তাঁর বৈজ্ঞানিক কার্য ছিল জ্যোতিষ বিজ্ঞান (Astrology) নিয়ে এবং এদিক দিয়ে তিনি বিশেষ খ্যাতি লাভ করতেও সমর্থ হন। আল্

আল্ কোয়াবিসি কোয়াবিসির গ্রন্থাবলীর মধ্যে “আল্ মাদখাল ইলা সিনাত আহকাম আন্ নজুম” বা জ্যোতিষ শাস্ত্রের উপক্রমণিকা এবং গ্রহ সমূহের সমন্বয়ে অবস্থান বিষয়ক (Treatise on the conjunction of the planets) গ্রন্থ দুই খানিই বিশেষভাবে উল্লেখযোগ্য। জোহানেস এই দুই খানিই লাটিনে অনুবাদ করেন।

বৈজ্ঞানিকের প্রথম গ্রন্থখানি হিস্পালেনসি (Hispalensi) কর্তৃক “Alchabitii Abidlazi Liber introductorius ad magisterium judiciorum astrorum interprete Joance Hispalensi” নাম দিয়ে অমুদ্রিত হয়। এই অনুবাদখানি জোহানেসের (Joannes de Saxona) ভাষ্য সমেত ১৪৭৩ খৃঃ অব্দে বোলোগনায় প্রকাশিত হয় এবং ১৪৮১, ১৪৮২, ১৪৮৫, ১৪৯৯, ১৫২১ খৃঃ অব্দে ভেনিসে বার বার পুনর্মুদ্রিত হয়েছে। দ্বিতীয় গ্রন্থখানি Liber introductorius বা Ysagogieus গ্রন্থের মধ্যে Tractus Notabilis Alchabitii de conjunctionibus planetarum in duodecim signis et earum pronosticis in revolutionibus annorum” নাম দিয়ে সন্নিবেশ করে ১৪৮৫, ১৫১১, ১৫১১ খৃঃ অব্দে ভেনিসে মুদ্রিত ও প্রকাশিত হয়। ফ্রান্সের গণিতবিদ Oronce Fine (১৪৯৪-১৫৫৫) এখানিকে Traite des conjunctions de planetes নাম দিয়ে অনুবাদ করেন। অনুবাদখানি প্যারিসে ১৫৫৭ খৃঃ অব্দে প্রকাশিত হয়।

আল কোয়াবিসি কিয়া সৈয়দফুদ্দৌলা রামধনু সন্থকে একটি সুন্দর কবিতা লেখেন।

এই সময়কার অগ্রতম গণিতবিদ ছিলেন আলকুহী। তাঁর পূর্ণ নাম হোল আবু সহল ওয়াইজান ইবনে রুস্তম আলকুহী। আলকুহী পদবীটি বাসস্থানের নাম থেকেই উদ্ভূত। তাঁর জন্মস্থান হোল তাবারিস্তানের অন্তর্গত কুহে। সেই হিসাবেই তিনি আলকুহী নামে পরিচিত হন। তাঁর জন্ম মৃত্যু তারিখ সন্থকে বিশেষ কিছু জানা যায় না। তবে দশম শতাব্দীর শেষভাগে

আলকুহী

২১৮ খৃঃ অব্দেও তিনি নুপতির মানমন্দিরে গবেষণার কাজ চালাচ্ছেন দেখা যায়। বুয়াইদ নুপতি শরফুদ্দৌলা জ্যোতির্বিজ্ঞান গবেষণার জন্ম যে মানমন্দির তৈরী করেন অনেকের মতে আলকুহী ছিলেন তার অধ্যক্ষ; কারুর কারুর মতে তিনি অধ্যক্ষ ছিলেন না বরং দ্বিতীয় জ্যোতির্বিদ ছিলেন। সে যাই হোক গণিতবিদ হিসাবে তিনি যে তৎকালে বিশেষ প্রসিদ্ধি লাভ করেছিলেন নুপতির মানমন্দিরে বৈজ্ঞানিক হিসাবে নিযুক্ত হওয়াতেই তা বেশ বুঝা যায়।

গণিত ও জ্যোতির্বিজ্ঞান সন্থকে তিনি অনেকগুলি গ্রন্থ প্রণয়ন করেছিলেন বলে জানা যায়। তবে সমস্ত গ্রন্থাবলীর এখনও সন্ধান পাওয়া যায় নাই। গণিতের নানা শাখার মধ্যে জ্যামিতিতেই তিনি বিশেষ দক্ষতার পরিচয় দিয়েছিলেন বলা যায়। এতে তিনি আর্কিমিডিস ও এপোলোনিয়াসের অনুসরণ করেছেন। এই গ্রীক বৈজ্ঞানিকদ্বয়ের সমস্যা বলে কথিত সমস্যারাজীকে কেন্দ্র করেই তিনি জ্যামিতি নিয়ে গবেষণা কার্য চালায়। এ থেকেই উদ্ভূত তৃতীয় ও চতুর্থ মাত্রা সমীকরণের সমাধান সমস্যা এসে পড়ে। এর অনেকগুলিই তিনি সমাধানে সফলকাম হন এবং কতকগুলির সমাধান পস্থা উদ্ভাবন করেন। এর একটি হোল কোন নির্দিষ্ট গোলকের কোন অংশের সমান Volume অণু একটি অংশ অঙ্কন করার পদ্ধতি।

সারটনের মতে আলকুহীর জ্যামিতিই আরব জ্যামিতির মধ্যে সর্বশ্রেষ্ঠ।

আলকুহীর সমসাময়িক অগ্রতম গণিতবিদ হোলেন আবু সাইদা আহমদ ইবনে আবদুল আস্‌সিজ্জি। আলকুহীর মত আম্‌সিজ্জিও বাসস্থানের নাম থেকে উদ্ভূত। বৈজ্ঞানিক ছিলেন সিজ্জিস্তানের অধিবাসী। ২৫১ খৃঃ

অঙ্কের কোন এক সময়ে তাঁর জন্ম হয় এবং ১০২৪ খৃঃ অব্দে তিনি মৃত্যুমুখে পতিত হন।

বৈজ্ঞানিক আস্‌সিজ্জি কণিক এর বৃত্তের ছেদ নিয়ে বিশদভাবে আলোচনা করেন। তিনি কোণ ত্রিখণ্ডিত করবার পূর্বেকার Kinematical পন্থা বাদ

দিয়ে শুদ্ধ জ্যামিতিক সমাধান প্রবর্তন করেন, একটি
আস্‌সিজ্জি বৃত্ত এবং সমভুজ হাইপারবোলার অন্ত ছেদ দিয়ে। তিনি

এই সমাধানটির যে নাম দেন তার ইংরেজী দাঁড়াবে “Mobile Geometry”

নবম ও দশম শতাব্দীর বাগদাদের স্বর্ণযুগ। এই সময়ে বাগদাদ ছিল সমস্ত পৃথিবীর জ্ঞানবিজ্ঞান আলোচনার কেন্দ্রস্থল। মুসলিম রাজ্যগুলি ছাড়া পৃথিবীর অল্প কোথাও তখন বিজ্ঞানের নাম গন্ধ বলে কিছু ছিল না বললেও অত্যাঙ্কি হয় না। এই বিজ্ঞান শিক্ষা ও প্রচলনের মূলে ছিল তৎকালীন নরপতিদের বিজ্ঞোৎসাহিতা। গণতন্ত্রের অবসান ঘটলেও সম্পূর্ণ স্বৈচ্ছাচারিতার মধ্যেও শিক্ষার প্রতি এরূপ আগ্রহ ও উৎসাহ পৃথিবীর ইতিহাসে খুব কমই দেখা যায়। বহু রাজনৈতিক বিপর্যয় ঘটেছে, বহু রক্তপাত হয়েছে, ঝড় ঝঙ্কাবাত বয়ে গেছে, কিন্তু বিজ্ঞোৎসাহিতার মধ্যে তিলমাত্র ফুণ ধরে নাই। নরপতিদের সঙ্গে সুধী পণ্ডিত বৈজ্ঞানিকদের আন্তরিকতাও এই বিজ্ঞোৎসাহিতার মূলে ইন্ধন যুগিয়েছে। অনেক বৈজ্ঞানিকই খলিফাদের বন্ধুতে পরিণত হয়েছিলেন শুধু তাঁদের জ্ঞানগরিমার জন্মই। এই মধুর বন্ধুত্ব সম্বন্ধ ছাড়াও খলিফাদের বিজ্ঞান আলোচনায় যোগদানও বৈজ্ঞানিকদের উৎসাহ অনেকগুলি বর্ধিত করেছিল। অষ্টম শতাব্দীর রাসায়নিক খলিফা, নবম শতাব্দীর জ্যোতিষ বৈজ্ঞানিক, দশম শতাব্দীর অঙ্কশাস্ত্রবিদ খলিফা আজহুদ্দৌলা এবং খলিফা মুকতাফিবিল্লাহর পুত্র জাফর, শুধু নুপতি হিসাবে পরিচিত নন, তাঁদের জ্ঞানগরিমা এবং বিজ্ঞানে মৌলিক গবেষণার জন্তেও তাঁরা ইতিহাসে অমরত্ব লাভ করেন।

খলিফা আজহুদ্দৌলা ছিলেন বুয়াইদ আমীর। বাগদাদের তৎকালীন বৈজ্ঞানিক সমাজ তাঁর কাছে ছিল বিশেষ সমাদরের। বিখ্যাত পদার্থবিদ আবহুর রহমান সুফী ছিলেন তাঁর অন্তরঙ্গ বন্ধু। এই বন্ধুত্বের সুযোগে এবং বিজ্ঞানের প্রতি স্বীয় অন্তর্নিহিত অচুরাগের জন্ম তিনি নিজেও বিজ্ঞান আলোচনায়

যোগদান করেন। বাগদাদের এই স্বর্ণযুগে পৃথিবীর নানা প্রান্ত থেকে সুধিগণ এসে বাগদাদে সমবেত হোতেন, শুধু আমোদ প্রমোদের জন্যে নয় বরং রীতিমত বিজ্ঞান আলোচনার জন্যে। আজকালকার মত তখনও প্রত্যেক বৎসরেই স্থানে স্থানে এমনি সম্মিলনী বসত। নিজ মহিমায় উজ্জ্বল বাগদাদ ছাড়া অল্প অনেক স্থানেও এমনি সম্মিলনীর খবর পাওয়া যায়। নিশাপুরের বিখ্যাত পণ্ডিত আবুল মনসুর কর্তৃক আহৃত এমনি এক বিদ্বান সভার বিষয় উল্লেখ করেছেন তাঁর “ইয়াতিমুদহর” গ্রন্থে। তাঁর বর্ণনা এখানে উদ্ধৃত করা হয়ত অপ্রাসঙ্গিক হবে না।

“সামানীয় বংশীয়দের রাজত্বকালে বোধারা মহিমার কেন্দ্রস্থল, রাজ্যের মুকুটমণি, সেকালের সব বিষয়ে অভিজ্ঞ ব্যক্তিদের মিলন ক্ষেত্র, সাহিত্যভারকাদের চক্রবাল, এবং সেই সময়কার সর্বশ্রেষ্ঠ বিদ্বানবর্গের সম্মিলনীস্থল হিসাবেই শোভা পাচ্ছিল। আবু জাফর মোহাম্মদ বিন মুসা আলমুসাভী আমার নিকট এমনি বর্ণনা করেছেন। আমার পিতা আবুল হাসান বুখারা নৃপতি মনসুর বিন আহমদের নিকট থেকে একখানা নিমন্ত্রণ পত্র পান, তাঁরই প্রতীক্ষিত এবং আহৃত বিদ্বানমণ্ডলীতে যোগদানের জন্তে। সেইস্থানে আবুল হাসান আবু মোহাম্মদ বিন মাতরান, আবু জাফর বিন আল আব্বাস আল হাসান, আবু মোহাম্মদ বিন আবুছায়েব, আবু নসর আলহারছামি, আবু নসর আল জারিফি, রেজা বিন আল ওয়ালিদ আল ইম্পাহানি, আলী বিন হারুন আসসায়বানি, আবু ইসহাক আল ফারসি, আবুল কাসেম আদ দিনওয়ারী, আবু আলী আজ্জোয়ামী প্রভৃতি পৃথিবীর সর্বশ্রেষ্ঠ বিদ্বান এবং সাহিত্যিকগণ সমবেত হয়েছিলেন। বিদ্বানমণ্ডলীতে সভা আরম্ভ হওয়ার পরে যখন একে অশ্বেশ সঙ্গ পরিচিত হচ্ছিলেন, নিজেদের অভিজ্ঞতা, কৃষ্টি গবেষণার বিষয় আলোচনা করছিলেন, একে অগ্ৰকে কথার সৌরভে, কৃষ্টির সুবাসে বিমুগ্ধ করছিলেন, গবেষণালব্ধ মুস্তামালা একে অন্যকে উপহার দিচ্ছিলেন, তখন যে কি অপূর্ব স্বর্ণীয় শোভারই সৃষ্টি হয়েছিল সে মানস চক্ষে কল্পনা করা ছাড়া তুমি এমনি বুঝতে পারবে না। আমার পিতা আমাকে বলেছিলেন—এইটি হচ্ছে জীবনের সর্বাপেক্ষা গৌরবময় দিবস, লাল অক্ষরেই জীবনের খাতায় লিখিত থাকবে এটি। সর্বদাই মনে রেখ এ যুগের সর্বশ্রেষ্ঠ বিদ্বানগণের এই সম্মিলনী। আমার

মৃত্যুর পরে তোমার জীবনের প্রত্যেক স্মরণীয় ও বরণীয় দিনে এই সম্মিলনীর কথাও স্মরণ করো। আমার মনে হয় তুমি হয়ত তোমার জীবনে এমন সম্মিলনী বেশী দেখতে পাবে না। এমনি বিদ্বানবর্গের এবং প্রতিভা প্রদীপ্ত ব্যক্তিদের একত্র সম্মিলনই হয়ত আর বেশী ঘটে উঠবে না।”

আমীর আজহুদ্দৌলার আগ্রহেও প্রত্যেক বৎসর এমনি সম্মিলনীর অধিষ্ঠান হোত। আমীর প্রায়ই এই সম্মিলনীর সুধীবৃন্দকে নিজের প্রাসাদে নিমন্ত্রণ করে তাঁদের সম্মান জনসাধারণের চোখে অনেকখানি বর্ধিত করে দিতেন। শুধু বৈজ্ঞানিকদের আদর আপ্যায়ন ও সম্বর্ধনাতেই এই আমীরের কাজ শেষ হয় নাই, তিনি নিজেও বৈজ্ঞানিক আলোচনায়, অন্যান্য বৈজ্ঞানিকদের মত সাধারণ মানুষ হিসাবেই যোগদান করতেন। খলিফার পদোচ্চিত অহঙ্কার বৈজ্ঞানিকের বিজ্ঞান আলোচনার আগ্রহের চাপে আপনি নিষ্পেষিত ও পদদলিত হয়ে চূর্ণ বিচূর্ণ হয়ে যেত।

আজহুদ্দৌলা (আবু সুজা ইবনে রুকনোদ্দৌলা) ১৩৬ খৃঃ অঙ্কে ইস্পাহানে জন্মগ্রহণ করেন এবং ১৮০ খৃঃ অঙ্কে বাগদাদে মৃত্যুমুখে পতিত হন। তিনি জুতি মুকুমার বয়সে (১৩ বৎসর বয়সে) ১৪৯ খৃঃ অঙ্কে ইরাক এবং দক্ষিণ পারস্যের আমীরের পদে অধিষ্ঠিত হন। আমীর হিসাবে শৌর্য বীর্যের দিক দিয়ে তিনি যে অন্য কারুর চেয়ে কম ছিলেন না, সে বোকা যায় তাঁর বাগদাদ অধিকার থেকেই। তিনি ১৭৫ খৃঃ অঙ্কে বাগদাদ অধিকার করেন এবং খলিফা আত্ভাইবিলাহ কর্তৃক “মালেকুল মুলুক” উপাধিতে ভূষিত হন। ইসলামের ইতিহাসে এর পূর্বে আর কেউই এই উপাধি গ্রহণ করেন নাই। রাজোচ্চিত শৌর্যবীর্যের পরিচয় দেওয়ার সঙ্গে সঙ্গে প্রজাদের কল্যাণ সাধন এবং জ্ঞান বিজ্ঞান প্রচারে উৎসাহ নেওয়ারও এই মহী নুপতির কর্তব্যের মধ্যে পরিগণিত হয়েছিল। তিনি নিজেই যে বিজ্ঞান আলোচনার যোগদান করতেন সে আমরা পূর্বেই দেখেছি। প্রজাদের কল্যাণের নিমিত্ত নানা জনহিতকর কার্যের মধ্যে বাগদাদে বহু হাসপাতাল স্থাপন এবং সিরাজের নিকট দিয়ে প্রবাহিত নদী বেদেমীরে একটি বাঁধ দিয়ে একে জলযান গমনোপযোগী করে তোলা তাঁর অন্ততম কীর্তি।

অঙ্কশাস্ত্রবিদ হিসাবেই তিনি বৈজ্ঞানিক মহলে স্থান পেয়েছিলেন। পৃথিবীর ইতিহাসে অঙ্ক কোথাও বিজ্ঞান-আলোচনায় নরপতিদের যোগদানের

কথা জানা যায় না। পদোচিত ক্ষমতার অন্ধ অহঙ্কারই হয়ত এই অনাসক্তির কারণ; কিন্তু ইসলামের সাম্যমন্ত্র, বিশ্বভ্রাতৃত্ব ভাব এই অহঙ্কারের মূলে কুঠারাঘাত করে বিজ্ঞানকেও রাজশিকার অন্তর্গত করে খলিফাদিগকে সাধারণ মানুষের মত বৈজ্ঞানিক সাজাতে সক্ষম হয়েছিল; কল্পিত দেবত্ব খলিফাদিগকে দূরে সরিয়ে রাখতে আপনি সঙ্কুচিত হয়ে পড়েছিল।

আজহুদ্দৌলার ছায় খলিফা মুতাজ্জিদবিলাহর পুত্র খলিফা মুকতাদির বিলাহ (আবুল ফজর জাফর) ও বৈজ্ঞানিক আলোচনায় রীতিমতভাবে যোগদান করতেন। শুধু সন্মিলনীতে যোগদানেই তাঁর বিজ্ঞান অমুরাগের পরিসমাপ্তি

ঘটে নাই; অল্প বৈজ্ঞানিকের মত তিনি নিজে যথারীতি আবুল ফজর জাফর গবেষণাও করতেন। অঙ্কশাস্ত্রের মধ্যে জ্যোতির্বিজ্ঞানই তাঁকে আকর্ষণ করে বিশেষভাবে। মানমন্দিরেই তাঁর অনেক সময় কাটত গ্রহ-নক্ষত্র পর্যবেক্ষণে। ধূমকেতুর কালাপাহাড়ী তালুব নৃত্যের মধ্যে বৈজ্ঞানিকেরা একটি সামঞ্জস্য ভাব লক্ষ্য করেন। এখন অবশ্য সেটি সুপ্রতিষ্ঠিত। জাফরও এই সামঞ্জস্যের বিষয় লক্ষ্য করেন। তিনি ধূমকেতুর বিষয়ে কয়েকখানা পুস্তকও প্রণয়ন করেন।

পিতার নানাশুণ পুত্রভেদে বর্তে থাকে। আমীর আজহুদ্দৌল্লা এবং তাঁর পুত্র শরফউদ্দৌলার বেলায়ও এর ব্যতিক্রম হয় নাই। পিতার বিজ্ঞানসাহিত্য, বিজ্ঞান শিক্ষার আগ্রহ, পূর্ণমাত্রায়ই পুত্রের মধ্যে সংক্রমিত হয়েছিল। শরফউদ্দৌলা ৯৮২ খৃঃ অব্দে আমীর-ওল-ওমরার পদে অধিষ্ঠিত হন এবং খলিফা আত্‌তায়ীবিলাহ কর্তৃক “শাহান শাহ” উপাধিতে ভূষিত হন। তাঁর বিজ্ঞান-

সাহিত্যের কথা এইটুকু বললেই চলবে যে তিনি বাগদাদের রাজপ্রাসাদের উচ্চানে একটি মানমন্দির প্রতিষ্ঠা করেন।

এই মানমন্দিরে গ্রহ উপগ্রহের গতিবিধি লক্ষ্য করা হোত। এর অধ্যক্ষ ছিলেন প্রসিদ্ধ গণিতবিদ আলকুহী। আমীর শরফউদ্দৌলাও এই পর্যবেক্ষণে রীতিমত ভাবে যোগদান করতেন। অগ্ণাত যে সমস্ত বৈজ্ঞানিক এই মানমন্দিরে কাজ করতেন তাঁদের মধ্যে আবু হামিদ আহমদ ইবনে মোহাম্মদ আস্‌মাগানি আল্‌আস্তারলবি, আবুইছ্রাহক, ইব্রাহিম ইবনে হিলাল, আবুল ওয়াক, আবুল হাসান মোহাম্মদ আস্‌সামিরি, আবুল হাসান আল্‌মাগরিবি প্রধান। শরফউদ্দৌলা ৯৮৯ খৃঃ মৃত্যুমুখে পতিত হন।

আজত্বদৌলা ও জাফরের মত অনেক খলিফাই বিজ্ঞান আলোচনায় যোগদান করেছিলেন, কিন্তু শুধু বৈজ্ঞানিক হিসাবে তাঁদের নাম বিশেষ উল্লেখযোগ্য নয়।

বাগদাদের আশে পাশে বা অন্য কোন রাজধানীর আশে পাশে থেকে যারা খলিফাদের উৎসাহে উৎসাহিত হয়ে জ্ঞান বিজ্ঞান আলোচনায় যোগ দিয়েছিলেন তাঁদের প্রগাঢ় জ্ঞান ও বিজ্ঞান আলোচনার আন্তরিকতার উপর কিছুমাত্র কটাক্ষ না করেও বলা চলে যে এই আন্তরিকতার মূলে খলিফাদের উৎসাহও অনেকটা কাজ করেছিল; আর্থিক ঝঞ্ঝাট থেকে কতকটা নিশ্চিন্ত হয়েই তাঁরা এদিকে মনোনিবেশ করতে সক্ষম হয়েছিলেন। কিন্তু এমনি বাইরের কোন উৎসাহ না পেয়েও যারা এ পথে এগিয়ে গিয়েছিলেন তাঁদের এই আন্তরিকতার মূলে শুধু যে জ্ঞানস্পৃহাই বর্তমান ছিল সে কথা নিঃসংশয়েই বলা চলে। এমনি নিঃস্বার্থ ভাবে শুধু জ্ঞানের জন্যই বিজ্ঞান আলোচনায় যোগদান করেন আল্‌হামদানি।

তিনি যে বাগদাদ থেকে অতি দূরে থেকে খলিফার কোন আর্থিক সাহায্য না পেয়েই এমনি কাজ করেছিলেন শুধু তাই নয়, সামাজিক সম্মান বা প্রতিপত্তি হিসাবেও তাঁর অবস্থা কিছুমাত্র লোভনীয় নয়। জীবিকা নির্বাহের জন্য তাঁকে এবং তাঁর পূর্বপুরুষগণকে যে ব্যবসায় অবলম্বন করতে হয়েছিল তাকে বিশেষ সম্মানজনক বলে ধরা হয় না। তিনি ব্যবসায়ে ছিলেন তন্তুবায়, দেশের চক্ষে যার স্থান ছিল অতি নীচে। সত্যিকার জ্ঞানস্পৃহা যার মধ্যে থাকে তাকে কিছুতেই দমিয়ে রাখতে পারে না। আল্‌হামদানিও সমস্ত বাধা বিপত্তি অতিক্রম করে এ পথে অগ্রসর হোঁতে সক্ষম হন।

আল্‌হামদানির পূর্ব নাম হোল আবু মোহাম্মদ আল্‌ হালাম ইবনে আহমদ ইবনে ইয়াকুব আল্‌হামদানি ইবনে আল্‌হাইক। আল্‌হাইক হোল তাঁর

আল্‌হামদানি

ব্যবসায়ের পরিচয়, অর্থ তন্তুবায়। তিনি অনেক সময় শুধু

আল্‌হাইক নামেও অভিহিত হোতেন। ইমেনের এক দরিদ্র তন্তুবায়ের গৃহে তাঁর জন্ম হয়। জন্ম তারিখের সঠিক সন্ধান এখনও পাওয়া যায় নাই। এমনিতেই তাঁর জীবন কেমন ভাবে কেটেছিল সে কথাও ভাল ভাবে জানা যায় না। তবে মনে হয় খুব বেশী সুখে নয়। জীবনের

শেষ পর্যন্তও তিনি রাজরোষের হাত থেকে রেহাই পান নাই। কারাগারেই তাঁর মৃত্যু হয়। জ্ঞানসেবী বৃদ্ধের উপর এই রাজরোষের কারণ অজ্ঞাত, তবে এর ক্ষমতা শেষ পর্যন্তও অপ্রতিহতই থেকে যায়।

আল্‌হামদানি জ্যোতির্বিজ্ঞান, প্রত্নবিজ্ঞা (archæology) এবং ভূগোল শাস্ত্রে বিশেষ পারদর্শী ছিলেন। তিনি ইমেন প্রদেশের জন্ম একখানা জ্যোতির্বিজ্ঞান তালিকা তৈরী করেন। জ্যোতির্বিজ্ঞান এবং অঙ্কশাস্ত্রে এই তালিকা ছাড়া তাঁর অন্য কোন দান আছে কি না জানা যায় না। তবে নিজ প্রদেশের অগাণ্ড নানা বিষয়েও তিনি অনুসন্ধান করেন এবং প্রাপ্ত তথ্যগুলিকে একত্রিত করে “আল্‌ইখিল” নামে একখানি গ্রন্থ প্রণয়ন করেন। এতে পূর্বকার আরবদের বিজ্ঞান আলোচনা বা জ্যোতির্বিজ্ঞান, পদার্থবিজ্ঞা, সৃষ্টি বিজ্ঞান ইত্যাদি সম্বন্ধীয় ধারণার কথা বিস্তারিত ভাবে আলোচিত হয়েছে।

প্রায় প্রত্যেক শতাব্দীর জ্ঞানবিজ্ঞানের ইতিহাসকে দুই ভাগে ভাগ করা চলে। একটি হোল ব্যস্ত সমস্ত কাজের, অণ্ডটি হোল ধীরস্থির সামঞ্জস্য সাধনের। দশম শতাব্দীতেও এমনি হয়েছে। একদিকে কাজ চলেছে তোড় জোড়ের সহিত অতি দ্রুত গতিতে, বিজ্ঞান এগিয়ে চলেছে কুইক মার্চ করে, অন্যদিকে চলেছে তারই সামঞ্জস্য করে নেবার সাধনা; সবগুলোকে একসঙ্গে গুছিয়ে নিয়ে সর্ব সাধারণের সামনে তার স্বতি আধুনিক মূর্তিখানিকে তুলে ধরা। এই শেষোক্ত কাজের ভার যারা নেন তাঁরাও যে অতিকূলী মৌলিক প্রতিভার অধিকারী বৈজ্ঞানিকদের চেয়ে কম নন সে কথা বলাই বাহুল্য। দশম শতাব্দীতেও এমনি কতকগুলো লোকের সন্ধান পাওয়া যায়। এঁদের কেউ কেউ কাজ করেছেন সম্পূর্ণ একাকী অণ্ড কারুর সাহায্য না নিয়েই, আর কেউ কেউ কাজ করেছেন কয়েকজন এক সঙ্গে মিলে মিশে, একত্রে একটি প্রতিষ্ঠান স্থাপন করে। এমনি একদল হোল “এথওয়ালুস্ সাফা” (Brethren of purity)।

কতকগুলি লোক একসঙ্গে বসে একই বিষয়ে কাজ করে যায় একাণ্ড হয়ে, একই ভাবে একই আদর্শে অনুপ্রাণিত হয়ে শুধু জ্ঞান বিজ্ঞানের আলোচনার জন্তে—রাজনৈতিক কোন কিছু নিয়ে দল পাকিয়ে নয়—এমন উদাহরণ জগতের ইতিহাসে খুব কম; অস্তুত মধ্যযুগে এমন একাণ্ডতা সত্যিই বিস্ময়কর। তখনকার

দিনে রাজনীতির সঙ্গে যাদের কোন সংশ্রব ছিল না তাঁরা যে রাজদরবার থেকে আর্থিক সাহায্য বেশী আশা করতে পারতেন না তা ঠিকই। তা ছাড়া রাজদরবারের সংশ্রব থেকে অতি একাগ্রতার সঙ্গে যাঁরা দূরে থাকতে চাইতেন, তাঁদের বেলায় এমনি আর্থিক সাহায্য আসার পথও খোলা থাকত না। সাধারণত “এখওয়ামুস্ সাফা”র বেলায়ও একথা খাটে। তাঁরা বাইরের সাহায্য, উৎসাহ বা বীতরাগের প্রতি সম্পূর্ণ উদাসীন হয়েই কাজ করে গেছেন—অবিচলিত মনে একাগ্র সাধনায় শুধু জ্ঞান বিজ্ঞানের প্রচারের জগ্গেই।

তাঁদের দলটি ছিল গুপ্ত দল। বাইরে এঁদের কোন জাঁকজমকই ছিল না। নীরবে কাজ করে যাওয়াই ছিল তাঁদের একমাত্র সাধনা। এঁদের বিষয়ে বাইরে কেউ বিশেষ কিছু জানতেও পারত না। বাইরে জনসাধারণের মধ্যে যাদের নাম জাহির হয় না, তাঁদের বিষয় সাধারণের ঔৎসুক্য থাকে নিতান্ত কম, তাই এমনিতে তাঁদের বিষয় বিশেষ কিছু জানাও যায় না। তাঁদের কাজ থেকেই তাঁদের যা কিছু পরিচয় পাওয়া যেতে পারে। “এখওয়ামুস্ সাফা”র বেলায়ও হয়েছে তাই। এমনিতে তাঁদের কথা বিশেষ কিছু জানা যায় না, তাঁদের লিখিত গ্রন্থ ইত্যাদি থেকে যা একটু পরিচয় পাওয়া যায়। ফ্লুগেল (Flugel) ও ডিটিরিসির (Dieterici) অক্লান্ত পরিশ্রমের ফলেই এই দলের কথা কিছু কিছু বাইরে প্রকাশ পাচ্ছে।

এই দলে মিলেছিলেন আরব ও পারস্যের বিভিন্ন স্থানের কতগুলি মনীষী, তখনকার রাস্তা ঘাট যান বাহনের কথা মনে করলে এমনিতে যাদের একত্রিত হওয়াই এক বিচিত্র ব্যাপার বলে বোধ হবে। এঁদের একজন ছিলেন পারস্যের পূর্বপ্রান্ত বাস্তের অধিবাসী, একজন ছিলেন পারস্যের উত্তর পশ্চিমের লোক, একজন হোলেন জেরুজালেমের বাসিন্দা, দুইজন ছিলেন আরবের বিভিন্ন স্থানে থেকে আগত। যতদূর জানা যায় এরা সংখ্যায় ছিলেন ছয় এবং এঁদের আর একজনও পারস্যেরই অধিবাসী। তবে ঐতিহাসিক সাহারজুরি মাত্র পাঁচ জনের নাম করেছেন। এই পাঁচ জন হোল (১) আবু সোলায়মান মোহাম্মদ বিন মুশির আল্বস্তি আলমোকাদসি (২) আবুল হাসান আলী ইবনে হারুন আলজানজানি (৩) মোহাম্মদ বিন আহমদ আননাহারজুরি (৪) আল্ আওফি (৫) জায়েদ বিন রাফ'য়া।

দশম শতাব্দীর মধ্যভাগে বসরাতে এই গোপন দলের প্রতিষ্ঠা হয়। সেইখানেই তাঁদের কাজ চলতে থাকে। কেউ কেউ এই প্রতিষ্ঠানের সময় বলেছেন ৯৮৩ খৃঃ অব্দ। ফুগেলের মতে এঁদের গ্রন্থ “রাসায়েলে এখওয়ানুস সাফা” প্রকাশিত হয় ৯৭০ খৃঃ অব্দে। তা ছাড়া এই প্রতিষ্ঠানের মূতাজলীয় মতবাদের প্রাধাণ্য দেখলে মনে হয় বুয়াইদ নূপতিদের আমলেই এর প্রতিষ্ঠান সম্ভবপর। নবম শতাব্দীর মধ্যভাগে বুয়াইদ নূপতিগণ তুর্কীর প্রভাব প্রতিহত করে বাগদাদে অসামান্য প্রাধাণ্য স্থাপন করেন। তাঁরা ছিলেন শিয়া মতাবলম্বী। তাঁদের উদার মতবাদ মূতাজলীয়দের প্রচার কার্যের পক্ষে ছিল পূর্ণ সহায়ক ও উৎসাহব্যঞ্জক। বুয়াইদ নূপতিদের আমলে উৎসাহপূর্ণ আবহাওয়ার মধ্যে “এখওয়ানুস সাফা”র আবির্ভাবকাল বলে মেনে নেওয়াই যুক্তিসঙ্গত বলে মনে হয়।

মূতাজলীয় মতবাদের প্রভাবে উত্তরোত্তর বর্ধিত বিজ্ঞান ও দর্শনকে ইসলামিক আইন কাহ্ননের সঙ্গে মিলিয়ে মিশিয়ে খাপ খাইয়ে দেওয়া যায় কিনা, এমনি চিন্তা তখনকার পণ্ডিতদের অনেককেই পেয়ে বসেছিল। অনেকেই এদিকে চেষ্টাও করেন। “এখওয়ানুস সাফা”ই এ বিষয়ে অগ্রগামী। তাঁদের কাজগুলি আলোচনা করলে দেখা যায় তাঁদের অগ্রতম প্রধান উদ্দেশ্য ছিল ধর্মের সঙ্গে বিজ্ঞানের, ইসলামিক আইন কাহ্ননের সঙ্গে দর্শনের সামঞ্জস্য বিধান এবং প্রচলিত সমস্ত জ্ঞান বিজ্ঞানকে একত্রিত করে একটি রূপ দেওয়া। তাঁরা সর্বসম্মত ৫২ খানা গ্রন্থ প্রণয়ন করেন। এগুলির নাম হোল “রাসায়েলে এখওয়ানুস সাফা”। এতে তখনকার দর্শন সাহিত্য ও জ্ঞানবিজ্ঞানের ধারা সম্পূর্ণরূপে প্রতিকলিত হয়েছে। গ্রন্থগুলি তখনকার দিনের জ্ঞানবিজ্ঞানের প্রতিচ্ছবি সুস্পষ্টরূপেই আমাদের চোখের সামনে ধরিয়ে দেয়।

এই ৫২ খানা গ্রন্থের ১৪ খানা হোল অঙ্ক এবং শ্রায় শাস্ত্র (Mathematics and Logic), ১৭ খানা প্রকৃতি বিজ্ঞান এবং নৃবিজ্ঞান (Natural science and Anthropology), ১০ খানা মনোবিজ্ঞান (Psychology) এবং ১১ খানা ধর্মতত্ত্ব, জ্যোতিষ বিজ্ঞান ইত্যাদি নিয়ে।

গ্রন্থগুলির একটি বিশেষত্ব হোল লেখার ভঙ্গিমা। দর্শন, বিজ্ঞান, ও ধর্মতত্ত্ব প্রভৃতি কাঠখোঁটা নীরস বিষয়গুলিকে সরস ভাষায় সাধারণের হৃদয়গ্রাহী করেই

এতে অবতারণা করা হয়েছে। নীরস বিষয়গুলির নীরসতা মনের উপর একটা অস্বস্তিকর আবহাওয়া না ছড়িয়ে দিয়ে বর্ণনার সরসতায় মনকে আরও উদ্দীপিত করে তোলে। এই গ্রন্থগুলি বোম্বাই থেকে ১৮৮৭-৮৯ খৃঃ অব্দে চারখণ্ডে প্রকাশিত হয়। এগুলির কতক হিন্দী, পারসী এবং তুর্কী ভাষায়ও অনূদিত হয়েছে। এই ৫২ খানা গ্রন্থে তৎকালীন প্রচলিত সমস্ত জ্ঞান বিজ্ঞানই সবিস্তারিত আলোচিত হয়েছে। ডিটিরিসির মতে এগুলো ভাল ভাবে বুঝতে হোলে প্রারম্ভে কতকগুলি বিষয়ের সম্যক জ্ঞানের দরকার। তিনি এই প্রাথমিক শিক্ষা এবং “রাসায়নে একওয়ামুস সাফা”র বর্ণিত বিষয়গুলি সংক্ষেপে আলোচনা করেছেন। প্রাথমিক শিক্ষার অন্তর্ভুক্ত হবে :—

পার্শ্ববিজ্ঞা (Mundane studies)

১। লেখা পড়া ২। ব্যাকরণ এবং শব্দকোষ সংকলন (Lexicography)
 ৩। গণনা ও হিসাব (Calculations and computation) ৪। ছন্দপ্রকরণ
 ও কাব্যকলা ৫। প্রতীক বিজ্ঞান (Science of omens and portents)
 ৬। রসায়ন, ম্যাজিক, ভোজ্যবাজি প্রভৃতি সম্বন্ধে জ্ঞান। ৭। ব্যবসা বাণিজ্য
 ৮। ক্রয় বিক্রয়, বাণিজ্যনীতি, কৃষিকার্য ও পশুপালন সম্বন্ধে জ্ঞান ৯। জীবন
 বৃত্তান্ত।

ধর্মতত্ত্ব বিষয়ক শিক্ষা (Religious studies)

১। কোরাণ শরিফ ২। কোরাণ শরিফের ব্যাখ্যা বা তফসির জ্ঞান
 ৩। হাদীস শরিফ ৪। ফেকাহ্ ৫। আধ্যাত্মিক বা সুফীতত্ত্ব বিষয়ক জ্ঞান।
 “রাসায়নে” আলোচিত হয়েছে নিম্নলিখিত বিষয়গুলি :—

১। অঙ্কশাস্ত্র এবং ন্যায়াশাস্ত্র (আররিয়াজিয়াত ওয়াল মনতাকিয়াত)
 ১৪ খণ্ডে সমাপ্ত। এতে সংখ্যা, জ্যামিতি, জ্যোতির্বিজ্ঞান, ভূগোল, গান
 জ্যামিতি এবং অঙ্কের পারস্পরিক সম্বন্ধ, শিল্পবিজ্ঞা এবং মানব চরিত্রের বিভিন্নতা
 সম্বন্ধে আলোচনা হয়েছে।

২। প্রকৃতি বিজ্ঞান এবং নৃবিজ্ঞা (Natural science and Anthro-
 pology, আত্‌তাক্বিয়াত ওয়াল ইনসানিয়াত) ১৭ খণ্ডে বিভক্ত। এতে বস্তু
 (Matter). আকার, স্থান, কাল, গতি, সৃষ্টি বিজ্ঞান (Cosmogony), উৎপাদন,
 বিনাশ, কৃত্তবিদ্যা, খনিজবিজ্ঞা, প্রকৃতির উপাদান এবং তার প্রকাশ, উদ্ভিদবিজ্ঞা

(Botany), প্রাণীবিজ্ঞা (Zoology), শরীর ব্যবচ্ছেদ বিদ্যা (Anatomy), নৃবিদ্যা (Anthropology), অল্পভূতি (Sense perception), ভ্রূণতত্ত্ব (Embryology), ক্ষুদ্রজগৎ হিসাবে মানুষ (Man as the microcosm), আত্মার পরিবর্ধন, শরীর এবং আত্মা, দৈহিক ব্যথা এবং আনন্দের সত্য প্রকৃতি, ভাষাতত্ত্ব প্রভৃতি নিয়ে আলোচনা হয়েছে।

৩। মনোবিজ্ঞান (Psychology) ১০ খণ্ডে বিভক্ত।

৪। ধর্মতত্ত্ব (আল্ ইলাহিয়াত) ১১ খণ্ডে বিভক্ত। “এখওয়ানুস সাফা”র আদর্শ এবং কার্যপ্রণালী সম্বন্ধে এতে বিস্তারিত ভাবে আলোচনা হয়েছে। ইসলামের গূঢ় মতবাদ, জগতের আধ্যাত্মিক শৃঙ্খলা বিধান, গুণ বিজ্ঞা প্রভৃতিও এর অন্তর্ভুক্ত।

ধর্মের সঙ্গে বিজ্ঞান ও দর্শনের কতকটা সামঞ্জস্য করা যায় এবং এমনিতে তাদের মধ্যে কেমন সামঞ্জস্য আছে, প্রধানত সেই বিষয়েই “এখওয়ানুস সাফা”র মনীষীগণ বেশী জোর দিয়েছিলেন, তাঁদের দর্শনের মতবাদও চলেছে সেই পথ ধরেই। এর সঙ্গে মিশেছিল সমস্ত জ্ঞান বিজ্ঞানের আধুনিকতম রত্নসম্ভারকে বাছাই করে একত্র করে নেবার আকাঙ্ক্ষা। তাঁদের কার্যপ্রণালীও প্রধানত সমাবেশিক এবং সর্বব্যাপক (Encyclopædic)। ডিটিরিসির কথায় একে বলা যেতে পারে “এতদিন পর্যন্ত যে পরিমাণ জ্ঞান মানুষের আয়ত্তে এসেছে তাকে একত্রিত করে সহজীভূত এবং বস্তুতাত্ত্বিক ও আধ্যাত্মিক জগতের জন্ত একটি সমাবেশিক মত তৈরী করা যাতে ওদানীস্তুন কৃষ্টি ও সংস্কৃতি অমুযায়ী সমস্ত প্রকার প্রশ্নের সহজ উত্তর দেবার ক্ষেত্র প্রস্তুত হয়।” তাঁদের দৃঢ় ধারণা ছিল ইসলামের মূল মন্ত্রের সঙ্গে গ্রীক দর্শনের সামঞ্জস্য হওয়া অবশ্যসম্ভাবী। দর্শনের দিক থেকে তাঁরা আলকিন্দি ও আলফারাবীর উত্তরাধিকারী এবং ইবনে সিনার পূর্বাধিকারী। প্রকৃতি বিজ্ঞানের মধ্যে তাঁরা জোয়ার ভাটা, ভূমিকম্প, গ্রহণ, বায়ু কল্পনে শব্দের উৎপত্তি প্রভৃতি বিষয়ে আলোচনা করেছেন। দুইটি বিভিন্ন প্রকারের শব্দ তরঙ্গের মিশ্রনের কথা তাঁরাই প্রথম উত্থাপন করেন। রসায়নে ধাতুর গঠন বিষয়ে তাঁরা জাবির ইবনে হাইয়ানের মতবাদকে অনুসরণ করেছেন; এরিষ্টটলের চারিটি মূল পদার্থের কথাও উল্লেখ করেছেন।

এতে শুদ্ধ অঙ্কশাস্ত্রের মধ্যে ৮১ সংখ্যা পর্যন্ত ম্যাজিক স্কোয়ার,

Perfect এবং Amicable numbers, সংখ্যা বিভাগ, ছইয়ে ছইয়ে বা তিনে তিনে বস্তু বিভাগ, সামসামতলিক স্ফেরের বহিস্থ সীমার পরিমাণ সংক্রান্ত (Isoperimetrical) সমস্যা সম্বন্ধে বিশেষ আলোচনা হয়েছে। তাঁদের জ্যোতিষ বিজ্ঞানের আলোচনা অল্প সবার আলোচনাকে ছাড়িয়ে গেছে বলা চলে এবং অনেকটা রসায়নের সঙ্গে বিজড়িত হয়ে পড়েছে।

যাঁরা কয়েক জন একত্রে বসে কাজ করেছেন তাঁদের কাজের মধ্যে যে সক্রিয়তা দেখা যাবে এ স্বাভাবিক। কাজ যতই নীরস হোক না কেন, একই আদর্শে অণুপ্রাণিত, একই ভাবধারায় প্রভাবাধিত তিন চার জন যখন একত্রে বসে সেই নীরস জিনিস নিয়েই কাজ করেন, তখন সে নীরসতা অনেকটা নিশ্চিত হয়ে পড়ে; সরসতার স্বচ্ছ আভা তাঁদের মনকে ঢাকা করে তোলে। কিন্তু একাকী যারা এমনি নীরস জিনিস নিয়ে নাড়া চাড়া করেন, তাঁদের কাজের কঠোরতা বৃদ্ধিতে হয়ত কারুরই দেৱী হবে না। এই কঠোরতাকে বরণ করে নিয়েও যারা এমনি নীরস কাজের মধ্যে নিজেদের ডুবিয়ে দিতে পারেন, তাঁদের ধৈর্য ও জ্ঞান পিপাসার কথা মনে করলে বিস্ময়ে অবাক হতে হয়। দশম শতাব্দীতে এমনি অসীম অধ্যবসায়ী, অপারিসীম ধৈর্যশীল কয়েকজন জ্ঞানপিপাসুর সন্ধান পাওয়া যায়। এঁদের একজন হোলেন “মাকাতিল্ল উলুম” প্রণেতা আবু আবছলাহ মোহাম্মদ বিন আহমদ বিন ইউসুফ আল্ কাতিব আলখারেজমি আর অল্প একজন হোলেন “ফিহরিস্ত” প্রণেতা আবুল ফারাজ মোহাম্মদ বিন ইসহাক ইবনে আবি ইয়াকুব আননাজিম আল-ওয়াররাল্ আলবাগদাদী।

পৃথিবীর সর্বপ্রথম এনসাইক্লোপিডিয়া (Encyclopædia) প্রণয়ন করবার দাবী করতে পারেন আবু আবছলাহ। তাঁর “মাকাতিল্ল উলুম”ই পৃথিবীর সর্বপ্রথম এবং সর্বপুরাতন এনসাইক্লোপিডিয়া।

আবু আবছলাহ ছিলেন খারেজম অধিবাসী। দেশের পূর্ব ইতিহাস যে মানুষকে অনেক সময় নানা কঠিন কাজ করতেও অণুপ্রাণিত করে, খারেজম এবং আবছলাহ তার প্রকৃষ্ট উদাহরণ। জইহন নদী বিধৌত শস্ত শ্রামলা খারেজম, অল্পবয়সে মরুভূমিস্থ মধ্য-এশিয়ার সুদৃশ্য মরু উচ্চানের মতই বিরাজিত। মুসলিম অধিকারের পর থেকেই এই প্রদেশটি জ্ঞান বিজ্ঞান কৃষ্টিতে পৃথিবীর দৃষ্টি আকর্ষণ করে। প্রতিপত্তিশালী খলিফাদের আওতায় বাগদাদের জ্ঞান বিজ্ঞান

আলোচনায় পৃথিবীর শীর্ষস্থান অধিকার করার মূলে খারেজমের সাহায্যও কম নয়। বীজগণিত ও জ্যোতিষ চর্চার প্রধান কেন্দ্র হিসাবে খারেজম প্রথম থেকেই বাগদাদের কুষ্টির পথে অগতম প্রধান সাহায্যকারী হিসাবে দাঁড়িয়ে যায়। এই স্থানেই মুসলিম নিউটন মোহাম্মদ বিন মুসা আলখারেজমি জন্মগ্রহণ করেন। পৃথিবীর কৃষ্টি ও সভ্যতা যাদের তিল তিল দানের দ্বারা সৃষ্ট ও পুষ্ট হয়েছে তাঁদের অনেকেই এই খারেজম অধিবাসী। ইসলামের অভ্যুদয় থেকে মুসলিম সাম্রাজ্যের পতন পর্যন্ত প্রায় প্রত্যেক শতাব্দীতেই বহু বিখ্যাত বৈজ্ঞানিক এর ক্রোড়কে ধন্য করেছেন, তাঁদের বিরাট প্রতিভা ও অভূতপূর্ব জ্ঞানের দানে।

এমনি পূর্বকীর্তিমণ্ডিত স্থানের অধিবাসী আবু আবছলাহ যে এই সুকঠোর সাধনায় অমুপ্রাণিত হবেন, এতে আশ্চর্য হবার কিছুই নাই। এই অমুপ্রেরণার মূলে অবশ্য অল্প একটি কারণও বিদ্যমান ছিল। সে হোল তৎকালীন নৃপতির বিজ্ঞোৎসাহ। যুগ যুগ পূজিত মনীষার ফুরণের পিছনে যে অনেক সময়েই নৃপতিদের বিজ্ঞোৎসাহ, বিদ্বানদের প্রতি আন্তরিক অমুরাগ ও সম্মান, প্রেরণার মূল উৎসরূপে বিরাজিত ছিল সে কথা অস্বীকার করা চলে না। যুদ্ধ বিগ্রহ এবং অল্প রাজ্যের ধকসের জন্ম মুসলিম নৃপতিদের অনেকেরই অন্তরে একটি গুপ্ত বিশ্ববিদ্যাসু সব সময়েই প্রজ্বলিত থাকলেও তারই পাশে পাশে থাকত জ্ঞানের জন্ম একটি অফুরন্ত উৎস, তার সরলতা সচ্ছলতা সব সময়েই সব অবস্থাতেই দৃঢ় রেখে। আবু আবছলাহও এমনি এক বিজ্ঞোৎসাহী নৃপতির সাহায্য পান। তিনি হোলেন সামানীয় বংশের মনসুর তনয় দ্বিতীয় মুহ। সামানীয় বংশীয় নৃপতিগণ রাজ্য প্রতিষ্ঠার প্রথম থেকেই শিক্ষার প্রতি প্রগাঢ় অমুরাগ দেখিয়ে আসছিলেন। তাঁদের অপরিমিত আগ্রহ ও বিজ্ঞানরূপে বোখারা হয়ে উঠেছিল সমস্ত পারস্যের কুষ্টির কেন্দ্রস্থল। দ্বিতীয় মনসুর ও তাঁর পুত্র মুহের সময় এদিক দিয়ে হয় আরও উন্নতি। খোরাসানের ভাগ্যে এমন উন্নত পরিস্থিতির উদ্ভব আর কোন দিনই হয় নাই। দ্বিতীয় মুহের মন্ত্রী আবুল হাসান ওবায়দুল্লা বিন আবুল ওতাবও বিশেষ বিদ্যোৎসাহী ও বিদ্বানদের পৃষ্ঠপোষক ছিলেন। আবু আবছলাহ তাঁর “মাকাতিলুল উলুম” এই মন্ত্রীর নামেই উৎসর্গ করেন।

আবু আবছলাহর জীবনী সম্বন্ধে বিশেষ কিছু জানা যায় না। খুব সম্ভব তিনি বলখ প্রদেশে জন্মগ্রহণ করেন। তাঁর জন্ম মৃত্যুর তারিখও অজ্ঞান অন্ধকারের

অন্তরালেই রয়ে গেছে। তাঁর গ্রন্থ থেকে যতদূর বোঝা যায় তিনি কোন রাজকীয় পদে অধিষ্ঠিত ছিলেন এবং খোরাসানেই বসবাস করতেন। খোরাসানের বহু লোকের নাম তাঁর গ্রন্থে পাওয়া যায়; তা ছাড়া পারস্যের এই পূর্ব প্রান্তের অবস্থা আচার ব্যবহার ইত্যাদির কথাও এতে বিস্তারিত ভাবে লিপিবদ্ধ আছে।

গ্রন্থখানা ১৮২৫ খৃঃ অব্দে ফন ব্লটেন (Von Vloten) কর্তৃক লিডেন (Lyden) থেকে পুনঃ প্রকাশিত হয়। এতে বিজ্ঞানকে দুইভাগে ভাগ করা হয়েছে। একটি হোল দেশীয় বা আরবীয় আর একটি হোল বিদেশীয় অর্থাৎ গ্রীস পারস্য বা অন্যান্য স্থানে যার প্রথম উৎপত্তি।

দেশীয় বিজ্ঞান সাধারণত ধর্ম সম্বন্ধীয়। এতে আছে :—

১। ব্যবহার তত্ত্ব (কিকহ)—আইন (ওচুল) এবং ব্যবহার বিধি (কুর) ইত্যাদি নিয়ে ১১ পরিচ্ছেদে সমাপ্ত। এতে পাক নাপাক, নামাজ, রোজা, হজ, জাকাত, ক্রয় বিক্রয়, বিবাহ, হত্যা ও অন্যান্য অপরাধের শাস্তি, ক্ষতিপূরণ ইত্যাদি বিষয়ে—এক কথায় মানুষের দৈনন্দিন কার্য কলাপের বিধি ব্যবহার ইত্যাদির কথা নিয়ে আলোচনা হয়েছে।

২। দর্শন (কালাম)—৭ পরিচ্ছেদে সমাপ্ত। এতে বিভিন্ন মুসলিম সম্প্রদায়ের মতবাদ, খুঁটান, ইহুদী, পারসী এবং ভারতীয় পৌত্তলিক, কেলিডোনিয়ান পৌত্তলিক, আরব পৌত্তলিক এবং তাঁদের ধর্মের মূলতত্ত্ব প্রভৃতি নিয়ে আলোচনা হয়েছে।

৩। ব্যাকরণ (নহ)—১২ পরিচ্ছেদ সমাপ্ত।

৪। অফিস কার্যনির্বাহক বিধি (Secretariat art, কিতাবত)—৪ পরিচ্ছেদে সমাপ্ত। এতে গভর্নমেন্ট অফিসে যে সমস্ত পারিভাষিক শব্দ (Technical term) ব্যবহৃত হোত সেগুলোর সম্বন্ধেও আলোচনা হয়েছে।

৫। ছন্দ প্রকরণ (ওরদ) ও কাব্যকলাপ (শে'রর)—পাঁচ পরিচ্ছেদে সমাপ্ত।

৬। ইতিহাস (আখবার)—নয় পরিচ্ছেদে সমাপ্ত। এতে গ্রীস, রোম ও পারস্যের পূর্ব ইতিহাস, মুসলিম রাজত্বের ইতিহাস, ইসলামের পূর্বেকার আরব বিশেষ করে ইয়েমেনের ইতিহাস, বিশেষভাবে আলোচিত হয়েছে।

৭। দর্শন (ফালসাফা)—তিন পরিচ্ছেদে সমাপ্ত। বিভিন্ন বিভাগে ভাগ

করে এতে নানা বিষয়ের অবতারণা করা হয়েছে। শব্দের উৎপত্তি (গ্রীক থেকে বিশুদ্ধ ভাবে ব্যাখ্যাত), ছায় শাস্ত্রের সঙ্গে এর সম্বন্ধ এবং এর উপযুক্ত স্থান, প্রকৃতি বিজ্ঞান (চিকিৎসাশাস্ত্র, বায়ুবিজ্ঞান, খনিজ বিজ্ঞা, প্রাণী বিজ্ঞা, রসায়ন), অঙ্কশাস্ত্র জ্যামিতি, জ্যোতির্বিজ্ঞান প্রভৃতি সম্বন্ধে আলোচনা হয়েছে।

৮। ছায়শাস্ত্র (মনতেক্)—নয় পরিচ্ছেদে সমাপ্ত।

৯। চিকিৎসা শাস্ত্র (তিব্)—আট পরিচ্ছেদে সমাপ্ত। এতে শরীর ব্যবচ্ছেদ বিজ্ঞা, নিদান শাস্ত্র (Pathology), ঔষধ উপাদান ও প্রস্তুত প্রণালী, ঔষধ বিজ্ঞান (Therapeutics), পথ্য, ওজন ইত্যাদি নিয়ে আলোচনা হয়েছে।

১০। অঙ্ক (ইলমুল আদাদ)—পাঁচ পরিচ্ছেদে সমাপ্ত। বীজগণিতের কিছু আলোচনাও এতে স্থান পেয়েছে।

১১। জ্যামিতি (হান্দাসা)—চার পরিচ্ছেদে সমাপ্ত।

১২। জ্যোতির্বিজ্ঞান (এলমুল নজুম)—চার পরিচ্ছেদে সমাপ্ত। এতে গ্রহ এবং স্থির নক্ষত্রাদির নাম, বিশ্বের গঠন, জ্যোতির্বিজ্ঞান, জ্যোতির্বিদদের প্রয়োজনীয় এবং ব্যবহৃত যন্ত্রপাতির কথা আলোচিত হয়েছে।

১৩। গান (মুসিকি)—তিন পরিচ্ছেদে সমাপ্ত। গানের বিভিন্ন প্রকার, যন্ত্র, বিভিন্ন সুরচ্ছন্দ ও সুরের নাম প্রভৃতি নিয়ে আলোচনা হয়েছে।

১৪। বল বিজ্ঞান (Mechanics, এলমুল হিয়াল)—উদ্বৃত্তিবিজ্ঞা (Hydrostatics) নিয়ে দুই পরিচ্ছেদে সমাপ্ত।

১৫। রসায়ন (কিমিয়া)—তিন পরিচ্ছেদে সমাপ্ত। রসায়নাগারে ব্যবহৃত যন্ত্রপাতি, বিভিন্ন রাসায়নিক পদার্থ এবং সেগুলির ব্যবহার প্রণালী ইত্যাদি বর্ণিত হয়েছে।

আবু আবদুল্লাহর 'মাফাতিহুল উলুম' তৎকালীন জ্ঞানের মাত্রার পরিচয় দিয়েছে। কিন্তু যারা আজীবন সাধনায় এই জ্ঞানরাজ্যকে ক্ষুদ্র অপরিমিত গণ্ডীর সীমা থেকে বিশাল প্রান্তরে পরিণত করতে সাহায্য করেছিলেন তাঁদের কথা বা স্বতন্ত্রভাবে তাঁদের কাজের পরিচয় এতে কিছু নেই। সে ভার নিয়েছিলেন "ফিহরিস্ত" প্রণেতা আবুল ফারাজ আননাজিম। আবুল ফারাজের পূর্ণ নাম হোল আবুল ফারাজ্-মোহাম্মদ ইবনে অম্বি ইয়াকুব আলওয়াররাক আননাজিম আলবাগদাদী।

আবুল ফারাজের জীবনী সম্বন্ধে বিশেষ কিছুই জানা যায় না। বলতে গেলে তাঁর জন্ম মৃত্যুর তারিখ সম্বন্ধেও সুস্পষ্ট কিছুই নির্ধারিত হয় নাই। কারুর কারুর মতে তিনি ৯৮৫ খৃঃ অব্দে ইহলোক ত্যাগ করেন, কেউ কেউ ৯৮৮ খৃঃ অব্দে মৃত্যু তারিখ বলে নির্ধারিত করেছেন। মৃত্যুর সঠিক তারিখ সম্বন্ধে এমনি একটা সংবাদ পাওয়া গেছে বলা যেতে পারে, কিন্তু জন্ম তারিখ সম্বন্ধে এমনি একটা স্পষ্ট কিছুই জানা যায় না। তাঁর গ্রন্থ থেকে বুঝা যায় ৯৪০ খৃঃ অব্দে তদানীন্তন কোন এক বিখ্যাত পণ্ডিতের সঙ্গে তাঁর পরিচয় হয়; এ থেকে ধরে নেওয়া যেতে পারে যে তাঁর জন্ম তারিখ ৯২৫ খৃঃ অব্দের এ ধারে কিছুতেই হতে পারে না।

আবুল ফারাজের পিতা ছিলেন পুস্তক বিক্রেতা (আলওয়ানরাক)। অল্প সাধারণ পুস্তক বিক্রেতার মত তিনি দরিদ্র, প্রতিপত্তিহীন নগণ্য ব্যক্তি ছিলেন; কিম্বা সম্মান, প্রতিপত্তিতে তদানীন্তন সম্রাট সমাজের একজন ছিলেন সে স্পষ্ট করে কিছুই জানা যায় না। পুত্রের নামের সঙ্গে “আন্বাজিম” খেতাব, সম্মান ও প্রতিপত্তির কথাই জানিয়ে দেয়। “আন্বাজিম” অর্থ হোল খলিফা অথবা অল্প কোন প্রতিপত্তিশালী ব্যক্তির অন্তরঙ্গ বন্ধু। যিনি “আন্বাজিম” হোতে প্লারেন তিনি যে সম্মান, প্রতিপত্তিতে সম্রাট সমাজের শীর্ষস্থানীয়দের মধ্যে অচ্ছতম সে কথা বলাই বাহুল্য। তবে “আন্বাজিম” পিতা পুত্র কিম্বা অল্প কোন উর্ধ্বতন পুরুষের—কার গৌরবের পরিচয়—সে কথা বলা সহজ নয়। হয়ত এ পুত্রেরও গৌরবের পরিচয়ের সাক্ষ্য হতে পারে। বাগদাদ আবুল ফারাজের জন্মস্থান না হোলেও এখানে যে তিনি জীবনের অধিকাংশ সময়ই অতিবাহিত করেছিলেন সে বিষয়ে নিঃসন্দেহ হওয়া যায় তাঁর গ্রন্থ থেকেই। তিনি তাঁর গ্রন্থে অনেক বাগদাদবাসীর জীবনের খুঁটিনাটি কথা উল্লেখ করেছেন, তাঁর শিক্ষক ও পরিচিতবর্গও বাগদাদবাসী। তবে সময়ে সময়ে তিনি মসুলেও থাকতেন বলে মনে হয়।

আবুল ফারাজ তৎকালীন বিখ্যাত পণ্ডিত ইবনে মুনাঞ্জিমের অধীনে শিক্ষালাভ করেন। আবু সোলায়মান আলমুনতিকিও তাঁর অচ্ছতম শিক্ষক। বিখ্যাত বিজ্ঞানরসায়ীদের শিষ্য হিসাবে তাঁর মধ্যে এমনি শিক্ষার প্রতি যে অগ্রগতির উদ্ভব হয়েছিল তার ভিত্তিমূল আরও দৃঢ় হয় বন্ধুত্বের সুযোগ নিয়ে। তিনি বিখ্যাত নৈয়ামিক ইবনোল জাররাহ, দার্শনিক ইবনোল খাম্মার এবং

ইস্বাহিয়া ইবনে আদীর অন্তরঙ্গ বন্ধু হিসাবে পরিগণিত হন। আবুল ফারাজের হৃদয়ের অন্তর্নিহিত সৌন্দর্য, প্রকৃত বিদ্যানুরাগ, ধর্মাবস্থা এবং সহনশীলতা এমনি বন্ধুত্বের পথ সুগম করে দিয়েছিল। তিনি শিয়া মতাবলম্বী হোলেও গৌড়াঙ্গীর নাম গন্ধও তাঁর মনে স্থান পায় নাই, তাই খৃষ্টান দার্শনিক ইবনোলখান্মারকেও তাঁর দলের মধ্যে টেনে নিতে সক্ষম হয়েছিলেন। এমনি সুখীজনের সংস্পর্শে শিক্ষার প্রতি আন্তরিক অনুরাগের উদ্ভব হওয়া স্বাভাবিক। এমনিতে যা থাকে সুপ্র হয়ে অনুকূল আবহাওয়ায় সে স্বতঃস্ফূর্ত হয়ে উঠে। আবুল ফারাজের বেলায়ও যে এর ব্যতিক্রম হয় নাই “ফিহরিস্ত” হোল তারই অভিব্যক্তি।

যতদূর জানা যায় আবুল ফারাজ নিজেও ছিলেন পিতার মতই পুস্তক বিক্রেতা। তাঁর গ্রন্থে তিনি সমস্ত প্রকার জ্ঞান বিজ্ঞানের কথা উল্লেখ করেছেন। পদার্থবিজ্ঞান, রসায়ন, অঙ্কশাস্ত্র, খনিজ বিজ্ঞান, কৃষিকার্য কোন কিছুই তাঁর চোখ এড়াতে পারে নাই। সব চেয়ে বিস্ময়ের বিষয় তিনি প্রত্যেক পুস্তকের আকার, পৃষ্ঠা, কভার ইত্যাদির কথা সবিস্তারিত বর্ণনা করেছেন। যিনি নিজে পুস্তক না দেখেছেন, তাঁর পক্ষে এমনি খুঁটিনাটি তথ্য দেওয়া একেবারে অসম্ভব। সমস্ত বই এর সঙ্গে সাধারণত এক পুস্তক ব্যবসায়ী ছাড়া অন্য কারুর সাক্ষাৎ হওয়া তেমন সম্ভবপর নয়। কেউ হয়ত কোন এক বিষয়েই বিশেষ আগ্রহশীল, তিনি সে বিষয়ের সমস্ত পুস্তকের কথাই হয়ত বা জানতে পারেন কিন্তু অন্য বিষয়ের পুস্তকের কথা তাঁর কাছে থাকে সাধারণত অজ্ঞাত। আবুল ফারাজের এই খুঁটিনাটি বর্ণনা থেকেই মনে হয় তিনি পুস্তক ব্যবসায়ী ছিলেন।

ফিহরিস্তের গ্রন্থকার পূর্বকার ও তৎকালীন সমস্ত পণ্ডিতদের যথাযথ পরিচয়ও তাঁদের কার্যকলাপ সংক্ষিপ্তভাবে লিপিবদ্ধ করেছেন। যাদের প্রাচ্যের শিক্ষা দীক্ষার প্রতি একটু অনুরাগ আছে তাঁরাই এর আভ্যন্তরিক সৌন্দর্যে মুগ্ধ না হয়ে পারেন না। বিখ্যাত পণ্ডিত ব্রুকেলম্যান “ফিহরিস্ত”কে অতীব মূল্যবান ঐতিহাসিক গ্রন্থ বলে উচ্ছসিত ভাষায় প্রশংসা করেছেন। তাঁর মতে “আবুল ফারাজ এই ফিহরিস্তে বা তালিকায়, তখনকার দিনের সমস্ত আরবী পুস্তকের, তা মৌলিক রচনাই হোক বা অনুবাদই হোক—একটি তালিকা দিয়েছেন। এতে তিনি প্রথমে বিভিন্ন প্রকারের লিখন পদ্ধতির কথা বর্ণনা করে বিভিন্ন ধর্মের প্রেরিত পুস্তকের কথা নিয়ে আলোচনা করেছেন। এর

পরে রয়েছে সাহিত্যের বিভিন্ন শাখা প্রশাখার আলোচনা। কোরান শরীফ থেকে আরম্ভ করে গুপ্তবিজ্ঞা পর্যন্ত কোন বিষয়ই তাঁর নজর এড়ায় নাই। তিনি প্রত্যেক সাহিত্য ও বিজ্ঞান শাখাকে ভাগ ভাগ করে সেই ভাগে ভাগে লেখকদের নাম সন্নিবেশ করার পর যথাসম্ভব পৌর্ধাপর্ধক্রমে তাঁদের জীবনী ও কাজের সম্বন্ধে আলোচনা করেছেন। ইতিহাসের দিক থেকে গ্রন্থখানা অমূল্য। সত্যতা, জ্ঞান বিজ্ঞান ও কৃষ্টির ইতিহাসের জন্ম এতে শুধু আরব পারস্যের নয় প্রায় সমস্ত প্রাচ্য দেশের বহু মূল্যবান তথ্যের সমাবেশ হয়েছে।”

“ফিহরিস্ত”এর এই অকৃতপূর্ব গৌরবের বিরুদ্ধে যে অভিযান হয় নাই সে বলা ঠিক হবে না। স্প্রেঞ্জার (Sprengr) একে কোন বৃহৎ পুস্তকালয়ের তালিকা বলে নির্দেশ করেছেন, তবে সূত্রের বিষয় আর কেউই তাঁকে সমর্থন করেন নাই। ফ্লুগেল সোজাহুজি ভাবেই একে অবিশ্বাস্য বলে মত প্রকাশ করেছেন।

গ্রন্থখানি গ্রন্থকারের অভিজ্ঞতা ও অগাধ বিজ্ঞানবস্তুরই পরিচয় দেয়। অসাধারণ কষ্টসহিষ্ণুতা, ধৈর্য ও অধ্যবসায়ের জন্তে গ্রন্থকারের প্রতি অসীম আনন্দ যেমন মাথা নত হয়ে আসে, তেমনি দুঃখও হয় যে গ্রন্থকার যে সমস্ত বহুমূল্য গ্রন্থের কথা উল্লেখ করেছেন, সেগুলির অধিকাংশই বিনষ্ট হয়ে গেছে। এখন সেগুলোর অধিকাংশেরই আর কোন পাতাই পাওয়া যায় না। তিনি যে সমস্ত গ্রন্থকারের তুর্নিতুর্নিত গ্রন্থের কথা উল্লেখ করেছেন আমরা এখন তাঁদের সামান্য ছুই একখানা গ্রন্থের কথাই জানি। তাঁদিককে বরং ভাগ্যবান বলতে হবে, তবুও তাঁদের কাজের পরিচয় হিসাবে ছুই একখানা গ্রন্থ আমাদের কাছে এসে পৌঁছেছে, অধিকাংশ গ্রন্থকারের নাম শুধু ফিহরিস্তের মারফতেই আমরা জানতে পারছি, এমনিতে তাঁদের পরিচয় পাবার আর কোন উপায়ই নাই।

ফিহরিস্তের একটি বিষয় খুবই উল্লেখযোগ্য। এর মধ্যে ছন্দ প্রকরণ বা ভাব বিজ্ঞানের উচ্ছাস নাই। অত্যাচ আরবী পারসী গ্রন্থকারদের ভাববিলাসিতার ষাঙ্খল্য আবুল ফারাজ একেবারে পরিত্যাগ করে গেছেন। ফিহরিস্তের ভূমিকা থেকেই বুঝা যাবে এতে সাধারণ আরবী গ্রন্থের ভাববিলাসিতা কেমন ভাবে বর্জিত হয়েছে। ভূমিকার অনুবাদ এখানে হয়ত অপ্রাসঙ্গিক হবে না।

“খোদা তোমার অসীম অনুগ্রহে মানুষকে উন্নতির পথে অগ্রসর হতে

সাহায্য কর, যেন তারা প্রারম্ভ থেকে শেষ সিদ্ধান্তে উপনীত হতে পারে, যেন শুধু কথার বাঁধুনির মধ্যে নিজেকে হারিয়ে না ফেলে স্বীয় উদ্দেশ্য সাধন করতে সক্ষম হয়। আমিও আমার গ্রন্থ এই কথাগুলি দিয়েই আরম্ভ করছি, কেননা খোদার মজ্বিতে, আমার গ্রন্থ লিখবার উদ্দেশ্য এতেই বেশ পরিস্ফুট হয়ে উঠেছে। এতে সমস্ত আরব এবং অনআরব জাতি, জ্ঞান বিজ্ঞানের মধ্যে যাদের কোন কিছু দান আরবী ভাষায় লিপিবদ্ধ রয়েছে, তাদের কথাই উল্লিখিত হয়েছে। এতে বিজ্ঞান যখন আবিষ্কৃত হয়েছে তখন থেকে আরম্ভ করে ৩৭৭ হিজরী (৯৮৭—৯৮ খৃঃ অব্দ) পর্যন্ত লিখিত ও আবিষ্কৃত সমস্ত গ্রন্থের গ্রন্থকারদের নাম, তাঁদের বংশাবলী, জন্ম মৃত্যুর তারিখ, তাঁদের আবাসস্থান, জীবন বৃত্তান্ত, আচার ব্যবহার, স্বভাব ধর্ম প্রভৃতি নিয়ে আলোচনা হয়েছে"। এর পরেই গ্রন্থকার তাঁর গ্রন্থের নুচী দিয়েছেন। এই নুচী থেকেই বোঝা যায় গ্রন্থখানার বিষয় বস্তু কতদূর পর্যন্ত বিস্তৃত।

প্রথম খণ্ড—তিন পরিচ্ছেদে সমাপ্ত। প্রথম পরিচ্ছেদে আরব এবং অনআরব বিভিন্ন জাতির ভাষা, তাদের লিখন পদ্ধতি, লিখবার বিভিন্ন কায়দা, লিখিত অক্ষরের বিভিন্ন রূপ প্রভৃতি নিয়ে আলোচনা হয়েছে। দ্বিতীয় পরিচ্ছেদে বিভিন্ন ধর্মের প্রেরিত পবিত্র গ্রন্থসমূহের এবং এই সমস্ত ধর্মাবলম্বীদের মধ্যকার বিভিন্ন সম্প্রদায়ের কথা উল্লিখিত হয়েছে। তৃতীয় পরিচ্ছেদে কোরাণ শরিফ সম্বন্ধে আলোচনা হয়েছে। তা ছাড়া কোরাণ শরীফ সম্বন্ধীয় অন্যান্য গ্রন্থাবলীর নাম ধাম পরিচয় এবং গ্রন্থগুলির মধ্যকার পার্থক্য সম্বন্ধেও আলোচনা হয়েছে।

দ্বিতীয় খণ্ড—বৈয়াকরণিক এবং ভাষাতত্ত্ববিদদের কথা নিয়ে তিন পরিচ্ছেদে সমাপ্ত। প্রথম পরিচ্ছেদে ব্যাকরণের প্রথম উদ্ভবের ইতিহাস, বসরার বৈয়াকরণিক এবং আরব আলঙ্কারিকদের পরিচয় ও তাঁদের গ্রন্থাবলী নিয়ে আলোচনা হয়েছে। দ্বিতীয় পরিচ্ছেদে কুফার বৈয়াকরণিক এবং ভাষাতত্ত্ববিদদের জীবনী ও গ্রন্থাবলীর কথা উল্লিখিত হয়েছে। তৃতীয় পরিচ্ছেদে এই উভয় দলের মধ্যে সামঞ্জস্য বিধান করবার জন্তে যারা চেষ্টা করেছিলেন তাঁদের নাম ধাম ও গ্রন্থাবলীর কথা আলোচিত হয়েছে।

তৃতীয় খণ্ড—ইতিহাস, কাব্য, উপন্যাস, জীবনী, বংশতালিকা ইত্যাদি নিয়ে তিন পরিচ্ছেদে সমাপ্ত। প্রথম পরিচ্ছেদে ঐতিহাসিক, জীবনী লেখক, কুলাচাৰ্য

ও ইতিহাস লেখকদের নাম ধাম ও গ্রন্থাবলীর কথা উল্লিখিত হয়েছে। দ্বিতীয় পরিচ্ছেদে নূপতি, ধর্মযাজক, রাজদূত এবং লেখক রাজকর্মচারীদের নাম, ধাম ও গ্রন্থের বিষয় আলোচনা হয়েছে। তৃতীয় পরিচ্ছেদে নূপতির সভাসদ, অল্পগৃহীত ব্যক্তি, চারণ কবি, ভাঁড়, বিদূষক প্রভৃতিদের নাম, ধাম ও তাঁদের রচিত গ্রন্থাবলীর কথা উল্লিখিত হয়েছে।

চতুর্থ খণ্ড—কাব্য ও কবিদের সম্বন্ধে আলোচনা—তুই পরিচ্ছেদে সমাপ্ত। প্রথম পরিচ্ছেদে অল্প ধর্মাবলম্বী পৌত্তলিক কবি, তাঁদের সমসাময়িক মুসলিম কবি, এবং এই সকল কবিদের কাব্য সংগ্রহকারীদের কথা আলোচিত হয়েছে। দ্বিতীয় পরিচ্ছেদে গ্রন্থকারের সময় পর্যন্ত সমস্ত মুসলিম কবিদের কথা উল্লিখিত হয়েছে।

পঞ্চম খণ্ড—বিভিন্ন দার্শনিক মতবাদ ও দার্শনিকদের কথা নিয়ে পাঁচ পরিচ্ছেদে সমাপ্ত। প্রথম পরিচ্ছেদে দর্শনের উদ্ভব এবং মুতাজলীয় ও মুরজাই মতবাদী গ্রন্থকারদের জীবনী ও তাঁদের গ্রন্থসমূহ নিয়ে আলোচনা হয়েছে। দ্বিতীয় পরিচ্ছেদে শিয়ামতাবলম্বীদের ইমামী, জায়দী ও অন্যান্য সম্প্রদায় এবং ইসমাইলী মুতাবলম্বী গ্রন্থকারদের ও তাঁদের লিখিত গ্রন্থের পরিচয় দেওয়া হয়েছে। তৃতীয় পরিচ্ছেদে অদৃষ্টবাদী এবং হাসবিয়া মতাবলম্বী গ্রন্থকারদের নাম ধাম ও তাঁদের রচিত গ্রন্থসমূহের কথা উল্লিখিত হয়েছে। চতুর্থ পরিচ্ছেদে খারিজি মতাবলম্বী ব্যক্তিগণের নাম ধাম ও তাঁদের গ্রন্থসমূহের কথা উল্লিখিত হয়েছে। পঞ্চম পরিচ্ছেদে জাম্যমান সাধু, তপস্বী দরবেশ, সুফী যারা নিজ নিজ খেয়াল অমুসারে নানা মতবাদ প্রচার করতেন, তাঁদের পরিচয় ও গ্রন্থসমূহের নাম দেওয়া হয়েছে।

ষষ্ঠ খণ্ড—হাদীস শরীফ সংগ্রহকারী ককিহ্ এবং ফেকাহ্ আলোচনা নিয়ে আট পরিচ্ছেদে সমাপ্ত। প্রথম পরিচ্ছেদে ইমাম মালিক এবং তাঁর শিষ্যবৃন্দের নাম, ধাম, পরিচয় ও গ্রন্থের কথা উল্লিখিত হয়েছে। দ্বিতীয় পরিচ্ছেদে ইমাম আবু হানিফা এবং তাঁর শিষ্যবৃন্দের নাম, ধাম, পরিচয় ও তাঁদের গ্রন্থের পরিচয় দেওয়া হয়েছে। তৃতীয় পরিচ্ছেদে ইমাম শাফী এবং তাঁর শিষ্যবৃন্দের নাম, ধাম, পরিচয় ও তাঁদের গ্রন্থসমূহের কথা উল্লিখিত হয়েছে। চতুর্থ পরিচ্ছেদে দাউদ বিন আলী বিন খালেক আলুইম্পাহানী এবং তাঁর শিষ্যবৃন্দের নাম, ধাম, পরিচয় ও তাঁদের গ্রন্থাবলীর আলোচনা হয়েছে। পঞ্চম পরিচ্ছেদে শিয়া ইমাম ও ফকিহদের

জীবনী ও তাঁদের গ্রন্থাবলীর কথা আলোচিত হয়েছে। ষষ্ঠ পরিচ্ছেদে যে সমস্ত মনীষী একাধারে হাদীসবেস্তা এবং হাদীস সংগ্রহকারী, তাঁদের জীবনী ও রচিত গ্রন্থাবলীর কথা উল্লিখিত হয়েছে। সপ্তম পরিচ্ছেদে আবু জাফর আততাবারী ও তাঁর শিষ্যবৃন্দের নাম, ধাম ও পরিচয় ও তাঁদের গ্রন্থাবলীর কথা আলোচিত হয়েছে। অষ্টম পরিচ্ছেদে খারিজি ফকিহদের জীবনী ও তাঁদের রচিত গ্রন্থাবলীর কথা বর্ণিত হয়েছে।

সপ্তম খণ্ড—দর্শন ও পূর্বকালের জ্ঞান বিজ্ঞানের বিষয় নিয়ে তিন পরিচ্ছেদে সমাপ্ত। প্রথম পরিচ্ছেদে বস্তুতাত্ত্বিক দার্শনিক (materialist philosopher) এবং নৈয়ায়িকদের জীবনী, তাঁদের রচিত গ্রন্থাবলী ও সেগুলির ভাষ্যের কথা আলোচিত হয়েছে। দ্বিতীয় পরিচ্ছেদে অঙ্কশাস্ত্রবিদ, জ্যামিতিক, সঙ্গীতশাস্ত্র বিশারদ, জ্যোতির্বিজ্ঞানবিদ, বিজ্ঞানের যন্ত্রপাতি নির্মাতা, মেকানিক্স ও ইঞ্জিনিয়ারদের জীবনী এবং কার্যকলাপ সহজে আলোচনা হয়েছে। তৃতীয় পরিচ্ছেদে চিকিৎসা শাস্ত্রের উদ্ভব, তৎকালীন ও পূর্বকাল চিকিৎসকদের জীবনী, তাঁদের গ্রন্থাবলী, সেগুলির ভাষ্য ও অনুবাদ ইত্যাদির পরিচয় দেওয়া হয়েছে।

অষ্টম খণ্ড—উপকথা, উপাখ্যান, যাছবিছা প্রভৃতি নিয়ে তিন পরিচ্ছেদে সমাপ্ত। প্রথম পরিচ্ছেদে কথাশিল্পী, গল্পলেখক ও শিল্পীদের জীবনী ও তাঁদের রচিত গ্রন্থাবলীর কথা উল্লিখিত হয়েছে। দ্বিতীয় পরিচ্ছেদে যাছকর, ঐলজালিক প্রভৃতির নাম, ধাম ও তাঁদের প্রণীত গ্রন্থাবলীর পরিচয় দেওয়া হয়েছে। তৃতীয় পরিচ্ছেদে অস্বাভাবিক নানা বিষয়ে অজ্ঞাতনামা গ্রন্থকারদের রচিত গ্রন্থাবলীর কথা উল্লিখিত হয়েছে।

নবম খণ্ড—বিভিন্ন জাতি ও বর্ণের কথা নিয়ে দুই পরিচ্ছেদে সমাপ্ত। প্রথম পরিচ্ছেদে সাবিয়ান নামে অভিহিত হাররান অধিবাসী ক্যালিডোনিয়ান, ম্যানিকিয়ান, বারডেসানিয়ান, খুররামিজ, মারসিয়োনী, মাজদাকায়ী প্রভৃতি ঐত্ববাদীদের কথা ও তাঁদের গ্রন্থাবলীর পরিচয় দেওয়া হয়েছে। দ্বিতীয় পরিচ্ছেদে ভারতবর্ষ, চীন প্রভৃতি দেশের বিভিন্ন জাতির কথা উল্লিখিত হয়েছে।

দশম খণ্ড—রাসায়নিকগণের এবং পূর্বকাল থেকে আরম্ভ করে গ্রন্থকারের সময় পর্যন্ত যে সমস্ত বৈজ্ঞানিক স্পর্শমণির অল্পসঙ্খ্যানে রত ছিলেন—তাঁদের নাম, ধাম ও রচিত গ্রন্থাবলীর কথা আলোচিত হয়েছে।

আবুহান্নাহ এবং আবুল ফারাজের মত মোতাহহার ইবনে তাহিরও বিন্যকোষ প্রণয়নের ক্ষমতা প্রসিদ্ধ। তবে যতদূর মনে হয় তাঁর গ্রন্থখানি এই দুইজনের গ্রন্থের মত সমাদর লাভ করতে পারে নাই। মোতাহহারের পূর্ণ নাম হোল মোতাহহার ইবনে তাহির আলমোকাদ্দসী। আলমোকাদ্দসী অর্থ পবিত্র স্থানের বা জেরুজালেমের অধিবাসী। জেরুজালেমে জন্ম গ্রহণ করলেও সিজিস্তানের বাস্তেই তাঁর জীবন অতিবাহিত হয়।

তাঁর গ্রন্থ “কিতাবুলবাদওয়াত্তারিখ” সেই সময়কার জ্ঞানবিজ্ঞানের উন্নতির পূর্ণ পরিচায়ক। এর বিশেষত্ব হোল সভ্যতার পরিবাহী তৎকালীন ও পূর্বেকার সমস্ত কৃষ্টি নিয়ে আলোচনা। গ্রন্থকার শুধু মুসলিম সূধীদের বা মুসলিম প্রাধান্যের যুগের নানা বিষয় নিয়ে আলোচনা করেই ক্ষান্ত হন নাই, ইহুদী এবং ইরানীয় সভ্যতার কথা নিয়েও আলোচনা করেছেন। এর মধ্যে একটি বিষয় বেশ কৌতূহলোদ্দীপক। পৃথিবীর বয়সের আলোচনায় তিনি ভারতীয় বৈজ্ঞানিকদিগের মত উদ্ধৃত করেছেন—সে অল্পসারে বয়স হোল ৪,৩২০,০০০,০০০ বৎসর। সংখ্যাগুলিও দেবনাগরী অক্ষরে লিখিত।

দশম শতাব্দী পর্যন্ত জ্ঞান বিজ্ঞানে মুসলিম বৈজ্ঞানিকদের অপ্রতিহত প্রভাব বজায় থাকে। মুসলিম অধিকৃত দেশ ছাড়া অল্প কোন স্থানে জ্ঞান বিজ্ঞানের প্রতি তেমন কোন সাড়া এই সময়ে জাগে নাই। তবে শুধু মুসলিম বৈজ্ঞানিকগণই যে এই সাধনায় লিপ্ত ছিলেন এমন মনে করা নিশ্চয়ই অত্যাচার হবে। নবম শতাব্দীতে অল্প ধর্মাবলম্বী কতকগুলি বৈজ্ঞানিক যেমন মুসলিম নরপতিদের অধীনে থেকেও সানন্দে, সাগ্রহে বিজ্ঞান চর্চায় যোগ দিয়েছিলেন, দশম শতাব্দীতেও তার জের মেটে নাই। এই সমস্ত বিধর্মী বৈজ্ঞানিকদের মধ্যে হুএকজন ছাড়া কেউ তেমন বিশেষ পারদর্শিতা দেখানে পারেন নাই, এ বললে তাঁদের প্রতি বিশেষ অত্যাচার করা হবে না। দশম শতাব্দীতে খৃষ্টান বৈজ্ঞানিক কুস্তা বিন লুকা ছাড়া বৈজ্ঞানিক হিসাবে অল্প কারুর নাম করা যায় না। তিনি গ্রীক বিজ্ঞানের গ্রন্থগুলি আরবীতে অনুবাদ করার ক্ষমতা প্রসিদ্ধ হয়ে রয়েছেন। এই সমস্ত অনুবাদ কার্যের মধ্যে থিওডোসিয়াস (Theodosius) এরিসটারকাস (Aristarchas), অটোলাইকাস (Autolykos), হিপমিক্লস (Hypsicles) এবং ডাওফেন্ট (Diophantus) এর গ্রন্থাবলীর কতকগুলির অনুবাদ বিশেষ উল্লেখযোগ্য।

চিকিৎসাবিজ্ঞা, জ্যোতির্বিজ্ঞান, অঙ্কশাস্ত্র প্রভৃতি সমস্ত বিষয়েই তাঁর অনুবাদের নিদর্শন পাওয়া যায়। এই সমস্ত গ্রন্থাবলী অনেক দিন পর্যন্ত প্রামাণ্য বলেই গৃহীত হোত। বস্তুত তৎকালে বৈজ্ঞানিক হিসাবে কুস্তা বিন লুকা যে অপরিচীত খ্যাতিসম্পন্ন ছিলেন তার নিদর্শন—পারসী কবি নাসির খসরুর কবিতাতে তাঁর উল্লেখই—পাওয়া যায়। কবির বৈজ্ঞানিকদের প্রতি বিশেষ সহানুভূতিসম্পন্ন সাধারণত এমন মনে করবার কোন কারণই নাই। এই অসহানুভূতির মধ্যেও যিনি কবির কাব্যে স্থান পেয়েছেন, তিনি যে সাধারণের মধ্যে বিশেষ পরিচিত ও আদৃত ছিলেন সে অনুমান করা বিশেষ কঠিন নয়। এ সম্বন্ধে কবি খসরুর নিয়োক্ত পদটি উল্লেখযোগ্য—

“হর কাসে চিজি হামি গোয়েদ জে তেরা বারই বিস

তা গুমান আয়াদ, তা' কুস্তা বিন লুকাস্তি

“যে কেউ, অতি বড় মূর্খতা সঙ্গে, যখন কোন নূতন কথা বলে, তখন সে যেন কুস্তা বিন লুকার সমান হয়েছে এমনি ভাব দেখায়।” কুস্তা বিন লুকার পূর্ণ নাম হোল কুস্তা বিন লুকা আলবালবেকী। লাটিনে তিনি লিউকের পুত্র কনষ্টেন্টাইন (Constantine son of Luke) নামে পরিচিত। তিনি মিরিয়ান্নার অন্তর্গত বাগবাকে জন্মগ্রহণ করেন এবং ৯১২ খৃঃ অব্দে আরমেনিয়াতে দেহত্যাগ করেন। আরবেরা “শূশু” কি রকম ভাবে ব্যবহার করতেন তার সুন্দর নিদর্শন পাওয়া যায় কুস্তা বিন লুকার গুণন পদ্ধতিতে।

বাগদাদের খলিফাদের শিক্ষার প্রতি যে উৎসাহ ইউরোপের এক পৃথিবীর অগ্রাঙ্গ স্থানের পুঞ্জীভূত অঙ্কারকেও আস্তে আস্তে লঘু করে আনছিল, মিসর এবং স্পেনের বিজ্ঞান আলোচনায় সে পরিচয় পাওয়া যায়। সাম্রাজ্য লিপ্সার সঙ্গে সঙ্গে ইসলাম প্রচার এবং জ্ঞান প্রচার ও আহরণ, এ দুটিও মুসলিম রাজনৈতিকদের মহামন্ত্র হিসাবেই পরিগণিত হয়ে পড়েছিল। নবম শতাব্দীতে স্পেনে সবেমাত্র মুসলিম রাজত্ব প্রতিষ্ঠিত হয়েছে, তাই সে সময়ে জ্ঞান বিজ্ঞানের চেয়ে অল্প দিকেই বেশী নজর পড়েছে। জ্ঞান বিজ্ঞান পিপাসা চাপা পড়ে গেছে প্রতিষ্ঠালাভের আকাঙ্ক্ষার ভলে। এ হয়ত স্বাভাবিক। কিন্তু দশম শতাব্দীতে, নবম শতাব্দীর এই বিরাগ এবং অবহেলার সম্পূর্ণ ক্ষতিপূরণ হয়েছে।

মহামতি খলিফা তৃতীয় আবদুর রহমানের সময় থেকেই বিজ্ঞান চর্চার দিকে

স্পেনের খলিফাদের দৃষ্টি পড়ে। আবছুর রহমান একদিকে যেমন প্রতিপত্তিশালী নরপতি, অসম সাহসী যোদ্ধা অশ্বদিকে তেমনি সদয় ও সুশিক্ষিত ছিলেন। তিনি নিজে সাহিত্য ও বিজ্ঞান আলোচনায় যোগদান করতেন। তাঁর শিক্ষা ও সদাশয়তার সুখ্যাতিতে আকৃষ্ট হয়ে জগতের সর্বাংশ থেকে শ্রেষ্ঠ পণ্ডিতেরা কর্তোভায় আগমন করতেন। খলিফাও নিজ পদমর্যাদা ভুলে তাঁদের সঙ্গে নানা বিষয়ে আলাপ আলোচনায় সময় কাটাতেন। খলিফা আবছুর রহমান বিজ্ঞান চর্চায় উৎসাহ দান ব্যতীত নিজে বিজ্ঞান আলোচনায় যোগদান করেন নাই বটে, তবে তাঁর এই বিদ্যোৎসাহিতা পুত্র হাকামের মধ্যে সংক্রমিত হয়ে তাঁকে “গ্রন্থকীট খলিফাতে” পরিণত করে। খলিফা দ্বিতীয় হাকাম আলমুসতান্নিরবিব্লাহর রাজত্বকালকে স্পেনের সাহিত্য ও বিজ্ঞানের ইতিহাসের স্বর্ণযুগ বলা চলে।

জ্ঞান চর্চার জন্ম হাকামের নাম ইতিহাসে সুপরিচিত। জ্ঞান চর্চায় তিনি এত বেশী আনন্দ পেতেন যে সামরিক গৌরব লাভের আকাঙ্ক্ষা তাঁর হৃদয়ে খুব কমই স্থান পেত। হাকামের শাস্ত্র পাঠাসক্তি খলিফা হিসাবে তাঁরে কোন অপকারই করে নাই; পাঠাসক্তির বিশেষ প্রাবল্যসঙ্গেও তাঁর ক্ষত্রবীর্যের কোন অভাবই হয় নাই। পিতা আবছুর রহমানের জীবিত অবস্থাতেই হাকামের পাঠাসক্তি এবং শাস্ত্রপ্রিয়তার খ্যাতি চতুর্দিকে ছড়িয়ে পড়ে। তাই খলিফা আবছুর রহমানের মৃত্যুর সঙ্গে সঙ্গেই সন্ধিসূত্রে আবদ্ধ কতিপয় সামন্ত নৃপতি, সন্ধি সৰ্ত্ত ভঙ্গ করে বিদ্রোহ করেন। তাঁদের ধারণা ছিল হাকাম যুদ্ধ বিগ্রহে লিপ্ত হবেন না, কিন্তু শীঘ্রই তাঁদের ধারণা ভুল বলে প্রতিপন্ন হোল। কিছুদিনের মধ্যেই দেখা গেল গ্রন্থকীট পণ্ডিতও সাহসী যোদ্ধায় পরিণত হতে পারেন, তিনিও অশ্ব যে কোন অসম সাহসী শৌর্ধবীর্যশালী নরপতির মতই দৃঢ় হস্তে বিদ্রোহ দমন করতে পারেন। হাকাম কিছুদিনের মধ্যেই বিদ্রোহ দমন করে আবার নিজ কাজে মন দিলেন। যুদ্ধবিগ্রহের জন্ম যে জ্ঞান পিপাসা এতদিন ছিল শাস্ত্র হয়ে আবার তা মাথা চাড়া দিয়ে উঠল। এর পর থেকেই হাকাম তাঁর জগদ্বিখ্যাত লাইব্রেরীর পুস্তক সংগ্রহ মনোনিবেশ করেন। ছলভ পাণ্ডুলিপি ক্রয়ের জন্ম তিনি প্রাচ্যের সর্বাংশে দলে দলে লোক পাঠান। দুপ্রাপ্য গ্রন্থের অনুসন্ধানে তাঁর কর্মচারীরা

দামস্কাস, বাগদাদ, কায়রো, আলেকজেন্দ্রিয়া, কনস্টান্টিনোপলের পুস্তকের দোকানে হানা দিতে থাকেন। বিজ্ঞানের পুস্তকের নূতন পুরাতন যে কোন প্রকার পাণ্ডুলিপি, যত অধিক মূল্য হউক না কেন, ক্রয় করবার আদেশ পেয়ে তাঁরা মূল্যের দিকে দৃকপাত না করে পুস্তকের দিকেই বেশী দৃকপাত করতেন। গ্রন্থের অধিকারী বিক্রয়ে অসম্মত হোলে তাঁকে যথোপযুক্ত মূল্য দিয়ে নকল-নবীশের দ্বারা নকল করিয়ে সে গ্রন্থের নকল কর্তোভায় প্রেরিত হোত। পুস্তক লিখিত হওয়ার পূর্বেও অনেক সময় খলিফা পুস্তক ক্রয়ের ব্যবস্থা করতেন। কোন গ্রন্থকার গ্রন্থ রচনার সঙ্কল্প করেছেন জানতে পারলেই হাকিম তাঁকে মূল্যবান উপহার পাঠিয়ে দিয়ে পুস্তক লিখিত হোলেই, তার প্রথম অমূল্যপি কর্তোভায় প্রেরণের জন্ত অমুরোধ করতেন। এমনিভাবেই সুপ্রসিদ্ধ পণ্ডিত আবুল ফারাজ আলইস্পাহানীকে তাঁর বিখ্যাত পুস্তক কিতাবুল আগানির প্রথম অমূল্যপির জন্ত এক হাজার দিনার প্রদত্ত হয়। খলিফার এমনি প্রচেষ্টার ফলে পারস্য ও সিরিয়ায় যে সকল পুস্তক লিখিত হোত, তা তথাকার ছাত্র ও মনীষীদের জ্ঞানগোচর হবার পূর্বেই, সুদূর ইউরোপের পশ্চিম প্রান্তে হাকিমের লাইব্রেরীতে তার প্রতিলিপি পৌঁছে যেত। মুদ্রণ শিল্প তখন অজ্ঞাত। নকলনবীশের উপরই সমস্ত পুস্তকের প্রতিলিপি তৈরী করবার ভার পড়ত। এতে যে কত অর্থব্যয় হোত সে সহজেই অনুমেয়। হাকিমের জ্ঞানস্পৃহা এই কষ্ট ও অর্থব্যয়কে সম্পূর্ণ উপেক্ষা করেই নিজের গতি অব্যাহত রাখতে কৃতসঙ্কল্প; তাই তাঁর লাইব্রেরীতে চার লক্ষেরও অধিক পুস্তক সংগৃহীত হয়। এই বিরাট লাইব্রেরীর পুস্তকের তালিকা পঞ্চাশ ভাগে সমাপ্ত। প্রত্যেক ভাগে পঞ্চাশ তা কাগজ। তাতে করেই তদানীন্তন পেশাদার লেখিয়ার নিপুণ হস্তে নাম ও বিবরণ লেখা হয়েছে।

খলিফা শুধু পুস্তক সংগ্রহ করে নিজের লাইব্রেরীর শোভা বৃদ্ধি করেই ক্ষান্ত হন নাই, তিনি অতি যত্নের সঙ্গে প্রত্যেকখানা পুস্তক অধ্যয়ন করতেন এবং প্রত্যেক পঠিত গ্রন্থের পাশে পাশে অতি যত্নের সঙ্গে টীকা লিখে রাখতেন। এই টীকা থেকেই তাঁর অসাধারণ প্রতিভা ও জ্ঞানবন্তার পরিচয় পাওয়া যায়। পরবর্তী কালের মনীষীরা এই টীকা দেখে খলিফার সর্বশুণ-বিশারদত্বের পরিচয় পেয়ে বিস্ময়াভিভূত হয়েছেন। একরূপ সুশিক্ষিত বিদ্বাংসাহী

নরপতির সময়ে জ্ঞানের সমস্ত শাখারই সমৃদ্ধি হওয়াই স্বাভাবিক। আসলে হয়েছিলও তাই। স্পেনে তথা ইউরোপে, গ্রীক, রোম সভ্যতা অন্তর্হিত হওয়ার পর এই প্রথম বিজ্ঞান আলোচনা হয়েছিল বলা চলে। খলিফা আবদুল রহমানের সময় থেকে যে শিক্ষা ধিকি ধিকি করে জ্বলছিল, আলহাকামের সময় সেইটি আরও ব্যাপকভাবে প্রজ্জ্বলিত হয়ে চতুর্দিক দীপ্ত ও উদ্ভাসিত করে তোলে। শুদ্ধ অঙ্কশাস্ত্রের দিক দিয়ে দশম শতাব্দীতে তেমন কিছু হয় নাই; তবে একাদশ শতাব্দীতে এর পূর্ণ ক্ষতিপূরণ হয়েছে বলা চলে।

দশম শতাব্দীতে এক আলমাজরিতি ছাড়া আর কেউ মৌলিক গবেষণায় বিশেষ কোন তৎপরতা দেখাতে পারেন নাই। বিজ্ঞান চর্চার সবে যখন আরম্ভ তখনই মৌলিকতার পরিচয় পাওয়া সাধারণত সম্ভবপর নয়। সুপ্রতিষ্ঠিত না হোলে গবেষণার দিকে কেউ তেমন নজর দিতে পারে না—স্পেনের মুসলমানদের বেলায়ও এই কথাই খাটে, তবুও এই অপ্রতিষ্ঠার মধ্যে অনেকেই বিজ্ঞান চর্চায় মন দিয়েছিলেন। মৌলিকতা ও উৎকর্ষের দিক দিয়ে তাঁদের বর্তমানে পরিচিত কাজগুলি তেমন বিশিষ্টতার দাবী করতে না পারলেও, তাঁদের বুদ্ধিমত্তা ও বিজ্ঞানের প্রতি একটি বিশেষ আগ্রহ ও অমুরাগের সন্ধান এতে পাওয়া যায়।

* মুহাম্মদ কর্ডোভার সাহিবুলকুবল অঙ্কশাস্ত্রবিদদের মধ্যে অগ্রতম। তাঁর প্রকৃত নাম হোল মুসলিম ইবনে আললেয়াত আবু ওবায়দা, তবে তিনি সাধারণত, তাঁর প্রগাঢ় জ্ঞান ও বুদ্ধিমত্তার জগ্গে, সাহিবুলকুবল নামেই পরিচিত ছিলেন। জ্ঞান বিজ্ঞানের নানা শাখা প্রশাখার মধ্যে গণিতশাস্ত্রই তাঁর দৃষ্টি আকর্ষণ করে, এর সাধনাই তিনি তাঁর জীবনের ব্রত হিসাবে গ্রহণ করেন। সাধনার ফল কোন মৌলিক অবদানে পর্ষবসিত হয়েছিল কিনা তার কোন সঠিক খবর পাওয়া যায় না, তবে তিনি জ্যোতির্বিজ্ঞান ও অঙ্ক সম্বন্ধে কয়েকখানা গ্রন্থ প্রণয়ন করেন বলে জানা যায়। এতে তাঁর প্রতিভার সামান্য পরিচয় পাওয়া যায়। ৯০৭ খৃঃ অব্দে তিনি পরলোক গমন করেন।

দশম শতাব্দীর স্পেনের অগ্রতম বিখ্যাত অঙ্কশাস্ত্রবিদ হোলেন সালহাব

ইবনে আবহুস্ সালাম আল্কারাজী আবুল আব্বাস। জুখের বিষয় এর
 বিষয়ে বিশেষ কিছুই জানা জানা যায় না। ইনি
 সালহাব ইবনে আলহাকামের সিংহাসন আরোহণের অনেক পূর্বেই
 আবহুস্ সালাম ইহলোক ত্যাগ করেন। খুব সম্ভব ইনি সাহিবুল
 কুবলেরই সমনাময়িক।

স্পেনের দশম শতাব্দীর সর্বশ্রেষ্ঠ অঙ্কশাস্ত্রবিদ আল্‌মাজরিতির অকৃত্রিম হই
 মনীষী ভূপতি আলহাকামেরই রাজত্বকালে। বিদ্বাংসাহী নরপতির অমুপ্রেরণাই
 আল্‌মাজরিতিকে বিজ্ঞান চর্চায় অমুপ্রেরিত করে বলা চলে। আল্‌মাজরিতি
 অঙ্কশাস্ত্রের জ্যামিতি, জ্যোতির্বিজ্ঞান ও amicable numbers এর বিষয়ে
 আলোচনা করেন এবং তিন বিষয়েই প্রতিভার পরিচায়ক মনীষাব্যঞ্জক কয়েকখানি
 গ্রন্থ প্রণয়ন করেন।

আল্‌মাজরিতির পূর্ব নাম হোল আবুল কাসেম মাসলাম ইবনে আহমদ
 আল্‌মাজরিতি। দশম শতাব্দীতেই তাঁর প্রতিভার পূর্ণ বিকাশ হয়। তাঁর
 মৃত্যুর তারিখ হিসাবে তাঁকে দশম শতাব্দীতে না ধরে একাদশ শতাব্দীর
 বৈজ্ঞানিকদের পর্যায়ভুক্ত করাই হয়ত ঠিক হোত। তবে খলিফা আদহাকামের
 সঙ্গে তাঁর কার্যকলাপ বিজড়িত থাকায় তাঁকে দশম শতাব্দীর পর্যায়ভুক্ত করাই
 হয়ত সঙ্গত হবে; সেই হিসেবেই তাঁকে দশম শতাব্দীর পর্যায়ভুক্ত করা হোল।

আল্‌মাজরিতি, আল্‌খারেজমির প্রবর্তিত জ্যোতির্বিজ্ঞান পুনরায় বিপুলভাবে
 সংস্কৃত করেন এবং এতে পূর্বেকার পারসিক কালগণনার ধারা বদলিয়ে দিয়ে
 আরবী কালগণনার ধারা প্রবর্তন করেন। অঙ্কশাস্ত্রের উপর তাঁর কেমন দখল
 ছিল তার স্পষ্ট আভাস এ থেকেই পাওয়া যায়। এ ছাড়া তিনি আন্তারলব
 সম্বন্ধে একখানা গ্রন্থ, টলেমির প্লেনিসফেরিয়াম

আল্‌মাজরিতি

(planispherim) এর একখানি ভাণ্ড্য এবং ব্যবসায়িক

গণিত বিষয়ে (commercial arithmetic) একখানা গ্রন্থও লেখেন। গণিত
 পুস্তকখানির নাম হোল “আলমুয়ামালাত”। তাঁর আন্তারলব সম্বন্ধীয় গ্রন্থখানা
 জোহানেস কত্‌ক লাটিনে অমুদিত হয়, টলেমির ভাণ্ড্যখানি ব্রাগসের রুডোলফ
 (Rudolph of Brugs) কত্‌ক অমুদিত হয়। ২২০, ২৮৪ amicable
 numbers সম্বন্ধেও তিনি বিশেষ ভাবে আলোচনা করেন।

এখওয়াতুস সাফার কার্যকলাপ সম্বন্ধে ইতিমধ্যেই প্রাচ্যের মত পাশ্চাত্যেও একটা সাড়া পড়ে গিয়েছিল। হাকামের পুস্তক সংগ্রহের অপরিমিত আগ্রহই যে পাশ্চাত্যের এই অনুরাগের মূলে বিরাজমান ছিল সে কথা বলা হয়ত অস্বাভাবিক হবে না। খুব সম্ভব আলমাজরিতি এইগুলো পাশ্চাত্য পণ্ডিতগণের মধ্যে প্রচার করেন। কারুর কারুর মতে এর প্রচার হয়েছিল আলমাজরিতির কিছুদিন পরে, তাঁরই শিষ্য আলকারমানি কর্তৃক।

শুধু অঙ্কশাস্ত্রেই নয় অস্বাভাবিক নানা বিষয়েও আলমাজরিতির প্রচার পরিচয় পাওয়া যায়। তিনি “রুতবাতুল্ হাকিম” এবং “গায়াতুল্ হাকিম” (জ্ঞানীর উদ্দেশ্য) নামে রসায়ন বিষয়ে দুইখানা গ্রন্থ প্রণয়ন করেন। দ্বিতীয় পুস্তকখানি ত্রয়োদশ শতাব্দীর মধ্যভাগে নূপতি আলফানসোর আদেশক্রমে লাটিনে অনূদিত হয়।

বাগদাদের শৌর্য বীরের অপ্রতিহত প্রভাবের সঙ্গে সঙ্গে বিজ্ঞান আলোচনার সমুৎকর্ষ বিশেষ ভাবেই বৃদ্ধি পায়। ফলে অষ্টম শতাব্দী থেকেই পৃথিবীর বিজ্ঞান আলোচনা অনেকটা বাগদাদের বিদ্বৎ সমাজের মুখাপেক্ষী ছিল বললে অতুক্তি হয় না। এখনকার মত তখনও অস্বাভাবিক দেশের বিজ্ঞান প্রতিভা, শীর্ষদেশের উৎসাহ ও সহায়ভূতি ছাড়া ক্ষুরিত হোতে এবং প্রতিষ্ঠা লাভ করতে পারত না। বাগদাদের ছোঁয়াচ থেকে বহু দূরে অজ্ঞান অন্ধকারে নিমজ্জিত সুদূর পাশ্চাত্যে থেকেও মুসলিম স্পেনের বিজ্ঞান প্রতিভার যে মৌলিকতা দেখা যাচ্ছিল প্রথম উদ্বুদ্ধ অন্ধুরের সজীবতা ও অস্পষ্টতা নিয়ে, সে সত্যিই বিস্ময়কর। এ সম্ভবপর হয়েছিল শুধু মাত্র বৈজ্ঞানিকদের অপূর্ব বিজ্ঞান প্রতিভার জগ্গেই।

স্পেন ছাড়া তখন আফ্রিকার মিসরে ও ভারতেও মুসলিম রাজত্বের পত্তন আরম্ভ হয়েছে ধীরে ধীরে। বাগদাদের সান্নিধ্যের জগ্গ বাগদাদের জ্ঞান-উৎসাহ মিসরের মরুভূমিতেও প্রসারিত হয়ে সেখানকার জ্ঞানপিপাসা বর্ধিত করে তোলে, মরুভূর বক্ষেও জ্ঞানের জগ্গ লালায়িত আগ্রহ জেগে ওঠে। নবম শতাব্দী থেকেই এই আগ্রহ ধীরে ধীরে পল্লবিত হয়ে উঠতে থাকে। নবম শতাব্দীতে এক আহমদ ইবনে ইউসুফ ছাড়া আর উল্লেখযোগ্য কোন গণিতবিদের সন্ধান পাওয়া যায় না। দশম শতাব্দীতেও যে খুব বেশী কিছু হয়েছে তা বলা যায় না। এ সময়েও এক আবু কামিল ছাড়া আর কেউই তেমন প্রতিভার পরিচয় দিতে

পারেন নাই। রোমের পতনের পরে নবম শতাব্দীর শেষ ভাগ পর্যন্ত মিসরের অন্ধকার যুগ, ক্ষুদ্রতম ক্ষীণ রশ্মিরও আবির্ভাব কোনদিনই এখানে হয় নাই। এই অন্ধকার যুগে প্রথম আলোর উদ্বোধন হয় আহমদ ইবনে ইউসুফ এবং আবু কামিলের দ্বারা।

মিসরে তখন ফাতেমীয় বংশের রাজত্ব। বাগদাদের জ্ঞান রাজ্যে প্রতিপত্তি তাঁদের মনকেও না টলিয়ে ছাড়ে নাই। আল্কাহিরা (কারো) থেকে শত্রুকে ত্যাগিয়ে দিয়ে সেই স্থানে বিজ্ঞান পাদপীঠ স্থাপন করে বাগদাদের সঙ্গে টেকা দেওয়া এবং সঙ্গে সঙ্গে মিসরের স্বর্ণযুগের অতি বিখ্যাত আলেকজান্দ্রিয়ার খ্যাতিকে গ্লান করে নিজেদের প্রতিষ্ঠিত কায়রোর গৌরব বর্ধিত করা, অন্তর্নিহিত এই ছুইটি আশাই এখানে বিশ্ববিদ্যালয় স্থাপন করতে তাঁদের উদ্বুদ্ধ করেছিল। নবম দশম শতাব্দীতে তেমন কোন প্রত্যক্ষ ফল পাওয়া না গেলেও একাদশ শতাব্দীতে এ পৃথিবীর বিদ্বৎ সমাজের দৃষ্টি আকর্ষণ করতে সমর্থ হয় ইবনে ইউসুফ এবং আল্-হাইছামের বিজ্ঞান প্রতিভায়।

আবু কামিলের পূর্ণ নাম হোল আবু কামিল সুজা ইবনে আসলাম ইবনে মোহাম্মদ ইবনে সুজা আল্হাসিবুল মিসরী। শেষোক্ত ছুইটি হোল তাঁর জন্মস্থান বা কার্যস্থান এবং কার্যের পরিচয় জ্ঞাপক—অর্থ মিসর দেওয় গণনাকারী বা অঙ্কশাস্ত্রবিদ।

অঙ্কশাস্ত্রের প্রত্যেক শাখাতেই আবু কামিলের প্রতিভার পরিচয় পাওয়া যায়। তিনি জ্যামিতি, গণিত, বীজগণিত প্রত্যেক বিষয়েই কিছু না কিছু মৌলিক বিষয় নিয়ে আলোচনা করেছেন এবং স্বীয় প্রতিভায় সেগুলির গণ্টীকে প্রসারিত করে তুলেছেন। জ্যামিতির পঞ্চভূজ ও দশভূজের ধর্ম

সম্বন্ধীয় (properties) আলোচনার সঙ্গে আবু

আবু কামিল

কামিলের নাম বিজড়িত। জ্যামিতি এর পূর্বেই ত্রিভূজ

চতুর্ভূজের গণ্টী পেরিয়ে বহুভূজের মধ্যে উপনীত হয়েছিল, আবু কামিল এর গণ্টীকে বাড়িয়ে তোলেন আরও বিস্তারিত ভাবে নানা জটিল সমস্যা চুকিয়ে এবং সেগুলির সমাধান করে। জ্যামিতিক প্রতিপাত্ত ও উপপাত্তের মীমাংসায় সমীকরণের প্রয়োগ এর পূর্বে খুব কমই হয়েছে। ছাবেতে ইবনে কোরা এর পথ প্রদর্শক। অতীব সুকৌশলে, সূক্ষ্মধূর স্নেহস্পর্শের সঙ্গে আবু কামিল

সমীকরণ দ্বিবে জ্যামিতিক উপপাত্ত বিষয়গুলির সমাধান আরম্ভ করেন। বস্তুত বিভিন্ন ক্ষেত্রে সমীকরণ দ্বারা সমাধান আবু কামিলের সম্পূর্ণ নিজস্ব। ঐ হিসাবে তিনি সর্বশ্রেষ্ঠ অঙ্কশাস্ত্রবিদদের পর্যায়ভুক্ত। দশম শতাব্দীতে সমীকরণ নিয়ে এমন সচ্ছল সুকৌশলী আলোচনা খুব বেশী হয় নাই বলা চলে। *

শুদ্ধ অঙ্ক এবং বীজগণিতেও আবু কামিলের বিশেষ প্রতিভার পরিচয় পাওয়া যায়। অঙ্কশাস্ত্রের এই দুই শাখার অনেকগুলি গ্রন্থ প্রণয়ন করে তিনি বিশেষ যশস্বী হন। অঙ্কের সাঙ্কেতিক নিয়মগুলি যে এখনকার মত সুচাঁদু, সুশৃঙ্খল নিয়মবদ্ধ ছিল না সে কথা নিঃসন্দেহে বলা চলে। পূর্বের চেয়ে এখন অনেক পরিবর্তন ও পরিবর্ধন হয়েছে বিশেষ করে সমস্ত পৃথিবীর মনীষীদের মতের আদান প্রদানের সুবিধার ফলে। যখন সারা পৃথিবীবাসী ডাকের প্রচলন ছিল না এবং ছাপারও কোন বন্দোবস্ত হয় নাই, তখন যে এমনি পরস্পরের মতের আদান প্রদানের সুযোগ খুব কমই জুটত সে অনুমান করা কঠিন নয়। বাগদাদ, বর্ডোভার রাজপ্রাসাদে বা অগ্ন্যস্ত্র স্থানে নৃপতিদের উত্তোঙ্গে বিদ্বান-মণ্ডলীর যে সমাবেশ হোত তাতেই তাঁদের যা পরিচয় ঘটত এবং তাতেই চলত বিভিন্ন মতবাদ নিয়ে আলোচনা। এই স্বল্পসংখ্যক সমাবেশে সর্ব বিষয়ের সূক্ষ্ম আলোচনা আশা করা যায় না; যা দুই একটি অত্যাবশ্যকীয় বলে বিবেচিত হোত তারই আলোচনা চলত। অঙ্কের সাঙ্কেতিক চিহ্নগুলি নিয়ে তাই তেমন কোন আলোচনা হয়েছিল বলে মনে হয় না। সংখ্যা লিখন প্রণালী প্রথম সুচাঁদু নিয়মবদ্ধ প্রণালীতে দেখা যায় নবম শতাব্দীতে। সেই সময় থেকে শূন্য লিখা হোত শুধু একটি বিন্দুর সাহায্যে। আরবী অঙ্ক লিখন প্রণালীতে এখনও সেই বিন্দুরই প্রচলন আছে। আলমাজরিতি, আলখারেজমির জ্যোতির্বিজ্ঞান তালিকার আলোচনায় শূন্যের তিন প্রকার চিহ্নের ব্যবহার করেছেন। যা হোক এখন থেকেই ধীরে ধীরে অঙ্কের লিখন প্রণালী উত্তরোত্তর উন্নত আকার ধারণ করতে থাকে। এই ক্রমোন্নতির মধ্যে আবু কামিলের দানও খুব কম নয়। ভগ্নাংশ লিখন প্রণালীর বর্তমান আকার আবু কামিলই প্রথম উদ্ভাবন করেন।

* No writer of his time showed more genius than he in the treatment of equations and in their application to the solution of geometric problems.

অনির্দিষ্ট সংখ্যা লিখতে নূতন প্রথা অবলম্বনকারী হিসাবেও আবু কামিলের নাম পাওয়া যায়। ভারতীয় বৈজ্ঞানিকগণ অনির্দিষ্ট সংখ্যা লিখনে নানা বর্ণের আশ্রয় নিতেন, এই মিশরীয় বৈজ্ঞানিক কিন্তু তৎকালীন প্রচলিত মুদ্রা সমূহের দ্বারা এই অনির্দিষ্ট সংখ্যা নির্দেশ করতেন। তবে এতে তিনি আলখারেজমির পন্থা অনুসরণ করেন বলা চলে।

বীজগণিতের দ্বিমাত্রা সমীকরণের উভয় প্রকার সমাধানের সুস্পষ্ট ব্যবহার আবু কামিলের গণিতশাস্ত্রে সর্বাপেক্ষা জ্যেষ্ঠ দান বলা চলে। প্রত্যেক দ্বিমাত্রা সমীকরণেরই দুইটি সমাধান থাকে। বীজগণিতের প্রথম পাঠেই আজকাল এ শিক্ষা দেওয়া হয়ে থাকে কিন্তু আলখারেজমি কর্তৃক আবিষ্কৃত ও ব্যবহৃত হওয়া সত্ত্বেও দশম শতাব্দী পর্যন্ত বৈজ্ঞানিকেরা এর দিকে বিশেষ মনোযোগ দেন নাই, আবু কামিলই এর দিকে বৈজ্ঞানিকদের দৃষ্টি আকর্ষণ করেন। তিনি দুইটি সমাধানের স্পষ্ট রূপ দেন এবং সে হিসাবে আলখারেজমির বীজগণিতকে পূর্ণাঙ্গ করে তোলেন বলা চলে। এ ছাড়া তিনি মূলদ চিহ্নগুলির (Radicals) যোগ বিয়োগের নিয়ম পদ্ধতিও আবিষ্কার করেন। বর্তমান লিখন প্রণালী অনুসারে এ দাঁড়াবে :—

$$\sqrt{a \pm \sqrt{b}} = \sqrt{a + b} \pm \sqrt{2ab}$$

একাদশ শতাব্দীর বিখ্যাত গণিতবিদ আলকারযি বহুল ভাবে আবু কামিলের বীজগণিত ব্যবহার করেছেন। তিনি অনেক স্থানেই আবু কামিলের অনুসরণও করেছেন।

যতদূর জানা যায় বিখ্যাত ইহুদী বৈজ্ঞানিক সাদিয়া বেন যোসেফ এই সময়ে কায়রোর এই বিশ্ববিদ্যালয়ে শিক্ষালাভ করেন এবং পরে ব্যাবিলনে বিজ্ঞান শিক্ষাদানে প্রবৃত্ত হন।

ভারতবর্ষে তখন পর্যন্ত মুসলিম রাজ্য পূর্ণ প্রতিষ্ঠিত হয় নাই। এ সময়ে বৈজ্ঞানিক আলোচনা আশা করা হয়ত ঠিক হবে না। তবে প্রকৃতপক্ষে তখনকার ভারতবর্ষের মুসলিম রাজ্যে অল্প কোন সুকুমার বিজ্ঞান ভেদন আলোচনাই হয় নাই বলা চলে।